

中国古籍整理丛书

伤寒金匱

06

国家中医药管理局
中医药古籍保护与利用能力建设项目

伤寒撮要

明·缪存济 著
邵明义 张慧珍 范敬 校注

全国百佳图书出版单位
中国中医药出版社

中国古医籍整理丛书

伤寒撮要

明·繆存济 著

邵明义 张慧珍 范 敬 校注

中国中医药出版社

· 北 京 ·

图书在版编目 (CIP) 数据

伤寒撮要/(明)缪存济著;邵明义,张慧珍,范敬校注.
—北京:中国中医药出版社,2015.1

(中国古医籍整理丛书)

ISBN 978-7-5132-2158-0

I. ①新… II. ①缪… ②邵… ③张… ④范…
III. ①《伤寒论》—研究 IV. ①R222.29

中国版本图书馆 CIP 数据核字 (2014) 第 274205 号

中国中医药出版社出版
北京市朝阳区北三环东路 28 号易亨大厦 16 层
邮政编码 100013
传真 010 64405750
三河鑫金马印刷有限公司印刷
各地新华书店经销

*

开本 710×1000 1/16 印张 20.75 字数 126 千字
2015 年 1 月第 1 版 2015 年 1 月第 1 次印刷
书 号 ISBN 978—7—5132—2158—0

*

定价 58.00 元
网址 www.cptcm.com

如有印装质量问题请与本社出版部调换

版权专有 侵权必究

社长热线 010 64405720

购书热线 010 64065415 010 64065413

微信服务号 zgzyycbs

书店网址 csln.net/qksd/

官方微博 <http://e.weibo.com/cptcm>

淘宝天猫网址 <http://zgzyycbs.tmall.com>

国家中医药管理局
中医药古籍保护与利用能力建设项目
组织工作委员会

主任委员 王国强

副主任委员 王志勇 李大宁

执行主任委员 曹洪欣 苏钢强 王国辰 欧阳兵

执行副主任委员 李 昱 武 东 李秀明 张成博

委 员

各省市项目组分管领导和主要专家

(山东省) 武继彪 欧阳兵 张成博 贾青顺

(江苏省) 吴勉华 周仲瑛 段金廛 胡 烈

(上海市) 张怀琼 季 光 严世芸 段逸山

(福建省) 阮诗玮 陈立典 李灿东 纪立金

(浙江省) 徐伟伟 范永升 柴可群 盛增秀

(陕西省) 黄立勋 呼 燕 魏少阳 苏荣彪

(河南省) 夏祖昌 刘文第 韩新峰 许敬生

(辽宁省) 杨关林 康廷国 石 岩 李德新

(四川省) 杨殿兴 梁繁荣 余曙光 张 毅

各项目组负责人

王振国 (山东省) 王旭东 (江苏省) 张如青 (上海市)

李灿东 (福建省) 陈勇毅 (浙江省) 焦振廉 (陕西省)

蔡永敏 (河南省) 鞠宝兆 (辽宁省) 和中浚 (四川省)

项目专家组

顾问	马继兴	张灿珙	李经纬		
组长	余瀛鳌				
成员	李致忠	钱超尘	段逸山	严世芸	鲁兆麟
	郑金生	林端宜	欧阳兵	高文柱	柳长华
	王振国	王旭东	崔 蒙	严季澜	黄龙祥
	陈勇毅	张志清			

项目办公室（组织工作委员会办公室）

主任	王振国	王思成			
副主任	王振宇	刘群峰	陈榕虎	杨振宁	朱毓梅
	刘更生	华中健			
成员	陈丽娜	邱 岳	王 庆	王 鹏	王春燕
	郭瑞华	宋咏梅	周 扬	范 磊	张永泰
	罗海鹰	王 爽	王 捷	贺晓路	熊智波
秘书	张丰聪				

中医药古籍是传承中华优秀传统文化的重要载体，也是中医学传承数千年的知识宝库，凝聚着中华民族特有的精神价值、思维方法、生命理论和医疗经验，不仅对于传承中医学术具有重要的历史价值，更是现代中医药科技创新和学术进步的源头和根基。保护和利用好中医药古籍，是弘扬中国传统文化、传承中医学术的必由之路，事关中医药事业发展全局。

1949 年以来，在政府的大力支持和推动下，开展了系统的中医药古籍整理研究。1958 年，国务院科学规划委员会古籍整理出版规划小组在北京成立，负责指导全国的古籍整理出版工作。1982 年，国务院古籍整理出版规划小组召开全国古籍整理出版规划会议，制定了《古籍整理出版规划（1982—1990）》，卫生部先后下达了两批 200 余种中医古籍整理任务，掀起了中医古籍整理研究的新高潮，对中医文化与学术的弘扬、传承和发展，发挥了极其重要的作用，产生了不可估量的深远影响。

2007 年《国务院办公厅关于进一步加强古籍保护工作的意见》明确提出进一步加强古籍整理、出版和研究利用，以及

“保护为主、抢救第一、合理利用、加强管理”的方针。2009年《国务院关于扶持和促进中医药事业发展的若干意见》指出，要“开展中医药古籍普查登记，建立综合信息数据库和珍贵古籍名录，加强整理、出版、研究和利用”。《中医药创新发展规划纲要（2006—2020）》强调继承与创新并重，推动中医药传承与创新发展。

2003～2010年，国家财政多次立项支持中国中医科学院开展针对性中医药古籍抢救保护工作，在中国中医科学院图书馆设立全国唯一的行业古籍保护中心，影印抢救濒危珍本、孤本中医古籍1640余种；整理发布《中国中医古籍总目》；遴选351种孤本收入《中医古籍孤本大全》影印出版；开展了海外中医古籍目录调研和孤本回归工作，收集了11个国家和2个地区137个图书馆的240余种书目，基本摸清流失海外的中医古籍现状，确定国内失传的中医药古籍共有220种，复制出版海外所藏中医药古籍133种。2010年，国家财政部、国家中医药管理局设立“中医药古籍保护与利用能力建设项目”，资助整理400余种中医药古籍，并着眼于加强中医药古籍保护和研究机构建设，培养中医古籍整理研究的后备人才，全面提高中医药古籍保护与利用能力。

在此，国家中医药管理局成立了中医药古籍保护和利用专家组和项目办公室，专家组负责项目指导、咨询、质量把关，项目办公室负责实施过程的统筹协调。专家组成员对古籍整理研究具有丰富的经验，有的专家从事古籍整理研究长达70余年，深知中医药古籍整理研究的重要性、艰巨性与复杂性，履行职责认真务实。专家组从书目确定、版本选择、点校、注释等各方面，为项目实施提供了强有力的专业指导。老一辈专家

的学术水平和智慧，是项目成功的重要保证。项目承担单位山东中医药大学、南京中医药大学、上海中医药大学、福建中医药大学、浙江省中医药研究院、陕西省中医药研究院、河南省中医药研究院、辽宁中医药大学、成都中医药大学及所在省市中医药管理部门精心组织，充分发挥区域间互补协作的优势，并得到承担项目出版工作的中国中医药出版社大力配合，全面推进中医药古籍保护与利用网络体系的构建和人才队伍建设，使一批有志于中医学术传承与古籍整理工作的人才凝聚在一起，研究队伍日益壮大，研究水平不断提高。

本着“抢救、保护、发掘、利用”的理念，该项目重点选择近60年未曾出版的重要古医籍，综合考虑所选古籍的保护价值、学术价值和实用价值。400余种中医药古籍涵盖了医经、基础理论、诊法、伤寒金匱、温病、本草、方书、内科、外科、女科、儿科、伤科、眼科、咽喉口齿、针灸推拿、养生、医案医话医论、医史、临证综合等门类，跨越唐、宋、金元、明以迄清末。全部古籍均按照项目办公室组织完成的行业标准《中医古籍整理规范》及《中医药古籍整理细则》进行整理校注，绝大多数中医药古籍是第一次校注出版，一批孤本、稿本、抄本更是首次整理面世。对一些重要学术问题的研究成果，则集中收录于各书的“校注说明”或“校注后记”中。

“既出书又出人”是本项目追求的目标。近年来，中医药古籍整理工作形势严峻，老一辈逐渐退出，新一代普遍存在整理研究古籍的经验不足、专业思想不坚定等问题，使中医古籍整理面临人才流失严重、青黄不接的局面。通过本项目实施，搭建平台，完善机制，培养队伍，提升能力，经过近5年的建设，锻炼了一批优秀人才，老中青三代齐聚一堂，有效地稳定

了研究队伍，为中医药古籍整理工作的开展和中医文化与学术的传承提供必备的知识和人才储备。

本项目的实施与《中国古医籍整理丛书》的出版，对于加强中医药古籍文献研究队伍建设、建立古籍研究平台，提高古籍整理水平均具有积极的推动作用，对弘扬我国优秀传统文化，推进中医药继承创新，进一步发挥中医药服务民众的养生保健与防病治病作用将产生深远影响。

第九届、第十届全国人大常委会副委员长许嘉璐先生，国家卫生计生委副主任、国家中医药管理局局长、中华中医药学会会长王国强先生，我国著名医史文献专家、中国中医科学院马继兴先生在百忙之中为丛书作序，我们深表敬意和感谢。

由于参与校注整理工作的人员较多，水平不一，诸多方面尚未臻完善，希望专家、读者不吝赐教。

国家中医药管理局中医药古籍保护与利用能力建设项目办公室

二〇一四年十二月

许序

“中医”之名立，迄今不逾百年，所以冠以“中”字者，以别于“洋”与“西”也。慎思之，明辨之，斯名之出，无奈耳，或亦时人不甘泯没而特标其犹在之举也。

前此，祖传医术（今世方称为“学”）绵延数千载，救民无数；华夏屡遭时疫，皆仰之以度困厄。中华民族之未如印第安遭染殖民者所携疾病而族灭者，中医之功也。

医兴则国兴，国强则医强。百年运衰，岂但国土肢解，五千年文明亦不得全，非遭泯灭，即蒙冤扭曲。西方医学以其捷便速效，始则为传教之利器，继则以“科学”之冕畅行于中华。中医虽为内外所夹击，斥之为蒙昧，为伪医，然四亿同胞衣食不保，得获西医之益者甚寡，中医犹为人民之所赖。虽然，中国医学日益陵替，乃不可免，势使之然也。呜呼！覆巢之下安有完卵？

嗣后，国家新生，中医旋即得以重振，与西医并举，探寻结合之路。今也，中华诸多文化，自民俗、礼仪、工艺、戏曲、历史、文学，以至伦理、信仰，皆渐复起，中国医学之兴乃属必然。

迄今中医犹为国家医疗系统之辅，城市尤甚。何哉？盖一
则西医赖声、光、电技术而于 20 世纪发展极速，中医则难见其
进。二则国人惊羨西医之“立竿见影”，遂以为其事事胜于中
医。然西医已自觉将入绝境：其若干医法正负效应相若，甚或
负远逾于正；研究医理者，渐知人乃一整体，心、身非如中世
纪所认定为二对立物，且人体亦非宇宙之中心，仅为其一小单
位，与宇宙万象万物息息相关。认识至此，其已向中国医学之
理念“靠拢”矣，虽彼未必知中国医学何如也。唯其不知中国
医理何如，纯由其实践而有所悟，益以证中国之认识人体不为
伪，亦不为玄虚。然国人知此趋向者，几人？

国医欲再现宋明清高峰，成国中主流医学，则一须继承，
一须创新。继承则必深研原典，激清汰浊，复吸纳西医及我藏、
蒙、维、回、苗、彝诸民族医术之精华；创新之道，在于今之
科技，既用其器，亦参照其道，反思己之医理，审问之，笃行
之，深化之，普及之，于普及中认知人体及环境古今之异，以
建成当代国医理论。欲达于斯境，或需百年欤？予恐西医既已
醒悟，若加力吸收中医精粹，促中医西医深度结合，形成 21 世
纪之新医学，届时“制高点”将在何方？国人于此转折之机，
能不忧虑而奋力乎？

予所谓深研之原典，非指一二习见之书、千古权威之作；
就医界整体言之，所传所承自应为医籍之全部。盖后世名医所
著，乃其秉诸前人所述，总结终生行医用药经验所得，自当已
成今世、后世之要籍。

盛世修典，信然。盖典籍得修，方可言传言承。虽前此 50
余载已启医籍整理、出版之役，惜旋即中辍。阅 20 载再兴整
理、出版之潮，世所罕见之要籍千余部陆续问世，洋洋大观。

今复有“中医药古籍保护与利用能力建设”之工程，集九省市专家，历经五载，董理出版自唐迄清医籍，都400余种，凡中医之基础医理、伤寒、温病及各科诊治、医案医话、推拿本草，俱涵盖之。

噫！璐既知此，能不胜其悦乎？汇集刻印医籍，自古有之，然孰与今世之盛且精也！自今而后，中国医家及患者，得览斯典，当于前人益敬而畏之矣。中华民族之屡经灾难而益蕃，乃至未来之永续，端赖之也，自今以往岂可不后出转精乎？典籍既蜂出矣，余则有望于来者。

谨序。

第九届、十届全国人大常委会副委员长

许嘉璐

二〇一四年冬

王序

中医学是中华民族在长期生产生活实践中，在与疾病作斗争中逐步形成并不断丰富发展的医学科学，是中国古代科学的瑰宝，为中华民族的繁衍昌盛作出了巨大贡献，对世界文明进步产生了积极影响。时至今日，中医学作为我国医学的特色和重要医药卫生资源，与西医学相互补充、相互促进、协调发展，共同担负着维护和促进人民健康的任务，已成为我国医药卫生事业的重要特征和显著优势。

中医药古籍在存世的中华古籍中占有相当重要的比重，不仅是中医学学术传承数千年最为重要的知识载体，也是中医为中华民族繁衍昌盛发挥重要作用的历史见证。中医药典籍不仅承载着中医的学术经验，而且蕴含着中华民族优秀的思想文化，凝聚着中华民族的聪明智慧，是祖先留给我们的宝贵物质财富和精神财富。加强对中医药古籍的保护与利用，既是中医学发展的需要，也是传承中华文化的迫切要求，更是历史赋予我们的责任。

2010年，国家中医药管理局启动了中医药古籍保护与利用

能力建设项目。这既是传承中医药的重要工程，也是弘扬优秀传统文化的重要举措，不仅能够全面推进中医药的有效继承和创新发展，为维护人民健康做出贡献，也能够彰显中华民族的璀璨文化，为实现中华民族伟大复兴的中国梦做出贡献。

相信这项工作一定能造福当今，嘉惠后世，福泽绵长。

国家卫生与计划生育委员会副主任

国家中医药管理局局长

中华中医药学会会长

王树强

二〇一四年十二月

马序

新中国成立以来，党和国家高度重视中医药事业发展，重视古籍的保护、整理和研究工作。自1958年始，国务院先后成立了三届古籍整理出版规划小组，分别由齐燕铭、李一氓、匡亚明担任组长，主持制订了《整理和出版古籍十年规划（1962—1972）》《古籍整理出版规划（1982—1990）》《中国古籍整理出版十年规划和“八五”计划（1991—2000）》等，而第三次规划中医药古籍整理即纳入其中。1982年9月，卫生部下发《1982—1990年中医古籍整理出版规划》，1983年1月，保证了中医古籍整理出版办公室正式成立，中医古籍整理出版规划的实施。2002年2月，《国家古籍整理出版“十五”（2001—2005）重点规划》经新闻出版署和全国古籍整理出版规划领导小组批准，颁布实施。其后，又陆续制定了国家古籍整理出版“十一五”和“十二五”重点规划。国家财政多次立项支持中国中医科学院开展针对性中医药古籍抢救保护工作，文化部在中国中医科学院图书馆专门设立全国唯一的行业古籍保护中心，国家先后投入中医药古籍保护专项经费超过3000万

元，影印抢救濒危珍、善、孤本中医古籍 1640 余种，开展了海外中医古籍目录调研和孤本回归工作。2010 年，国家财政部、国家中医药管理局安排国家公共卫生专项资金，设立了“中医药古籍保护与利用能力建设项目”，这是继 1982 ~ 1986 年第一批、第二批重要中医药古籍整理之后的又一次大规模古籍整理工程，重点整理新中国成立后未曾出版的重要古籍，目标是形成并普及规范的通行本、传世本。

为保证项目的顺利实施，项目组特别成立了专家组，承担咨询和技术指导，以及古籍出版之前的审定工作。专家组中的许多成员虽逾古稀之年，但老骥伏枥，孜孜不倦，不仅对项目进行宏观指导和质量把关，更重要的是通过古籍整理，以老带新，言传身教，培养一批中医药古籍整理研究的后备人才，促进了中医药古籍保护和研究机构建设，全面提升了我国中医药古籍保护与利用能力。

作为项目组顾问之一，我深感中医药古籍保护、抢救与整理工作的重要性和紧迫性，也深知传承中医药古籍整理经验任重而道远。令人欣慰的是，在项目实施过程中，我看到了老中青三代的紧密衔接，看到了大家的坚持和努力，看到了年轻一代的成长。相信中医药古籍整理工作的将来会越来越好，中医药学的发展会越来越好。

欣喜之余，以是为序。

中国中医科学院研究员

马继兴

二〇一四年十二月

校注说明

《伤寒撮要》系明代苏郡长洲医家缪存济所著，由新安歙邑清泉汪滋刻版印行。缪存济，字慕松，苏郡长洲（今属苏州）人，约生活于明嘉靖、万历年间。缪氏幼年习儒，因其少时多疾，而医家终无良策，遂弃儒从医，遍览专科诸书之精华，尤善伤寒，以陶节庵的《伤寒全生集》和《伤寒六书》为参考，删其繁文，补其缺略，理正逆从，著成《伤寒撮要》六卷。缪氏对内科、女科、五官、金疮病等均有造诣，另著有《识病捷法》十卷。

《伤寒撮要》成书后，刊行较少。据《中国中医古籍总目》记载，本书共有3个版本，分别是明隆庆一年丁卯（1576）新安汪滋刻本（简称“明隆庆本”）、抄本和据日本江户写本复制本。但据实地调研考察，抄本、据日本江户写本复制本已亡佚，目前仅见明隆庆本。明隆庆本为该书最早版本，内容完整，字迹基本清晰，故本次整理以此为底本。他校本则采用《伤寒全生集》之明崇祯十三年（1640）庚辰娄东蔡懋德刻本、《伤寒六书》之明步月楼刻本、《伤寒论》之明万历二十七年赵开美校刻仲景全书本。

现将本次校注的有关问题说明如下：

1. 原书中《新刊伤寒撮要》与《伤寒撮要》混用，径改为《伤寒撮要》，不出校记。
2. 以现代标点对原书进行点校。

3. 繁体字、异体字、俗体字径改为简体字，不出校记。

4. 底本中字形属一般笔画之误或因写刻致误的明显错别字，如：“薄苛”之“苛”径改为“荷”，“沾语”“占语”之“沾”“占”径改为“谮”，“夫皮”之“夫”径改为“麸”，“灸”和穴位连用时径改为“灸”，不出注。

5. 原书通假字、古今字予以保留，分别以“通”和“同”出注说明。

6. 对原书中非规范的中药名径改为规范中药名，不出注。

7. 原竖排改横排，原书中表示前后文的方位词“右”“左”，径改为“上”“下”，不出注。

8. 对原书中的字、词、句等错讹之处，根据有关依据予以纠正，出是非校记。

9. 对原书中的冷僻、费解及具有特定含义的字词、术语等进行解释，包括注字音，解词义，详出处及明句义等。

10. 底本、校本皆模糊难以辨认者，以虚阙号“□”按字数补入，不出校记。

11. 原书目录在各卷之首，本次整理将目录一并置于全书正文之前，目录中的书名一律删除。目录中结尾语如“目录卷一之终”等语一并删除。

12. 原书卷六内容均为方药，底本中体例前后不一。底本卷六“十味温胆汤”之后的内容，药名为大字，其余内容均以小字注解，为方便读者阅读理解，此部分内容参照卷六前半部分体例律齐，药名、组方、煎煮法为大字，剂量、炮制内容用另体小字表示。

13. 原书目录标题与正文标题有部分不一致者，今结合正文内容重新整理，不出校记。

14. 每卷卷首“苏部长洲慕松缪存济编著”“新安歙邑清泉汪滋刻版梓行”等字一律删除。

序一

伤寒曷为而难治也哉？其可畏甚于杂症。且真正伤寒几者？有寒疫、瘟疫之类焉。大抵在表者宜汗，在里者宜下，在上盛者宜吐，半表里者宜和，挟饮食者宜消，似乎候脉而投剂颇易者。孰知阴阳兼感，是似相参，疾有微甚，治有逆从^①。苟不察时令之正反，人禀之虚实，而任意妄施，则寒变热变，祸不可测。然则，可畏不有尤甚于杂症者耶，此治之所以难也。慕松缪先生，妙龄攻举子业，游学姚江^②，既而多疾，即就叔肆轩岐之术，遍阅古今诸科方略，顿悟奥旨，审知伤寒为百病之最。自仲景而下，著述代不乏人，于是采前人已试之成法，而谓之旧论，体前人未发之蕴，参以己意，而谓之新论。新旧不同，同于立论，立论不同，同于阐理，遂摠^③而名之曰《伤寒撮要》，即传撮其枢要之谓也。余观其书简约而不涉于繁琐，其辞浅易而不入于艰深，其纲与目深悉而不至于遗缺，诚医学之捷径，用药之法案，殆集群医之大成，超乎《歌括指掌图》^④之上，而余皆风之下矣。明此而何伤寒之难治也哉。宗此而又何偏门

① 逆从：正、反两大治疗法则的别称。用药逆证候而治者为逆，从证候而治者为从。

② 姚江：古地名。在今浙江余姚县，因有姚江得名。

③ 摠（zǒng 总）：同“总”。

④ 歌括指掌图：即《伤寒活人指掌图》。书名。五卷，一作三卷。元代医家吴恕撰。

之为害也哉。

慕松先生者，苏郡长洲缪侍御^①公让之冢孙^②，存济其名云。

隆庆^③丁卯^④季春之吉^⑤赐进士及第翰林院国史修撰
承务郎^⑥大典分校官瑶泉徐时行^⑦撰

① 侍御：即侍御史，为御史的一种，简称侍御，中国古代官制。

② 冢（zhǒng 种）孙：长孙。冢，长，大。

③ 隆庆：明穆宗朱载垕年号。公元 1567～1572 年。

④ 丁卯：干支纪年。指公元 1567 年。

⑤ 吉：每月初一。

⑥ 承务郎：文散官名，明代为从六品初授。

⑦ 徐时行：即申时行。明代政治家、诗文家，字汝默，号瑶泉。申时行祖父从小过继于徐姓舅家，故时行幼时姓徐，中状元后归宗姓申。

序二

《伤寒撮要》一书，吾苏缪慕松先生所纂辑也。先生少有志于用世^①，既乃以多病就叔氏学医，遂通其术，尤精于伤寒，是编盖综贯百家以成，而超悟独得者居多。余尝反复覆阅之，议论种种，纲举目列，确有真见。大要以人之病伤寒者，于生死为最切，而庸医识认之误，厥害匪细。是故旧论采之古书，新论附以己意，表里虚实详其分，阴阳寒热辨其应，标本先后定其次。而正病、变病、相类之病，参稽互考，千条万绪，印证了然。且虑人之或忽焉，而以死录于前，惕若恐坠，凜若恐陷，盖欲其知死，而不至于死也。噫！医者执是编以往，其无所失矣乎。余非敢曰知医也，少尝一罹斯疾，而跼^②于危者什九^③，今手其书，窃有谈虎之感，而惜乎获睹之晚也，故特赘一言，如此云。

隆庆丁卯仲春之吉赐进士第文林郎^④河南道^⑤监察御史巨川徐仲楫谨识

① 用世：见用于世，为世所用。

② 跼（diàn 电）：临近。

③ 什九：十分之九。什，同“十”。

④ 文林郎：文散官员，明代为正七品升授。

⑤ 河南道：古地方行政区名。相当于今山东省、河南省全境以及江苏省北部和安徽省北部。

目 录

卷之一

伤寒撮要总新论第一	一
医人错认病二十七证致死		
第二 恐人忽伤寒为轻，		
故将其死录于前	二
医人误用药伤人死四十九		
证第三 恐人忽伤寒为轻，		
故将其死录于前	三
病人变证应死一百二十三		
证第四 恐人忽伤寒为轻，		
故将其死录于前	六
《卫生宝鉴》福医治病旧		
论第五 恐后人延医苟且		
延医，将其论录于前	一二
伤寒纲领新论第六	附识	
病捷法四十五条	一三
伤寒望色新论第七	附识	
病捷法一百四十条	附五行	
生克	一八
伤寒闻声新论第八	附识	
病捷法四十四条	二五
伤寒问因新论第九	附识	
病捷法一百五十四条	二八

伤寒切脉新旧论第十 附

识病捷法五十四条	三五
辨内外伤旧论第十一	...	四〇

卷之二

伤寒拟病格式新论末附

药案第十二	四二
伤寒治法新旧论第十三		
.....		四五
伤寒阴阳旧论第十四	...	四六
伤寒寒热新论第十五	...	四六
伤寒表里虚实旧论第十六		
.....		四七
伤寒标本旧论第十七	...	四七
伤寒总难提纲旧论第十八		
.....		四八
伤寒足太阳膀胱病脉药经		
络第十九	四九
伤寒足少阳胆病脉药经络		
第二十	五一
伤寒足阳明胃病脉药经络		
第二十一	五二
伤寒足太阴脾病脉药经络		
第二十二	五三

伤寒足少阴肾病脉药经络			
第二十三	五四	伤寒发汗不出熏法第三	
伤寒足厥阴肝病脉药经络		十七	六八
第二十四	五六	伤寒汗出不住止法第三	
伤寒传足经不传手经旧论		十八	六八
第二十五	五七	伤寒可吐十三项第三十九	
伤寒三阴无传经旧论第二			六八
十六	五九	伤寒不可吐八项第四十	
伤寒手太阴肺经络第二十			六九
七	五九	伤寒吐不出探法第四十一	
伤寒手阳明大肠经络第二			六九
十八	六〇	伤寒吐不住止法第四十二	
伤寒手少阴心经络第二十			六九
九	六一	伤寒急下六项第四十三	
伤寒手太阳小肠经络第三			六九
十	六二	伤寒可下二十三项第四十	
伤寒手厥阴命门经络第三		四	七〇
十一	六三	伤寒不可下二十三项第四	
伤寒手少阳三焦经络第三		十五	七一
十二	六三	伤寒脉浮可下第四十六	
司天时令新论第三十三			七一
	六四	伤寒下不行通法第四十七	
伤寒可发汗八项第三十四			七一
	六七	伤寒下不住止法第四十八	
伤寒不可发汗二十一项第			七一
三十五	六七	伤寒急温一项第四十九	
伤寒脉沉可发汗第三十六			七二
	六八	伤寒可温十六项第五十	
			七二

卷之三

伤寒不可温十项第五十一	
.....	七二
伤寒小便不通燂法第五十	
二	七三
伤寒胸膈不宽熨法第五十	
三	七三
伤寒发狂止法第五十四	
.....	七三
伤寒发斑疹看法第五十五	
.....	七四
伤寒擦刮舌胎刺法第五十	
六	七四
妊娠伤寒护胎法第五十七	
.....	七四
到伤寒人家不染病法第五	
十八	七四
伤寒服药即吐止法第五十	
九	七五
伤寒发黄擦法第六十	
.....	七五
伤寒诸禁忌法第六十一	
.....	七五
用药寒温相得旧论第六十	
二	七五
伤寒六经变证正治之法第	
六十三	七七
妊娠伤寒禁忌药第六十四	
.....	七九

正伤寒三十六名	八二
正伤寒	八二
中寒	八二
冬瘟	八三
两感伤寒	八三
伤寒合病	八三
伤寒并病	八四
阴毒伤寒	八四
阴症伤寒	八五
夹阴中寒	八五
夹阴伤寒	八六
伤风	八六
寒疫	八六
霍乱	八七
夹食伤寒	八八
夹痰伤寒	八八
夹气伤寒	八八
劳力伤寒	八九
血郁伤寒	八九
伤寒见伤风脉	八九
伤风见伤寒脉	八九
膀胱病得肾脉	八九
肾病得膀胱脉	八九
期年伤寒	九〇
秋伤寒	九〇
大头伤寒	九〇

内伤寒	九二
时疫	九二
瘟病	九二
瘟疟	九三
热病	九四
中暑	九五
中喝	九六
瘟疫	九六
刚瘥	九六
柔瘥	九七
风瘟	九八
相类伤寒九名	九八
风湿类伤寒	九八
伤湿类伤寒	九九
中湿类伤寒	九九
湿温类伤寒	一〇〇
痰证类伤寒	一〇〇
食积类伤寒	一〇四
虚烦类伤寒	一〇五
脚气类伤寒	一〇五
内伤瘀血证发热状类	
伤寒	一〇六
伤寒变病一百十名	一〇六
发热	一〇六
恶寒	一一〇
恶风	一一二
头痛	一一四
身体痛	一一五

项背强	一一七
无汗	一一七
自汗	一一八
头汗	一二〇
手足心腋汗	一二一
盗汗	一二二
战汗	一二二
汗后不解	一二二
过经不解	一二三
表里俱病	一二四
无表里证	一二四
表里寒热	一二四
寒热厥	一二四
寒热往来	一二五
本热	一二六
烦热	一二七
头眩	一二九
头摇	一三〇
身振	一三〇

卷之四

潮热	一三一
烦躁	一三六
咳嗽	一三八
火邪火劫	一三九
水气	一三九
口干	一四〇
口渴	一四〇

漱水不欲咽	一四三
多眠	一四四
不得眠	一四五
昼夜偏剧	一四七
舌胎	一四八
验证辩视舌色法开后	一四九
四肢拘急	一五三
心下痞	一五三
心下悸	一五六
心下满	一五七
胸胁满	一五九
懊恼	一六〇
结胸	一六一
腹满	一六四
小腹满	一六六
腹痛	一六六
咽痛	一六八
小便自利	一六九
小便数	一七〇
小便难少	一七〇
小便不利	一七一
遗尿	一七三
大便自利	一七四
大便不利	一七七
惊惕	一七八
动气	一七九
短气	一八〇

哕 附噫气	一八一
战栗	一八二

卷之五

呃逆	一八四
干呕	一八五
呕吐	一八六
吐血	一八八
衄血	一八九
畜血	一九一
便脓血	一九二
谵语	一九四
郑声	一九七
瘖哑不言	一九七
喘	一九八
发斑	一九九
发黄	二〇二
发狂	二〇四
阳证似阴	二〇七
阴证似阳	二〇八
胸中逆冷	二一二
除中	二一二
冷结	二一二
脏结	二一三
蛔厥	二一三
狐惑	二一四
四逆	二一四
厥逆	二一五

气逆	二一六
佛郁	二一七
郁冒 不仁	二一八
奔豚	二一八
肉瞤筋惕	二一九
肉苛	二二〇
百合	二二〇
瘈瘲	二二一
目直视	二二二
循衣摸床	二二二
舌卷囊缩	二二三
手足挛抽	二二四
瘥后发肿	二二四
瘥后喜唾	二二四
瘥后遗毒	二二四
瘥后发碗头疮	二二五
瘥后劳复	二二五
瘥后食复	二二六
瘥后女劳复	二二六
瘥后阴阳易	二二七
瘥后虚弱	二二八
瘥后昏沉	二二八
瘥后饮酒复剧	二二九

妇人伤寒	二二九
妇人热入血室	二二九
妊人伤寒	二三〇
产后伤寒	二三一

卷之六

秘用三十六方就用槌法	
在内	二三三
三字汤名一百一十七道	
	二四三
四字汤名三十道	二五九
五字汤名一百九十四道	
	二六四
六字汤名一十八道	二八三
七字汤名三十一道	二八五
八字汤名四道	二八八
九字汤名一十四道	二八九
十字汤名二道	二九〇
十一字汤名二道	二九一
十五字汤名一道	二九一
校注后记	二九三

卷之一

伤寒撮要新总论第一

愚谓天之所生，惟人为贵，人之所病，惟伤寒为重。伤寒之书虽博，而撮要罕稽。然且今非昔比，患伤寒者十有六七焉，何为其多也？《内经》曰：上古天地之气厚，人禀天地之气亦厚也。矧^①恬澹之世，人又不以酒为浆，不以妄为常，不以欲竭其精，不以耗散其真，知阴阳，和术数^②，起居有时，饮食有节，不妄作劳，人皆岁^③百而天年矣，二气既厚，诸邪无隙而入，或邪外干，砭石即愈，虽病亦轻也。当今天地之气薄，人禀天地之气亦薄也，其所为与古人悉反，故言今人岁不满百也。二气既虚，诸邪得以易侵，其为伤寒者岂不多耶？人一患之，数日左右，即犯二百零一死，其正病、变病而有一千五百五十一证，岂不重耶？医者本不得其要，而遽^④欲治人之重疾，或得其要，又不能熟读玩味，辟之涉大海而迷其津源，何攸能济乎予也？溯诸往古，有二百三十七先师，其论乎伤寒者专于仲景辈，非不精且详矣。而至于要指之归，曰纲领、曰望、曰闻、曰问、曰切者，未尝掇拾而总挈之。是以世之医士，但知务其名，而不知考索于书，或有自称知书者，则又支离汗漫^⑤，而

① 矧（shěn 审）：况且。

② 术数：道家修身养性的一种方法。一般指导引、按跷、吐纳等调摄精神、锻炼身体的措施。

③ 岁：原作“几”，据《素问·上古天真论》改。

④ 遽（jù 具）：遂，就。

⑤ 汗漫：散漫而无标准，无法查考。

不得其要。其始也不求诸纲领，其继也不求诸望，其次也不求诸闻，又其次也不求诸问，一切脉而曰予已知之矣，是以所药非所病，而殒其身者盖什九焉。嗟乎！药以疗病而反伤生，兹非医者不知书之罪，与其未得其要，而不熟读之故欤。余不忍苍生殁于非命，又不欲医者蔽于聋聩，遂将专科诸书，陶翁^①要语参考，删其繁文，补其缺略，理正逆从，取纲领望闻问切六字，下纂注识病捷法，加不传之秘，共成六卷，名曰《伤寒撮要》，使士庶得此不致中医之妄治，医家得此如瞽者^②之复明，孝亲惜身济人者，宜佩服而日阅之益深也，是为论。

医人错认病致死二十七症第二恐后人忽伤寒为轻，故将其死录于前

有女劳复^③认作阴阳易^④者。

有类证数多认作伤寒者。

有湿热病认作正伤寒者。

有劳力感寒认作伤寒者。

有里恶寒认作表恶寒者。

有太阳无脉认作死证者。

有表发热认作里发热者。

有湿瘟病认作风瘟证者。

① 陶翁：指陶华。明代医家，字尚文，号节庵，撰《伤寒全生集》等书。

② 瞽（gǔ 鼓）者：失明的人。

③ 女劳复：病证名。指大病初愈，房劳过早，以致阴精耗损而出现头重不举、腰背强痛、心烦胸闷等症状。

④ 阴阳易：病证名。指伤寒或温疫等病后余热未尽，由房事传之对方者。

有少阴血病认作鼻衄者。

有内伤病认作外伤寒者。

有中湿认作风湿者。

有如狂认作发狂者。

有下利认作漏底^①者。

有独语认作郑声者。

有暑证认作伤寒者。

有蚊迹认作发斑^②者。

有谵语认作狂言者。

有短气认作发喘者。

有痞满认作结胸者。

有哕症认作干呕者。

有血证发黄认作湿热发黄者。

有少阴发热认作太阳发热者。

有直中阴经真寒症认作传经热症者。

有夹阴伤寒夹阴中寒认作正伤寒者。

有正阳明腑病认作阳明经病者。

有感冒非时暴寒认作正伤寒者。

有并病认作合病者。

医人误用药伤人死四十九症第三恐后人忽伤寒为轻故
将其死录于前

应用麻黄汤发表，误用承气汤攻里者死。

① 漏底：病证名。指因肾气素亏，或夹冷食，而见外热里寒之证。

② 斑：通“斑”。斑点。《离骚》：“纷总总其离合兮，班陆离其上下。”

应用承气汤攻里，误用麻黄汤发表者死。

应用小柴胡汤和解，误用承气汤致身发黄者死。

应用姜附理中汤温经，误用寒凉药者死。

应用寒凉，误用姜附理中发燥者死。

中暑作热病，用燥剂者死。

湿温作风湿，用药加发汗者死。

寒中厥阴，不急用大剂姜附，误用寒药者死。

内伤外感俱有寒热，不识脉与症，止作伤寒治，单用麻黄，令人汗多亡阳者死。

内伤外感俱有寒热，不识脉与症，止作伤寒治，单用承气，令人下多亡阴者死。

内伤外感俱有寒热，不识脉与症，止作伤寒治，单用姜附，令人失血发狂者死。

有内伤作外感用药者死。

有外感作内伤用药者死。

人素本肾虚受寒，冷极于内，逼浮阳之火泛上，面赤烦躁，身有微热，渴欲饮水不能，大便闭或自利，小水淡黄，或呕逆，或气短，或郑声，或咽痛，状似阳证，医见面赤烦渴便闭认作阳症，误投寒凉，犯者立死。

伤寒初起，恶寒厥冷，蜷卧不渴，小腹绞痛，面唇赤色，六脉沉细，重则昏沉不省，舌卷囊缩，手足甲青，四肢冷过肘膝，心下胀满，汤药即吐，或利，脉伏，不急用蒸脐法，灸关元、气海穴，用人参四逆汤，误用凉药者死。

至于身热面赤，足冷脉沉，不急用麻黄附子细辛汤、人参、干姜，误用凉药者死。

与其身热面赤，足冷脉沉，加烦躁欲坐泥水中，不急用四

逆汤合生脉散入神砂、细茶、白蜜，误用凉药者死。

身热面赤，足冷脉沉，下利清谷，身痛，不急用四逆汤、人参、茯苓、白术、肉桂、肉果、砂仁、木通、灯心、升麻，误用凉药者死。

身热面赤，足冷烦躁，揭去衣被，脉来数大无力，不急用加减五积散冷服，误用凉药者死。已上五死皆阴症。

一应阴寒之症，虽有身热，误用寒凉药，加渴甚，立死。

两感伤寒表里并攻者死。

伤寒热厥，又谓之阳厥，即阳症似阴，因三阳经受邪，起于头疼发热恶寒，已后传进三阴经，变出四体厥冷，乍温，大便燥实，谵语发渴，扬手掷足，不恶寒，反恶热，脉沉有力，不急用承气，误用热药者死。

伤寒寒厥，又谓之阴厥，因三阴经受邪，起于身不热，头不疼，便怕寒，四肢厥冷直过肘膝上，引衣蜷卧，不渴，或兼腹痛，吐泻，战栗，面如刀刮，口出涎沫，脉沉迟无力，不急用理中或四逆，误用寒药者死。

热病日不明，热不止，不急用承气汤者死。

诸虚发热，误认外感，用汗吐药者死。

伤寒渴欲饮水，便知热邪传里。因内水消竭，虽得外水自救，大渴欲饮一升，止与一碗。若多使水停心下为水结胸等证，若非其治，为津液枯竭无由作汗，必加喘渴躁乱而死。

伤寒吐蛔，虽有大热，忌服凉药，误用者必死。

伤寒过经，正气多虚，若用麻黄、承气太峻者死。

伤寒有汗用麻黄者死，伤寒无汗用桂枝者死，伤寒有汗再发汗者死，伤寒汗多用利小便药者死。

大头伤寒，攻峻速者死。

阳明病潮热汗多，小便固少，若利之加喘渴者死。

结胸烦躁，脉浮大，若下之者死。

湿病若发其汗，使人耳聋不知痛处者死。

阳明呕多，心下硬满，若误下，利不止者死。

少阳胆，止有小柴胡一汤随证加减，误用别汤汗下者死。其经有三禁汗吐下也。

素有温病，若误下之，令人汗出额上，兼发喘、小便难、大便利者死。

误发少阴汗，必动其经，其血必从口鼻耳目齐^①出，为上厥下竭者死。

病人烦躁自觉甚热，他人以手按其肌肤殊无大热，此为无根失守之火，用凉药者死。

结胸脉浮大，若下之者死。

阳明腹痛，心下硬满不可下，若下之，利不止者死。

病人变症应死一百二十三症第四恐后人忽伤寒为轻，故将其死录于前

正气不复，邪无所解，阳胜阴极则舌卷耳聋囊缩，不知人事者死。

正气虚极，阴气独盛，四肢厥冷，舌卷囊缩者死。

伤寒面色青如草兹^②者死。

面色青白枯燥者死。

① 齐：原作“脐”，据《伤寒全生集·辨伤寒衄血例》改。

② 草兹：原作“滋草”，据《素问·五脏生成》改。死草也，其色青而枯暗。

面色赤如𧈧^①血者死。

面色黄如枳实者死。

面色白如枯骨者死。

面色黑如炭煤者死。

黑气枯夭者死。

黑气在鱼尾，相牵入太阳者死。

黑气自法令^②人中入口者死。

黑气自入耳目口鼻舌者死。

病人身汗如油者死。

伤寒喘而不休者死。

形体不仁者死。

乍静乍乱，脉浮洪，此为命绝，死。

头重视身，此天柱骨倒^③，元气已败，死。

皮肤枯燥者死。

体如枯骨者死。

脉脱者死。

汗下后，脉当安静，今反躁疾乱者死。

服温剂后，脉当渐出，今反歇止者死。

伤寒过经，真脏脉见者死。

伤寒腹痛脉必伏，或吐泻脱元气无脉，服药后脉不至者死。

大便浊气极臭者死。

大肉脱败者死。

① 𧈧 (pēi 胚)：原作“𧈧”，据《素问·五脏生成》改。指凝固呈赤黑色的败血。

② 法令：指法令纹，从鼻翼的两边延伸向嘴角的两条对称的纹路。

③ 天柱骨倒：病证名。指颈项软弱无力，头向下垂不能抬起。

形瘦脉大，胸中气多者死。

形盛脉细，短气不足以息者死。

鼻头青色，腹中痛苦，冷者死。

鼻孔癰^①胀，属肺热有风，是肺绝，死。

唇青舌卷者死。

唇吻反青者死。

环口黧黑者死。

口张直气者死。

口如鱼口者死。

唇口颤摇不止者死。

气出不反^②者死。

耳黑枯燥者死。

精昏不识人者死。

目反上视者死。

眼小瞪目直视者死。

目斜视者死。

目精正员^③者死。

戴眼反折^④者死。

眼胞陷下者死。

舌短缩语言不清者死。

神昏气乱，脉脱者死。

① 癰：同“痞”，痞块。

② 反：同“返”。

③ 员：同“圆”。

④ 戴眼反折：多属于精脱神衰，常见于惊风痉厥等证。戴眼，指病人眼睛上视，不能转动。而反折就是角弓反张，脊椎强直。

阴阳易，舌出数寸者死。

舌上黑胎^①刮不去，易生刺裂者死。

温病大热滚滚，脉小足冷者死。

热病凡一二日泻利腹满，热甚者死。

三四日目昏谵语，热甚脉小者死。

五六日舌焦黑，燥渴者死。

七八日衄血、吐血、下血，燥热脉大者死。

八九日发瘥^②，兼昏沉者死。

伤寒已得汗，热反甚，脉燥急者死。

痰甚在上，用吐法，痰不出者死。

下利厥冷，里寒外热，阴阳脉俱虚，热不止者死。

汗后复大热，脉躁疾者死。

下利，大热不止者死。

胁下有痞气，连在脐傍，痛引小腹阴筋，此冷脏结^③者死。

卵缩入腹，脉见离经者死。

瘥后小便涩有血，名曰内外疮，皆黑靨^④，不出脓者死。

结胸^⑤烦躁悉具者死。

阳明胃痛，心下硬满，下之利不止者死。

下血，脉洪大急硬，不和者死。

① 胎：同“苔”。

② 瘥：中医病名，瘥病。因筋脉失养而致项背强急，口噤，四肢抽搐，角弓反张等。

③ 脏结：古病名。指胁下素有痞块，连在脐旁，痛引少腹入阴筋的一种难治病证。

④ 黑靨（yè 夜）：病证名。痘疮收靨时，外感寒邪，腠理复闭，身痛，四肢微厥，痘转青紫或黑色者。

⑤ 结胸：证名。指邪气内结，胸腹胀满疼痛，手不可近者。多因太阳病、太阳、少阳并病误下，表热内陷或实邪传里，与胸中水饮互结而成。

少阴自利厥逆，干呕烦躁无脉，白通汤加胆汁汤，服后脉暴出者死。

少阴下利止，头眩时时自冒者死。

厥阴下利厥逆，当不食今反能食，脉不至者死。

下利脉绝，手足厥冷，脉不还者死。

六七日不利便，发热作利，其人汗出不止者死。

阳明少阳合病，下利头疼，胸满干呕，往来寒热，脉长大弦，为负^①，负者死。

汗出微喘，小便利者死。

若下利不止者亦死。

吐利，四逆，烦躁者死。

发热，烦躁，下利，厥冷，不眠者死。

又五六日自利后，烦躁不眠者死。

痙病独头摇，卒口禁，此二者是心绝，死。

痙病形状如烟煤，直视者死。

热盛躁急不得汗出，是阳脉极，死。

温热病不得汗出，必发狂者死。

发表用麻黄汤，三剂汗不出者死。

发汗下半身无汗，及不至足者死。

发汗下利，大汗不止者死。

若大汗出，发润如油，喘而不止者死。

若大汗出，热反盛，狂言不食者死。

冷汗出如水，四肢厥，脉脱者死。

① 负：失也，互相克贼为负。根据五行生克的学说，从脉象解释疾病的顺逆，症状与脉象不符为“负”。

柔汗^①发黄，环口黧黑者死。

头汗出，小便不利者死。

关格不得尿，头汗出者死。

元气下脱，额上汗出如珠，不流者死。

舌上黑胎生芒刺，刮不去，易生者死。夏月可治。

脉沉足冷，舌干胎燥裂者死。

失血脉大，身热者死。

吐衄后，复大热，及躁急者死。

鼻衄，自汗者死。

下利谵语，目直视者死。

下利厥逆，烦躁不眠者死。

下利发热，厥逆自汗者死。

下利厥冷无脉，灸之不温，脉不出者死。

下利百余行，脉反实者死。

下利脉实，大热不住者死。

汗多亡阳，舌短谵语者死。

舌短，舌硬，舌黑，谵语者死。

喘满，气逆上奔者死。

自利，气脱下夺者死。

阳症谵语，脉沉细微，手足逆冷，一日间死。

十余日，日晡潮热，独语如见鬼状，不识人，循衣摸床，不安静，直视微喘，脉涩不利者死。

昏沉上气喘促，或发不止，不知人事者死。

发班烂者死。

① 柔汗：又称油汗、冷汗。一指多汗之属阴证者。

胃寒发呃，丁香、茴香、柿蒂、良姜、姜汤调服，脉不出加胆汁合生脉散，其脉又不出，暴出者皆死。

前证用前药，手足不温暖者死。

前证加不省人事，脉不至，手足冷，舌卷囊缩，汗出直视者死。

《卫生宝鉴》 福医治病旧论第五恐后人苟且延医，故将其论录于前

丙辰秋，楚邱县曹君次子，二十七岁，病四肢困倦，躁热自汗，气短，饮食减少，咳嗽痰涎^①，胸膈不利，大便秘，形容羸削，一岁间，更数医不愈。或曰明医不如福医，某处某医，虽不精方书，不明脉候，看症极多，治无不效，人目之曰福医，谚云：“饶你读得王叔和，不如我见过病症多。”颇有可信，试命治之。医至，诊其脉曰：“此病予饱谙^②矣，治之必效。”于腑腧各灸三七壮，触饮松实丸^③消痰导滞，不数服，大便溏泄无度，加腹痛，食不进，病深愈笃。其子谓父曰：病久瘦弱，不任其药，病剧遂卒。冬，予从军回，其父以告予，予曰：思《内经》云：“形气不足，病气不足。”此阴阳俱不足，泻之则重不足，此阴阳俱竭，血气皆尽，五脏空虚，筋骨髓枯，老者绝灭，壮者不复矣，故曰不足补之，此其理也。令嗣久病羸瘦，乃形不足；气短促，乃气不足。病潮作时，嗜卧，四肢困倦，懒言语，乃气血皆不足也。补之惟恐不及，反以小毒之剂泻之，

① 涎：原作“延”。据文义改。

② 饱谙（ān 安）：熟知，指十分了解，清楚地知道。

③ 触饮松实丸：《杨氏家藏方》作“蠲饮枳实丸”。由枳实、陈皮、半夏、黑牵牛组成。功效逐饮消痰，导滞清膈。主治痰饮证。

虚之愈虚，损之又损，不死何待？曹君叹息而去。予感其事，略陈其理。夫高医先审司天时令，识阴阳升降，晓五行生克，察人之血食^①布衣、勇怯，视病浅深虚实，在经在脏，药定君臣佐使，治有缓急，为高医愈疾如此。不然则无日夜游，动致颠损。正五音者必取师旷^②之律吕^③，而后五音得以正。为方员者必取公输^④之规矩，而后方员得以成。五音方员特末技耳，尚取精于其事者，况医者人之司命，列于四科^⑤，非五音方员之比。不精于医，不通于脉，不观诸经，赖本草以命通达而号为福医，病家遂委命于庸人之手，岂不痛哉！

伤寒纲领新论第六附识病捷法四十五条

今之业医而著名于世者，非不有其人也，求其根极要领，剖析精微者，百无一二焉。固非医学之难明于今日也，亦非医道之难行于天下也。由其纲领条目之未明，虽有明者亦忽而忘之也，既忽而忘之，是谓差之毫厘，谬以千里矣。然何谓之纲领？凡其统之为规模之大，而为识病之根原者是也。何谓之条目？凡其析之为节目之详，而为诸病之支流者是也。辟如渔之网罟^⑥统于网，衣之襟裾^⑦统于领，渔之无网何以绝流而渔也，衣之无领何以文^⑧身而服也。今之医者或稍有知识，仅得其概

① 血食：谓吃鱼肉之类荤腥食物，此借指贵族。

② 师旷：春秋晋平公时的著名乐师，字子野。

③ 律吕：古代校正乐律的器具。此指标准、规则。

④ 公输：春秋末年的著名巧匠。名班，鲁国人，故亦称为鲁班。

⑤ 四科：一般指兵、农、医、易。

⑥ 罟（gǔ 古）：鱼网。

⑦ 襟裾：衣的前襟和后襟。亦借指衣裳。

⑧ 文（wèn 问）：掩饰。

而条目不明，又何以知其名数之烦，而取类之广也。殊不知伤寒乃病之总名，四时之中，若邪外干，或夹内因，或兼不内外因，而为三十六名正病，此为纲领中之正例也。因三十六名正病传于诸经，为一百十名细病，此为纲领中之变例，虽纲领中之变例，实条目之大端也。至于一百名细病，更变有病无名，一千四百零五证，此为条目也。今不忍人之忘于纲领，迷于条目，故举纲领之大开于前，复举条目之烦列于后，庶得以集医学之大成，会仲景之心法矣，岂曰好为异论，以骇人之听也哉！

纲领有四十五条

伤寒正病三十六名

正伤寒 霜降后至春分前，感风寒即病，名曰真伤寒。为元气不实，故随感随发，其证头项疼，身热恶寒，无汗，腰脊强，周身骨节痛，左手脉来浮紧。

中寒 霜降后至春分前，寒邪卒中三阴经即病，名曰中寒。比伤寒尤重，为元气虚极，受寒之时，自不觉者。

寒中太阴脾经，有中脘腹痛、呕吐、腹满五症，其脉迟缓。

寒中少阴肾经，有脐腹痛、吐、泻、厥冷、蜷卧六症，其脉沉细。

寒中厥阴肝经，有小腹至阴物痛、吐涎沫三症，其脉沉迟。

冬瘟 冬月天令温暖，感邪即病，名曰冬瘟。其症心烦闷，呕逆咳嗽，后必下利，寸口脉来洪大，尺部脉来实大。

两感伤寒 膀胱与肾同病，头疼怕寒无口渴，名曰两感。胃与脾同病，身热兼腹满，名曰两感。胆与肝同病，怕寒，呕逆，口苦，耳聋，兼烦满囊缩，名曰两感。一日两脏受证，三日死。

伤寒合病 两阳经或三阳经齐病，不传，名曰合病。三阳互相合病，皆自下利。

伤寒并病 一阳经先病，未尽，又过一经，名曰并病。

阴毒伤寒 肾经虚，素有积寒在下，先房事后着寒，或误服寒凉药，或食生冷，内外皆寒，遂成阴毒伤寒。其症额上、手背冷，汗自出，其毒渐深，鼻如烟煤，舌上黑胎，头目睛疼，身重如被杖，背强拘急，小腹绞痛，六脉沉细或伏。

阴症伤寒 初病无表证，便怕寒战栗，四支厥冷，呕吐泻痢，蜷卧，大腹痛或吐涎，六脉沉细无力，此真寒直中阴经。

夹阴中寒 初病六脉沉细或伏，无表证，便怕寒厥冷，蜷卧，小腹绞痛，面唇青色，名曰夹阴中寒。重则神昏，舌卷囊缩，手足甲青，四支冷过肘膝，阳药不受。

夹阴伤寒 身热面赤，足冷脉沉，名曰夹阴伤寒。面赤是虚阳浮上，乃下虚也，身微热是里寒也，后加烦躁是阴盛也。

阴极发躁 前三症一脉，加烦躁，欲坐泥水井中。

阴利 前三症一脉，加下利清谷，身疼。

虚阳伏阴 前三症，脉数大无力，加烦躁，揭去衣被。

伤风 冬春二季伤风多，其症怕风有汗，头疼发热，鼻塞声重，咳嗽，左寸脉浮缓，亦从太阳经起，若传各经，依伤寒条下治。

寒疫 四时之中，或有暴寒，感之即病，名曰寒疫。比正伤寒略轻，其症头疼发热，增^①寒拘急，或吐逆，恶心，中脘痞满，或食物下不化，腹中作痛。

① 增：据文义当作“憎”。

伤寒霍乱 怕寒发热，头疼体痛，兼呕吐，泻痢，腹痛，或先吐利，止后缓缓发热，名曰伤寒霍乱。

夹食伤寒 左右手脉俱紧有力，头疼，发热怕寒，骨节痛，兼噎气作酸，恶食，或胃脘作痛，痞满，欲吐不吐，名曰夹食伤寒。

夹痰伤寒 左手脉紧盛，右关脉洪滑，头疼怕寒，身热，骨节痛，兼咳嗽，名曰夹痰伤寒。

夹气伤寒 左手脉紧盛，右手脉沉，头疼怕寒，身热，骨节痛，兼胁腹痛，气不舒畅，名曰夹气伤寒。

劳力伤寒 左手脉紧盛，右手脉数无力，头疼身热怕寒，骨节痛，兼骨腿酸疼，胁痛，倦卧懒言，微汗，微渴，名曰劳力伤寒。

血郁伤寒 左手脉紧盛，右手脉沉数，头疼身热怕寒，骨节痛，兼烦渴，名曰血郁伤寒。

伤寒见伤风脉 伤寒脉该浮紧，今反见浮缓，其症不烦，少热，四支厥冷，为元气虚得伤风脉也。

伤风见伤寒脉 伤风脉本该浮缓，今反见浮紧，其症热盛，烦，手足自温，为元气虚得伤寒^①脉也。

膀胱病得肾脉 发热头痛脉该浮，今反得沉脉，为里虚寒，正气衰微所致。

肾病得膀胱脉 头不疼，脉浮紧，不当发热，今反见发热，为寒邪在表，皮肤郁闭故为热也。

期年^②伤寒 伤寒愈后，食肉太早，次年又发，名曰期年

① 寒：原作“风”。据《伤寒全生集·辨伤寒审证问因察形正名总论》改。

② 期（jī）年：一整年。

伤寒。

秋伤寒 八月白露至秋分，行坐卧露水间，客在皮肤即病，名曰秋伤寒。其脉涩。

大头伤寒 鼻额上发经壅盛，至两目不开，面部皆赤肿，一曰时毒，二曰疫毒。

内伤寒 详见第十一并第三卷。

时疫 或四时之中不正之气，一家传染相似，名曰时疫。病势与伤寒相类。

瘟病 春分后至夏至前，不怕寒，大热，名曰瘟病。

瘟疫 伤寒坏病，前热未除，阴阳俱盛，重感于寒，名曰“瘟疫”。其症寒热往来，口苦胸满。

热病 夏至后，病壮热，脉洪大，名曰热病。发在三阳经多，三阴经少。

中暑 高堂大厦，乘风纳凉，为中暑。此热伤心脾二经，其症身热，面垢，自汗，烦躁，渴，其脉虚浮迟。

中暍 即热也，热伤膀胱经，与伤寒相似，名曰中暍。其症汗出，身热，烦渴。

瘟疫 先因伤寒，前热未除，复感时行瘟气，名曰瘟疫。阳脉微弱，阴脉弦紧。

刚痉 先伤风，复感寒，无汗，名曰刚痉。其症身热，足冷，头项强，怕寒面赤，目脉赤赤，头摇口禁，背反张，手挛搐。

风瘟 尺寸俱浮，素伤风，因时伤热，风与热搏，名曰风瘟。又发汗后，身灼热，亦名曰风瘟，其症四支不收，身热，自汗，头疼，喘咳，渴，昏迷鼻鼾，语涩，体重。

柔痉 先伤风复感湿，有汗，名曰柔痉。

相类伤寒九名

风湿类伤寒 先伤湿，后伤风，名曰风湿。一身尽痛怕风，额上微汗，不能转侧，不欲去衣，大便难，小便利，日晡热甚。

伤湿类伤寒 湿伤太阳经名曰伤湿。症略同前。

中湿类伤寒 湿伤太阴经或少阴经名曰中湿。其症同前。

湿瘟类伤寒 素伤湿，因时伤暑，湿与暑抟，名曰湿瘟。其症胸腹满，目疼，壮热多汗，妄言，双颈冷，倦怠怕寒。

痰症类伤寒 观病人目睛微定，暂时转动亦作寒热，但头项不强痛为异，目如炭烟色，昔肥今瘦，喘咳，转侧半难，臂痛，口出无伦语，曰痰结夹痰。如见鬼祟，痰在上部寸口脉沉滑伏，痰在中部右关脉滑大，痰在下部尺脉洪滑。

食积类伤寒 头疼，发热恶寒，但身不痛为异，恶食，噎气作呕，欲吐不出，恶心短气，痞满腹胀，胃口痛，按亦痛，左手脉平和，右手脉紧盛。

虚烦类伤寒 虚烦即热也，但头身不痛为异，表热自汗恶风，心中郁郁不安，手心热，少气懒言，喘，倦卧。

脚气类伤寒 发寒热，呕逆，但起于脚，膝酸软为异，足胫赤肿是湿热，白肿是寒湿。

瘀血类伤寒 若曾努力跌仆者，必心胸胁下腹满痛，按之手不可近，小便利，大便黑。

伤寒望色新论第七附识病捷法一百四十条，附五行生克

尝谓五脏之受症，固有闻声、问因、切脉，而知其邪在何脏腑矣，终不若望形色而知其详也。夫五脏者，心肝脾肺肾也。有五色应焉，五色者，青黄赤白黑也。脏虽病于内，其色必见

于外，故有诸中则形诸外，更无可得而疑矣。先贤谓望而知之者神也。神也者，如神之有灵，而无不应验也。今医者视女人之病及延医者之家，何独以此忽之耶？为医者竟不知色隐于面部皮里，如乱丝发之状，及显于命宫^①、印堂、年寿^②、准头^③、发令、人中等处。假如肝病则见青色，多兼白色为相克，黑色为相生，滋荣者吉，枯燥者凶，则人之生死也可决矣。其余脏可例而推也。医之颇识此理者，将欲视其色之何如也？其间又有置病妇卧于帐帟之中，病者之父兄夫子，严内外之防，谨闺阃^④之礼，竟使医不得望色，故错认其症，而病妇死于非命者有之。殊不知当此之际，性命所关，辟之嫂溺^⑤，未有不援者，而顾可以若是拘乎？或病者达此理，故有不避医人而当面诊^⑥视者矣。何世之庸医不知此术，其间知此术者，又不循乎天理，而徒视人之美恶，亦误认其病，则妄投药剂，是杀人于举指之间也。嗟夫！医者何不循分而为。积德裕后^⑦之图，延医者何必拘此小节，而使骨肉殁于无益之地也哉！

望色 色之一字，限定五色；望之一字，所包者广，如形体相貌之类是也。

病人平日体貌赤白黑 赤者气血足，白者气血虚，黑者

① 命宫：相术家以两眉间为命宫。

② 年寿：指眉心至鼻尖之间的部位。

③ 准头：指鼻尖。

④ 闺阃（kǔn 捆）：旧时指女子居住的地方。

⑤ 嫂溺：即嫂溺叔援。谓嫂溺于水，小叔可亲手援救。典出《孟子·离娄上》。

⑥ 诊：原作“胗”。据文义改。

⑦ 裕后：恩泽后代。

气实。

形体肥瘦 肥人湿多，肥而色泽者，气血有余；肥而色不泽者，气有余血不足。瘦人火多，瘦而色不泽者，气血不足。

形体长短 长人脉长，短人脉短。

昔肥今瘦主内痰多。

大肉脱去主不治。

平人消瘦主脾热。

眼露主神少，寿不永。

眼眶黑主内有痰。

人中短主不寿。

鼻色青主腹中痛，若冷者死。

鼻色微黑者有水气。

鼻色黄主小便难。

鼻色白者属气虚。

鼻色赤者属肺热。

鼻色鲜明者有留饮。

鼻孔干燥者必衄血。

鼻色燥如烟煤者，是阳毒热极。

鼻孔冷滑色黑者，是阴毒冷极。

鼻流浊涕者属风热。

鼻流清涕者属肺寒。

鼻孔癰胀者，属肺热有风。

唇口焦黑者是脾热。

唇口焦红者，吉；唇口焦黑者，凶。

唇口俱肿赤者是热极。

唇口俱青黑者是寒热。

唇口舌胎断纹者难治。

唇口燥裂者是脾热。

唇青舌卷者死。

唇吻反青者死。

环口黧^①黑者死。

口张直气者死。

口如鱼口者死。

唇口颤摇不止，气出不返者死。

齿燥无津液者，是阳明热极。

前板齿燥兼脉虚者，是中暑。

齿如热者难治。

耳色黑枯燥者，是肾惫。

目赤，唇焦，舌黑者，属阳毒。

目薰黄，色暗者，属湿毒。

目黄兼小便利，大便黑，小腹满痛者，属畜^②血。大抵身目黄色明者主热，色暗主湿热。

目脉赤者，是疮病。

目瞑者，将欲衄血。

目之白睛黄兼冷，无热不渴，脉沉细者，属阴黄。

两眦黄者，病欲愈。

凡开目见人者，属阳。

闭目不欲见人者，属阴。

睛昏不识人，目反上视，睛小瞪，目直视，目邪视，目睛正圆，戴眼反折，眼胞陷下。此八者皆死证。

① 黧：原作“梨”。据文义改。

② 畜：同“蓄”。储存。

目睛微定，暂时稍转动者，属痰。

目中不了了，睛不和，不明白者，此因邪热结实在内。不了了者，谓见一半目，不见一半目是也。

舌上白胎湿滑者吉。胸中有寒，丹田有热，故胎白而滑，邪在半表里也。

舌胎燥涩者凶。

舌上黄胎必兼燥渴者，是胃腑有邪。

舌上黑胎滑者，属阴寒。

舌上黑胎刮不去，易生刺裂者，必死。

舌上黑胎兼燥刺者，是阳热极，难治。

舌上黑胎兼燥渴者，可治。

舌上黑胎滑，兼口不燥渴，身不热者，是阴寒。

舌卷焦黑燥者，是阳毒热极。

舌青胎滑兼无热不渴者，是阴毒寒极。

舌鲜红者吉。

舌青者是冷。

舌青紫者是阴寒。

舌赤紫者是阳毒。

舌肿者难治。

舌出者死。

心色赤主热

心烦热，额先赤，赤如鸡冠者吉，赤如衄血者死，赤兼青色者吉，赤兼黑色者不治，逢春季吉，遇冬季凶，赤色多白色少病将及肺。

面颧颊赤在午后。此虚人阴火上升，不可作伤寒治。

面赤足冷脉沉。是夹阴伤寒，虚阳泛上。

面赤微热，足冷脉沉。此阴症似阳，欲坐卧泥水，又欲饮不受，是阴极发躁。

面赤足冷脉沉细。此阴盛隔阳，虽烦躁不饮水。

面赤脉数无力。此伏阴病，其症烦躁引饮，虚阳上升。

面赤脉沉细。此少阴病。其症必里寒外热，阴寒内极逼浮火上行作热也。已上五者，宜温，用寒凉死。

面赤脉弦数。此少阳病，宜小柴胡和解。

面赤缘缘^①正赤。此阳气怫郁在表，汗不彻之故，宜发汗。

面部通赤色。此阳明表症未解，不可攻里，宜解肌。

面赤脉沉数有力。恶热不恶寒，或蒸蒸发热，或日晡潮热，谵语便秘，此里实热，宜下之。

面赤脉数。表里俱热，口燥舌干饮水者，未可下，宜人参白虎汤和之。

肝色青主风

肝热左颊先赤，青如翠羽者吉，青如滋草者死，青兼黑色吉，青兼白色不治，逢冬季吉，遇秋季凶。

青色多黄色少，病将及脾。

面唇青，是阴寒极。

面青兼舌卷囊缩，亦是阴寒。

面青兼小腹绞痛，是夹阴伤寒。

脾色黄主湿

脾热右颊先赤，黄如蟹腹者吉，黄如枳实者死，黄兼赤色吉，黄兼青色不治，逢夏季吉，遇春季凶，黄色多黑色少，病

① 缘缘：接连不已，在此引申为满布、贯通之义。

将及肝^①。

面目身黄兼小水短涩，是湿热。

面目身黄兼小腹满硬痛，小便利，是畜血。

肺色白主气

肺热鼻先赤，白如猪膏者吉，白如枯骨者死。白兼黄色吉，白兼赤色不治。逢土王用事^②吉，遇夏季凶，白色多青色少，病将及肝。

伤寒面白为无神，或汗多或脱血所致。

面白人不宜大汗。

肾色黑主寒

肾热两颐先赤，黑如乌羽者吉，黑如炭煤者死，黑兼白色吉，黑兼黄色不治，逢秋季吉，遇冬季凶。

黑色多白^③色少，病将及心，黑气在鱼尾，相牵入太阳者死，黑气自人中入口者死，黑气自入耳目鼻舌者死，面黑人在伤寒内涉虚，不宜参术大补。

五行生克

五行应五脏 金色白，肺属金；水色黑，肾属水；木色青，肝属木；火色赤，心属火；土色黄，脾属土。

五行相生

金生水，水生木，木生火，火生土，土生金。

五行相克

金克木，木克土，土克水，水克火，火克金。

① 肝：据文义当为“肾”。

② 土王用事：周天三百六十度，以五行平分，各得七十二度。每季最后十八度为土王用事。王，通“旺”。《灵枢·阴阳系明》：“五行以东方为甲乙本，王春。”

③ 白：据文义疑作“赤”。

伤寒闻声新论第八附识病捷法四十四条

天地设位，五行运行，有五行则有五音矣，有五音则有清浊轻重之不同。人与天地相参，有五脏则五音在其中。五音者何？宫商角徵羽也。宫乃脾之音，其声歌也；商乃肺之音，其声哭也；角乃肝之音，其声呼也；徵乃心之音，其声笑也；羽乃肾之音，其声呻也。脏无病则其声清而重，脏有疾则其声浊而轻也。医者治人之疾，而不闻其声，如瞽者之夜行，不知路之崎岖也。余观今之医者，治疗危症，但切脉问因，略观形势而已，更不采病者开言。及女人病，虽至微而不开言者，什有八九，况卧于床帟者乎！既不知其声，何以知脏腑之虚实，受病之浅深也。闻音章句，固典籍之有载，但散漫而难阅，余今拾之于总，得以便览而易晓也。

闻声有四十四条

声清声浊 病邪在表，其声清而响亮；病邪入里，其声浊而不亮。

声轻声重 病在阳分，其声前轻后重；病在阴分，其声前重后轻。

声断声续 病邪表浅，并有余阳者，其声续；病邪入深，并内伤不足，其声断。

言壮言怯 外感阳病有余，出言壮厉则寒热交作；内伤阴症不足，出言懒怯则寒热间作。

勤言懒言 详见问因条下。

叹 叹是心变动之声。

欠 肾主欠，阴气积下，阳气未尽，阳引而上，阴引而下，阴阳相引，故数欠也。

噫 噫是心变动之声，是胃中气不交通，寒气客于胃，厥逆泛上，下复出于胃故为噫。

噦 噦是肾变动之声，有病发噦是伤风，或伤热，无病发噦是阳气和，满于心。

吞 吞是脾变动之声。

呃 其气皆从胃中至胸膈^①间而为呃，有胃中实热失下者，有胃中痰饮者，有服寒凉药过多者，有胃中虚冷者。

呕 呕是胆变动之声，其声短而小，呕轻哕重，皆有声无物，其病情详见吐呕条下。

哕 哕是脾变动之声，即干呕之甚，其声浊而长，其病情详见第哕条下。

咳 咳是肺变动之声，俗呼为嗽，肺为邪干，气逆不下也，有肺寒咳者，有停食咳者，有邪在半表里咳者。

吐 胃中有食、有痰、有寒则吐，吐者有物而无声也。

唏 阴气实阳气虚，阴气速阳气迟，阴气盛阳气绝，故为唏。

怒 怒是肝变动之声。

歌 歌是脾变动之声。

哭 哭是肺变动之声。

笑 笑是心变动之声。

喘 见详发喘条下。

大^②息 忧思则心系急，急则气约，约则不利，故大息以伸屈之。

① 噎（yì 易）：指咽喉。

② 大：通“太”。《诗·小雅·节南山》：“尹氏大师，维周之氏。”

错语 意错言乱，自知言错，邪气尚轻，自不知觉，此热甚正气衰。

独语 无人则言一二句，见人则不言也，是邪入里。

谵语 口出无伦语曰谵语。表邪传至胃家发谵语，阳症、痰症、热症发谵语，肾肝二脏为病发谵语。

狂言 无稽妄谈曰狂言，邪热气盛发狂，叫喊而言。

郑声 语言不接续曰郑声，为精气夺则虚也。

呢喃 病邪入轻，则睡中发此声也。

声嘶 肺有风热。

声哑 声哑，唇口见生疮是狐惑病，有风热伤心肺而声哑者。少阴病咽中生疮者，有疮病口禁者，有热病三四日，不得汗出者死。

口禁^① 口禁难言，见手足挛搐，是风痉，口禁不言难治。

舌硬，舌短，舌强 病邪入深，主难治。

口禁咬牙 是风痉。

喉中有声 喉中噎噎有声者，是痰也。

卒然无音 寒气客于厌会，则厌不能发，发不能下至，其开合不便，故无音。

声如鼻鼾 声如鼻鼾者难治。

久病耳聋 属气虚。

咽喉不得息 寸脉微浮或沉伏，胸中痞硬，气上微冲，胸中有寒，宜吐之。

鼻息如鼾睡 属风湿。

舌卷兼囊缩 不治。

① 禁：同“噤”。

耳聋兼胁痛 宜和解寒热，咽而口苦属少阳。

耳聋兼耳肿耳痛 是少阳风热。

伤寒问因新论第九附识病捷法一百五十四条

夫人之患伤寒者，缘元气之内虚，外邪得以相干，而人所共知之也。然神农氏曰：“问而知之者功也。”乃医之通晓也。今之医者，但能求知其巨，而不求知其细矣。虽云元气内虚，其间亦有充实者；元气充实，又有脏腑之虚者，故用药因虚实而行补泻之法也。虽言外邪得以相干，其间亦有兼内因、夹不内外因而为病者，故治法先究三因，而用药之殊也。三因者何也？外因乃天之六淫，风、寒、暑、湿、燥、火是也；内因乃人之七情，喜、怒、忧、思、悲、恐、惊是也；不内外因，饮食、劳倦、跌蹶^①是也。要知脏腑虚实、阴阳寒热、标本表里，三因岂可忽其问乎？问不至于一百五十四条，是工夫之未至也。工夫之未至，治疗安得其宜也？治疗不得其宜，病虽吉而凶，人虽生而死也。余今已录条目在下，凡为司命者，宜潜心而熟玩也欤。

问因有一百五十四条

有空腹着寒者，有脱著着寒者，有汗出当风着寒者，有睡卧当风着寒者，有劳力辛苦着寒者，有恣事不谨着寒者，有先伤食后着寒者，此问因大法。若不明症而治，害人于弹指间矣。凡至病家，未诊先问最为有准，故当问其得病之来因，所有轻重之异。

因何病起 为外因，为内因，为不内外因，可办^②真伤寒、

① 蹶：据文义疑作“仆”。

② 办：据文义当作“辨”。

相兼伤寒、相类伤寒或杂症非伤寒，不致误治。

年几岁 若言年少元气实，中年元气将衰，年老元气虚极，知虚实，用药可轻可重。

何方人 东南二方，地土卑湿气薄；西北二方，地土高阜^①气厚，故曰随南北而用药。

病经几日 日少，本元未衰；日多，元气已虚。以看病是日论，该传某经或已传或未传，或已变症或未变症。

服过何药 先用药的当，病不变；先用药不当，病要变。

脐有动气 脐之上下左右如有动气痞气，禁汗下，宜甘草干姜汤，后与小建中汤。

平日有无失血 如跌仆失血，被刀伤失血，吐血，下血，产后失血，小产后失血，有此禁发汗。

身转侧难易 转侧难是阴症，三阳合病亦然，风温亦然，温病亦然。转侧易是阳症。

平日病有无 平日多病元气虚，难行汗吐下三法。平日无病元气实，好行汗吐下三法。

日重夜轻 日重，病在阳经气分；夜重，病在阴经血分；日夜重，阴阳经气血分俱病。

重在何时辰 详见潮热条下。

禀赋厚薄 禀天地父母胎气厚，病邪易复易治；禀气薄或厚^②者琢^③丧早，容易传经变病，难痊。

性情缓急 性缓气和病自愈，性急多怒有瘀血在内。

好忧好乐 好忧轻病难疗；好乐重病易除。

① 高阜（fù 负）：高起。阜，土山。

② 或厚：据文义疑衍。

③ 琢：据文义当为“斫”。伤害。

好酒好色 好酒胃弱，有积热在内；好色肾虚，多难救治。

平日荤素 食荤脾胃实，气血足；食素脾胃虚，元气少。

好食冷热 好食冷，多积寒在肠胃；好食热，多积瘀血在内。

多逸多劳 多劳碌脾虚血少；多安逸重变为轻。

家前富后富 前富今不足郁火多；前贫今富喜伤心。

怕风 外感风邪，有汗出，怕一切风；内伤不足，无汗出，怕些小风。

怕寒 外感寒邪，近裂火只是怕寒；内伤不足，得暖处就不怕寒。

怕热 不怕风寒，反怕热，此表邪传入于里。

有热 噤噤^①发热邪在表；蒸蒸发热邪在里；表未罢里不实，阴邪又陷入阳经，内外俱有热，阳明少阴热实兼本症。

无热 脾肝二脏受病，无热症，止肾病有表热，必兼足冷脉沉，又下利厥冷，里寒外热，初病无热，病入于脏。

潮热 寅卯时胆病宜和之。巳午时膀胱病，候小便利，大便硬攻之。未申时胃病，是实热有燥屎^②，下之，今先用小柴胡汤，热不去加烦，皆用大柴胡汤。

寒多热少 表邪有七分故寒多，里邪有三分故热少。

寒少热多 表邪有三分故寒少，里邪有七分故热多。

寒热齐作 外感有余，故寒热交作。

寒热间作 内伤不足，故寒热间作。

寒热往来 邪在半表半里，故寒热乍往乍来。少阳胆病有

① 噤，音义同翕。收敛

② 屎：原作“尿”，据《伤寒全生集·辨伤寒潮热例》改。

寒热往来用小柴胡汤，寒多加桂枝，热多加柴胡。

怕木声走响 此胃弱不可下。

小便自利 津液偏渗，脾发身黄，胃自汗，又发汗，惟血证小腹急如狂，膀胱肾虚，少阴病四逆，已上六项俱要小便自利。

小便黄白 清白邪未入里；黄赤邪已入内；脾经直中邪，小便清白。

小便难少 阴虚膀胱受热，小便难，曾太阳病，饮水多，必心下悸，小便少必苦里结，以手验小腹。

小便数 频去不多名曰数。肾、膀胱俱虚夹热，曾汗吐下，小便数，大便硬，有燥屎。

小便不通 邪气结聚下焦，中热发黄，水饮停滞，饮多下焦蓄热，不通兼有头汗，名阳脱，是关格病，已经几日，一日几度，要知小便腹痛否。

遗尿 小便自出不知，名曰遗尿。热盛神昏遗尿可治，阴症下寒逆冷遗尿不治。

大便自利 伤寒自利多积于热，太阴下利手足温，三阳下利自热，少阴厥阴下利，鼻凉无热。

大便不通 曾发汗利小便，是耗津液，有邪热传入少阴，阳结脉浮数，燥温能食。有阳经邪寒传入正阳明胃，有邪热传入厥阴，阴结脉沉迟，不渴，不能食，身重。

大便燥热 前硬后溏不可攻。

大便何色 屎黑色为内有瘀血，必兼小腹胁下痛。

便血 在男子，下血谵语，邪由阳明而传；在女人，寒热似疟，热邪随经而入，俱为热入血室。

能食 如常饥饱，邪未入里。与食则食，病不在胃，不与食则不思食，病邪入心。

不能食 暖气作酸，恶食欲吐不出，是伤寒不能食，前四证是邪入里。

渴 发汗邪已入内，虚烦，劳力伤寒微渴，虽渴不欲饮，邪在少阴。

不渴 邪未入里不渴，阳热传脾不渴，肾经直中邪不渴，脾经直中寒邪不渴。

懒言 劳力伤寒懒言，内伤不足亦懒言，邪气入里亦懒言，阴分受病亦懒言。

勤言 邪未入里勤言，阳分受病亦勤言。

鼻塞 外伤鼻塞不利，壅盛有力。湿，寒邪在肺，干，寒邪在胃。

口知味 邪未入里。

口不知味 劳力伤寒不知味，邪已入里不知味。

口苦口甜 口苦是胆热，口甜是肝热。

口燥咽干 是肾热。

舌干口燥 是胃家热极。

心下满 因下早致满为痞气。手按拍之，有声又软，此停水。手按则散，此虚气。手按硬痛，此宿食。

胸胁满 胸满多带表证，宜微汗。腹间气塞满闷，胁满多在半表半里之间，宜和解。

腹满 腹满多属脾经，腹满不减为里实，须下之，大满大实坚是燥粪。腹满时减是里寒，温之。三阳合病，腹满必兼身重难转，谵语，口中不仁。

小腹满 小便利是畜血，小便不利是溺涩。

腹痛 邪气入里与正气争为腹痛。阳邪入里，其痛不常；阴虚在里，其痛死休，欲作利也。有燥粪，其痛满，不大便，烦。如

食积，痛必噯气、恶心。如血，痛处不移，或在胁下，或小腹必硬满，小水利，大便黑。可按可揉，软者是虚；不可按揉，硬^①者是实。即将凉水一碗，与病人饮。其痛若缓，身有热属热，用凉药；其痛不已，绕脐硬痛，大便硬难，属燥屎，宜下之。

脚胫痛 是脚气病，非伤寒。

头痛 头痛，寒邪入膀胱经，太阳顶巅，颈^②后痛，连风府；少阳头角痛；阳明头额痛。三阴无头疼，惟厥阴有头痛，其症干呕、吐涎沫。一有食积头痛，有阴火^③上冲头疼，有痰涎头疼，有痰火头疼，有湿痰头疼，有气虚头疼，有气虚头疼^④，有血虚头疼，邪在肺家鼻塞头疼。

咽痛 皆毒气上攻，阳毒咽喉肿痛是热极，阴毒咽喉不利是寒极，不可一药作风寒治也。

周身骨节痛 邪在表，有因发汗过多。一身尽痛，发热面黄，热结在里。一身尽痛身，重不可转侧，是风湿。

有汗 即自汗也，伤风恶风表虚有汗，暑湿有汗，风湿病有汗，发在额上，微微见汗。腹内燥屎有汗，发在手足、腋、心下。阴毒额上、手背皆有冷汗。湿热伤寒汗不止，用扑法，温热伤寒不得汗，用擦法。

无汗 伤寒恶寒表实无汗。热病无汗者死。阳明无汗是久虚。太阳病用发表药三剂无汗者死。上半身有汗出，下半身至足无汗者死。

盗汗 胆家有热。

① 硬：原作“软”，据《伤寒全生集·辨伤寒腹痛例》改。

② 颈：原作“胫”。据文义改。

③ 阴火：指饮食劳倦、喜怒忧思所生之火，属心火。

④ 有气虚头疼：衍文。

头汗 邪在诸阳经，有畜血亦头汗。有头汗小便不利者死。关格不得尿有头汗者死。元气下脱有头汗，如珠不流者死。柔汗发黄者死。误下，湿家汗出额上，发喘，小便难，大便利者死。

手足、两腋、心下汗 是阳邪实热挟寒。是水谷不化，止手足有汗，用和中汤。有燥屎在内，亦有此汗。阴毒，手背、额上浆之冷汗，用四逆汤。

何梦多 阴盛，梦大水恐惧；阳盛，梦大火燔灼；阴阳俱盛，梦相杀。上盛梦飞，下盛梦堕。饱梦与人食，饥梦取人食。心实梦燔灼，心虚梦救火，阳物坚。肝虚梦细草芒芒，肝实梦伏树下不敢起。脾虚梦饮食不足，脾实梦筑墙盖屋。肺虚梦白物斩血藉，肺实梦兵刃血戟。肾虚梦舟舡^①溺水，实梦伏水中，若有所畏。

喜明喜暗 喜明属阳，元气实；喜暗属阴，元气虚。

睡向壁向外 向壁属阴，元气虚；向外属阳，元气实。

蜷卧倦卧 蜷卧是阴症，倦卧是劳伤症。

多睡无睡 阳气虚阴气盛故多睡，及邪传阴不在阳也；阳气盛阴气虚故无睡。

寤寐中言 详见闻声条下。

病起觉不舒快、少情绪否 有此症是夹气伤寒。

病起觉倦卧、骨腿酸疼、胁痛否 有此症是劳力伤寒。

妇人加问十五条兼前悉当细究

面色赤白黑 详见第六。

今见何色 详见第六。

① 舡 (chuán 船)：同“船”。

肥瘦长短 详见第六。

寡妇、尼姑、室女 郁气、郁痰多。

产后已经几时 产后日少，可禁汗吐下。产后日多，可行汗吐下。

有无胎气 有胎先用护法，详见第五十七。

手心热手背热 手心热，邪在里或内伤不足。手背热邪在表。

手足温冷 手温阳症。手冷阴症。

要知病在肝经，问妇人乳头缩不缩

舌卷，舌短 舌卷难治。舌短不治。

舌上有无胎刺 舌上有胎，热邪在里。舌上有刺，热极难治。要知滑涩五色见何色。

身目黄不黄 若黄用擦法，详见第六十。

有班无班 有班要认轻重，详见五十五。

面色指甲红活青黑 红活阳症无妨。青黑阴症难治。

耳聋 耳聋邪气入深难治，或兼虚症。

伤寒切脉新旧论第十附识病捷法五十四条

夫医家诊七表八里九道^①之脉，虽云切而知之者巧也，诚上智之资，心中了了，指下未能明其一二也。盖脉者，天真委和^②之气，乃荣行之道路。先天后天之造化，人之阴阳为先天也，人之气血为后天也。凡察伤寒脉，得其纲领，如拾

① 七表八里九道：脉象的一种分类方法。七表即浮、芤、滑、数、弦、紧、洪 7 种脉象；八里指微、沉、缓、涩、迟、伏、濡、弱 8 种脉象；九道脉指长、短、虚、促、结、代、牢、动、细 9 种脉。

② 委和：运气术语。五运主岁之中，木岁不及的名称。

芥耳，求之多歧则支离破碎，如涉海问津。医者无非以己之气血应病人之气血，设或自己本元不足，饮酒过量，色欲过度，惊恐气乱，悲哀气消，忧郁气结，寒暑伤形，勤劳伤血化源，又某脉与某脉相似，同属阴阳，孰能真知灼见，尽善尽美也。人若言晓者，俱能言之而不能行也。欲求明达，利人之生，先将前条自谨。须待平旦清明之气，饮食未进，血气未乱，调平自己气息，及视人之长短、肥瘦、黑白，次问病人平日苦乐劳逸，然后下指于六部。轻取浮脉，知邪在里在表，兼某脉是某病；不轻不重按指于肌肉之间，取中脉，知邪在表在里，兼某脉是某病；重按指至骨，取沉脉，知邪在里，兼某脉是某病。为伤寒，脉无单至，不比杂病或单或双也。先以浮中沉三法认切，有表在腑在脏，止将节庵先生削去疑似，传捷径之脉，一诊便知外因、内因、不内外之三因也，如斯易识，焉有妄治之理。又将望闻问切大法，司天时令参考，固不能起死回生，吉凶病名，判然而知矣。切脉有五十四条。

三部脉断病例

上部寸口脉

浮脉 主上焦，头眼面目虚浮，体重风寒，齿肿口鼻喎斜，伤寒为在表。

沉脉 主中焦，气满咳嗽，喘息烦闷，膈气番胃，胸中痛，不食水浆，伤寒为在里。

迟脉 主呕吐，冷气痞胀，不纳食，虚汗拘急，气闷心疼痛，伤寒为冷。

数脉 主上焦烦热，口苦咽干，疟疾寒热，头疼壮热，口疮，伤寒为热。

中部关脉

浮脉 主风雨，两臂拘急不能举物，背脊筋痛，身体麻木，腹胀，胃虚冷不食。

沉脉 主气，肚疼，腹内虚鸣，心腹作疼，不思饮食，膈上吞酸。

迟脉 主冷，眩，肚、腹、臂上下痛，走步不得，两肋攻刺，番^①胃不食。

数脉 主热，口干作渴，呕吐，霍乱，怔忡，寒热交争。

下部尺脉

浮脉 主风邪，腹腿痛麻木，足胫酸疼浮肿，大小便不利。

沉脉 主气，剂^②下痛，小便数，脚肿酸疼，盗汗，下虚浮。

迟脉 主冷，小腹急痛，足胫麻木酸疼，外肾^③偏坠，大小心虚^④，大便溏泄。

数脉 主热，小便不通，大便秘结，或作肾痈，烦躁口干，饮水不眠。

外有七表八里九道二十四脉，八十五脉，能于四脉中求之，自然有得，怪脉亦然。

脉形相类

浮似芤兮滑类数，紧若洪兮洪实却，沉如伏脉弱同濡，涩与微同微缓约。

断生死形状六极六绝脉

雀啄连来三五啄，屋漏半日一点落，弹石硬末寻即散，搭

① 番：同“翻”。

② 剂：据文义应为“脐”。

③ 外肾：男子外生殖器的统称。

④ 大小心虚：据文义疑为“小便频数”。

指散乱真解索，鱼翔似有亦似无，鰕^①游静中跳一跃，寄语医家仔细看，六脉一见休下药。

一动一止两日死；两动一止四日还；三动一止六日亡；四动一止八日事；五动一止只十日；十动一止一年去，春草生时即死期；二十一动二年住，清明节后始倾亡；三十动一止三年次，立秋节后病则危；四十动一止四年住，小麦一熟是死期；五十动一止五年试，草枯水寒时死矣。此为太素脉玄秘。

左手脉来紧盛即是伤寒，右手脉平和。

右手脉来紧盛即是饮食内伤，左手脉平和。

左右手脉俱急紧盛即是夹食伤寒，此为内伤外感。

右手脉来空虚，左手脉来紧盛，即是劳力伤寒^②。亦为内伤外感。

左右手脉来沉细或伏，面色青，手足冷，小腹绞痛，甚则吐利，舌卷囊缩即是夹阴中寒。此是真阴症。

左右手脉来沉细，身热面赤，足冷，即是夹阴伤寒，此为色欲内伤。外感若加烦躁欲饮，面赤足冷，脉沉或兼吐利即是阴极发躁。

左手脉来紧盛，右手洪滑或寸脉沉伏，一般身热恶寒，隐隐头痛，喘咳，烦闷，胸胁体痛，即是夹痰伤寒。

左手脉来紧涩，右手脉沉数，若心胸、胁下、小腹有痛处不独，一般身热，恶寒，头疼，烦渴，即是血郁内伤外感。脉来独大独小、偏迟偏速，为此病也。

① 鰕 (xiā 虾)：同“虾”。

② 寒：原脱，据《伤寒全生集·察内外伤口传心受脉法》补。

脉来有力为有神，宜攻不宜守。如轻按指应指，重按而起者为有力。

脉来无力为无神，宜补不宜泻。如轻按指虽应指，重按不起者为无力，浮中沉六部皆然。

脉来大则病进，脉来小则病退。此指阳症而言。

脉来沉伏病进，脉来迟缓病退。此指阴症而言。

脉来乍大乍小，乍疏乍数，为此怪脉。

汗下后脉来当安静，而反躁乱者死。

温后脉来当渐出，今反歇止者死，暴出者亦凶。

伤寒过经，真脏脉见者死。

伤寒见脉表伏者，有邪，汗也。

伤寒后，更无刑克，止则昏沉冒昧，脉欲伏或静，此欲正汗也，宜生脉补，元气复来，一汗而凉。

伤寒腹痛脉必伏，或吐泻脱元无脉，随病而施，用姜汁磨木香调麝香半分入独参汤服下，脉不至者死。

伤寒脉来数大无力，为阳中伏阴，治宜温补。

伤寒脉沉，浮数有力，为纯阳，治宜取阴抑阳。

脉来浮紧有力，为寒邪在表，治宜发散。

脉来沉实有力，为阴中伏阳，治宜攻下。

脉来沉细无力，此纯阴也，宜退阴助阳。

脉来沉数有力为热邪传里，宜清解邪热。

脉来浮沉涩软散为虚。

脉来浮紧数洪滑为实。

脉来浮沉细弱迟伏为虚。

脉来沉滑数大为实。已上得虚脉为正气自虚，已上得实脉为邪气自实。

夏月有四症难明疑似：

脉紧恶寒谓之伤寒。

脉缓恶风谓之伤风。

脉盛壮热谓之热病。

脉虚身热谓之伤暑。

伤寒脉先在尺寸断，若过经原气虚，在关部取胃气。

鬼脉。得病之初便谵语或发狂，六部无脉，切大指之下，寸口之上有脉动者，是不用服药，宜符咒治之，或从俗，送鬼神亦可。

反关脉。如病人六部无脉，便不可言其死，要在掌后切看，脉来动者是反关。不见脉来，须问病人平日之脉若何，然后断其死生也。

辨内外伤旧论第十一

内伤外感俱有寒热，医家不能明脉得症，呼作伤寒，妄施汗下吐温之法，轻变为重而死者多矣。夫外伤有余者，则寒热齐作而无间，外感恶寒虽近烈火不除，外感恶风乃禁一切之风。外伤显在鼻，故鼻气不利壅盛有力。外伤则邪气有余，发言壮厉且先轻后重，外伤则手背热而手心不热，左手脉来紧盛，右手平和，此外感伤寒也，当做正伤寒治之必矣。内伤不足者则寒热间作不齐，内伤恶寒得温暖即解，内伤恶风，惟恶些小贼风。内伤显在口，故口不知味，腹中不和。内伤则元气不足，出言懒怯，先重后轻。内伤则手心热手背不热，右脉来空大无力，左手寸口或微或涩，此内伤不足也，宜补中益气汤治之必矣。大抵有内伤无外感者，有外感无内伤者，以此别之，则其实判然，免致重实重虚之患也。或内伤外感兼病相挟者，出则

脉症必并见难辨。若显内症多则是内伤重外感轻，当补养为先，微解表为次；若显外症多则是外感重内伤轻，当发散为先，补养次也。

卷之二

伤寒拟病格式新论末附药案第十二

凡到病家，先用刊印格式一张，审录查看验诊，逐一圈填各条下，大率以足六经证论。某经病多便为主张，拟是病谓为何名，其病始在足六经，而今不在六经，或在三十六名正病之间，或不在正病而在一百名变病之内，或不在变病而在更变有病无名条下，或不在更变有病无名而在九名相类伤寒之列，或不在相类伤寒而涉于杂症疑似之际，认的无差，文当在纲领望闻问切六字下，精研参考方可用药，庶无错也。且伤寒二字乃病之总名，譬若人之一字乃百姓之通。称天之生人也，必有姓有名，伤寒之为病，安得无名者乎？是以立拟病格式，必要知其何病名也，近世混称伤寒，是不知其名也。既不知其名，则有妄治之失矣。

审 后足六经标本病共一百四十症，病人不拘在何经，患几症，即当圈出，始知何脏腑来之病也，他项他条仿此，六经药、脉、经络，开在铜人，可参看之。

审足太阳膀胱经标病十症：头痛，项痛，腰脊强，恶心，拘急，体痛，骨节疼，发热恶寒，无汗，自汗。

本病四症：发热，烦，渴，小便不利。

审足阳明胃经标病六症：目痛，鼻干，不眠，头额痛，身热，微恶寒。

本病五症：身热，烦，渴欲饮，汗出，蒸热。

本实病十七症：潮热，自汗，谵语，发渴，反恶热，揭去衣，扬手足，或发斑，黄，狂言，便燥实或不通，喘急，或手

足乍温乍冷，腹满硬痛。

审足少阳胆经无标本病，从中有十症：头角痛，目眩，寒热，胸胁痛，耳聋，口苦，胸满，呕，心下痞闷。

审足太阴脾经标病五症：身热，腹满，咽干，手足温而渐冷，或自利不渴。

本病八症：初病无表证，便腹满腹痛或吐泻，手足冷，尿清白或呕哕。

本病七症：腹满腹痛，燥渴，身目黄，小水赤，大便燥实或不通。

本病八症：初病无热，不温，止有胸膈胀，满闷，面唇无光，或呕，胸腹急痛，手足冷，自觉不舒快，少情绪。

审足少阴肾经标病三症：初病止身热，面赤，足冷。

标本病五症：前三症加欲饮，揭去衣被。

标本病六症：前三症加烦躁，欲坐泥水中，虽饮不受。

本病八症：引衣蜷卧，恶寒，或舌干口燥，谵语，发渴，大便不通。

本病八症：病无表证，便怕寒厥冷，蜷卧或脐腹痛，吐泻，或战栗，面如刀刮。

本病十四症：初病无表证，止恶寒，面色青，小腹绞痛，足冷，蜷卧，或吐利，甚则舌卷囊缩，昏沉不醒，手足甲青，冷过肘膝，心下胀，药不受。

审足厥阴肝经标病三症：发热，恶寒，似疟状。

本病八症：烦满囊缩，消渴，舌卷，谵妄，大便不通，手足乍温乍冷。

本病十四症：初病无表证，便恶寒，四肢厥冷或小腹至阴痛，或吐泻，或体痛，呕哕，吐涎沫，甚则手足甲青，面唇青

黑，冷过肘膝，舌卷囊缩。

录 注面色、形体、年纪、方土四者，出处详见问因条下。

录病人年几十岁，面某色，身肥瘦长短，何省人。当圈者圈出，当填者填之。

查 有则圈填，无则听出。

查得病是某日起，已前三五日间或乍寒乍热，疾风，久雨，时令之气，或正或不正。

看 有则圈填，无则听出。

看病人耳某色，目某色，口某色，舌胎某色兼胎上刺，鼻某色，形势或变或不变。

验 如妇人病，令其内亲验之。

验，以手按病人胸至小腹，觉痛与不痛。有痛圈出，随与结胸病条下同看验。

验，以手摸病人手心热，手背热、温、冷，足温、足冷。

诊 脉之吉凶详见第十，伤寒脉无单至故兼他脉。

诊左手心部某脉兼某脉，肝部某脉兼某脉，肾部某脉兼某脉。

诊右手肺部某脉兼某脉，脾部某脉兼某脉，命门某脉兼某脉。

药案 煎药必须令老诚沉静之人，慢火煎熬，药味始全，药罐与水要洁净，药贴不可近灯油之下，又不可与他病药同处。

先某医用过某某某某药，共几味几贴，其症变不变。

今用某某某某药，共几味几贴，其症愈不愈。

或在前方内加药某某，减药某某。

瘥后宜服调理药，某汤某丸。

一、伤寒治法新旧论第十三

凡治伤寒，先观病人两目，次看口舌，以两手按其心胸至小腹有无痛处，然后问其大小便通与不通，渴与不渴，服过何药，或久或新，察其病之端的，方可以言吉凶。此几件最为医家紧要关节。伤寒实无定体，或入阳经气分膀胱为首，或入阴经血分肾家为先。传变者，其邪热乘虚入经则传也，若经实则不受邪而不传也。太阳乃诸阳之首，传至厥阴，厥者，尽也。正气将复，邪气将解，水升火降，寒邪作而大汗解矣。若正气不复，邪无所解，阳胜阴极，舌卷、耳聋、囊缩、不知人事而死矣。邪在阳经则易治，传入阴经则危殆。盖阳盛则阴微，正虚而邪入也。又有阳气虚极阴气独盛则四肢厥冷，舌卷、囊缩而死矣。且脉有浮沉虚实，证乃传变不常，治法先分表里、虚实、阴阳、寒热。表本不可拘于日数，但见一二证便为主张，不必悉具。若同而异者明之，似是而非者辨之。在表者汗之、散之，在里者利之、下之，在上者因而越之，蹈下者升而牵之，从乎中者和解之，直中阴经者宜温补之。但解表不开不可攻里。日数虽多，但见表证脉浮尚宜汗之。表既解，里证具者，不可攻表。日数虽少，但见里证脉浮实者，尤宜下之，邪气未除复加燥热，即抱薪积火。如直中阴经真寒证，则无热恶寒，腹痛，吐泻，厥冷，急宜温补，切禁寒凉。或有病在一经，用药寒热不同，如胆病用白虎、四逆寒热药也；肾病用四逆、真武热药也，庸俗狐疑诘^①能真知而措手哉。能察伤寒之证名，得伤寒之方脉，如此亲切，乃能知寒药治胆为传经热证也，热药治肾

① 诘(jù)：岂，表反问。

为直中寒证也。伤寒以日数言者，此大约之规，非活法也。人伤于寒为病热，此言常不言变。仲景论或寒或热，此言变也。

伤寒阴阳旧论第十四

凡治伤寒，须辨阴症阳症，不可误治也。且以阳症论之，则太阳、阳明、少阳三阳也。阳症，面红光彩，唇红，口干舌燥，能饮水浆，其人身轻易以转动，或向明外卧，开日常欲见人，喜言语，其声响亮，口鼻之气往来自然，小便或赤或黄，大便或硬或闭，手足自温暖，爪甲俱红活，此皆阳症也。如以阴症论之，则太阴、少阴、厥阴三阴也。阴症，面青黑或有虚阳泛上，面虽赤不红活光亮光彩，口唇或青或紫；或白胎铺满湿滑，不见红色；或躁热烦渴不欲饮，其人身重难以转侧；或向壁卧；或蜷卧不寐；或闭目不欲见人，懒言语，其声不响亮；或前轻后重；或气少难以布息；或口鼻之气往来自冷，小便清白或淡黄，大便不实或泻，手足自冷，爪甲或青或紫，血白不红活；或热在肌表之分，以手按之殊无大热，阴胜则冷透手也。阴症发热自与阳症发热有异，不可以面赤、身热、烦渴为论也，如阳症发热则脉洪数有力，阴症发热则脉沉细无力，或有阴症发热但脉来大，按之必无力而散，乃虚阳伏阴，皆阴症也。阴阳二症可以辨别之矣。

伤寒寒热新论第十五

夫天之寒热者，有应寒应热之当也，有不应寒热而寒热之反也，有微寒微热之轻也，有严寒酷热之重也，有乍寒乍热之殊也，有暴寒暴热之异也。寒热附之于人，则有伤中之不同也，自表而达于里，寒则膀胱肾家先禀之也，热则膀胱心经直受之

也。邪在外分寒热之浅深也，邪传入里别寒热之多寡也。须明其寒热在脏在腑，为标病为本病，此言寒热之大略也，其为寒热之病情，详见寒热门，并问因条下，不备录。

又内伤不足，亦有虚寒虚热、实寒实热之称也，此理不明，必以寒治寒、以热治热之误，宜发表反攻里、宜攻里反发表之错，其祸安得不在反掌乎！

伤寒表里虚实新旧论第十六

夫伤寒自表达里，以渐而深也，元气有虚有实，故病有轻重也。然有表实表虚，有里实里虚，有表里俱实，有表里俱虚；有表寒里热，有表热里寒，有表里俱寒，有表里俱热。其表实者，脉浮紧，头疼，发热，恶寒，体痛而无汗也，治宜实表散邪。其里实者，腹中硬满或痛，大便不通，潮热，谵语，妄言，发渴，脉实有力，治宜下之。里虚者，肠鸣自利，呕吐有寒有热，详见自利、呕吐条下。如表里俱实者，内外皆热，脉数有力而无汗，轻用通解散，重用三黄石膏汤通解表里也。若燥热饮水，脉洪数者，用人参白虎汤，大便不通者下之，半表半里之症者和解之。如表里俱虚者，自利，或吐，内外皆虚，脉必浮细无力，宜温补之。如表寒里热者，身寒厥冷，脉滑数，口燥渴，轻则四逆散、人参白虎汤，重则承气汤下。如里寒表热者，发热，下利，身痛，面赤，烦躁，脉沉，足冷，治宜温补也。

伤寒标本旧论第十七

夫伤寒标本不明，如瞽者夜行，无路可见也。然标者病之稍末，本者病之根源，先受病谓之本，次受病谓之标。标本相

先，以治其急者，此良法也。假如头疼恶寒就为本，已后发热乃为标，此受病之标本也。浮沉为本，虚实为标，此脉之标本也。

伤寒总难提纲旧论第十八

夫伤寒业擅专门，诚为重寄^①，论死者易如反掌，杂症缓可取方，伤寒全在活法。假令庸医治伤寒，一二日不问属虚属实，便用麻黄桂枝之类汗之；三四日不问在经在腑，便用柴胡干葛之类和之；五六日，不问在表在里，便用承气之类下之，以致内外俱虚，变症蜂起。大抵病人表里虚实不同，邪之传变亦异，岂可以日数为准耶。盖风寒初中，或入于阴或入于阳，事无定体，非俱始太阳而终厥阴之类也。或有自太阳始，日传一经，六日传至厥阴，其邪气衰不传而愈者，或有不罢再传者，或有即传者，或有间经而传者，或有传至二三经而止者，或有始终只在一经者，或有越经而传者，或有足传手经者，或有初入太阳不作郁热便入少阴成真寒症者，或有直中阴经成寒症者，或有足经蕴^②热传入手经者。或有症变者，或有脉变者，或有取脉不取症者。既活泼之不同，须以活法处治也。且活法者，如珠走盘，但见太阳症者直攻太阳，但见少阴症者直攻少阴，此活法也。仲景又云：日数虽多，但见表证脉浮者，尤宜汗之；日数虽少，但见里症而脉沉实者，尤宜下之。此先贤之确论也，切不可执定一二日发表，三四日和解，五六日方下，此庸医执死法也。须俾审脉验症辨明定经，一一亲切无疑，方可下手。


① 重寄：重要的寄托。

② 蕴：原作“缢”。据文义改。

真知其为表邪而汗之，真知其为里邪而下之，真知其为半表半里而和解之，真知其为直中而温之。如此而汗，如此而下，如此而和解，又如此而温，则桂枝、承气投之不差，姜附、理中发而后当，若用剂少差，死症立见矣。可不深思熟虑哉。仲景取方立论甚严，曰可温，曰可汗，曰少与，曰急下，先温其里，乃攻其表，先解其表，乃攻其里也。

伤寒足太阳膀胱病脉药经络第十九

此经乃诸阳之主，故名曰太阳，为四通八达之卫，故多传变。受病为先，其经起于目内眦，循头顶后连风府，行身之背，终于足也。



膀胱重九两二铢^①，纵广^②九寸，居肾之下，大肠之侧，小肠下口乃膀胱上口，水液由是渗入焉，盛溺九升九合^③，膀胱者州都之官，津液藏焉，气化则能出矣。

① 铢 (zhū 珠)：古代重量单位，二十四铢等于旧制一两。

② 纵广：长度与宽度。

③ 合 (gě 葛)：古代容量单位，一升的十分之一。



膀胱经标病十一症：此是太阳表证，自汗因表虚，风来伤卫气，宜实表散邪。无汗因表实，寒邪来伤荣血，宜发汗，若有一毫头疼，身热，恶寒，不拘日数多少便宜发散，自然热退身凉，有何变乎？要在脉静为不传，脉躁盛为传也。

本病四症：此是本经热结膀胱，宜利小便。若小便自利如常，竟去利之，使邪入里，其人如狂劳^①症。若下之，使表邪乘虚^②入里，为痞满结胸，协热利^③不止等症。如当发汗，不可太过。

本腑药：冬月正伤寒无汗用麻黄汤，春夏秋伤寒无汗用芎苏散、冲和汤、正气散选用。冬月正伤风有汗用桂枝汤，春夏秋伤风有汗用加减冲和汤、羌活散。热结膀胱用五苓散。

本腑脉：浮紧有力是伤寒，浮紧无力是伤风，脉浮、烦渴、小便不利乃是热结膀胱。


① 劳：《伤寒全生集·足太阳经见证治例》作“等”。

② 虚：原作“复”，据《伤寒全生集·足太阳经见证治例》改。

③ 协热利：外邪因误下而入里致里虚下利。协，原作“胁”，据《伤寒全生集·足太阳经见证治例》改。协，和，同。

伤寒足少阳胆病脉药经络第二十

此经前有阳明，后有太阳，故名曰少阳，主半表半里，缘胆无出入。其脉起于目锐眦，上头角，络耳中，循胸胁，行身之侧，终于足也。



胆重三两二铢，长三寸，在肝之短叶间，盛精汁三合。胆者，中正之官，喜乐出焉。胆为清净之府，诸府皆传秽浊，独胆无所传道，故曰清净。胆汁减则目昏，又吐，伤寒门，则视物倒植。



胆标本病十症：此是少阳经半表半里证，只宜和表里，随手而愈。若头角、耳中痛，耳边肿，耳中洪洪而鸣，耳中上下肿痛，或胁满痛，皆是少阳部分火邪为之。若口苦，少阳胆热也。若胁上硬痛，少阳邪结也。治之得法，有何坏症？

本腑药：本经之症，俱用小柴胡汤，随证加减，再无别汤。此其不从标本，从乎中治也。


本腑脉：弦数。

伤寒足阳明胃病脉药经络第二十一

此经两阳合明于前，故名曰阳明。腑居中土，万物所归，其经起于鼻额，络于目，循于面，行身之前，终于足也。



胃重二斤一两，大一尺五寸，长二尺六寸，径五寸，迂曲屈伸，盛谷二斗，水一斗五升，含水一满口，谓之五合，以此堆积算去，非今用之升斗也。胃者，仓禀之官，五味出焉。



胃标病六症：此是阳明经之标，不俱^①日数多少，便宜解肌。本病五症是阳明经之本，当清解邪热。


本病又十七症：此是本经实病，宜急下。若本元虚用蜜导。

本腑药：解肌用葛根汤，清解邪热用白虎汤，急下用调胃承气汤。

本腑脉：微洪热在经，洪数热在腑，沉数热在里。

伤寒足太阴脾病脉药经络第二十二

此经乃三阴之首，故名曰太阴，中宫坤土。其脉起于足大指，上行至腹，络于咽，连舌本，行身之前也。



脾重二斤三两，扁广三寸长五寸，有散膏^②半斤，居脊之第十二椎，掩乎太仓。脾主里血，温五脏，其类土，其色黄，其味甘，其臭焦，其液涎，其声歌，其志思，其畜牛，其谷稷，

① 俱：据文义当为“拘”。

② 散膏：指脾脏周围的一种组织。有人认为散膏可能是胰腺。

开窍于口，藏精于脾。脾者俾也，孤脏以灌四旁，为胃行其精液。



脾标病五症：此是阳经热邪传入阴，宜平热。

本病七症：亦是阳经热邪传入太阴，宜下之。

本病八症：此是本经直中寒邪，宜温之。

为此症不因嗜欲，为生冷之物伤脾胃，故为内伤寒也，治宜温散。内有寒热两端，不可混治。

本脏药：平热用柴胡桂枝汤，温之用理中汤，下之用桂枝^①大黄汤，若身目黄用茵陈汤，温散用治中汤。


本脏脉：沉缓热在经，沉实热在^②腑，沉细寒在脏。

伤寒足少阴肾病脉药经络第二十三

此经乃人之根蒂，三阴交中，故名曰少阴。其经始于足心，上行贯脊，循喉，络舌本，下注心胸，行身之前也。


① 枝：原脱，据《伤寒全生集·足太阴经见证治例》补。

② 在：原作“不”，据《伤寒全生集·足太阴经见证治例》改。



肾有两枚，重一斤二两，附着于脊之十四椎，当胃下两旁。开窍于二阴，藏精于肾，其类水，其色黑，其味咸，其畜彘，其臭腐，其液唾，其志恐。肾者作强之官，技巧出焉，左为肾，右为命门。

肾经标本病三症：此是本经自受夹阴伤寒，宜温经散寒。



标本病又六症：此是阴极发躁，宜退阴回阳。

标本病又六症：此是虚阳伏阴，宜温解表里。

本病八症：此是本经直中寒邪，宜急温之。


本病又十四症：此是夹阴中寒，宜温补之。其前少阴有身热者，是未离于表也。六经之中，惟此一经难辨大要，以口燥渴，脉沉实有力或大便不通，知其热；脉沉而迟，知其寒。至于阴经则难拘定法，或可温，或可下，故分直中、传经也。

本脏药：急下用大承气汤，急温用四逆汤，温解表里用加减五积散，温经散寒用麻黄附子细辛汤，温补用人参四逆汤加茱萸，退阴回阳用四逆合生脉散。

本脏脉：沉实有力热在脏；沉细无力寒在脏；数大无力是虚阳伏阴；其夹阴中寒、阴极发躁，脉皆沉也。

伤寒足厥阴肝病脉药经络第二十四

此经三阴交尽，故名曰厥阴。乃六经之尾，凡伤寒至厥阴病，热已极。其经始于足大指，上循阴器，抵少腹，循胁，上口唇，与督脉会于顶颠，行身前之侧。



肝重四斤四两，左三叶，右四叶，附着于脊之第九椎，在肾之前，并胃。其类木，其色青，其味酸，其臭臊，其声呼，其液泣，其畜鸡，其谷麦，开窍于目，藏魂精于肝，其志怒。肝者将军之官，决断出焉。



肝标病三症：此是热邪在经，宜和，若不呕便清，病自愈。

本病八症：此是阳经邪传入厥阴，宜急下之。

本病又十四症：此是本经直中真寒证，宜急温。本经有寒有热，临病制宜不可执一法也。

本脏药：急下用大承气汤，急温用茱萸四逆汤。和缓用柴胡桂枝麻黄各半汤。

本脏脉：沉实有力热在脏，微细无力或伏绝寒在脏，浮缓热在经，微浮微缓病自愈。

伤寒传足不传手经旧论第二十五

传足不传手者，此庸俗之谬论，岂有是哉！人之充满一身，无非血气所养，昼夜循环，运行不息焉，有只行于足不行于手之理乎？况风寒中人先入荣卫，盖伤寒者乃冬时感寒即病之名。

冬乃坎水^①用事，其气严凝，水冰地冻，在时则足太阳、少阴正司其令，触冒之者，则二经受病。其次则足少阳、厥阴经，冬而司春令亦受伤，何也？若风木^②之起于大寒，即正当十二月，至春分后方行温令，故风寒亦能伤之。足阳明、太阴中土也，与冬时无预，而亦受伤寒者，缘土无定位，无成名，无专气，寄旺于四时，能始终万物，则四时寒暖温凉之气皆能伤之也。况表邪伤寒必归于胃，而为燥屎，宜下之，则胃气和矣。手之经，主于夏秋，故不伤也。足之六经盖受伤之方，分境界也。若言伤足不伤手则可，以为传足不传手则不可也。设或不传，气逆而喘，何经而来？仲景设有麻黄桂枝，乃肺经药也，请试思之。又伤寒至五六日间，渐变神昏不语，或睡中独语一二句，目赤唇焦，口干不饮水，稀粥与之则咽，终日不与则不思，六脉沉数而不洪，心下不痞，腹中不满，大小便如常。或至十日以来，形如醉人，医^③见神昏不已，多用承气下之，则误矣。盖不知此热传少阴心也，然未知是何经而来，答曰：太阳伤风为阳邪，邪传卫，阴血自燥，热畜膀胱，壬病逆传于丙，丙丁兄妹，由是传心，心火上而逼肺，所以神昏也。谓肺为清虚之脏，内有火邪，宜梔子黄芩黄连汤。若脉在丙兮导赤散，在丁兮泻心汤。若误用凉膈散，乃气用血药也。如左手寸脉沉滑有力者，则可下之，或用犀角地黄汤，近于是也。若无犀角，以升麻代之。且阳明经药也，此解阳明经血中热也。若浮沉俱有力者，是丙丁中俱有热也，可用导赤、泻心各半服，宜矣。此证膀胱传丙，足传手经也，又谓腑传脏也，又下传上也。丙

① 坎水：指肾水。

② 木：原作“水”，据《伤寒全生集·伤寒传足不传手经论》改。

③ 医：原作“虚”，据《伤寒全生集·伤寒传足不传手经论》改。


传丁者，表传里也，壬传丁者，坎传离也，名曰经传。《活人书》^①云：伤寒只传足经而不传手经者，何以知之？《经》曰：伤寒止传一经，或间一二经，不可一途取之，但凭外证与脉参之，此活法也。与食则咽者，知邪不在胃也。不与则不思者，知其神昏故也。热邪既不在胃，误与承气下之，其死必矣。岂虚语哉！

伤寒三阴无传经旧论第二十六

凡伤寒，自三阳传进三阴，入里为尽，无所复传，故言无传经。若言再传者，足传手经也，其三阴自中真寒证，一身受邪无分经络，亦不再传也。

伤寒手太阴肺经络第二十七

此经之脉起于中焦，下络大肠，还循胃口，上膈。



① 活人书：书名。又名《类证活人书》，共20卷，北宋著名医家朱肱撰。朱肱，字翼中，号无求子，晚号大隐翁，撰《伤寒百问》等书。

肺重三斤三两，四垂^①如盖，附着于脊之第三椎，中有二十四空，行列分布诸脏之气，为诸脏之华盖。



伤寒手阳明大肠经络第二十八

此经之脉，起于大指次指之端，循指上廉，出合谷两骨之间，上入两筋之中，大指之次指。凡经络之道，阴脉行手足之里，阳脉行手足之表。




① 四垂：自四方下垂。

大肠重二斤十二两，长二丈一尺，广四寸，径一寸，当脐右，回十六曲，盛谷一斗，水七升半。大肠者传道之官，变化出焉。




伤寒手少阴心经络第二十九

此经之脉起于心中，出属心系，下膈，络小肠。




心重一十二两，附着于脊之第五椎，居肺下膈上，中有七孔三毛一云惟上智之人有之，形如未放莲花。




伤寒手太阳小肠经络第三十

此经之脉起于小指之端，循大指侧，上腕出踝中。




小肠重二斤十四两，长三丈二尺，广二寸半，径八分，分之少半，左回叠积十六曲，盛谷二斗四升，水六升三合，合之大半。小肠下口别清浊，水液入膀胱，滓秽入大肠。小肠者受盛之官，化物出焉。



伤寒手厥阴命门经络第三十一

此经之脉起于胸中，出属心包，下膈，历络三焦。铜人图与第二十三肾经同。左名肾，右名命门。



伤寒手少阳三焦经络第三十二

此经之脉起于小指次指之端，上出次指之间，循手表腕，出臂外两骨之间，上贯肘。

三焦乃元气之所使，有名而有微形，故难画图。上焦主纳而不出，中焦主腐烂水谷，下焦主出而不纳。

司天时令新论第三十三

愚谓天主六气，地运五行，德化者气之祥，政令者气之章^①，变易者复之纪，灾眚^②者时之变。德化政令谓之主气，乃五常之道也，变易灾眚谓之客邪，乃五常之反也。何则明王^③在上，朝政清明则天地清宁，日月顺度，轮风^④怪雨不作，有德化而无灾眚。明王不兴，君弱臣强，政令乖张则天地失宁，五星^⑤失度，淫雨无节，陨霜杀稼，名木多死，天地不相保，而况于人乎？是以时疾流行，人民夭札^⑥，俗谓之天责年时，虽由人之内因、不内外因之所致，实因天地乏中和之气，五运六气有衰旺之不同，故有应与不应焉。应者岁之常，不应者时之变，但可论其大纲而不可执其微细也。

运气司天^⑦在泉^⑧诀

子午少阴君火天，阳明燥金应在泉，丑未太阴土旺，太阳寒水两连绵，寅申少阳相火上，厥阴风木中联，卯酉却与子午倒，辰戌丑未亦皆然。

主气例

大寒厥阴为初气，春气少阴通二气，小满太阴三气至，火暑少阳四气中，秋分阳明五气是，小雪太阳六气住。

① 章：通“彰”。《国语晋二》：“章父之恶，取笑诸侯，吾准乡而入。”

② 灾眚（shěng 省）：灾祸。眚，灾异。

③ 明王：贤明的君王。

④ 轮风：指旋风。

⑤ 五星：也作五曜，指木星、火星、土星、金星、水星。

⑥ 夭札（zhá 闸）：遭疫病而早死。夭，短命，早死；札，疫病。

⑦ 司天：客气中主岁之气。

⑧ 在泉：客气中在位置上与司天相对之气。

且如子午年，少阴君火司天，就子上顺数至第三位卯上，即阳明在泉，第四位是客气，太阳寒水为初气，厥阴为二气也。

五运所属

甲己化土乙庚金，丁壬化木尽成林，丙辛水运分清浊，戊癸南方火焰侵。

假若今年是乙未，属金运，各主七十二日零五日，每一气各主六十日零八十七刻半。

子午年

初气太阳，天时雨雪时降，水流复水，民病腹痛清厥^①。

二气厥阴，天时地起飏风，民病眩冒。

三气少阴，天时炎气大作，民病疫疠盛行。

四气太阴，天时雨水霖霖，民病濡湿肿满。

五气少阳，天时凉风愆期，民病寒疟痢疾。

六气阳明，天时寒气潇沥，民病癰疽。

丑未年

初气厥阴，天时风雨数举，木偃沙飞^②，民病强直。支痛缓戾筋缩。

二气少阴，天时暄热，民疽疾。

三气太阴，天时暑湿而溽^③，民病便血。血溢，血泻。

四气少阳，天时热郁淋雨，民病疟疾。

五气阳明，天时大凉，民病喘嗽逆。

① 清厥：病证名。厥证之一。指寒厥之指尖独冷者。

② 木偃（yǎn 演）沙飞：原作雪偃沙风，据《素问·六元正纪大论》改。

③ 溽（rù 入）：湿润。

六气太阳，天时大寒凛冽，民病厥逆固禁。

寅申年

初气少阴，天时温和风举，民病掉眩。

二气太阴，天时雨降复缓，民病温热。

三气少阳，天时赤旭炎蒸，民病暴疾暴死。

四气阳明，天时凉雨时行，民病疟肿濡泄。

五气太阳，天时霜降大凉，民病郁热。

六气厥阴，天时飒风大起霜雪，民病目眩赤肿。

卯酉年

初气太阴，天时风举雨作，民病肿胗^①眩。

二气少阳，天时温和，民病疫疠大行。

三气阳明，天时雨水燥热，民病痈肿。

四气太阳，天时雨雹不雨，民病泄泻。

五气厥阴，天时云物不宁，民病强直。

六气少阴，天时雪雨愆期，民病中热。

辰戌年

初气少阳，天时暄热，民病瘟证。

二气阳明，天时疠燥，民病诸热。

三气太阳，天时瘟疫，民病内燥。

四气厥阴，天时雨作交变，民病脾疾。

五气少阴，凉风愆期草木不彫^②，民病疮疡。

六气太阴，天时雨雪大作，民病脾厥。

① 胗：据文义疑作“晕”。

② 彫（diāo 凋）：同“凋”。

巳亥年

初气阳明，天^①时草木发脆天气及凉，民病胁痛。

二气太阳，天时及寒，民病郁热。

三气厥阴，天时风雨交作，民病眩晕呕吐。

四气少阴，天时蒸溽^①淋雨，民病热痢。

五气太阴，天时淫渍，民病泻痢。

六气少阳，天时流水不冰，热各时见，民病暴热。

伤寒可发汗八项第三十四

头项体痛者。腰痛背强者。

身痛拘急者。漉漉恶寒者。

翕翕发热者。尺寸脉浮紧者。

尺寸脉浮数者。病人烦热不止者。

已上皆属表证，得表脉无汗者即宜发汗。若汗后不解，表证尚在，再宜汗之。如表证已解，其热不退，是传经，宜别治。

伤寒不可发汗二十一项第三十五

口燥舌干者。口苦咽干者。

咽喉痛者。吐血下血者。

淋血者。小便淋沥者。

大便泻利者。内伤劳倦者。

尺脉微弱者。房劳阴虚者。

梦遗泄精者。脐下动气者。

风湿者。湿温者。

① 蒸溽：天气炎热，湿气熏蒸。

中暑者。疮痛者。

妇人经水适来适断者。新产血虚者。

气血两虚者。脉微细者。

少阳胆病者。

伤寒脉沉可发汗第三十六

脉沉可汗者，为身有热也。假若身不热，岂敢汗乎？

伤寒发汗不出熏法第三十七

用发表药汗不出，将苏叶烧汤，以器盛之，至于被内两膝下熏之。又法用姜查^①，绵裹，周身擦之，其汗自出，此良法也。

伤寒汗出不住止法第三十八

将病人发披在水盆中，足冷于外，用炒麸皮、糯米粉，龙骨、牡蛎煅为末，和匀周身扑之，其汗自止。此良法也。

伤寒可吐十三项第三十九

胸中懊恼者。喉中有痰声者。

胸满郁郁微烦者。中风寒，痰涎壅塞者。

食在胃口，脉滑者。干霍乱，心腹刺痛欲死者。

伤寒三四日邪在胸中者。脉大，胸满，多痰者。

下利日数行，寸口脉滑者。寸口脉沉伏，或浮滑有痰者。

手足厥冷，脉乍结，此寒气在胸中，则心下满而烦，欲食

① 查：同“渣”。

不能食者。

凡病在膈上者。胸中郁郁，疼不能食，欲人按，吐涎沫者。

伤寒不可吐八项第四十

病人元气虚羸者。老弱血气两虚者。

房劳阴虚者。劳倦内伤者。

胎产崩漏者。寸脉虚细弱无力者。

经水适断适来者。少阳胆病者。

伤寒吐不出探法第四十一

用梔子豉汤、大瓜蒂散不得吐，随用三山丸^①合解毒散煎服，再不吐，将鹅羽在喉中探吐。

伤寒吐不住止法第四十二

用炒糯米一撮，生姜自然汁少许，水煎服。凡呕吐不止者，亦用此二味入各药中同煎服，呕吐自止，乃为良法。如胃实呕吐者，悉不可用此法。

伤寒急下六项第四十三

少阴病口燥舌干，因邪热内消肾水，故急下。

有自利纯清水，心下硬痛，口燥渴者，急下。

有腹胀满硬，或绕脐硬痛，不大便者，急下。

阳明病汗多热甚，恐胃汁干，故急下。

① 三山丸：方名。出自宋代张锐《鸡峰普济方》卷三。由山茵陈、川大黄、常山、山梔子、杏仁、芒硝、豉心、巴豆组成。主治伤寒食疫气、温黄、疾病劳疟、岚瘴。

有腹满痛，为土实，故急下。

热病目不明热不止，死，目睛不明，因肾水已竭，故急下。

伤寒可下二十三项第四十四

蒸蒸发热大便不通者。潮热腹痛者。

能食不大便者。潮热腹胀硬，喘者。

谵语脉滑疾者。潮热谵语者。

下利脉滑数，此有宿食也。下利脉三部皆平，心下硬痛者。

腹中满痛者。发热大渴，不大便者。

转屎气者。潮热不解，脉沉数大便难者。

肚腹胀满不减者。胸痛者。

潮热自汗谵语，燥渴大便不通者。

阳明白汗多，胃中必燥，大便必硬而谵语者。

潮热，手足浆浆汗出，大便难者。

目中不了了，睛不和，大便不通者。

汗出下后微烦，小便数，大便难者。

小腹硬满而痛，小水自利大便黑，此有畜血也。

五六日不大便，绕脐硬痛，烦躁，发作有时，此有燥屎也。

内实燥满及发斑黄，狂乱，扬手掷足，揭去衣被，不大便者。

病人小便不利，乍难乍易，微热，喘满不卧，亦有燥屎也。

大抵一切下症要知舌干，口中燥渴，大便不通，脉沉实、沉数、沉滑有力，再以手按脐、腹、胸胁，硬满而痛，手不可近，急下之无疑。如下不尽，再下之后，腹中虚软，脉无力，此为虚也，以参胡三白汤加当归和之。若下后发热、潮热、往来寒热不解者，小柴胡汤加减和之。若烦热不得卧者，温胆汤

加竹叶石膏主之。如下后利不止，或身体疼痛，脉无力当温补。

伤寒不可下二十三项第四十五

脉沉有表证及恶风恶寒者。头背项腰强痛拘急者。

手足逆冷不温者。尺脉弱者。

六脉虚细者。呕吐者。

腹中时满时减者。不转屎气者。

腹胀可揉可按者。脐左右有动气者。

少阳胆病者。腹如雷鸣者。

阳明面冷赤色者。咽中闭塞者。

血气两虚者。内伤劳倦者。

阴虚劳倦者。经水适断适来者。

胎前崩漏者。小便清白者。

夹阴面赤者。心下硬者。

脉虽大无力者。

伤寒脉浮可下第四十六

脉浮可下，为大便难也。假若大便不难，岂敢下乎？

伤寒下不行通法第四十七

用大小承气汤、舟车丸不肯下，随用牵牛丸、甘遂末服。如虚人不能经此行药，用灸脐法、煎蜜导法、猪胆汁法。俱详见六卷。

伤寒下不住止法第四十八

用大黄、芒硝，利不止者，将人参二钱，干姜三钱，乌梅、

甘草一钱，陈皮二钱，水二大钟^①，煎一钟，入东壁土^②，炒一匙，临服入药，调匀服之，即止。取土气以助胃气也。

伤寒急温一项第四十九

蒸脐、熨脐、揉熨、灸阴寒证四法，开在后。

少阴病膈上有寒饮，干呕不吐者，急温之。

伤寒可温十六项第五十

中寒直中阴经者。无热恶寒者。

口吐涎沫者。脉虚细无力者。

脉沉迟者。腹满泄泻者。

战栗蜷卧者。面如刀刮者。

四肢逆冷者。膈上有寒干呕者。

呕吐不止者。面戴阳者。

夹阴中寒面唇青者。阴症舌卷囊缩，手足厥冷者。

清谷泻利不止者。胃寒咳逆者。

已上之症要在脉来沉细、沉迟或伏绝者，悉皆温之，无疑矣。

伤寒不可温十项第五十一

口燥咽干，舌燥渴者。身热小便赤者。

揭去衣，扬手掷足者。喜冷饮者。

① 钟：古代器名，即圆形壶，用以盛酒浆或粮食，盛行于汉代。义同“盅”。

② 东壁土：药名。出自《名医别录》。甘，温，无毒。主治下部疮、泻痢霍乱、脱肛等。

大便实者。身发斑黄狂乱者。

谵语潮热者。面赤大便实，烦躁谵语者。

身热脉来有力者。小水短赤者。

已上之症要在脉来沉实、沉数、沉滑、洪大有力者，悉皆不可温之也。

伤寒小便不通熏法第五十二

一切小便不利，先将麝香、半夏填患人脐中，上用葱白、田螺各捣烂成饼，封于脐上，用布带缚住良久，下用皂荚烧烟熏入阴中，其水窞^①自通。妇人亦用皂荚煎汤，庠洗^②不便处，小水亦通。

伤寒胸膈不宽熨法第五十三

一切寒结、热结、水结、食结、痞结、血结、痰结、支结、大小结胸、痞气结者，俱用生姜捣烂如泥，去汁，取粗^③，炒热，绢包，渐渐揉熨心胸胁下，其满痛豁然自愈。如姜查冷，再入姜汁，再炒再熨揉之，以愈为效。惟热结用冷姜查揉之，不可炒热，医当慎之。又有伤寒衄血将解未尽，或热极及吐血不尽，医不知其症，遂用凉药之剂止住其衄血，留结于心胸之分，故满痛而成血结胸也，用加味犀角地黄汤。

伤寒发狂止法第五十四

用生炭烧红，捉住病人，将炭火对面，倾好醋在上，其烟

① 水窞：水道，水之出入孔道。在此指膀胱。

② 庠（hù 户）洗：此指将汤液装入庠斗中淋洗。庠：庠斗。

③ 粗（zhā 渣）：同“渣”。

气透入病人鼻中发狂少住，然后用药。

伤寒发班疹看法第五十五

大抵一切发班疹，先将红纸捻^①，浊灯，照看病人面部、胸堂^②、背心、四肢，有红点起者，乃发班也。若大红点发于皮肤之上，谓之班；小红靨行于皮肤，不出起者，谓之疹，盖疹轻而班重也。先将姜汁喷于班上，已后照阴阳、虚实、寒热而用药。

伤寒擦刮舌胎刺法第五十六

用薄荷水浸青布，在舌上洗净，后用生姜切薄片，时时蘸水刮之，其胎自退。

妊娠伤寒护胎法第五十七

用井底泥、青黛、伏龙肝各为末，调匀，涂于孕妇脐中二寸许，如干，再涂上，以保胎孕也。

到伤寒家不染病法第五十八

凡入病家，须避其邪气，不使染着为上，此亦医人之惠，不可不知，故亦附之。以雄黄末涂鼻孔，行动从容，位而入男子病，秽气出于口；女子病，秽气出于阴门。其相对坐立之间，必须识其向背。

① 捻（niǎn 辇）：用手指搓转。

② 堂：据文义疑作“膻”。

伤寒服药即吐止法第五十九

用筋头，或竹管，或手指，捺紧脉之关部穴，其吐自止。

伤寒发黄擦法第六十

见本卷后。

伤寒诸禁忌法第六十一

伤寒吐蛔虽有大热，忌用凉药，犯之必死。先当温剂以定蛔，后用凉剂以退热。

伤寒十余日后尚有表证，禁用麻黄。宜微汗之。

伤寒十余日后尚有里证者，禁用承气。宜微下之。

伤寒表证未除，里又急，不得不下者，禁用承气汤。

伤寒老弱之人，元气两虚，有下证者，禁用承气汤。

伤寒尺脉弱而无力，切禁发汗。宜小柴胡汤和之。

伤寒汗下后，用参术大补。

伤寒曾汗下后，果虚弱之甚，脉见无力。宜人参三白汤温补之，劳力伤内，不在禁补之例。

伤寒有汗。不可服麻黄。

伤寒无汗。不可服桂枝。

伤寒有汗。不可再发汗。

伤寒多汗。

伤寒自汗。

用药寒温相得旧论第六十二

夫发表之药用温，攻里之药用寒，温里之药用热者，各有

所宜也。盖表既有邪，则为阳虚阴盛，温之以助阳，阳有助则盛，而阴邪所由以消，故用辛甘发散之，以为阳也，此指表药用温者而言之明矣。里既有邪则为阴虚阳盛，寒之乃以助阴而抑阳，阳受其抑则微，而真阴所由以长，故用辛苦泄泻之，以为阴也，此指里药用寒者而言之明矣。至于阴经真受寒邪，则为脏病，主阳不足而阴有余，故用辛热之剂以温之，所以助阳抑阴则阴消阳长，此指言温里之药亦明矣。若表有邪而不汗之，其邪何从而解？里有邪而不下之，其邪何从而出？脏有邪而不温之，其寒何从而除？此三者，故用药有温凉寒热之别也。其于热药寒服，寒药热服，中和之剂温而服之，此则寒因热用，热因寒用，不寒不热温而用之之义也。且药之相得也，如麻黄得桂枝则能发汗，芍药得桂枝则能止汗，黄芪得白术则止虚汗，防风得羌活则治诸风，苍术得羌活则止身痛，柴胡得黄芩则寒，附子得干姜则燥，羌活得川芎则止头疼，川芎得天麻则止头眩，干姜得天花粉则消渴，石膏得知母则止渴，香薷得扁豆则消暑，黄芩得连翘则消毒，桑皮得苏子则止喘，杏仁得五味则止嗽，丁香得柿蒂、干姜则止呃，干姜得半夏则止呕，半夏得姜汁则回痰，贝母得瓜蒌则开结痰，竹沥得姜汁则行经络，桔梗得升麻开提血气，枳实得黄连则消心下痞，枳壳得桔梗能使胸中宽，知母、黄柏得山梔则降火，豆豉得山梔治懊恼，神砂得肉枣则安神，白术得黄芩则安胎，陈皮得白术则补脾，人参得五味、麦门则生肾水，苍术得香附开郁结，厚朴得腹皮开膨胀，草果得山楂消肉积，神曲得芽麦能消食，乌梅得干葛则消酒，砂仁得枳壳则宽中，木香得姜汁则散气，乌药得香附则顺气，芍药得甘草治腹痛，吴茱萸得良姜亦止腹痛，乳香得没药大止诸痛，芥子得青皮治胁痛，黄芪得附子则补阳，知母、黄柏得当归则

补阴，当归得生地则生血，姜汁、磨京墨则止血，红花得当归则活血，归尾得桃仁则破血，大黄得芒硝则润下，皂荚得麝香则通窍，诃子得肉果则止泻，木香得槟榔治后重，泽泻得猪苓则能利水，泽、猪得白术则能收湿。此用药相得之大端，医家之心妙法也。

伤寒六经传变正治之法第六十三

初起一二日，足太阳膀胱受证，此经从头项贯于腰脊，故有头疼，恶寒发热，脊强。脉按皮肤之上，轻手便得曰浮，一经有二药之分，浮而有力无汗为表实，是伤寒表证。寒则伤荣血，用麻黄汤发腠理，表汗除，邪而愈。脉来浮缓无力有汗者为表虚，是伤风表证。风则伤卫气，冬月桂枝汤充塞腠理，止汗散邪为愈。有人言桂枝发汗者，非发汗也。仲景先师秘云：脏无他痛里和也，卫气不和表病也，自汗出者卫不和也。荣血不与卫合，故用桂枝甘缓之剂，以其和合荣卫，汗出风邪由此而解矣，邪无容地自出矣，非发也，实闭汗孔也，发字当作出字论。其余月感冒非时暴寒之证，无汗以羌活汤，内加苏叶、葱白发散。若少阴心经有血热用生地黄，无则去之。如太阴肺经有痰热，鼻塞用黄芩^①，无则去之，此二味有所别也。其秋湿春温夏暑之症，正宜加之，切勿依方一概妄用。有汗加味冲和汤，逐邪而愈也。甚汗不止用黄芪、白术为加，若将冬时正伤寒之药，混治非时冒寒之轻；若将非时冒寒之药，混治冬时正伤寒之重，必为害矣，不死则危。如一日至十三日，若见头疼恶寒，不论日数多少，尚为表证，热未解，还用发汗，切不

^① 黄芩：原作“黄苓”，据文义改。

可下，若下之，变为结胸等证。再若二三日至六七日，或八九日、十三四日，头疼恶寒皆除，反怕热，或胸腹满闷硬痛、便实、口渴、谵妄者，此热邪传里。年老元虚之人，大柴胡汤下之。年壮元盛热深之人，大小承气下之。一切不可拘于日数，始太阳厥阴之论也。若夫是头痛恶热，止则恶寒，自汗微热者，汗后表虚也，故用黄芪建中汤加桂枝以和表也。甚不止者，去桂加炒白术、附子少许，以温之，亦不可拘于数日也。又有少阴证似太阳，太阳脉似少阴，开记后条明白矣。七日邪传足厥阴肝经，此经循阴郛络于肝，会于巅项，故有烦满囊拳^①而渴，一身无热，四肢微厥，脉至筋骨间况缓有力，此热从三阳传入厥阴里证也，表虽冷，内有热邪，正谓阳极发厥，宜当承气下之，不必拘于日数也。两阴多尽名厥阴也。如初起无身热便四肢厥冷，怕寒，不渴，或腹痛吐利者，脉沉迟无力，此证非从三阳传来，乃是直中寒厥也，急用附子四逆汤温之，再灸丹田、气海三十壮。如沉重，不省人事，脉全无者，必死也。口中出沫，寒痛者，盐炒茺莢姜汁煎服为效矣。少阴脉似太阳，太阳脉似少阴，治法阴阴二证俱同。脉沉各有所辨，如沉脉发热，以其无头疼，故名少阴证。当无热今反有热者，乃寒邪未离于表肤。郁闷为热，而里无热，故为阴证似阳也，用附子麻黄细辛发表之间热，附子温之。少阴之经，假若寒邪在里，外必无热，当见吐泻、厥逆、腹痛等证，方可用附子理中汤救里。外证无热，如见脉沉、发热，以其有头痛，故名太阳病。脉当浮今反沉而不浮者，以里虚久寒，正气衰微所致，又身体痛，故当救里。四逆汤使正气内逼邪出外，而干姜、附子亦能出汗而

① 囊拳：指阴囊与睾丸上缩

解。若里不虚寒则见浮脉，而属太阳麻黄汤表证也。以此论之，表邪浮浅发热之证反轻，正气衰微脉沉之候反为重，此曰逆不为不重于麻黄附子细辛汤，又可见熟附配麻黄，发中有补；生附配干姜，补中有发也。此二证，阴阳脉沉，发热虽同，而有无头痛各别，故用不同，实妙诀也。

妊娠伤寒禁忌药第六十四

虻^①班^②水蛭及虻虫，乌头附子配天雄，野葛水银并巴豆，牛膝薏苡与蜈蚣，三棱代赭芫花麝，大戟蛇蛻黄雌雄，礞硝芒硝牡丹桂，槐花牵牛皂角同，半夏南星与通草，瞿麦干姜桃仁通，硼砂干漆^③蟹甲爪^④，地胆^⑤茅根都不中。

蒸脐法 用麝香、半夏、皂荚末一字^⑥，填患者脐中，后用生姜、薄荷贴于脐上，放大艾火于姜片上，蒸二七壮，灸关元、气海二十壮，热气通于内，逼于外，阴自退而阳自复矣。

熨脐法 用葱头缚一把，切去叶，留白根，切饼二寸许，连缚四五饼。先将麝香、硫黄二字填于脐中，放葱饼于脐上，以熨斗盛火于饼上熨之，饼烂再换饼，再熨。热气入腹，以通阳气，如大小便不通，以利即止。

揉熨法 用茱萸二三合，麸皮一升，盐一合，拌匀炒热，

① 虻：药名。疑为“土元”。

② 班：药名。疑为“斑蝥”。

③ 干漆：药名。又名漆渣、漆脚。出自《神农本草经》。破瘀血、消积、杀虫。主治妇女经闭、癥瘕、瘀血疼痛、风湿寒痹、虫积腹痛。

④ 蟹甲爪：药名。疑为“蟹爪”。

⑤ 地胆：药名。出自《神农本草经》。攻毒逐瘀。主治恶疮、瘰癧、癥瘕等症。

⑥ 一字：古代中药计量单位，以唐“开元通宝”钱币抄取药末，将药末填满钱面四字中一字之量，约合今之0.4克。

以绢包，于腹中上下热揉熨之，自然有效也。

灸阴寒证法 气海穴在脐下一寸五分。丹田在脐下二寸。关元在脐下三寸。用艾火壮灸二七壮，但手足温暖，脉至，知人事，无汗。要有汗出即生，不暖不省者死。

一法伤寒腹痛 须分寒热，先将冷水一盞与病人饮之，其痛若止者，属热，方可用寒药下之，痛随利减之法也。如饮水后愈加作痛者，属寒，宜以热药温之。利后痛减者属食积，宜消导之剂消之。绕肠痛而手不可近者，有燥屎也，又当照前热症治法下之。当详脉中有力无力，此为良也。

一法伤寒真伤寒症 或无脉，或吐泻，脱神而无脉，将热酒入姜汁各半盞，与服之，如脉来者可治，当察虚实伏阴用药，不问脉之浮沉大小，但指下出见者，为有生也。

一法伤寒身发黄者 用生姜渣时时周身擦之，其黄自退，有心胸胁下邪气满闷者，又用生姜半斤，捣渣，连汁炒熟，带润用绢包，于患者病痛处时时熨之，豁然觉快，俱为良法也。或结胸者，心膈满闷、硬痛，与夫肠有邪热燥屎者，结实硬痛，又当下之，不在此法。

一法伤寒热邪传里 服大黄、硝下药后，复用盐炒麸皮一升，乘热包于病人肚皮上，用纸隔之，渐渐熨之，使药气入，大便易通矣。其直中阴经真腹痛者，亦用此法，甚良。

一法伤寒鼻中出血成流久不止者 将山梔子炒黑色，为细末，吹于鼻中，外用水纸搭于鼻冲^①上，其血即止。若点滴不成流者，其病在经未解然，后秘方用药，不在此法也。

一法伤寒有夹食停寒者 使阴阳相隔，不得通利，痛闷欲

① 鼻冲：经穴别名。出自《针灸甲乙经》。即曲差穴。

绝，将滚水一大碗，入盐一撮，并皂荚叶细末一匙，调服探吐，随后验症用药，此为良法。切忌米汤，与之立死，盖谷气反助邪气也。

一法伤寒证失于汗下，使热入深，故吐血不止 用捣韭汁，磨金墨二匙，调服之，其血即止。赤属火，而黑属水也，如无韭汁用鸡子清代之亦可。

一法伤寒证厥，昏迷不省人事者 以皂荚末纸捻，燃烟冲入鼻内，有嚏可治之，无则不治，肺气上绝也。可治者，随用皂荚细末、半夏、生凡共一钱五分，入姜汁调服探吐，痰去苏醒为效。

一法伤寒热病发狂，班黄，大渴，谵语，烦躁不得安者 切不可掩闭床帐，务使揭开，放入爽气良久，随用布渍水，浥^①胸前徐徐换之，待热气稍可即除，不可久也。

① 浥(yì 邑)：湿润。

卷之三

伤寒正病三十六名

正 伤 寒

正伤寒来历、病证、治法详见纲领、铜人、拟病格式条下。伤寒始于太阳膀胱经，恶寒无汗，脉来浮紧，冬月无汗用麻黄汤，三时^①有汗用冲和汤，自然热退身凉。

若伤阳明胃经，便有目痛、鼻干、不眠之证，脉来微洪，治宜解肌用葛根汤。若伤至少阳胆经，便有胸胁痛、耳聋、寒热、呕、口苦之证，脉来弦数，宜和解表里，用小柴胡汤。

若表证皆除传进三阴，反见怕热，揭去衣被，燥渴谵语，潮热，班黄，狂乱，大便不通，脉来沉实有力，治宜急下，三承气汤选用，大便通而热自愈矣。

中 寒

中寒来历、病证、治法同前条下。中寒，寒邪卒时直中阴经即病，一身受邪，难分经络，无热可发，治宜温补自解。

如中太阴脾经，用藿香正气散合理中汤，寒甚加附子。

如寒中少阴肾经，用五积散加茱萸，寒甚^②足冷，加附子四逆汤。

如寒中厥阴肝经，用茱萸附子四逆汤，寒热手足甲唇皆青，舌卷囊缩，脉伏绝者，用蒸脐法及大剂姜附以温之，不然则死矣。

① 三时：指春、夏、秋。

② 甚：原作“热”，据《伤寒全生集·辨伤寒伤风中寒不同论》改。

冬 温

冬温来历、病证同前条下 治法大率与正伤寒同。

两感伤寒

两感伤寒来历、病证同前条下 两感伤寒虽为必死之症，用药须分先后，发表攻里，不可并行，阴阳不可一途而治。发表药用葛根麻黄汤，攻里药用调胃承气汤，救里药用四逆汤。假如太阳膀胱与少阴肾经同病之症，头疼恶寒是邪在表也，口渴邪在里也。又阳明与太阴同病之症，身热是邪在表也，腹满邪在里也。又少阳与厥阴同病之症，耳聋、寒热、呕、口苦是邪在表也，烦满囊缩邪在里也。故言表里不可并行，须要真知。表邪多用发表药多，兼攻里之剂少许；里邪多用攻里药多，兼发表之剂少许可也。若表胜先发散之，若里胜先下行之亦可也。若虚则补而治之，不可执一法也。东垣用九味羌活汤治两感。

伤寒合病

伤寒合病来历、病症同前条下

太阳与阳明互相合病，葛根汤主之。

太阳与少阳互相合病，用麻黄汤主之。

少阳与阳明互相合病，用承气汤主之。

三阳无表症，俱可下之，但三阳合病，仲景无背恶寒之句语，虽则口燥渴，心烦，微恶寒，乃属太阳而非三阳合病也。三阳若与三阴合病，即是两感，所以三阴无并合例也。大抵伤寒二阳经合病，必用二阳经药合治；三阳经合病，必用三阳经

药合治。如人参羌活汤，乃三阳经之药，麻黄汤、神术汤是太阳经药，葛根汤、白虎汤是阳明经药，小柴胡汤是少阳经药也。

伤寒并病

伤寒并病来历、病症同前条下 太阳阳明并病，如两家相搏^①并为一家人之象耳，本太阳病发汗而汗出不彻，因转属阳明续自微汗出，不恶寒是并归阳明也。

太阳病而热在，为其有恶寒也，桂枝麻黄各半汤，或九味羌活汤尤妙。

太阳证罢，大小承气汤。

阴毒伤寒

阴毒伤寒来历、病症同前条下 又加咽喉不利，致毒气攻心，心下胀满，结硬如石，四体坚冷如冰，或气促呕闷，或冷汗不止，或烦躁吐利，此皆阴寒毒气入深。先用姜汁、好酒各半盏热服，脉来可治。察其虚寒伏阴用药，又当知病人有无痛处，若痛甚者，脉必伏，急用蒸脐熨法，灸关元、气海，灌入四逆汤，此为斡旋之功矣。

烦躁呕逆，用四逆汤加姜汁、半夏。

渴者去半夏，用水浸冷服之，躁定渴止，此寒因寒用。面赤加葱白。

阴毒面唇青，口张出气，心下满硬，身不热，额上有汗，烦渴，舌不黑，多睡，四肢逆冷。

伤寒时气，得病一二日便结成阴毒，或服药后四五日，或

① 搏：据上下文义，疑作“搏”

十余日变成阴毒，身重背强，腹中绞痛，咽喉不利，毒气攻心，心下胀满，硬如石，短气不息，呕逆，唇青面黑，四体如冰，身如被杖，其脉沉细而疾或伏绝。用阴毒甘草汤，先进一服，如人行十里，再进一服，取汗出乃愈，盖阴毒之气随汗而出也。五六日可治，七日不可治。

阴毒呕逆吐利，腹痛，身如被杖，四肢厥冷，过乎肘膝，昏沉不省，六脉沉伏或绝，心下胀满结硬，坚冷如冰，汤药不受，面、唇、指甲皆青黑色，或时郑声，舌卷囊缩，烦躁，冷汗不止，腰背胀痛，此皆阴寒毒气入深，急用蒸脐法。如手足温暖即止，知人事者生，灌入生姜汁，照前用药，不可与凉剂，误服必死。

伤寒阴毒入深，昏沉不醒，体冷如石，心腹坚硬，脉伏欲绝，及治夹阴中寒，小腹绞痛，面青，舌卷囊缩者，用熨脐法。

阴症伤寒

阴症伤寒来历、病症同前条下 治宜用姜附汤。

夹阴中寒

夹阴中寒病症、来历详见纲领条下 初起恶寒厥冷，蜷卧不渴，小腹绞痛，面唇赤色，六脉沉细，先用蒸脐、灸关元气海法，急用人参四逆汤，倍加茱萸、姜汁温之为当矣。

夹阴中寒，面青小腹痛，小水不利，胀满，脉沉足冷，用揉熨法。

若伤寒阳症用大黄、芒硝，利药不行，亦用揉熨法，使药气得热则行，大便易通矣。

夹阴伤寒

夹阴伤寒病症、来历详见纲领条下 治法用麻黄附子细辛汤，倍加人参、干姜温经散寒。

阴极发躁，用四逆汤合生脉散，入神砂、细茶、白蜜冷服。

阴利，用四逆汤加人参、茯苓、肉桂、肉果、砂仁、木通、灯心、升麻少许服之。

虚阳伏阴，用加减五积散冷服，药服下嗝，冷体既消，热性乃发，热因寒用也 此几证中，医不识足冷、脉沉或数大无力，中主断，见其身热、面赤、烦躁便认作阳证，误投凉药，死者多矣。殊不知阴证不分热与不热，面赤与不赤，辨脉下药最为切当，不拘脉之沉浮大小，但指下无力，重按全无便是阴证，故足冷也。虽有身热不可与凉药，服之则渴甚而急死，当用温解表里之药，随手而愈。内有沉寒必须姜附以温之，切忌勿泄。凡下手脉来实，洪大而数，按之不鼓击于指下者，即无力也；重按全无者，即空大而散，是无根叶脉也，此取脉不取证也。夹阴、伏阴、真阴、阴躁、阴利等证，皆为色欲内伤，肾经虚损，受寒邪，阴气独盛，阳气以衰，故有此证此脉。古之谚云：“伤寒偏死下虚人”。诚哉，是言也。肾经真气者，人之命蒂也，可不谨养乎！

伤 风

伤风来历、病证亦是太阳经病起，若传各经，依伤寒条下治之。冬月自汗用桂枝汤，三时自汗用羌活散。

寒 疫

寒疫来历、病证同前条下 其证与正伤寒同，但暴寒略轻

耳，若初起病头疼发热，增寒^①拘急，或吐逆恶心，中脘痞满，或饮食停留不化，或腹中作痛，未发热者，宜藿香正气散加减治之。

若已发热者，十味芎苏散汗之。

若身体痛，骨节疼，发热者，羌活冲和汤加苏葱主之。

若有汗不得再发汗，宜加减冲和汤主之。

若邪热不解，传入里变证者，宜从正伤寒条内治之。

霍 乱

霍乱来历、病证同前条下 或吐利止而发热，挥霍撩乱，其脉或伏或绝，此名湿霍乱；若不吐利而腹痛甚者，此名干霍乱。为内因所伤，邪物不得出，壅塞正气，阴阳伏绝，升降不通，死在须臾。急用皂荚末、麝香、盐汤调一碗服，探吐用鹅翎，吐出所伤之物最为良法，莫与米汤，与之即止^②，是谷气反助邪气也。

若吐泻多而元气虚脱者，方可少与清粥汤，以助元气。

若热多，渴能饮水者，五苓散。

中暑、霍乱加香薷、扁豆、葛根、姜汁炒黄连。

若寒多，或吐泻腹痛，不欲水者理中汤；手足厥冷脉伏者加附子；呕吐者加藿叶、陈皮、半夏、厚朴，名藿理汤。

泻多小便少者，理中合五苓散，名理苓汤。

若脐上筑筑^③然动者，藿苓汤加姜炒黄连、干葛；若泻不

① 增寒：据文义当作“憎寒”。

② 止：据前文当为“死”。

③ 筑筑：急速跳动。

止者，信用苍术、白术炒用，升麻少许；脉虚用苓芪，转筋加术^①瓜；寒痛甚者，加茱萸。

若厥冷，脉沉细，或下利清谷，里寒外热者，用附子理中汤。

若吐泻发热，汗出恶寒，四肢拘急，厥冷者，四逆汤。

若吐利止，小便复利，大汗出或下利清谷，内寒外热，脉微绝者，四逆汤加猪胆汁。

若吐已下断，汗出而厥，四肢拘急不解，脉微者，四逆汤加猪胆汁。

大抵霍乱邪在上焦吐而不利，邪在下焦利而不吐，邪在中焦既吐且利。

如夏月霍乱脉虚小，不用姜附，非真阴寒则不可也。

夹食伤寒

夹食伤寒来历、病证同前条下 治法应用麻黄汤或冲和汤合平胃散。

夹痰伤寒

夹痰伤寒来历、病证同前条下 治法用麻黄汤或冲和汤合二陈汤。

夹气伤寒

夹气伤寒来历、病证同前条下 治法用麻黄汤或冲和汤合化气汤。

① 术：据文义当作“木”。

劳力伤寒

劳力伤寒来历、病证同前条下 治法应用麻黄汤或冲和汤合三白汤。

血郁伤寒

血郁伤寒来历、病证同前条下 治法应用麻黄汤或冲和汤合桃仁汤。

伤寒见伤风脉

伤寒见伤风脉来历、病证同前条下 二者为荣卫俱病，法用大青龙汤，然不可轻用。为其脉似桂枝而无汗，病似麻黄而烦躁也，须风寒俱盛，又加烦躁乃可与之，改用桂枝麻黄各半汤，为稳反不若九味羌活汤耳。

伤风见伤寒脉

伤风见伤寒脉来历、病证同前条下 治法用药同前。

膀胱病得肾脉

膀胱病得肾脉来历、病证同前条下 身体痛，故宜救里，使正气内强，逼邪出外而愈，用干姜、生附亦能出汗而解。

肾病得膀胱脉

肾病得膀胱脉来历、病证同前条下 凡肌表间热，用麻黄附子细辛汤 细辛发表间之汗，附子以温少阴之经。

期年伤寒

期年伤寒来历、病证同前条下 治法应用麻黄汤或冲和汤，加阿魏、山楂、枳实

秋伤寒

秋伤寒来历、病证同前条下 治宜实表发汗。

大头伤寒

大头伤寒来历、病证同前条下 若先发于鼻额，红肿，以至两目盛肿而不开，并额上面部皆赤而肿者，此属阳明也。或壮热气喘，口干舌燥，咽喉肿痛不利，脉来数大者，用普济消毒饮主之。

内实热盛者，用通圣消毒饮。

若发于耳之上下前后，并头角红肿，此属少阳也，或肌热，日晡潮热，往来寒热，口苦咽干，目^①疼，胁下满，宜小柴胡加天花粉、羌活、荆芥、连翘、芩、连主之。

若发于头上，并脑后、项下及目后赤肿者，此属太阳也，宜荆芥败毒散主之。

若三阳俱受邪，并于头、面、耳、目、鼻者，以普济消毒散，外用清凉救苦散敷之。

大抵治法不宜太峻，攻则邪气不伏，而反攻内必伤人也。且头面空虚之分，既若空处则无所不至。治法当先缓后急，则邪伏也。先缓者，宜退热消毒，虚人兼扶元气。胃虚食少者宜

① 目：原作“因”。据文义改。

助胃气，候其大便；内热甚以大黄下之，拔其毒根，此先缓之法。盖此毒先肿于鼻额，次肿于目，又次肿于耳，从耳至头上，络后脑，结块则止，不散必脓也。

普济消毒饮，如无板蓝根用大青或青黛。

虚人脉弱，加人参。

引至毒所，加皂角刺。

胃弱食少，加白术、橘红。

如大便不通，加酒浸大黄、水姜，服后就卧，使药气上行。

内热用荆芥败毒散加酒炒黄芩，热盛加酒炒黄连，口渴加天花粉。

凡头面肿盛，目不开，鼻塞闷，口干舌燥，内外有热，或咽喉肿痛不利，或内实大便秘结，脉洪数，烦渴，宜用通圣消毒散。膜不消加牛蒡子、黑玄参，或用生犀角，大好水姜服。

凡时毒，头面赤肿，咽嗑堵塞，水药不受下。若脏腑素有积热，发为肿毒疮疡，一切恶疮红肿并，宜解之漏芦汤。大便实，加大黄、芒硝水煎服。

凡雷头风^①，头面疙瘩肿痛，增寒壮热，四肢拘急，状似伤寒用清震汤。夫雷者属震卦也，震象仰盂，故用钱叶青中^②，以类象形，治之效也。治咽喉肿病，用绿云散，以细竹管吹喉中，入至病处。

① 雷头风：病名。因风邪外袭或痰热生风所致。症见头痛鸣响，面起核块等。

② 钱叶青中：《伤寒全生集·辨大头伤风例》作“荷钱青色青，中通外直”。

内 伤 寒

内伤寒因胃，胃食生冷之物，不化而为病，谓之内伤寒也。治宜备急丸，微利随用八珍汤峻补。

时 疫

时疫若春应温而反寒，夏应热而反凉，秋应凉而反热，冬应寒而反温，此时行不正之气。邪伤真气。若近秽气亦能伤真气。正如墙壁坚固，贼乃敢入？如真气既盛，邪气难侵，其病势与伤寒相类，盖伤寒因寒而得之，时气乃感疾疔之气而得之，不可与伤寒同治，惟发散之药则不同矣。

凡发散汤剂，春感寒邪在肝，升麻葛根汤。

夏感凉邪在心，调中汤。

秋感热邪在肺，苍术白虎汤。

冬感温邪在肾，葳蕤汤。

其疫瘟用败毒散。

若表不愈者，用羌活冲和汤、正气散、冲和羌活散、芎苏散选用。

其疟等症，亦时行也。已开杂症条下。

瘟 病

瘟病来历、病证详见纲领条下 瘟病之脉，如寸尺俱浮紧者，发于太阳，宜羌活汤加葱白、苏叶、柴胡、葛根。自汗者，去干姜、苏叶、柴胡、苍术，加桂枝、芍药。

若寸尺脉俱长者，发于阳明，宜解肌汤合芎苏散。

若寸尺脉俱弦者，发于少阳，宜小柴胡合芎苏散。

兼有太阳，羌活散加苏叶。

兼有阳明者，用羌活汤加干姜、芍药。

瘟病发表不与伤寒同者，盖因春时瘟气而发，非寒初伤于表也，此怫郁之热，自内而发于外，故宜辛凉之剂而解之。

若时令温暖，虽用麻黄必加凉剂。天道^①尚寒，亦宜少佐，要在明病审查，不可执说也。

凡瘟病发于三阳者多，发于三阴者少。

若发于阴者，必有所因也。或因饮食内伤而得之，或因欲事先伤肾经得之，治例皆与伤寒传变各条同治，惟发表不与伤寒同也。

三月得此病者为晚发，治法同温。壮热、脉浮大有力者可治，细小者难医。所以温病大热滚滚、脉小、足冷者，多死也。

瘟 症

温症是伤寒坏病，因前热未除，重感寒邪，变为瘟症。其证寒热往来，口苦胸满者，用小柴胡加桂枝芍药汤。寒多倍桂，热多倍柴。

热盛，烦渴用人参白虎汤。

痰多热盛，用小柴胡合二陈汤。食少胃弱，加白术。心满加枳实、黄连。渴去半夏，加瓜蒌根。

邪热结里，大便不通用大柴胡汤下之。

若变症以正，又当补而截之。如脉虚浮者，桂枝汤。热多

① 天道：古代哲学术语。此指自然界及其发展变化的客观规律。

寒少，不呕，清^①大，小便如常，二三发者，急用桂麻各半汤温之。尺脉迟，为血少，黄芪建中汤。脉甚微细，号曰亡阳，桂枝二越脾汤主之。

热 病

热病，夏月伤寒，是为热病。发热头痛，肢体痛重，恶寒恶热，其脉洪盛，用药不可太温，如桂枝、麻黄、青龙，热病须以黄芩、升麻佐之，不若九味羌活汤为稳。

热病，脉三日后仍数，邪尤在经，可用桂枝石膏汤，或值淫雨，或病人有湿，苍术白虎汤。

三月至夏，谓之晚发，用梔子升麻汤。

若细小无力，谓之难医。人虚脉弱者，主扶元气，兼解邪热，不可峻攻。

若见表证在者，治例与温病同。

若夹暑，加香薷、扁豆双解之。

若夹内伤，生冷饮食停留，或呕吐，或恶心，中脘痞闷，发热，增寒拘急，用藿香正气散加香薷、扁豆、葛根、黄连。

若热渴，大便自利，小便不利者，五苓散去桂加葛根、黄连、香薷、滑石、甘草主之。表热甚者加柴胡。

时令热病发黄，名曰瘟黄，用泻湿热茵陈四苓散。

热病凡一二日，泻利腹满，热甚者死。

三四日，目昏谵语，热甚，脉小者死。

五六日，舌本焦黑，燥渴者死。

七八日，衄血、吐血、下血，燥热，脉大者死。

① 清：指粪便。

八九日，发痙兼昏沉者死。

凡热病脉促结及沉小皆难治，热不得汗，脉躁急者亦难治。

已^①得汗而热反盛，脉躁急者死也。

中 暑

中暑来历、病证详见纲领条下 面垢，自汗，烦躁，渴，身热，脉虚，或伏，或迟，洒然毛耸，恶寒，口开前板齿燥者，人参白虎汤加连、薷、扁豆。

或背恶寒者，盖暑伤心，心不受邪，则包络受之，包络相火，此火助火则热盛而昏不醒也。大抵清心利下小便，黄连香薷饮浸冷服之。

烦渴而热盛自汗者，用人参白虎汤加竹叶。

烦渴，小便不利者，香薷饮合四苓加木通、滑石。

大便泻，小便少，亦以前汤主之。内热心烦，加姜炒黄连、山梔，调辰砂末。虚者，倍用参。

呕吐头疼，泄利胸满或腹痛者，藿香正气散加香薷、扁豆，名二香汤。

小便不利，大便自利者，以正气散合五苓散。转筋者，加木瓜。

大抵不可作伤寒妄治，所谓夏月有四症，伤寒伤风脉证互见，中暑热病疑似难明。若脉紧、恶寒谓之伤寒，脉缓、恶风谓之伤风，脉盛、壮热谓之热病，脉虚、身热谓之伤暑，以此别之也。用香薷饮，水姜煎灯心服，凉水中浸冷，饮之效。

心烦热多，或吐逆加姜汁炒黄连。手足搐搦者，此暑风也，

① 已：据文义因为“已”。

加羌活。小便不利，加滑石、赤茯苓。吐加藿香、陈皮，少加姜汁。呕加生姜、半夏。口渴，加干葛、天花粉。泻利，加白术、茯苓。脉虚弱，加人参、五味、门冬。虚汗不止，加芪、术。心烦躁，加梔、连、姜汁炒，调辰砂末服之。胸胀加枳壳、桔梗主之。内热心烦，用十味香茹^①饮加辰砂。

中 喝^②

中喝来历、病证详见纲领条下 病人必汗出，身热烦渴，用人参白虎汤。身重疼者，用人参败毒散加连、薤主之。

瘟 疫

瘟疫先因伤寒，前热未除，复感时行之瘟气，名曰瘟疫。阳脉微弱，阴脉弦紧，治法与瘟病同。

刚 痉

刚痉来历、病证同前条下 其证起于太阳，先伤于风，重感于寒，无汗为刚痉。如面仰卧开目为阳，脉浮紧者属阳，口中燥渴者属阳。脉紧急加弦直，正下行者风痉。又发汗太过亦成痉，大发湿家汗亦成痉也。疮家发汗亦成痉。新产妇人，血虚汗出当风亦成痉也。阳痉易治。

太阳无汗，小便少，气上冲，口噤欲作刚痉，麻黄加葛根汤，若人参羌活散加麻黄、干葛亦佳。

太阳病，几几身体强痛，脉反沉细，此为痉，宜瓜蒌桂

① 香茹：药名。为香薷之别名。

② 喝（yē 掖）：即伤暑，以发热自汗、烦渴溺赤、少气脉虚为主症。

枝汤。

有汗宜桂枝汤加羌活、防风，胃弱加参、术。

凡刚痉胸满，口噤咬牙，脚挛急，宜承气汤下之。要在脉实有力可下，若脉沉细无力者，不可下也。

血气发痉，八珍汤加羌、防、芪、桂枝。

脉小，熟附或用续命汤。

太阳发热恶寒，体痛强急，凡凡，沉^①细者，此为痉，用瓜蒌桂枝汤。

汗多亡血发痉，用当归防风散。

刚痉发热，无汗恶寒，脉沉紧者，用麻黄加独、防汤。

汗下后不解，乍静乍躁，目直视，往来寒热，脉弦数者，少阳痉也。若一日左右或邪视，并一手一足搐^②搦者，少阳痉也。并用小柴胡加防风汤。

柔 痉

柔痉来历、病证同前条下 其证起于太阳，先伤于风，重感于湿，有汗为柔痉。

合面而卧、闭目为阴，脉沉细者属阴。口中和者属阴。阴痉难医。阴痉脉沉细用附子散加桂枝、白术。

阴痉发汗，脉沉细，手足搐搦，用桂心白术散。

柔痉发热，自汗，恶寒，脉沉缓者，用桂枝加川芎防风汤。

发热，脉沉细，腹痛发痉，附太阴也，用桂枝加芍药防风防己汤。

① 沉：此前疑脱“脉”字。

② 搐：原作“摘”，据文义改。

阴证手足冷，筋脉拘急，汗出不止，头项强，头摇，口噤，用附子散。

阴证闭目合面，手足冷，筋脉急，汗出不止，用附子防风汤。

阴证二三日，面目肿，手足冷，筋脉拘急，汗出不止，用八物白术散。

风 瘟

风瘟来历、病证同前条下 风瘟之症慎不可汗，汗之则谵语躁乱，目无睛光。病在少阴厥阴用萎蕤汤，渴加人参、天花粉，去麻黄、木香，水姜煎服。

未醒，柴胡桂枝汤。

汗后灼热者，知母葛根汤。

大渴者，瓜蒌根汤。

脉浮身重，防己汤。

误汗风湿，防己黄芪治之。

风湿脉弱，身重汗出，用葛根龙胆汤。

汗后身灼热，用知母葛根汤。

风湿，身重汗出，防己汤。

相类伤寒九名

风湿类伤寒

风湿来历、病证同前条下 治法微微自欲汗出，则风湿俱去，不可大汗。

若大汗则风去湿在，非惟无益而反害之，羌活冲和汤。

伤湿类伤寒

伤湿类伤寒、来历病证同前条下 身痛小便不利，甘草附子汤。

烦渴，小便不利，五苓散。

外不渴，内不热，小便自利，术附汤。

缓弱，昏迷，腹痛，身重，自汗，失音，下利不止，白通汤加白术甘草。

身肿满痛，微喘，恶风，败毒散加杏仁。

热，烦渴，瓜蒌根汤。

若误下之，小便必不利，五苓散。

中湿类伤寒

中湿类伤寒来历、病证同前条下 中湿小便不利，大便自利，甘草附子汤合五苓散。

大小便俱利，术附汤。

太阳病关节疼痛，脉沉细者，此名湿痹。其人小便不利，大便反快，但当利小便。湿病但头汗出，背强，欲得被覆向火，胸满，小便不利，舌上如胎者，此丹田有热，而胸中有寒，渴欲得水而不饮，则口燥烦也。若误下则哕，为难治。若下之，额上汗出，微喘，小便利者死。若下利不止者，亦死也。湿家病，身上疼痛，发热，面黄，喘，头疼鼻塞，烦，其脉大，自能饮食，腹中则无病，其病在头中，以瓜蒂散搐鼻^①中，黄水

① 搐（chù 触）鼻：中医外治法，用少许药物细末吹入鼻内，促使打喷嚏，以达开窍目的。

出则效也。湿家为病身尽疼，身如熏黄，凡传湿必身重而不便也。

湿瘟类伤寒

湿瘟类伤寒来历、病证同前条下 湿瘟之脉，寸部濡弱，尺部小急，用术附汤加人参、香薷、扁豆

若发其汗，使人不知耳聋，不知痛，身赤，面色变，是医杀之。

湿瘟在太阴，苍术白虎汤加桂。

湿气胜一身尽痛，发热身黄，小便不利，大便反快，茵陈五苓散。

脏虚，自利，术附汤

脉大有力，烦渴，自汗者，人参白虎汤加香薷、扁豆、黄连治之。

痰证类伤寒

痰证来历、病证同前条下 凡治痰以二陈为主，随证加减。痰饮凝结，增寒壮热，急急头疼，胸膈满闷，上气喘急，咽喉不得息，宜瓜蒂散吐之。

痰饮心包，寒热，胸满气口，吐，无伦语，曰痰结。此挟痰如见祟，皆痰之使然，用二陈汤加苏子、枳实、芩、连、瓜蒌、贝母、桔梗、山栀、前胡，去甘草，以凭姜汁调辰砂温服。

痰涎壅盛，昏迷不省者，用吐法，后以加减二陈汤治之。

有周身四肢骨节走注疼痛，牵引胸膈心背，亦作寒热，喘咳烦闷，或作肿块，痛难转侧，或四肢麻痹不仁，或背心一点如冰冷，脉来沉滑，乃是湿痰流注经络，关节不利故也，用二

陈倍加苍术、羌活、酒炒黄芩、白芷、南星、白芥子、竹沥、姜汁磨木香服之。^①

骨体痛甚及有肿块作痛者，名曰痰块。前方加乳没、木香、海石、朴硝、姜汁少许，大便自利、内无热少用朴硝。头项痛加川芎、威灵仙。脚肿加牛膝、黄柏、防己、龙胆草、木瓜。手臂膊痛加薄、桂，引南星等药至痛处。作寒热加柴胡、桂少许，独热减桂倍柴芩^①，内加炒栀连。痰流在胁下，痛结胀满，寒热难转侧加柴芩、川芎、苍术、青皮、白芥子、芍药、竹沥、姜汁磨木香服。胁下硬块不消作痛，再加朴硝、姜汁、海石，取咸以软坚。喘咳加杏仁、五味、桑皮，气急加苏子、葶苈。

身热咯吐红痰，乃上焦痰郁火邪，即血痰也，二陈减半夏，加炒芩连、山栀、杏仁、桔梗、瓜蒌、贝母、青黛、麦冬、五味，加竹沥姜汁少许，磨金墨服止。气虚加参术，血虚加归地。

痰饮气郁滞，寒热，胸满，喘咳，去甘草，加苏子、桑皮、瓜蒌、贝母、枳实、黄连、桔梗、杏仁、五味、竹沥、姜汁磨木香。热甚去木香加柴芩。无热，气不调者选用木香姜汁。胸满，喘咳，痰如胶，去甘草，倍加芩连、贝母、瓜蒌、桑皮、杏仁、五味、桔梗、金沸草^②、前胡、竹沥姜汁少许，外有热加柴胡、酒芩。背内热是痰作咳，加芩连、贝母、瓜蒌、五味、干葛、桔梗、山栀、杏仁、竹沥、姜汁少许。

热痰在胸膈间不化，咯吐不出，寒热气急，满闷作痛者，名曰痰结。加贝母、瓜蒌、芩连、桔梗、枳壳、杏仁、山栀、苏子、桑皮，少佐朴硝，姜汁磨木香。如热加柴胡，仍用姜汁

① 芩：原作“苓”，据《伤寒全生集·辨痰证类伤寒例》改。

② 金沸草：药名。出自《神农本草经》。散风寒，化痰饮，祛风湿。主治风寒咳嗽、疔疮肿毒等。

揉熨法。胸中有风痰，喘急壅盛者，加南星、枳实、羌活、荆芥、防风、苏子、苍术、麻黄、竹沥、姜汁磨木香。胸中有寒痰留饮，喘急无热者，加桂枝心、枳壳、桔梗、苏子、砂仁、苍术、木香磨姜汁。

喉中痰涎漉漉有声，如水车响者难治。用皂荚末，鹅翎蘸桐油探吐。痰大吐者为愈，已后随证用药。如用吐法痰不出者，必死矣。

若胸中有痰壅塞，喘而急满闷，两胁胀痛，脉沉者，名曰痰气。用二陈汤去甘草，加香附、干姜、官桂、苏子、厚朴、砂仁、青皮、桔梗、姜汁磨沉香，外用炒姜粗揉熨法。

痰核在咽喉中，咯不出，咽不下，或升或降，窒碍不通者，名曰梅核证。辨痰气也，与前同治法，去青皮加枳实。

胸膈痰涎壅塞，昏沉跌倒不醒者，四肢厥冷，脉沉细，名曰痰厥。加干姜、桂枝、熟附、南星、枳实、苏子、木香、桔梗、姜汁。

元本虚人下焦火，痰汁作喘咳，至午夜间发寒热者，名曰痰火。二陈汤去半夏，加当归、生地、芍药、黄柏、知母、麦冬、五味、桑皮、杏仁、片苓、橘红，去陈皮、竹沥，姜汁少许。气虚加参术。虚热虚汗加黄芪。其膈中焦，小水不通，加木通、滑石、苏子、枳实、砂仁、黄连、木香磨姜汁、竹沥。

痰饮咳嗽，气急满闷，一寒一热，坐卧不宁，有时而烦，有时而躁，名曰痰躁。二陈合温胆汤加砂仁、竹沥、姜汁少许。

肥人日常头眩眼昏，卒时运^①倒者，名曰痰运。二陈加天麻、川芎、苍术、南星、生乌药、桔梗、枳壳、酒芩、羌活，

① 运：据文义当为“晕”。

去草甘^①，竹^②沥、姜汁少许。痰在心下满闷者，去甘草加瓜蒌、黄连、枳实、砂仁、桔梗、贝母、香附、苏子、竹沥、姜汁磨木香，传逆外用炒姜粗揉熨法最效，此乃痰家要药不可缺也。

若寒痰不宜竹沥、芩连凉剂，医家当慎之。若痰当发出，宜吐不宜留，此秽浊之物，留则反生别病矣。要在明辨痰证，混作伤寒治之误也。

且痰之药，枳实泻痰能卫墙壁。

黄芩治热痰，假以降其火也。

海石、朴硝治顽痰，味酸以软坚。

痰在胁下非白芥子不能达。

苍术治痰饮或窠囊行痰^③极效，取燥以去湿。

瓜蒌、桔梗能开膈上稠痰。

砂仁治痰，行气故也。

竹沥降痰，无姜汁不能行经络。

贝母治膈上痰最效。

天花粉大能降膈上热痰。

青黛治火痰，上清咽膈，此治痰之妙用也。

人身之痰如鱼之涎，若长流水，随气升降，无处不到，设有阻其道路，为肿为块，为喘为咳，为噫为啰，为寒为热，为呕为吐，为泻为滞，为嘈杂，为暖气，为怔忡^④，为满闷，为

① 草甘：据文义当为“甘草”。

② 竹：此前疑脱“加”字。

③ 窠囊行痰：即痰火，是指无形之火与有形之痰煎熬胶结贮积于肺的病证。

④ 忡：原作“冲”。据文义改。

关格，为烦躁，为痞满，为麻木，为癃闭，为厥逆，为眩运，为胡言，为颠倒，为不语，为健忘，为不仁，为积滞，为牵引，为走串，皆痰之患也。善治痰者兼治气，气顺则痰利也。

患背胸、手足、颈项、腰膝、筋骨牵引灼痛，及时时走，易串痛，或手足麻痹，或背心一点冷如冰痛，并用控涎丹，加皂荚、轻粉各为细末，糊为丸，如桐子大，每服五七丸，淡姜汤吞下，以去痰积。

食积类伤寒

食积来历、病证同前条下 治法用平胃散加减治之。

停食感寒即夹食伤寒，左右脉俱紧盛，外症头疼，身热恶寒，拘急，恶心，中脘痞满，或吐或呕，或痛或泻，以藿香正气散合养胃汤加香附、砂仁。肉食不化加山楂，面食不化加神曲、麦芽，生冷肉食果子不化加草果、砂仁、干姜、枳实、青皮。饮食不化加萝卜子、神曲、山楂。酒食不化加砂仁、苏叶、干葛、黄连、乌梅。心下痞满加枳实、黄连。胸膈胀满加枳壳、桔梗。腹中窄满加苍术，厚朴倍多。腹胀加萝卜子、腹皮。胸中胀满疼痛，气虚不顺加木香、砂仁。胃弱加神曲、白术。内寒不热加姜桂。外热加柴芩。头疼加川芎。大便实热，腹中满痛加大黄下之。腹中有食积块，悠悠作痛者加蓬术。呕吐加姜汁。小便不利加木通、猪苓。

大抵增寒未甚热者，用此方加减。

若已发热，无汗，必须先解其外，以十味芎苏散汗之。

身体痛，发热用羌活汤加葛根葱白汗之，然后消其食也。

若食在上口，未入于胃，乃可吐之。

如不吐则消导，待入胃变化糟粕，外证已解，乃可下其

食也。

外证无恶寒恶风乃可下。

热多者，大柴胡汤下之。

凡治夹食伤寒不可先攻其食，待发散寒邪已解，次下攻食。

虚烦类伤寒

虚烦来历、病证同前条下 虚烦之脉虽大，按之无力，或尺脉多浮大，左寸关脉或濡或弱，或微或涩，乃虚脉也。且脉数主热，数而有力为实热，数而无力为虚热，平人脉大者为虚劳，阴虚生内热，劳则喘，自汗出，则气耗矣。

若饮食失节，喜怒不调，房事劳役皆损其气，气衰则火旺，火旺则伐其脾土，四肢困倦，而热无气以动，懒言沉卧，动则气促喘乏，或表热，自汗，恶风，当以甘温之剂补其中气，温其真阴，其热愈。

大抵劳者温之，损者益之，盖除大热最忌苦寒之剂，重泻其脾土也。且参芪甘温，乃除虚热之圣药，专用补中益气汤少加黄柏以滋肾水如神效。

又房劳阴虚，相火发热者，并大病后虚热，皆宜此汤轻剂为妙。

须以竹叶石膏汤、十味温胆汤，治病后烦热，虚热之圣药也。要在选而用之，虚烦有热不可攻，热去则寒起，此诚格言也。

脚气类伤寒

脚气来历、病证同前条下 脚气之脉浮主风，用小续命汤加羌活、木通、木瓜、龙胆、牛膝。

沉迟或紧主寒，用桂枝汤加羌防、木通、木瓜、牛膝、苍术。

脉数有力主热，小柴胡加黄柏、知母、牛膝、羌风、木通

脉沉濡主湿，五苓散加苍术、木通、防风、羌活、牛膝、木瓜。

然伤寒则无足痛之病，以明之因，有发热恶寒，故状类伤寒也。

内伤瘀血证发热状类伤寒

内伤瘀血证发热来历、病证同前条下 瘀血之证或被人踢打伤，或物相撞伤，或取闪肭^①，一时不觉，过至半日或一二三日而发者有之，十数日半月一月而发者一般，寒热乃作，其胸、心、胁下、小腹满痛，按之手不可近者，此有瘀血也。

或一时伤重就发寒热，瘀血上冲则昏迷不省如死之状，良久复苏，轻则当归导濡汤，重则桃仁承气汤加苏木、红花、牛膝、桔梗、姜汁，量其元气，下其瘀血则愈。

若医家不识，见其寒热胀满，罔察其痛处，则有肿痛手难近，按其脉非涩或数，以明之。盖为血海，凡有瘀血必蓄积于心、胸、胁下或小腹之分，但小便如常者，血证谛也。

伤寒变病一百十名

发 热

伤寒翕翕发热是表热也，蒸蒸发热是里热也。其属表者，为风寒客于皮肤，邪气拂郁于外，表热而里不热也。其属里者，

① 闪肭（nà 纳）：扭伤肌肉或筋骨。

为邪气传入于内，里热甚而表热除也。其在半表者，以表热未罢，邪气传里，里未作害，则表里俱热。但邪纯在里，太阴厥阴俱不发热，惟少阴有反热之证，惟脉沉或下痢，手足冷为异耳。

太阳经表证，已发热，未发热，或头疼项强，腰背脊疼，身体骨节痛，恶寒，脉浮紧，无汗，冬用麻黄汤，三时用芍药散、羌活冲和汤、人参羌活散、正气散选用。脉浮缓自汗，冬用桂枝汤，三时用加减冲和汤、神术汤选用。脉浮发热，烦渴，小便不利者，此热传太阳膀胱本病也，宜用五苓散利之。

阳明经发热，目痛鼻干，不眠，微恶寒，微有头额痛，脉微洪，宜葛根汤。表热未罢，邪热传里，里未作实，则表里俱热，口渴饮水，脉洪数者，宜白虎汤。表证皆除，反见怕热、烦渴、谵语、大便实而脉沉数，蒸蒸发热者，此为里热，是阳邪陷入阴中，里热甚达于表也，用调胃承气汤下之。

少阳经耳聋胁痛，寒热，呕，口苦，头痛，脉弦数，此热在半表半里，用小柴胡汤和之。

三阴无表热，惟少阴有表热之证，但其脉沉，足冷，用麻黄附子细辛汤。下利厥冷，里寒外热用人参四逆汤。

热不止，其脉阴阳俱虚，汗后复发热，脉躁疾者，下利大热不止者，皆即死证。

又有三阳传里实热证，必燥渴，饮水不止，揭去衣被，扬手掷足，胸满腹痛，斑黄，狂乱谵语，大便不通，脉必沉实有力，甚则舌卷囊缩者，难治，但当三承气汤攻里下之。

冬时正伤寒，发热，头疼，恶寒，体痛，腰背强，拘急，脉浮紧，表证当发汗，以头疼如斧劈，身热如火炽者，用麻黄汤。若渴加天花粉。恶心加姜汁炒半夏。泄泻加炒苍术、升麻。

元气虚加人参，去杏仁。骨节疼痛倍加羌活、防风、苍术。有痰加半夏。胸胁满闷痛加枳壳、桔梗。恶寒身热，面赤身痒者，不得小汗出故也，去杏仁加柴胡、芍药。

身热作泻，内虚故也。

恶寒身热，喘者，缘邪未解也。

汗后复大热，脉躁乱者死，此脉不与汗相应也。汗后身凉脉静者生，以大邪已去也。已上正伤寒后几证，用麻黄汤加葱、豆豉一撮，煎之热服，取汗，中病即止，不得多服，用厚被覆其手足，不可揭去，待汗干，方可揭之。

凡伤寒汗下之药，不宜多服，多服反加别病，亦不宜煎渣及服半钟而留半钟也。病浅服药过，玄府何能关锁？若未中病而留再服，大邪之气未除，此秘传之妙也。

春夏秋三时感寒，发热头疼，恶寒，脉浮紧，无汗，表证宜发汗，用芎苏散。满闷加香附，去甘草、茯苓。若未恶寒，已恶寒而欲汗者，加麻黄、桂枝去茯苓、柴胡。呕吐加姜汁，体痛加羌活。泻加苍白术，去枳壳柴胡。腹痛加木香。夏月夹暑加香薷，水葱白煎之，热服取汗。

四时伤寒，发热头疼，恶寒体痛，不分有汗无汗，时气瘟疫热病，初起发热，头疼，恶寒及治咽喉肿痛，寒热发斑，疮疹脚气，并亦用人参羌活散。且此汤乃解利伤寒伤风，太阳、少阳、阳明三阳经之圣药也。若天道尚寒加麻黄，渴加干葛；伤风鼻塞声重加荆芥、防风；咽喉痛加连翘、牛蒡子，桔梗倍加。更用青皮名清气散，治伤寒痰热之药也。去葱，时气热病、肌热、壮热加黄芩。中暑烦热加黄连、香薷，去葱。大便泻去枳壳加白术去葱。斑疮已发未发加升麻、干葛；已发不透加红花，去葱。小儿感冒加天麻、薄荷、水姜、葱白煎服取汗。

感冒，非时暴寒，春温、夏热、秋湿、冬寒，四时时疫，脉浮紧，发热恶寒，头痛，骨节烦疼，表证不分有汗无汗，若见表证在者，并伤风见寒，伤寒见风，并用羌活冲和汤，此汤代麻黄桂枝青龙各半汤，解利伤寒伤风，太阳经之神药也。世俗不知其妙，原本虚弱之人患伤寒表证，宜发汗者，用此解散寒邪，免致亡阳发狂、肉瞤筋惕^①之祸也。胸胁满闷者去生地加桔枳。呕、恶心加姜汁炒半夏，有痰亦然。泄泻加苍白术、芍药、升麻，去生地、黄芩。热泻加二术、黄连、猪苓、泽泻，去生地、细辛。夹食泄泻加砂仁，去生地。夹暑加香薷。痰嗽加金沸草、杏仁。渴加天花粉、知母、干葛。不作汗加苏叶。其不作汗或汗后不解，加麻黄乃发表不远热，不得已而用之也。汗下兼行加大黄釜底抽薪之法。如自汗，去苍术加白术，即是加减冲和汤。汗甚不止加黄芪、桂枝、芍药。热多加柴胡，去细辛。夏月加石膏、知母，名神术汤，砂、姜、葱白煎服取汗。若自汗暑泻，不可加葱。

四时不正之气，疫疠时气，山岚瘴气，雨湿蒸气，或受寒腹痛吐泻，中暑冒风吐泻，中暑身重吐泻，或不服水土，脾胃不和，或饮食停滞，后感外寒，头疼增寒壮热，或呕逆恶心，胸满腹闷，或发寒热无汗，并用藿香正气散。藿香正气散非治正伤寒之药，若病在太阳，此散并无相干。若探用之，先虚正气，逆其经络，虽出汗，亦不能解，乃无益有损。伤寒脉沉发热与本原虚者及夹阴发热者，切宜戒此散。头疼加川芎，名芎芷正气散。腹痛加炒芍药。寒痛加姜桂，名正气温中汤。饮食内伤不化，心下痞满，加香砂正气散。粉面食不化加神曲、麦

① 肉瞤筋惕：症状名。指筋肉不由自主地跳动

芽。肉食不化加山楂。心下痞加枳实、青皮，名正气宽中散。中暑冒风加香薷、扁豆，名二香汤。作泻口渴，小水不利，合五苓散，名藿苓汤。时气增寒发热加柴胡、干葛，名正气和解散，水姜煎服。

伤寒发热，头疼，脉浮紧，恶寒，身痛，不得汗，烦躁，扰乱不安，用大青龙汤汗之。渴加干葛，水姜煎服，用衣被厚覆手足，取汗则愈。经言烦热汗出则解，此之谓也。古以伤寒为汗病，其身热，烦躁无奈何者，一汗而凉，斯言是也。盖天之邪气自外而入，亦当自外而出，非汗不能解也。

感冒伤寒发热，头疼恶寒，拘急体痛，无汗，脉浮紧用羌活神术汤。渴加干葛、天花粉。热加柴芩。恶心呕加姜汁炒半夏、陈皮。胸胁满加枳壳、桔梗。若加麻黄、干葛发汗，以代麻黄汤。烦躁加石膏、麻黄，可代大青龙汤，水姜葱白煎服。

恶 寒

伤寒恶寒，理之必然，虽居密室帐幔之中，亦增寒拘急，自然啬啬^①而恶之，若见风尤甚怕也，如气甚重者，使人毫毛笔直而鼓颌战栗，虽向火不能御其寒也。如已发热者，虽大热而不欲去衣被也，且恶寒者乃寒邪客于荣卫，则洒淅^②恶寒。

一切恶寒多属表证，尚有阴阳所分，无汗为表实，有汗为表虚。若恶寒发热，头疼，脉浮紧，是邪入太阳表证，宜发汗，冬用麻黄汤，三时用芎苏散、羌活汤、正气散选用。

或已发热，未发热，恶寒有汗桂枝汤，恶寒无汗麻黄汤。

① 啬啬：原作“漈漈”，据《伤寒论·辨太阳病脉证并治》改。形容畏寒而有畏缩状。

② 洒淅：寒栗貌。《素问·调经论》：“邪客于形，洒淅起于毫毛。”

前证恶寒发热，热多寒少，但脉微弱者，无阳也，属表不可发汗，越婢^①汤。

阳明病因宜下，惟恶寒者，与太阳合病，在经属表可发汗，麻黄汤。若脉迟、脉多微，有恶寒者，亦为表解也，虽阳明证服桂枝汤，陶曰风病为恶寒里证，亦未可处攻，必先解表后不恶寒，乃可攻耳。恶寒虽若寻常，所关甚重，盖以此别表里也，可不慎欤？

少阳微恶寒，头疼汗出，柴胡桂枝汤。

发热汗出，复恶寒而呕，但心下痞者五苓散。但呕而不痞者，小柴胡汤。

发汗后恶寒者，虚也，芍药甘草附子汤。

恶寒脉微而后利，利止，心亡血，四逆汤加人参。

恶寒脉细或浮迟，呕吐不止，理中丸。曰下后复发汗，心下痞而恶寒者，表未解也，当先解表，桂枝汤，后攻痞，三黄泻心汤。

太阳病下后，脉促胞满者桂枝去芍药。若微恶寒者，桂枝去芍药加附子汤。

少阴病脉沉细者，恶寒用四逆汤。

若下利恶寒而倦，手足温者，小建中汤。

若恶寒而倦，时时自烦，不欲厚衣，大柴胡汤。

亡血家不可发汗，则栗而振，小柴胡汤，芍药地黄汤。详见本条。脉弱者不可发汗，则寒栗不能自还，当归四逆汤。

背恶寒，背为阳，腹为阴，背恶寒者，阳之不足也。阳不足则阴气盛，阴盛者口中和，阳气内陷，口干燥，附子白虎。

① 婢：原作“脾”。据文义改

宜加详审焉。

口中和，背恶寒者属少阴，附子汤极矣。阳气内陷口干燥者白虎汤。

恶 风

伤风恶风，理之必然，为风邪传卫，腠理不密，所以自汗而恶风也。恶风悉属于阳，非比恶寒而有阴阳之别。微恶风者居于密室之中，衣被之内，坦然自舒而不恶也，若见风则恶矣。

恶风自汗为表虚，脉浮缓，冬用桂枝汤，三时用加减冲和汤。

恶风发热，喘，用桂枝冲和汤。

若恶风脉微，发汗过多，遂漏^①不止，卫虚亡阳，用桂枝术附汤。

恶风小便难，四肢拘急，难以屈伸者，上同。

恶风自汗，湿相搏，骨节烦疼，短气，小便不利，身微肿，用甘草附子汤。

恶风自汗，喘，用桂枝加厚朴杏仁汤。

恶风无汗，渴，用麻黄汤。

汗后七八日不解，表里俱热，时时恶风，大渴，舌干口燥，烦者，以人参白虎汤主之。

感冒恶风恶寒，胸肋满闷，咳嗽吐痰，或中脘停痰，增寒壮热，状似伤寒，宜用参苏饮。天寒感冒，恶寒无汗，咳嗽气急，或伤风，恶风无汗，鼻塞声重咳嗽，加麻黄、杏仁、金沸草汗之。

① 漏：指汗出淋漓不绝

天气和暖，伤风咳嗽有痰，去人参、木香，加桑皮、杏仁。内有热痰加片芩。胸满痰多加瓜蒌仁、贝母，去半夏。胸中痰唾如胶加金沸草。气急喘不止加贝母、苏子、杏仁、五味，去苏叶。肺寒咳嗽加干姜、五味。热咳嗽加片芩、麦冬、荆芥，去半夏、木香。心下痞满嗽加枳实、黄连。胸中烦热，或停滞，洒不散，或嘈杂恶心，亦加枳实、黄连、干葛、乌梅、陈皮，去木香、苏叶。烦躁不宁加辰砂。表有热加柴胡。里有热加芩连。头疼咳嗽加细辛。水姜煎服。

四时伤风恶风，头疼发热，恶风寒，及痰堕咳嗽，鼻塞声重，用消风百解散。头疼加川芎、干葛。痰多加半夏。渴加天花粉。表有热加柴胡。里有热加芩连。喘甚加杏仁。气促加桑皮。胸满痰多加瓜蒌仁、贝母。胸肋满加枳桔。水姜煎服。

肺经受风，头目昏疼，咳嗽声重，痰唾黏稠及时行寒疫，壮热恶风用金沸草散。胸满加桔枳。有热加柴芩。头疼加川芎。水姜煎服。

心下停水，着风寒，或咳，或喘，或噫，用小青龙汤。咳甚加杏仁。生姜煎服。

伤风寒，阳明经发热，头额痛，微恶风寒，目痛鼻干，不眠，无汗，脉微洪，宜用葛根汤。表实加柴胡，内热加黄芩，渴加天花粉，恶心加陈皮，胸肋满闷加枳桔。太阳阳明合病，无汗恶风，脉浮长者，加羌活、川芎。阳明与少阳合病，脉弦长者，用此汤合小柴胡去麻黄、桂枝如拾芥^①耳。刚痉加羌独活。天时温疫发热，渴，内外热者，加黄芩，名葛根解肌汤。

① 拾芥：比喻取之极易。《广阳杂记》卷二：“以汝材力，三百万亦如拾芥，三钱何至于是。”

头疼并额痛甚者，加葱白、川芎、白芷，名葛根葱白汤。下利呕逆，加半夏、生姜，名葛根半夏汤。

时气发热，欲发斑疹未出者，用升麻葛根汤，头疼加白芷。见发斑不可温覆取汗，若发热则斑烂也。已发汗头疼甚而热不解者，用葛根葱白汤，头疼甚加白芷，热不退加柴胡，骨体痛加羌活，渴加石膏、天花粉、葱白。水姜煎服。

时气壮热，头疼无汗，脉洪长，恶风烦渴者用川芎石膏汤。渴加知母、天花粉，热甚加柴芩。

阳明热邪传入胃腑，壮热恶热，表里俱热，舌燥烦渴饮水，脉洪数，或濇濇^①自汗，或面赤，谵语，或汗下热不解，烦渴饮水，或内热乃发斑，并用人参白虎汤，无渴不可服，此为大忌。热甚加柴胡，烦躁加连梔，头疼加川芎，渴加天花粉，虚烦加竹茹，呕加陈皮，初见斑加生地、芍药，口燥渴、心烦、背微寒者，亦可此方。水、竹叶、乌梅煎服。

头 痛

头痛是寒邪入足太阳，上攻于头，但有此项，头痛皆为在表，看病之际当问之，有此之证不可下。

凡头痛属三阳，乃邪气上攻也。太阳专主头，阳明、少阳亦有之。三阴经络上不至头，惟厥阴循喉咙之后上连目系头巅，故有头痛，干呕，吐涎沫之证，却无身热，亦与阳经不同。虽然风湿在少阴，湿温在太阴，其经从头走至胸中而还，亦乃头痛。至于阴毒亦热，是又不可拘也。若两感于寒，太阳与少阳俱病，则头痛口干，烦满而渴，与夫头痛热甚，入连于脑，手

① 濇（jǐ 及）濇：汗出貌，指汗出连绵不断的样子。

足俱青，寒者则为真头痛，人多死矣。

太阳头痛，发热恶寒，无汗麻黄汤，有汗桂枝汤。已发汗、未发汗，头痛如破者，葛根葱白汤。太阳病下之后，脉细数者，头痛上未止，连发葱白汤。

阳明头痛，不恶寒反恶热，六七日不大便者，胃实气攻于上也，少与调胃承气汤。阳明头额痛，目痛鼻干，发热不眠，脉洪数，用葛根解肌汤，加川芎、白芷、升麻、葱白。

本经邪热传里，不恶寒，反恶热，谵语，面赤，大渴，饮水不止，脉洪数，用人参白虎汤。

少阳头痛，脉弦，发热，小柴胡汤。

湿家头痛，鼻塞，瓜蒂散吹鼻中，黄水出立愈。

痰涎头痛，胸满寒热，脉紧，瓜蒂散吐。

厥阴头痛，干呕，吐涎沫，吴茱萸汤。头痛，壮热心烦，梔子黄芩汤。

天行劳役头痛，四肢疼，葱豉汤。

阴火冲上头痛，用四物加黄柏、知母、蔓荆、炒芩连、山栀。

有暴感风寒头痛，用芎苏散加苍术、羌活、白芷，各汤中俱加桔梗开提诸药上行，不可缺也。食积亦有头痛。开在食积伤寒条下，故不录。

身体痛

身体痛，虽谓太阳表邪未解，又有湿发汗之不同。

如身体痛，发热恶寒头疼，脉浮紧，无汗，属太阳表证，冬用麻黄汤。

身体痛，脉浮缓，有汗，亦表证也，冬用桂枝汤。

或尺脉迟为无血也，先与小建中汤，伺尺脉浮却用麻黄汤。下利脉迟或作沉，身痛宜四逆汤。

下利腹满身痛，先温其表桂枝汤，后温其里四逆汤。

疮家身体痛，不可发汗，汗则成痼，葛根桂枝汤。

少阴身体痛，或吐利，手足冷，脉沉用四逆汤。

有阴症下利，身体痛，或呕吐，发热，脉沉迟，先救里四逆汤，后攻表桂枝汤。或阴毒厥冷，身体痛如被杖，下利，脉沉，呕逆用茱萸四逆汤。

阳证发汗后，身体痛，脉沉迟，用桂枝芍药人参汤。

一身尽痛，发热面黄，热结在里，小水自利，大便或秘或为畜血证，轻则犀角地黄汤，重则桃仁承气汤。

大抵伤寒烦热，身体痛，即是热痛，汗出即解，医当识此。无热症，吐利，身痛即是虚寒，温之则愈，勿令误也。

凡风温一身尽痛，身重不可转侧，中湿亦身重而疼，俱小便不利，用五苓散加苍术、羌活利之。

霍乱后身体痛不休，脉沉者，桂枝汤。

表里俱寒，下利清谷，身体痛，先救里用四逆汤，后攻表用桂枝汤。

又有劳倦亦有身体痛，则脉虚困盛^①也，用补中益气汤加苍术、羌活、桂枝。若不愈，用人参养荣汤加芍药、羌活、桂枝。

若身热，自汗，恶风，头疼者，属阳明经有风也，用葛根解肌汤加羌活、防风、桂枝、芍药治之。

有血虚发热，身体痛，脉浮数无力者，用四物，加羌活、

① 困甚：原作“因盛”，据《伤寒全生集·辨伤寒身体痛例》改。

知母、黄柏。

痰证亦有身疼痛者，治在痰证类伤寒条下，故不录。

发汗过多，身体痛不止，荣卫不和所至，宜小建中汤用半薄桂和之。

项背强

项背强者太阳表邪也，发散而解。结胸项强有可下之证。寒湿项强则有成痙，见本条，临病之际，宜详审焉。大抵项强表证多。

太阳病项强，无汗恶风为表虚，桂枝加葛根汤。

误下，太阳结胸项强，与理中丸。若损甚者，兼与四逆汤。太阳为之表极，误下之，项强仍在，则此药太峻，故宜如此。

项强，胁下满，身热恶风，手足温而渴，小柴胡汤。

阴毒初得病，手足项强，咽喉痛，心腹痛，短气，厥逆吐利，体痛如被杖，附子汤。阴毒甘草汤、正阳汤。

天行劳役作热，至晚则腰^①背痛，头项强，身^②重者葛根姜豉汤。

无汗

无汗者寒邪中经，腠理闭密，津液内渗而无汗也。

风暑湿皆有汗，惟寒邪独无汗出。

太阳无汗，冬用麻黄汤，三时无汗用芎苏散、冲和汤、六神通解散选用。

① 腰：原作“睡”，据《伤寒六书·伤寒明理续论》卷之六改。

② 身：原脱，据《伤寒六书·伤寒明理续论》卷之六补。

太阳症无汗，脉弱无阳，难作汗者血少也，黄芪建中汤加术附。

项背强几几，无汗，葛根汤。

脉浮，发热无汗，表不解者，麻黄汤，俱不可用白虎汤。渴欲饮水无表证，白虎汤加人参。

阳明反无汗，脉浮而喘者，麻黄汤。

若无汗，小便不利，心中懊恼，身必发黄，五苓散加茵陈、山梔、黄柏。

刚痉无汗治在痉条。

少阴脉沉，发热无汗，麻黄附子细辛汤。

阳明当自汗，若无汗，身如虫行皮中，此久虚无汗故也。热病，热盛躁急，不得汗出，此阳脉极也，死症矣。

又温热病不得汗出，必发狂也；有汗生，无汗死。

其三阴症与少阳皆无汗也，按阴毒额上手背冷汗出者，此虽阴症亦有汗也，用人参四逆汤。

原太阳表邪当汗之症，用麻黄二三剂，发汗不出必死。然发汗，头半身以上虽出，其下身无汗及不至足者必死。盖寒邪自伤足经而起，汗出不至足者，是太阳膀胱气绝也。

凡温热病，伤寒不得汗出，用捣姜粗，绵裹，遍身擦之，其汗自出，此良法也。

自汗

卫气者所以实腠理而固津液者也。卫为邪所干，不能卫护于外，由是汗出焉。

自汗出者亦有表里虚实之分。

若伤风太阳表证未解，脉浮缓，自汗者冬用桂枝汤，三时

用神术汤。

若汗后恶风寒皆为表虚，汗不止用黄芪建中汤。

太阳发汗过多，汗出遂漏不止，为亡阳，用术附汤。汗出而渴，小便难，五苓散，不渴者茯苓甘草汤。

自汗出，小便数，勿用桂枝，惟甘草芍药汤。

自汗出，小便不数，心烦，微恶寒，脚挛急，桂枝附子汤再加人参。

若小便自利而汗出者，为津液少，不可攻利，宜蜜导法。

若汗多而胃汁干，急下之，大承气汤。

汗多而渴者，勿用五苓散。

汗不止，无他证者，温粉扑之，服桂枝汤。

大汗出，烦渴不解，脉洪大者，白虎加人参汤。

下后不可行桂枝。

若汗而渴并大热者，麻黄杏仁甘草石膏汤。

阳明腑病自汗出，不恶风寒而反怕热，燥渴，谵语，饮水不止，大便不通，脉沉数者，调胃承气汤下之。

阳明白汗，小便自利者，津液少也，急下，调胃承气汤。

大抵伤风则恶风自汗，伤湿则身重自汗，中暑则脉虚自汗，中喝则烦渴自汗，湿温则妄言自汗，风温则鼾睡自汗，霍乱则吐利自汗，柔痉则搐搦自汗，阳明则恶热潮热自汗，阴虚劳力则身倦自汗。

惟卫气不与荣气和谐，脏无他病，发热，恶风而汗自出，宜桂枝和合荣卫，使邪无所容地，而邪自出，汗自止矣。

言桂枝发汗者非发也，实闭汗孔也，发字当作出字论。

凡阴症四肢厥冷，额上、手背汗出者，脉必沉细，用四逆汤温之。自汗出，小便难，身无热，脉沉足冷者，四逆汤加桂

枝、白术、茯苓。若吐利厥冷，脉沉或伏，或身痛，大汗出者，人参四逆汤加桂枝、白术、黄芪。

凡发汗下利，大汗不止者死；大汗出，发润如油，喘不止者死；大汗出，热反盛，狂言不食者死；冷汗如水，四肢厥冷，脉脱者死；柔汗发黄，环口黧黑者死。

凡伤寒温热病，汗不止，将发披水盆中，足冷于外，宜少盖，用炒麸皮、糯米粉，龙骨、牡蛎煨为细末，和匀，周身扑之，其汗自止，免致亡阳而死，此良法也。

头 汗

头汗者，邪搏诸阳之首则汗见于头，至颈而还也。若遍身自汗出为热越，今热不得越，而阳气上腾，津液上凑，故汗出于头，夫里虚不可下，内涸不得汗，头既有汗更不可再汗也。

百问^①有云：表实里虚而故头汗，慎不可下。

水结心胸下，忪^②满无大热，头汗热^③出，小半夏茯苓汤，谵语，头汗是血热也，属阳，可用承气汤微下。

若心之懊恼而头汗，栀子豉汤。

寒热往来，微汗，有寒在半表，胁下满，大便硬，有寒在里也。

阳明病热甚，脉洪数，但头汗，齐颈而还，渴饮水浆，小便不利，此湿也，必发黄，因热不得越，用茵陈汤或五苓散。二药之分，为有虚实故也。

若瘀热在内小便利，大便黑，小腹满硬，头汗出者为畜血，

① 百问：即《伤寒百问》。6卷。北宋著名伤寒学家朱肱撰

② 忪（zhōng 中）：即怔忡

③ 热：据《伤寒六书·伤寒明理续论》卷之六疑衍。

桃仁承气汤下之，下尽黑物则愈。

往来寒热，胸胁满，头汗出者属少阳，小柴胡汤和之。

太阳中湿发黄，小便难，渴欲水浆，头汗出者，茵陈五苓散，重则茵陈汤。

阳明病烦渴，饮水多，胸满怔忡，头汗出者，为水结胸，五苓散利之。

中湿，欲向火，亦汗出者，治在中湿条下。凡头汗出，小便不利者死；关格不得尿，头汗出者死；元气下脱，额上汗出，贯珠下流者死；柔汗发黄者死；误下湿家，汗出额上而喘，小便难，大便利，亦阳脱也，俱死。

大抵湿热发黄，利水用茵陈为先，通谷道为次，利出皂荚汁，黄从小便，待清白为愈，黄自退矣。劫黄用瓜蒂散一字搐鼻中，黄水出乃愈。口中噙水，周身姜粗擦法甚良，水灯心煎服。

头汗出，小便不利，或短赤，烦渴，饮水过多，下焦湿热结滞，乃水结胸，脉来沉数，以利小便，用五苓散为先。

惟汗后亡阳，津液枯竭者，以利小便为戒。

小便利，见头汗出，乃脱阳也。

手足心腋汗

伤寒潮热，手足心、腋下濇濇汗出，此为实也。手足乃诸阳之本，热聚于胃则津液旁达于四肢也。

阳明瘟热，则燥屎谵语，手足汗出者，大承气汤下之。

阳明中寒不能食，水谷不化，手足汗出者，理中汤温之。是有承气、理中之不同也。

阴毒寒证，额上、手背浆冷汗出者，用四逆汤温之。

盗汗

盗汗者，睡中出而醒则止也。

缘邪在半表半里间，知胆家有热也，用小柴胡汤

若杂病，寸脉虚浮，尺脉数大无力，乃阴虚火动，宜当归六黄汤。

阳明病，脉浮紧，潮热，柴胡桂枝汤。脉浮大，欲眠，日合盗汗，小柴胡汤同用。阳明盗汗里实者，调胃承气汤下之。

战汗

伤寒战汗四证者，阴阳争也。战而自出者，此为本虚邪胜，脉浮无力，当汗而解；不战而出，其本不虚，脉浮有力，以正胜邪汗而解；战栗而汗出，振栗不为之战，缘太阳未解，阴阳脉俱停，三部俱等，虽剧当愈；如先振栗，出汗而解矣。蒸蒸振栗，汗出者，是柴胡汤渴证未解，即与大柴胡汤下之为逆，小柴胡汤证在，复与小柴胡汤，必蒸蒸而发热，汗出而解矣。脉微缓乃胃气回，再不受邪，否极泰来，荣卫将复也，雷雨作涣然而霁^①矣。

汗后不解

汗后不解为伤寒发汗后，汗出未尽，故寒热似疟，一日二三发，或面赤，身痒，或骨节烦疼，大热也。

伤寒热多寒少似疟，一日二三发，面赤，身痒者，此不得小汗出，宜桂枝麻黄各半汤。

① 霁（jì 计）：雨雪停止，天放晴。

若伤寒面赤缘缘正赤者，此阳气怫郁在表，当发其汗，其人烦躁不知痛处，乍在腰中，乍在四肢，按之不可得，若短气者，汗不彻故也，宜更发汗则愈。

若服发汗药汗出解，半日许复发，烦热不解，其脉浮数者，更发汗则愈。

若伤寒八九日不解，脉浮紧，无汗，发热，身疼者，此为表证仍在太阳经而不传，宜麻黄汤汗之。

若伤寒十日已去，脉浮细而嗜卧者，外已解矣。

若胁满痛，此属少阳，宜小柴胡汤。脉但浮不弦，无胸胁痛者，还属太阳，无汗用麻黄汤，有汗桂枝汤。

发汗后恶寒，有表证不解，脉浮，宜桂枝汤和之。

其汗后不恶寒反恶热，此内实也，用调胃承气汤下之，有热加柴胡。

太阳病发汗后大出汗，胃中干，烦躁不得眠，欲得饮水者，少少与之，人之胃气和则愈。

太阳三日，发汗后不解，蒸蒸发热属胃热，用调胃承气汤。

过经^①不解

伤寒十三日不解，谓之过经。若脉尺寸陷即伏者，大危也。

若过经不解或已经二三下之后，其柴胡证未罢，先与小柴胡和之。

若呕不止，心下郁郁微烦者，大柴胡下之。

凡胸胁满而呕，日晡潮热者，此为实也，先以小柴胡解外，次以大柴胡下之，加芒硝。

① 过经：治伤寒已经过了太阳病阶段。

过经不解，人弱脉虚者，不可下，以参胡三白汤加减治之。心烦不安加麦冬、五味，渴加知母、天花粉，阴火动加黄柏、知母，走精者加牡蛎，心烦、口苦、心下痞加枳实、黄连，不眠加远志、竹茹、辰砂。

虚烦少气者，人参竹叶汤主之。

虚烦不得眠者，参胡温胆汤主之为当也。舌干口燥，欲饮水者，加石膏、知母，胃弱加炒粳米。

如口舌不干燥有津液，若呕者选半夏，口苦、心烦加黄连，无热不渴、脉沉足冷加熟附子，名既济汤。

表里俱病

表里俱病者，如恶寒发热、头疼、身体痛、脉浮为在表，下利发渴、烦满、谵妄、班黄、便实、腹痛为在里。两病见在，表证多先解表，里证多先攻里，此为治法也。无表里证，又非汗证，又非下证，俱用小柴胡汤和解为愈。

无表里证

无表里证者，又非表证之可汗，又非里证之可下，俱宜用小柴胡汤和解之。

表里寒热

表里寒热者，阴盛则外寒，阳虚则外寒，属表也；阴虚则内热，阳盛则内热，属里也。表病里和，汗之、实之则愈；表和里病，下之、温之则愈也。

寒热厥

寒热厥者，面色不泽，胃脉两手无脉，或一手无脉，此将

有好汗出，如重阴欲雨之状，多用绵衣包暖手足，或用火砖布包放于足下，急用热姜汁调稀米汤服之，温覆取汗乃愈。

若汗不至者，用人参、熟附、干姜、桂枝、麻黄、五味、麦冬煎汤救之。若汗不出、脉不至者死也。

且如少阴有身热而无头痛者，是邪未离于表也；厥阴有头痛，无身热者，是脉系络于巅顶也。故少阴无头疼，惟厥阴有头疼无身热，惟少阴有身热也。发热不渴喜热饮，渴知其内有寒，发热口有渴喜水饮知其内有热，身虽热不渴者为表热，身热渴为里热。身体痛，恶寒头痛，脉浮者，知其表不解者，宜汗之；身体痛而下利清谷，腹痛，吐泻，脉沉无力者，知其里虚寒，宜温之。

寒热往来

寒热往来者，阴阳相胜，邪正交争而作也，此属少阳半表半里证。若阳不足，则阴邪出于表与之交争，阴胜而为寒也；若阴不足，阳邪入于里与之交争，阳胜而为热也。邪居表多则多寒，邪居里多则多热，邪在半表半里则寒热相半，乍往乍来而间作也。

小柴胡汤专主往来寒热，寒多加桂，热多加黄芩。

太阳八九日如疟状，一日二三次而发，不呕、便清、脉浮缓者为自愈；脉不浮缓者为未愈，用桂枝麻黄各半汤。

病至十日热结在里，燥渴，大便实，往来寒热，大柴胡下之。

往来寒热，胸肋满而不痛，属半表半里未入于腑，小柴胡枳桔汤未效，小柴胡人参陷胸汤。

妇人中风八九日，续得寒热，发作有时，经水适断适来，

此为热入血室，用小柴胡加生地、红花、当归、丹、桂枝。心烦喜呕，胸腹满不欲食，寒热往来，小柴胡汤。

汗下后不呕不渴，头汗出，胸膈满，小便不利，寒热往来，柴胡桂姜汤。

热多寒少，尺脉迟，荣血不足，黄芪建中汤。

候尺脉不迟，小柴胡汤。《经》曰：血虚气弱腠理开。邪气入与正气相搏，结于胁下，邪正分争，往来寒热，休作有时，默默不欲饮，脏腑相连，其痛必下，痛攻上使喘也，用小柴胡汤。

若小柴胡汤症，医以他药下之，其柴胡证不罢者，复与小柴胡汤必蒸蒸而振，发热汗出而解也。

若伤寒六七日，发热微恶寒，肢节烦疼微呕，心下反结，柴胡桂枝汤。

若胸满微结，小便不利，渴而不饮，但头汗出，往来寒热，心烦者，柴胡桂枝汤主之，寒热汗多亦此汤主之。

本 热

伤寒，太阳病发汗已，脉浮，烦渴用五苓散；发热，泻利，烦渴，小便不利者，五苓散主之；发热六七日不解而烦，有表里证，渴欲饮水，水入即吐名曰“水逆”，用五苓散。阳明汗多而渴者，不可用五苓散。

发汗后大汗出，大烦渴，热不解，脉洪大，用白虎汤。心烦加竹叶；渴加天花粉、干葛；恶心，呕，加姜炒半夏；胸满加陈皮、枳壳、桔梗；表有热甚加柴胡；里有热加芩、连、栀子。伤寒七八日不解，热结在里，表里俱热，时时恶风，大渴，舌上干燥，烦欲饮水，用白虎汤。伤寒脉浮，发热，无汗，其表证不解者，不可与白虎汤，渴欲饮水无表证者，宜与之。

时时恶风，时或有之而不常，或微恶寒，乍寒于背上而不甚也，用白虎汤。切戒，太阳证无汗而渴者，不可用白虎汤，白虎乃汗后解热之药也。

烦 热

烦热者，不经汗吐下则为烦热而烦扰不安也，与发热若同而异，病人烦热汗出则解，如未作膈实，但可和解微热而已。若心下满而烦，则有吐下之殊，先烦而悸为实，先悸后烦者为虚。烦为欲吐不吐郁闷之貌。

若未有热不得汗出而烦者，脉必浮数，宜发汗则为愈。

发汗后，半日许复发烦热脉，浮数者，宜再汗之。

又服桂枝汤反烦不解者，先刺风池、风府，却与桂枝汤愈也。

太阳病，心烦，白汗，小便数者，不可与桂枝汤，宜芍药甘草汤。

太阳病，服桂枝汤后汗出烦渴，脉洪大者，用白虎汤。

阳明病，心烦喜吐，寒热往来，心下悸，小便不利，小柴胡加茯苓汤。

衄血烦渴，饮水则吐，五苓散。不愈，竹叶石膏汤。

下后昼烦夜静，不呕，不渴，无表证，脉微沉，用姜附汤。

汗下后病仍不解而烦躁者，用茯苓四逆汤。

大下后，六七日不大便，烦躁不解，腹满硬痛而烦渴者，有燥屎也，用大承气汤。

汗吐下后心下满，气上冲胸，头身振摇而烦者，茯苓桂枝白术甘草汤。

瘥后不能胜谷气，微烦者，损谷则愈，小柴胡加枳壳，不

愈，大便实者加大黄。

又言伤寒表里无热，但烦愤不欲见光明，时有肚痛，脉沉细，用四逆汤。

凡伤寒身体烦疼，即是热疼不得汗出之故，其脉浮数者，宜汗之，此表证而烦也。

若烦渴，脉弦数，此半表半里证而烦也。

伤寒胁痛而呕，宜小柴胡汤去半夏加瓜蒌根。

至于胸中烦，即胸中热而烦也，又心中烦亦心中热而烦也，并用小柴胡汤加炒梔连。

阳明病烦渴，脉洪数，饮水不止者，白虎汤。

大便实者，调胃承气汤，此里证而烦也。

若内伤寒、劳役，虚火动而烦者，其人身倦无力，自汗，又脉浮虚也，宜补中益气汤加炒梔连、生地、麦冬、黄柏、知母，不得睡而心烦者，兼服朱砂安神丸，纳其浮留之火而安神明也。

大抵伤寒六七日，三部脉皆至，大烦而口噤不能言，其人躁扰者，欲作汗而解也。若脉和、大烦、目肿、睑内际黄，此亦欲作汗出而解也。一切肌表大热而烦，盖欲作汗而解也，再无疑矣。一如天道亢热，人皆不安，或时大雨，时至，人但凉爽但脉不应者，为难治。

如足冷，脉沉细者，此阴症而烦也，急用人参四逆汤温之，又不可不知也。

发汗后大汗出，烦热，不得眠者，此胃中干燥也。欲饮水者，宜少与之，以救胃汁干也。

伤寒二三日，心中悸而烦，此虚烦也，小建中汤。

少阴病二三日，心烦而不得眠卧，黄连阿胶汤主之。

头 眩

头眩者为眼黑运，冒形于近，运为转运之运，世为头旋是也，冒为蒙冒之冒，世为昏冒是也。大率因汗吐下虚之所致。《经》曰：“上虚则眩，下虚则厥”。汗极言乱目眩者死也。

头眩用小柴胡加川芎、黄芪、天麻为主。

又汗下后而眩冒者，亦阳虚所致，用人参养荣汤加川芎、天麻少许。

少阴下利不止，头眩时时自冒者，此虚极而眩也，人参四逆汤加川芎、天麻。太阳病若下之，因复发汗，此表里俱虚，其人必冒，冒^①家汗出，自出而愈，用真武汤加川芎、天麻。

太阳中风头眩头摇，其脉浮紧，用羌活神术汤加川芎、天麻。

太阳发汗后，汗出不解，心下悸，头眩，肉瞤筋惕，振振僻地者，宜真武汤加川芎、天麻。

太阳发汗二三次，汗出过多，肉瞤筋惕，头眩身振，身热，脉虚数，用人参养荣汤加蔓荆、炒黄柏，加川芎、天麻乃愈。

阳明病，头眩不恶寒，能食而咳，茯苓、白术、甘草、生姜加川芎、天麻。

少阳呕，口苦，寒热，头眩，目运，脉弦数，小柴胡加川芎、天麻。

若汗吐下之后，虚而脉数无力，心下痞满，胁痛，气冲咽喉不得息，身振摇，肉瞤筋惕，久则成痿。头眩目运者，茯苓白术桂皮甘草汤加川芎、天麻。

① 冒：原作“胃”。据文义改。

有血虚头眩目运，用四物汤加人参、蔓荆、天麻

若气虚头目眩运，用四君子加川芎、当归、天麻

伏痰头目眩运，用二陈汤加瓜蒌仁、枳实、桔梗、苍术、川芎、天麻、竹沥、姜汁。

阴火上冲，头目眩运，用四物汤加黄柏、知母、天麻。

痰火上攻，头目眩运，用二陈汤加酒炒芩连、栀子、蔓荆、天麻、竹沥、姜汁。

内伤劳役，头目眩运，用补中益气汤加蔓荆、天麻。

下元虚脱，头目眩运，用人参养荣汤加升麻、川芎、天麻。

大抵治头目眩运，非天麻不能除也。

头 摇

头摇，里病也，内有痛则头摇，宜察证而治之。一者风痉，独头摇卒口噤；二者心绝，则头摇，形状如烟煤，直视者死。凡头摇多属于风，盖风主动摇，风脉必弦，用神术汤加羌活、防风、天麻、全蝎、僵蚕之类是也。

身 振

身振者，身体耸动而摇也，为汗吐下太过，使气血两虚作也。汗吐下后心下逆满，气冲胸，起则头眩，身振动摇者，茯苓桂枝白术甘草汤。太阳发汗不解，仍发热，心下悸，头眩，身动振僻地，真武汤。大抵气血俱虚不能荣养筋骨，其身不能主持，故为振摇也，须大补气血，用人参养荣汤，数服甚效。又一人身摇勿得眠者，以十味温胆汤倍用人参得效矣。

卷之四

潮^① 热

潮热属阳明，旺于未申时，一日一发，日晡时作，如潮候之有信，故曰潮热。专主胃腑实热，燥屎使然。渴甚不大便，谵语，脉洪数有力者，调胃承气汤攻之。如热不潮，口不渴，大便不实，不可攻也。

热甚，烦渴饮水，脉洪数，大便如常者，人参白虎汤解之。

潮于寅卯属少阳，脉弦数，小柴胡汤和之。

潮于巳午属太阳，脉浮紧，小便难，大便溏，热未入腑，尤带表证，先用柴胡桂枝以解表，候小便利而大便硬，方可攻之。攻须料量^②，要切脉实大，或沉实有力，或沉数有力。再审病人满硬满痞，或绕脐硬痛，以手按之则痛，或转屎气，或手足腋并心下澀澀然有汗，此内实有燥屎也。

须太^③实、大热、大渴、大满、大坚，用大承气下之。

若小实、小热、小渴、小满、小坚，用小柴胡下之，或甚者，小承气攻之。

若腹中不坚满，止则燥渴，大便不通，脉实有力，用调胃承气汤。

凡欲行大承气，当先与小承气，服下良久，病人腹中转屎气者，此有燥屎也，可与大承气攻之。不转屎气者，初硬后溏，

① 潮：原作“朝”。据文义改。

② 料量：估计，估量。

③ 太：同“大”。

不定，慎勿攻之，攻之则腹胀不食而为难也。

阳明发潮热，大便溏，小便自利，肋痛不止，小柴胡主之。

肋下满硬，不大便而呕，舌上白胎者，用小柴胡，则濇然汗出而解也。

若大结胸，有潮热，属太阳，大陷胸汤。

咳逆潮热，大便自利，潮热，并用小柴胡汤。病人烦渴，汗出即解。

又如虐状，日晡潮热，脉实者，可下，用大柴胡汤。

大便自利而脉虚，不可下，用桂枝柴胡汤。

凡有潮热，必先用小柴胡汤。若热除，内实烦渴者，用大柴胡汤。

渴甚者，用承气可也。

潮热手足汗出，面赤燥渴，谵语，脐腹硬满或痛，小便赤，大便秘，过经不解，或呕不止，心下郁郁微烦，或往来寒热，内燥渴，脉沉实，或沉数有力者，并用大柴胡汤。或表证未除，而里证又急，躁渴者，只得用此汤。通表里而缓治之，不伤元气也。渴加天花粉，水姜煎八分，入大黄，再煎一沸，热服，以利下燥屎为度，中病即止，不得多服。

伤寒十余日不解，胸肋满而呕，日晡潮热者实也。先以小柴胡解外，次以大柴胡攻里，加芒硝下之。

若过经潮热，谵语，大满实者，加芒硝下之。

伤寒三四日，发汗不散，其人蒸蒸发热^①者，内实也，用调胃承气汤下之。

病人闻木声惊怕者，此阳明土弱畏木也，不可下之。如人

① 蒸蒸发热：指内热炽盛，熏蒸于外，常为热聚阳明所致。

走地板动者，亦惧之也。阳明呕多者，且不可下。心下硬满，不可下之。若误下之，利不止者死也，利之止者愈。又面合赤色不可下，合者通也，此有表邪，因汗未彻故不可也。

正阳明胃实，潮热，谵语，燥渴，大便不通，手足濇濇自汗，或面赤，谵语，脉洪数，或沉数。或揭去衣被，恶热，饮水不止，宜用调胃承气汤。加枳实、黄芩、厚朴以利为度也。

少阳半表半里，脉弦数，往来寒热，耳聋胁痛，口噤^①，目眩运，头角痛，胸胁痛，耳中上下，或两边肿痛，或心下痞满，或胸中心烦喜呕，日晡潮热，利，并用小柴胡汤和解表里之神药也。少阳经只此一汤，随证加减再无别汤。大抵治少阳本经有三禁，不可汗、下、利也。

胸中烦呕者，去半夏，加瓜蒌仁、桔梗。

胸胀满，多痰痞满闷，或喘嗽者，加瓜蒌仁、桔梗、枳实、杏仁、黄连、贝母，去人参。

口渴者，去半夏，加天花粉、知母。

腹中痛，去黄芩，加炒白芍药。

胁满硬，去枣，加牡蛎，咸以软坚也。

心下悸动，小便不利，加白茯苓。

口不渴，身微热，去人参，加桂。嗽急，去人参，加五味、干姜。

胸膈胀满，或痛，或胁下痞满，去人参、甘草，加桔梗、枳壳，名柴胡枳桔汤。

胸中痞满，按之痛，去人参，加瓜蒌仁、枳、桔、黄连，

① 噤：原作“晋”，疑为讹文。

名柴胡陷胸汤。

脉弦虚，发热，口渴，不饮水者，去人参，倍加门冬、五味，名清热生脉汤。脉弦数，发热，舌干，口燥，饮水者，加天花粉。

渴甚加石膏、知母，名柴胡清热汤。

脉弦虚，发热或两尺俱浮无力，此必先因房事，或曾梦遗走精，或病中还不固者，宜加牡蛎、知母、黄柏，名滋阴清热汤。

有咳嗽，加五味、门冬。

脉虚，发热，口干，或大便不实，胃弱，加白芍药、白术、茯苓，名参胡三白汤。

烦渴，脉浮弦数，小便不利，大便滑泄，合四苓散，名柴苓汤。

内热口渴甚者，此名胁^①热利，加炒连、白芍药，再加黄柏，名春泽汤。

腹痛，恶寒，去苓，加芍药、桂枝，名柴胡建中汤。

自利，恶风，腹痛，发热者，加枳实、黄连；有痰，加瓜蒌、桔梗，名柴胡连枳汤。

血虚发热，至夜尤甚，脉大无力，用四物汤加生地。

燥渴，津液不足，去半夏，加门冬、五味、知母、黄柏，名柴胡养阴汤。

内热甚，错语，心烦不得眠，加黄柏、栀子，调辰砂末，名柴胡解毒汤。

脉弦长，少阳与阳明合病，发热者，加葛根、芍药，如拾

① 胁：原作“肋”，据文义改。

芥耳，此名为柴葛解肌汤。

脉洪数，恶热，内实，谵语，面赤，烦渴，饮水不止者，合白虎汤，名参胡石膏汤。

大便不通，加大黄下之。

挟暑，去半夏，加莲薷。本经病恶寒，或往来寒热，似疟者，加桂枝。

恶热甚，燥渴谵语，齿无津液者^①，加石膏、知母、天花粉。

痰嗽，加金沸草、五味。

虚烦，加竹茹、竹叶、炒黄连。

胸中有热，痰满闷而痛，名曰痰结，治在柴胡陷胸汤下，加竹沥、姜汁。

本经头疼加川芎。

胸胁下痛而痞，加青皮、川芎。

小腹痛亦加青皮。

痰多，吐不出，去半夏，加贝母、瓜蒌仁、竹沥、姜汁，治在陷胸汤下。

呕加姜汁、橘红。呕家多用生姜，此是呕家之圣药，是辛散其逆气也。呕家多用半夏以去水，水去呕则止，是要散其痰饮也。

妇人热入血室，经水适来适断，寒热似疟者，本方加红花、当归、生地、桂枝、牡丹皮，姜水煎服，少待半时许，又进一盞，以接药力和之。

① 恶寒甚燥渴谵语齿无津液者：原文作“恶热甚，燥渴，谵语，齿津，液”，据《伤寒全生集·辨伤寒潮热例》改。

烦 躁

烦躁者，扰乱为烦，愤怒为躁，先烦，渐至于躁也。伤寒当发汗，而不与发汗，则有此症。有阴虚阳实之别，心热则烦，肾热则躁，烦为热轻，躁为热重。

太阳病，头疼，发热，恶寒，体痛，脉浮紧，烦躁者，因不得汗出，此邪在表而烦躁也，冬用大青龙汤，三时^①用十味芎苏散加石膏、麻黄。

天道暖盛，九味冲和汤加麻黄六神通解散亦可。

凡伤寒肌表热盛，脉浮数，不得汗出而烦躁者，速宜汗之为当矣。

若表邪传里，谵语，大渴，面赤，饮水不止，脉洪数而烦躁者，人参白虎汤。

阳明腑病五六日，不大便，绕脐腹硬痛，谵语，渴甚，烦躁，发作有时者，此内有燥屎而烦躁也，宜调胃承气汤下之。

元气虚者，蜜导法通之。

若病大热，错语，呻吟，或干呕，不眠，烦躁，口渴，脉数者，此邪在里而烦躁也，黄连解毒合白虎加竹叶。渴加天花粉、竹茹。呕加陈皮、白术、乌梅。

太阳不得汗，医以火劫^②，取汗不出，大热入胃而烦躁者，此劫令烦躁也，小柴胡加龙骨牡蛎汤，入黄连、山栀。

凡伤寒阳微，发汗，烦躁不眠，或汗下后，昼日烦躁不得眠，夜则安静，身无汗，脉沉微者，姜附汤。

① 三时：指春、夏、秋三季。

② 火劫：指热性病误用烧针、熏、熨、灸等火法导致疾病坏变。

或发汗若下之，病仍不去，烦躁者，用茯苓四逆汤，要在脉沉细无力，方可用此汤。

得病二三日，脉弱无力，大柴胡症。烦躁，心下硬，能食，小承气汤微利之。

心中悸而烦躁者，小建中汤。恶风，自汗，脉弱而烦躁者，亦用前汤。

若发热六七日，烦渴欲饮水，五苓散。无热，狂言，烦躁不安，精神不光采，亦用五苓散。

少阴吐利呕逆，烦躁欲死者，脉必沉细，吴茱萸汤。

若阴症身微热，脉沉细，手足冷而烦躁者，四逆汤。面赤加葱白，无汗，干呕加猪胆汁。

又有不烦，便作躁闷者，乃阴极发躁，欲坐卧于泥水中。其脉沉细，手足冷，但饮水不得入口，用霹雳散，不若生脉四逆汤尤妙，此阴盛拒阳而烦躁也。以艾汤调硫黄末二三钱，立时汗出乃即愈，此秘方也。

结胸烦躁悉具者，死；吐利四逆而烦躁者，死；发汗下利，厥逆而烦躁不眠者，死；又五六日自利后，烦躁不眠者，死。

又有久病阴虚发热，恶热，午后面颜赤，烦渴引饮，肌热，躁热至夜尤甚，脉洪大，按之无力，此血虚也，用当归补血汤。

有痰火升作咳嗽，气急烦闷，不得安，或时心烦，或时躁乱不宁，此名痰躁，用温胆汤，加辰砂、瓜蒌、桔梗、竹沥、姜汁少许为要。不在伤寒烦躁治例。

血虚发躁，用当归补气汤。甚者加远志、枣仁、甘草。

阴症发躁及发汗，或下后昼日不眠，夜安静，脉沉细，用干姜附子汤。

咳 嗽

咳者，俗呼为嗽。肺为邪干气逆不下，有肺寒而咳，有停饮而咳，有邪在半表半里而咳，治各不同。

凡表寒咳者，脉浮紧，恶寒，身痛拘急，无汗，用麻黄汤、三物汤汗之。

痰唾如胶者，金沸草散主之。

有热者，参苏饮去半夏、木香，加桑皮、杏仁、麻黄汗之，察时令用药。

若表寒未解，心下有水气，干呕，发热，喘，用小青龙汤主之。

虚人感冒风寒，喘，或恶风，头疼，干呕，宜人参杏仁汤主之。

凡伤寒三四日，传少阳经，脉弦，口苦，发热，恶寒，喘者，小柴胡去参，加五味、干姜少许、麦冬、知贝母。

若发热，胸中满喘，加瓜蒌，黄连。

渴加天花粉，去半夏。

胸胁满，发热，咳，加枳壳、桔梗。

凡少阴病，脉沉，四逆，呕者，四逆散加干姜、细辛、五味。

少阴病四肢沉重痛，自利呕者，此里有水也，真武汤主之。

凡太阳病，若身热，咳嗽，干呕，微喘而利，恶寒，胁痛，小青龙汤主之。

身凉，咳嗽，干呕，微利，心下满则胁下痛，十枣汤主之。

按：小青龙汤治太阳表寒停水也，十枣汤治太阳里寒停水也，真武汤治太阴里寒停水也，各有加减法。

大抵伤寒咳嗽不与杂病同也，按仲景先师治法，有嗽者，不分阴阳二证，俱用五味、干姜。病初起，卒难，便用五味恐其酸收，闭住邪气故也。然后用五味者，盖其收^①肺气、保肺金而止嗽，以干姜之辛，温肺金而散逆气，先入肺矣，用者详之。

火邪火劫

火邪者，因发汗不出，用火劫之故曰火邪。凡伤寒用药，汗不出，津液枯竭，其证必危，无汗者，表虚也。亦有水能作汗，故用火于床，劫夺取汗，邪热交并，变为惊狂，实则烦躁，虚则脱阳者，死也。

火劫太阳中风，两阳热极，发黄，小便难，循衣摸床，为难治。小便利者，为可治。太阳火劫，不汗，烦躁，下清血^②，犀角地黄汤。脉浮以火劫之，亡阳发狂者，为虚也，柴胡龙骨牡蛎汤，以收其神，俱危证矣。火劫取汗，量虚实而用之。

水 气

水气者，为水饮也。停于胃为啰噎，停于心为悸，停于下焦为疝，渗入肠胃为痢，渍于皮肤为肿。水属阴，其性寒，内有热渴则水流，迹之身热。内寒得水则雨，寒水相搏故停也。

如表不解，心下有水气，干呕，发热，小青龙汤去麻黄，加杏仁五味汤，表证也。

结胸无大热，水结在胸中，但头汗出者，大陷胸汤。

① 收：据文义疑作“壮”。

② 清血：症状名，指下清鲜纯血。

伤寒停水，心下悸，宜先治水，茯苓甘草汤。

少阳腹痛，小便不利，四肢痛，或咳嗽下利，此为水气，真附子汤治表证也。

中风发热，烦渴，饮水即吐，有表里证，名水逆，宜用五苓散主之。

口 干

口干舌燥者，因邪热聚于胃府，消耗津液，故口燥舌干而渴也。

少阴病，口燥，咽喉干者，用大承气汤。若不口燥，咽干而渴，脉沉者，急温之。盖少阴之寒温，正在燥干、咽干与脉沉上辨，不可视如寻常。

又有嗽水不下咽者，见表证者，必衄，为其邪热在经也。须血气俱多，经中热^①，迫血妄行而作衄。若无证，加之胸腹而如狂者，又谓畜血在内也。

阳明，口燥咽干，无大热，背恶寒，白虎加人参汤。

少阳，口燥咽干，小柴胡汤。

少阴，口燥咽干而渴，急下之，宜承气汤。

阳明，病口燥，欲饮水不咽者，必衄，黄芩芍药汤。

嗽水不咽，发狂，轻者犀角地黄汤，甚者抵当汤治之。

口 渴

渴者，里有热也。津液为热所耗，故令渴也。伤寒六七日传至厥阴为消渴也，谓饮水多而小便少，乃热能消水也。

① 享：据文义疑作“停”。

朱子^①曰：脉浮而渴，属太阳；有汗而渴，属阳明；自利而渴，属少阴；至于厥阴则又热之极矣。惟太阳无汗，喜渴，忌白虎汤，宜小柴胡汤为当。前宜竹叶石膏汤，当二条，白虎汤乃汗后一解药耳，发热未久，无汗不燥，大宜忌之。阳明多汗而渴，戒五苓散，参看便知用药之精微处。若先呕后渴则为欲解，当为之水解；先渴后呕，则为水停，属赤茯苓汤。当须识此，勿令误也。

太阳标热在表则无汗，邪热入膀胱之本则烦渴，脉浮数，小便不利，五苓散利之，不可与白虎汤。

太阳病服桂枝汤。凡阳明经病脉长即微洪脉，标热无汗而渴，葛根解肌汤。

若阳明病传热于胃，本热恶热，自汗面赤，谵语，发渴饮水，脉洪数者，人参白虎汤加天花粉、黄连。

若阳明本热内实，或蒸蒸内热，或潮热大渴，饮水不止，谵语，揭去衣被，或发斑黄，狂乱，或成大结胸，舌上燥胎，大便不通，脉沉数者，三承气汤，量轻重选用。

若内热未实，且未可下，宜白虎汤合小柴胡，去半夏加天花粉、黄连。

若阳毒证，目赤唇焦，鼻如烟煤，发黄，狂乱骂詈，叫喊，夫渴饮水不止，舌胎干燥，内实或下利赤黄，脉大有力，三黄石膏汤或黑奴丸。

大便不通，渴甚者，宜急下之，大承气汤。

若少阳脉弦数，口燥咽干，发热，渴者，小柴胡去半夏，加天花粉、干葛。

① 朱子：指朱肱。宋代医家，字翼中，号无求子，晚号大隐翁。撰《伤寒百问》等书。

若心烦喜呕渴者，胸满胁痛渴者，日晡潮热渴者，往来寒热渴者，俱属少阳，并用小柴胡去半夏加天花粉、黄连。渴甚，加石膏、知母。

凡太阳虚寒，自利，则不渴，惟少阴舌干口燥有渴，大便不通，谵语，脉沉实者，急用大承气汤。

厥阴热极，消渴能饮水，脉沉实，四肢微厥，乍温甚，大便不通，舌卷囊缩，谵妄者，急用大承气汤。

厥阴消渴为能饮水多，小便少，盖热能消水。若厥阴症热微厥亦微，用四苓散；厥深热亦深，用大承气。

有阴症，口渴欲饮水，小便色白，脉沉，足冷者，此下虚有寒，人参四逆汤温之。

有阴毒下利，身如被杖，白汗，厥逆，脉沉疾，烦渴，或腹痛，胸满燥渴者，茱萸四逆汤温之，不可用凉剂。甚则唇青厥逆，舌卷囊缩，脉沉伏者，急灸关元、气海，蒸脐法，仍用姜附，大剂以温之。阳证发黄，头汗出，渴饮水浆者，茵陈五苓散。大便实者，茵陈汤。

一切伤寒时气热病，欲饮水者，因内水枯竭，欲得外水自救，宜少与之，令胃气和则愈。盖得水则能和其胃气，汗出而解也，不可太过。若太过则水停心下为水，结胸，不利，喘咳等证。若全不与饮，则内水干燥，渴，无由作汗，必加喘渴，躁乱而死。若病人欲水，必须令人以手摩揉心胸胁下，使水气行散，不致停畜也。

大渴，舌干胎燥者，用薄荷、橘皮，浸凉水时时噙嗽，以免干燥而渴。

杂证阴虚火动而渴，用四物加黄柏、知母、天花粉、黄连。太阳病渴，脉浮，表不解，心下有水气，小青龙汤去半夏，

加瓜蒌根桂枝汤。汗出后烦渴甚者，白虎加人参汤。小便不利而渴，五苓散。身热恶风，手足温，胁满而渴，小柴胡汤去半夏，加瓜蒌根。

阳明发渴则有汗，胁下硬，不大便而呕，舌上白胎，小柴胡加减如前。若汗少，小便不利，脉浮而渴，五苓散，乃膀胱本病不可不知。渴而饮水，呕者，同治。

发黄，头汗出，小便不利，渴饮水浆，猪苓汤。下利，渴欲饮水，白头翁汤。

阳症下利，脉数而渴者，自愈，不愈，必清血，宜黄芩汤。

病人脉细，欲吐不吐，心烦，但寐，小便白，下利而渴，四逆汤。

诸静属阴，但寐一句，非静而何，此外证也。更脉微细，小便白而下利，是里无阳也，故宜四逆汤温之。

中暑发渴，白虎加人参汤，白虎乃暑家之药，伤寒用之假借尔。

漱^①水不欲咽

漱水不欲咽者，此属阳明胃热也。欲饮不欲咽，是邪热循经，里无热也。

阳明气血俱多，热逐血妄行作衄，但欲漱水不欲咽，口燥者，用犀角地黄汤。

外无寒热，喜忘如狂，小便自利，大便黑色，口燥舌干，但漱水不欲咽者，此有瘀血结于下焦，宜桃仁承气汤，下尽黑物则愈。

少阴证脉沉细，手足冷，或时烦躁，渴，漱水不欲咽者，

① 漱：原作“嗽”，据本书卷四结胸篇改。

宜四逆汤。

下利厥逆，无脉，干呕，烦渴，漱水不欲咽下，宜白通汤加猪胆汁入人尿煮之。

厥阴蛔厥，烦躁，吐蛔，口燥，舌干，但欲凉水浸舌并口唇时不可离，不欲咽下，宜理中汤加乌梅、花椒主之。

大抵阴证发躁烦渴，不能饮水，或欲强勉饮下，良久诚复吐出，或饮水而呕哕者，皆内寒也，宜四逆汤温之。

盖无根失守之火，游于咽嗑之间，假作燥渴，则不能饮水也，或能饮水而不吐者，然也。

多 眠

多眠，乃邪传阴，不在阳也。太阳证十余日，脉沉细，嗜卧者，外似解，神将复也。

设胸满胁痛者，属少阳也。少柴胡加枳、桔。

若脉浮紧无汗者，太阳未解也，宜麻黄汤汗之。

若鼻干，不眠，风热内攻，不干乎表，热气伏内则多眠，小柴胡汤。

凡汗后身凉，脉静而好睡者，病之愈也。少阴脉微细，但欲寐，或蜷卧，恶寒，喜向壁卧或身体沉重，欲寐，脉沉逆冷者，皆属阴证也，附子汤。

风湿脉阴阳俱浮，汗出身重，鼻息鼾睡，语言难出，用葳蕤汤。

狐惑^①，唇口生疮，咽干声哑，面颜乍白乍黑，但默默欲

① 狐惑：病名。指因感染虫毒，湿热不化而致的以目赤眦黑、口腔咽喉及前后阴腐蚀溃疡为特征的一种疾病。

眠，柴胡汤主之。

少阴脉沉，身体沉重，欲眠，神皆昏也，故多眠，四逆汤。欲吐不吐，心烦多寐，五六日，自利而渴，小便白者，四逆加甘草干姜汤。若复烦躁而不得卧者，不治。

不得眠

不得眠者，盖热也。汗为心液，汗多神昏，故不眠。瘥后热，亦诸阳并阴，主后，故不眠。阳盛阴虚则昼夜不得眠。若为阳所胜，故终夜烦扰而不得宁也。

鼻干不得卧，邪在表也。

一、太阳脉浮，身痛无汗，烦躁不眠者，宜汗之，此则邪在表也。

二、阳明经头额痛，目疼，鼻干身热，不眠，脉微洪，则邪在经，宜用葛根以解肌。

若自汗，脉洪数，表里俱热，烦渴，舌干燥，饮水者，人参白虎汤。

若蒸蒸发热或潮热，自汗，大便实，燥渴，谵语，宜调胃承气汤下之。

若大热，错语，呻吟，干呕，不得眠者，黄连解毒汤主之，此则热在里也。

若表里大热，舌燥，饮水，不眠者，白虎合解毒汤主之。大抵胃不和，则睡不安，故宜清热，胃和则已^①。

三、少阳发热，呕，口苦，胁痛，心烦，不眠，脉洪数者，小柴胡加黄连、山栀主之，此则邪在半表半里也。虚人津液不

^① 则已：原脱，据《伤寒全生集·辨伤寒不眠例》补。

足者，加麦冬。

四、少阴证二三日，心中烦，不眠者，黄连鸡子汤。下利六七日，咳而呕，心烦不眠者，此停水也，猪苓汤。若三四日不得眠，黄连阿胶汤。

五、太阳病发汗后不得眠，脉浮数，微热，烦渴，小便不利者，五苓散。若大汗，胃中干燥，烦渴，欲饮水者，宜少与之则愈，不与则喘渴而死。脉数大，用人参白虎汤加竹叶，不可用五苓也。若发汗、吐、下后，虚烦不得眠者，必反覆颠倒，心中懊恼，栀子豉汤。若汗后^①，复发汗，昼日烦躁，不得眠，夜安静，不呕不渴，无表证^②，脉沉微无大热，干姜附子汤。汗下后，虚烦不眠者，温胆汤加竹叶、石膏、山栀、乌梅、辰砂主之。若小便不利，大便乍难乍易，微热而喘，不得眠者，有燥屎也，用大承气下之。

六、伤寒瘥后，烦闷干呕，口燥，呻吟，错语，不得眠者，黄连解毒汤加乌梅、干葛主之。

七、瘥后不眠者，即热气与诸阳相并，阴气未复，栀子乌梅汤。

八、阳协阴，狂言不眠，乱梦心烦，乏气者，酸枣仁汤。阴协阳则惊悸昏沉，温胆汤。心烦内热，加黄连、山栀、远志、麦冬。心中燥渴，加麦冬、五味、天花粉、知母，去半夏。表热未除，加软柴胡。内虚大便自利者，加茯苓、白术、煨干姜，去枳实。表里大热者，加石膏、知母，去半夏。心中颠倒，懊恼者，加栀子、乌梅。胃气虚弱，不得眠者，加炒粳米。烦躁

① 汗后：据《伤寒全生集·辨伤寒不眠例》及下文当为“下后”

② 无表证：《伤寒全生集·辨伤寒不眠例》作“无表里证”。

虚惊，加当归、生地、梔子、远志，调辰砂末。

九、若汗下太过，阳气衰弱不得眠，若无热证，又当四逆汤温之，以退阴复阳也。

十、少阴寒证，阴极发躁，不得眠，脉沉细，足冷面赤或下利，身疼痛，不得眠，脉微者，用四逆汤加参、术主之。

十一、中风汗出，脉濡弱将厥，而且寒躁不眠，宜小建中汤。

吐下后，昼夜不眠，交枣汤。

下后复汗，不得眠，乌梅桂枝汤。

下后虚烦不眠，又须梔子豉汤以湧^①之。

有汗下太过，阳气暴虚而不得眠者，若无热证，又宜姜附汤以退阴复阳，不可不知也。

太阳病二三日，不能卧，但欲起，心下必结，脉微者，此本有寒而反下之。若利止则结胸未止。四日复下，必胁热利，结胸，理中丸；胁热利，白头翁汤。

阴盛于阳则惊悸，昏沉，大热，干呕，错语，呻吟，不得眠，犀角解毒汤。

燥烦，竹叶石膏汤。

瘥后饮酒，烦满，朝呕，亦用犀角解毒汤。

昼夜偏剧

凡病昼静夜剧者，热在血分，宜四物汤加黄柏^②、知母、芩、连、山梔、丹皮、软柴胡主之。

若夜静昼剧，此热在气分，宜小柴胡加山梔、连、母、地

① 湧：同“涌”。

② 原文为“栢”，据文义当作“柏”

骨主之。

若昼夜俱剧，此热在气血之分，宜小柴胡合四物，更加连、梔主之。

若有表证，脉浮数，不安，宜汗之，则愈。

里实，燥渴，大便不通，谵语，昼夜不宁者，宜下之，则愈。

下后复发汗，昼则烦躁不得眠，夜安静，脉沉微，无大热者，干姜附子汤。

凡妇人热入血室，昼则明了，至夜谵语者，小柴胡加生地主之。

舌 胎

舌胎者，若邪热在表而未入里，则无胎；若邪热在里，则生胎。舌上津液结搏，或黄或黑，或涩或滑，生芒刺之状。

凡胎白而滑者，表邪犹未解也，宜葛根汤解之。

若寒热往来，口苦而渴，脉弦，舌上白胎者，属少阳也，小柴胡加天花粉、知母、干葛，去半夏。

若胎黄而涩，此邪传里渐深，宜小柴胡去半夏加天花粉、黄连、知母。

热聚于胃，舌上黄胎，而燥渴饮水，表里俱实者，人参白虎汤加黄连、天花粉、山梔、竹叶。内实，不大便者，调胃承气下之。

舌上黑胎，燥渴饮水不止，谵妄，大便不通者，急用大承气下之。此火热亢极反见水化，故有此象。

若证未全具，尤未可下，只用小柴胡去半夏，合白虎汤加黄连。

若见热极饮水不止，舌上黑胎，生芒刺刮不去。易生刺者，难治，此热毒入深，十有九死，是肾水来克心火，乃阳热之胎。必舌燥烈，或肿，或赤，或涩，或黄，或黑，或芒刺，或白胎，而脉必沉数有力，口渴。

凡舌胎红湿者，占，热之故也；紫黑燥者，凶，水克火也，又有阴寒证极，水反来克心火，亦生黑胎，辨其胎，必湿冷滑，不燥不涩，不渴不热，脉必沉细，足冷，又当四逆汤温^①之，此阴寒之胎也。

若脏结下利，舌上得胎者，不治。

热病口干，舌黑者死。

舌上如胎者，丹田有热而胸中有寒，四者似胎未成之状。

脏结，脉阴阳俱紧，口中气出，唇口干燥，呕者小柴胡汤，痛者理中汤。

蜷^②卧，足冷，鼻中涕出，舌上胎滑者，勿妄治也。

到七八日以来，其人微发热，手足温者，此为解。

或八日以上，大热发者，此难治。恶心欲呕，腹中痛者，必欲利也。一切胎俱用薄荷水浸青布，于舌上洗净，后用生姜薄片时时蘸水刮之，其胎自退。

如夏月民病黑胎者，因时火与邪火内外而炎烧，故舌上易生胎刺，不在必死之例。未可言死，证虽死症尚有可生。冬月黑胎，难治，此不传之妙也。

验证辨视舌色法开后

白胎舌治宜小柴胡汤或栀子豉汤。

① 温：底本不清，据《伤寒全生集·辨伤寒舌胎例》补。

② 蜷：原作“倦”，据《伤寒全生集·辨伤寒舌胎例》改。

中焮舌^①宜凉膈散或大柴胡汤下之。

红星舌将发黄，宜茵陈蒿汤或茵陈五苓散。

生斑舌宜去参升麻汤^②或化斑汤。

黑尖舌宜竹叶石膏汤调之，大热宜调胃承气汤下之。

黑圈舌过经未解，宜大承气汤下之。

人裂舌^③宜凉膈散加黄连主之。

虫碎舌^④宜小承气汤下之。

厥阴舌宜理中丸或四逆汤主之。

里黑舌用调胃承气汤下之，或解毒汤调之。

将瘟舌^⑤黑色者主死。

死靛舌^⑥，百中无活，休下功夫。

凡见舌尖白根黄，此表证未解，须宜解表，然后可攻之。如大便闭者，宜凉膈散泡硝黄热服。小便涩者，宜五苓散加木通，合益元散入姜汁，白汤调下。

舌见白胎，中见黑小点乱生，其常有表证，其病之来虽恶，宜服凉膈散，微表之，退即当下之，用调胃承气汤。

舌见两弦灰色，中有黑晕痕二条，此热乘入肾、命门。若

① 中焮舌：《敖氏伤寒金镜录》第八作“中焙舌”即黑燥厚苔边红舌，为邪热结于里之象。

② 去参升麻汤：据文义疑作“玄参升麻汤”。

③ 人裂舌：《敖氏伤寒金镜录》第八“舌见红色，更有裂纹如人字形亦有此形者，乃君火热毒炎上，故发裂也。宜用凉膈散治之。”

④ 虫碎舌：纯红色中有糜烂红点，如虫蚀状之舌象，为水火不济，热毒炽盛之候，宜泄热攻下。

⑤ 将瘟舌：舌象。舌红赤，光艳无苔。在温病多属营分热盛，在杂病多属阴虚火旺。

⑥ 死靛舌：《敖氏伤寒金镜录》第八作“死现舌”。指舌象，全舌苔呈黑色，为寒极或热极之候。

此见之，急当下，用解毒汤服三五次，若迟难治。初服，加大黄酒泡□□量大小服之。

舌见微黄色者，初病则得之，不自白变黄，必见谵语，此由失汗，表邪入里也，必用汗下兼以双解毒汤。

舌见白胎带黄色者，必泄，宜服解毒汤 恶寒者，五苓散，

舌见将黄色，肥光者，必未解，宜小柴胡汤合天水散¹之类可下者，大柴胡汤表里双除，临证用之。

舌中见黑胎者，制同也

舌见黄色者，必病。见白胎变黄色也，此为表而传里也。热已入胃，当急下之。若下之迟者，必见黑色为恶证，为亢则害，鬼贼深也，不治必死，宜服调胃承气汤下之。如白中黑者，内制同也。

舌见白胎而自汗出者，不可下，宜用白虎汤加人参一钱服之。

舌见白胎滑者，脉在肌肉，为邪在半表半里，必往来寒热，宜小柴胡汤和之。

舌见白而胎滑者，此为脏结之证，邪并入脏极深，为难治之也。

舌见四周白而中有黄者，必作烦渴呕吐之证，兼见表者，五苓益元散兼服，以待黄尽，方可下之。

舌见黄而有小黑点者，热必深也，邪传六腑将入五脏，急服调胃承气汤下之，次进解毒汤，亦为十存四五也。

舌见根黄尖白，表少里多，宜天水散一合，凉膈散二合，

¹ 天水散：出自《伤寒标本心法类萃》卷下方，即益元散第一方，又名六一散、太白散

和而服之，如嫌防风通圣散主之。

舌见干而涩者，隔辨邪已传于胃，并毒极深，必烦渴，急宜下之，大承气汤。若见发黄，宜用茵陈汤主之；如血证服抵当汤；表有水肿在胁内，十枣汤；结胸，大陷胸汤；痞满者，大黄泻心汤之类。

舌见四边微红，中央成黑灰色行路者，此由失下之，热退可愈。虽四五下之方退，五次而胎色不落者，不治就危矣，用大承气汤主之。

舌见黄而中有黑点乱生者，其证必渴，谵语，而脉滑者生，脉涩者死。循衣摸床者，若下之，见黑屎者死，宜服大承气汤下之。

舌见黄而中有黑至尖者，热毒邪气已深，两感^①者，下之，十有九死，不治，九味羌活汤。不恶寒，有下利者，下之可，治宜调胃承气汤治之。

舌见弦红心黑者，伤风表未解也，宜双解毒散加解毒汤相停^②，微汗之，表证罢，恶下之。如结胸烦躁，目直视者，不治之，而非结胸，可治也。

舌见根黑尖黄微，隐隐不见，如黑灰色，根黑尖黄须有黑行，其脉实，可下之，用大承气汤。脉浮，渴者，用凉膈散。其生十有二三，死有八九也。

舌见灰色，无恶寒恶风，虽脉浮者，亦可下之。若恶寒恶风，用双解毒汤服之，亦见十生三四。若下之见黑粪者，再不可治之也。

① 两感：表里两经同时感受邪气发病。

② 相停：相等，均等。

舌见根黑尖黄，脉滑者，可下之。脉浮者，养阴退阳。若恶风寒者，微汗之，宜双解毒散。若下之不成利者，用解毒汤。十生八九也。

舌见大黑而有乱纹者，其脉滑实，急宜下之，亦有九死一生。脉浮数无力者，不治，外必发热而渴，饮水不休。《经》云：热病渴，饮水不止者，死，不治也。

已上伤寒三十六般视舌法，乃医之捷要，用之万无一失，有合其宜焉。

四肢拘急

拘急者，手足不能自如，屈伸不便，如蜷卧，恶风之类。四肢者，诸阳之本，因发汗忘阳^①，阳虚而有是证也。

伤寒脉浮，自汗，小便数，心烦，恶寒，脚挛急，用芍药甘草汤。

小便难者，用桂枝加附子汤。

吐利，汗出，发热，恶寒，四肢拘急，手足厥冷，用四逆汤。

心下痞

心下痞者，太阳证当服麻黄汤发汗，而误用承气下之而成痞满，此因虚邪留滞。

若欲下之，必待表证罢，而后可用柴胡枳桔汤。

如恶寒汗出，痞满者，附子泻心汤。小便不利者，五苓散。

表未解，心下满闷痞结者，柴胡桂枝汤。

① 忘阳：据文义当作“亡阳”。

如热盛而痞者，大黄黄连泻心汤。

如冷热偏胜者，附子泻心汤。

寒多热少者，半夏泻心汤。

要知泻心非泻心火之热，乃泻心下之痞满也，气郁不通泰也。

若下早而成者，则表邪乘虚内陷，结于心胸间，但满而不痛者为痞气。若不因下早而为痞者，乃表邪传至胸中，未入乎腑，虽满闷尚为在表，只消小柴胡枳桔汤，未效则以小柴胡合小陷胸汤，如神效。

其痰结、气结、水结、食结，开在各条下，不录。

伤寒误下早，遂为心下痞满，硬而不痛者，用半夏泻心汤。若发热，潮热，寒热并加柴胡。渴加干葛，半夏少用。小便少加茯苓。呕加陈皮、生姜。心下满加枳实。大便利加白术、茯苓，去枳实、黄芩。腹痛去黄芩，加芍药，水姜，煎服。

伤寒下利，一日数行，水谷不化，腹中雷鸣，心硬满，干呕，心烦不得安，此非结热，乃胃空虚，寒气上逆，故使硬也，并用甘草泻心汤。

伤寒心下痞，按之硬，关脉浮，内实热盛，不大便，用大黄黄连泻心汤。上用麻黄煎汤，一钟^①渍之，以物盖定，须臾去滓，热服，煎麻沸汤。渍服者，取其气薄而虚热也。

心下痞而复恶寒汗出者，用附子泻心汤，水一钟，煎半钟，用百沸汤^②一钟，乘热渍入，一时许，绞出粗，入附子温服。

① 钟：古代器名，即圆形壶，用以盛酒浆或粮食。盛行于汉代。义同“盅”。

② 百沸汤：煮沸多次的白水。

心下痞满，服泻心汤。痞不解，口渴，烦躁，小便不利者，用五苓散。

伤寒浆浆汗出^①，发作有时，头疼，心下痞，硬满引胁下痛，干呕，短气，汗出，不恶寒，此表解里未和也，用十枣汤。上为细末，用大枣十枚，以水一钟，煎至半钟，去枣，将汤调药末，壮人五分，弱人二分半。如大便利，水下，勿服，以冷稀粥补之。

大抵发热胸中痞满者，小柴胡加枳壳、桔梗以利之。若心下痞满者，加枳实、黄连以泻之。心烦胸满有痰者，加瓜蒌、橘红以消之。

胁热下利，心下痞硬，表里不解者，用桂枝人参汤。

治痞若脉浮紧，无汗恶寒者，此表未解也，宜汗之。

脉缓，恶风，自汗者，桂枝汤和之，待表解，方可攻里也。

寸口脉微浮，胸中痞硬，气上冲咽喉，不得息者，此胸中有寒，用瓜蒂散。二味研末，合和匀，每服一钱，以香豉一合，水一钟，煎至七分，去粗，调末，药取吐为度，如不吐，宜再服。亡血家并人弱脉虚者，不可用。

中气虚寒，不能运化，气滞不通，或伤食不化，痞满者，用枳实理中汤。

不因下早而心下痞满，按之软，乃气痞也，用木香和中汤。

气痞，大便秘实，加槟榔、大黄，有烦热，加干姜、炒黄连。

凡一切痞气，即用枳壳片入盐炒或麸皮炒热，用布包揉熨，软快为效。如不效，用前炒姜粗，绢包，热揉，甚效甚速。

① 浆(zhí直)浆：原作“浆浆”，据《伤寒论·辨太阳病脉证并治》改。

心下悸

心下悸者，怔忡忡忡，不能自安也，其证有二焉，一者气虚，二者停饮。其气虚，阳气内弱，心中空虚而为悸。又有汗下之后，正气内虚，亦令人悸。气悸者，则为甚，治法皆须定其气浮也。其停饮者，由饮水过多，停留心下，心火恶水，不能自安而为悸也。治法必须分水气，虽有余邪，亦先治悸，免使水气散走而成他证也。

伤寒二三日，心中悸而烦者，小建中汤。

少阴病，四肢逆冷，心中悸者，四逆散加茯苓、桂枝主之。

饮水过多悸者，宜茯苓甘草汤合五苓散分利之。

太阳发汗过多，其人叉手自冒^①，必心下悸惕，欲得按者，宜桂枝甘草汤。

凡厥心下悸者，此有水气，当先治水，茯苓甘草汤，不然水入胸中，必作利也。

汗下后，内虚悸者，小建中汤合人参三白汤主之。若脉沉细者，真武汤主之。

先烦后悸为热，竹叶石膏汤加参。

先悸后烦为虚，宜小建中汤。

太阳病，小便利者，以饮水多故心下悸，茯苓桂枝白术甘草汤。

小便少者，必里急，猪苓汤。

阳明病，壮热往来，心下悸，小便不利，心烦，喜呕，小柴胡加葛根、猪苓。

① 叉手自冒：两手交叉覆按心胸，因汗出过多，损伤胸中阳气所致。

太阳汗后，脐下悸者，欲作奔豚，茯苓桂枝白术甘草汤。

太阳汗后不解，仍发热心下悸，头眩，肌体𦞙动，振振欲擗地者，真武汤。

少阳耳聋，目赤，胸满而烦，妄加吐利则悸而惊，与小建中汤。有热，小柴胡汤。

伤寒脉结代，心动悸者，炙甘草汤。

其人病四逆，其人或悸，四逆散加桂。

伤寒三日，心中悸者，用小建中汤。阳虚自汗加黄芪，名黄芪建中汤。脉沉，足冷，加附子，名附子建中汤。血虚腹痛加当归，名当归建中汤。

建中者，立也，盖因中气不足，以此重立之也。呕吐者，不可用此汤，盖甘能发呕。吐蛔者不可用此汤，盖因虫得甜则逆上。中满不可用此汤，盖因甘能补气填实故也。桂枝甘草汤二味用甘烂水^①煎服。夫汗多则心虚，欲得乎汗者，将水以物扬之千数，水上有珠者是也。取其扬之无力，不取其肾邪而克心火也。

心下满

伤寒心下满者，当心下高起，满硬者是也。不经下后而满者，则有吐下之分；若下后身满者，有结胸痞气之别；如病人手足厥冷，脉乍紧，邪结胸中，心而烦饥，不得食，病在胸中，当吐之。心下满为其邪气干之，高者因而越之，下者因而竭之，要在泄其邪也。阳明痛心下满者，不可攻，攻之利不止者，死。

^① 甘烂（làn 烂）水：又名劳水，出自《伤寒论》。取水二斗，置大盆内，以杓扬之，水上有珠子五六千颗相逐，取用之。

吐之斯可也已。经下后，心下满而硬痛者，为实邪。结胸满而痛，为虚邪。痞气实，邪留结为硬为痛，虚邪留滞则但满而不硬痛也。

结胸热实，大发渴，脉沉紧，心下痛，按之如石，陷胸汤主之。

虚痞者，因汗吐下后，胃中空虚，客气上逆而满，黄连泻心汤主之。

或结胸脉浮，不可下，下之为逆，缘表邪未全入腑也。

若结胸下后，燥烦悉具者死。

心下满，以手按硬散者，虚气也。如不发热，以木香和中汤主之。若发热者，以小柴胡加枳实、姜、炒黄连，去黄芩治之。

若按之拍拍有声而软者，此停水也，用五苓散主之。

若按之硬痛者，有宿食也，轻则消导，重则用承气下之。

少阳证，寒热，呕而口苦者，胁痛，脉弦，心下满者，若未曾下，乃表邪传至胸中，未入乎腑，证虽满闷，尚为表证，属少阳部分，只消小柴胡加枳桔以治其闷。如未效，仍以小柴胡合小陷胸汤，一服豁然神效，世俗皆所未知也。

寒在胸中，心下满而烦，饥不能食，宜瓜蒂散吐之。

阳明病，心下满硬者，不可下，下之则利不止者，死。

脉浮大有力，心下满硬，有热，燥渴，谵语，大便实者，此属脏病，宜攻之。按此言属脏者，宿屎在脏也，故用下。

若食在胃口，未入于胃，未可下也。备详食积类伤寒条下。

大抵腹中满，心下满，胸中满，俱不可用甘草、糖、枣、甘甜之物，盖甘能补气填实故也。外用姜擦法，甚良。

胸 胁 满

胸胁满者，胸胁间气塞满闷也，非心下满也。胁满，胁下胀满，非腹满也。

表邪传里，必先自胸肋下至心而入胃，胸满多带表病，肋满亦多带半表半里证也，宜小柴胡加桂枝和之。

若病在胸，当吐，反误下，汗而烦热，胸中窒塞者，用梔子豆豉汤。

太阳病，下后，脉促，胸满，桂枝去芍药汤，病在卫气之间，多为药入荣，故去之。

阳明病，喘而胸犹带表病，不可下，与麻黄汤，杏子甘草石膏汤。

胸胁俱满，或肋下硬痛，或舌上白胎，或不大便，或呕，并用小柴胡汤加减。

伤寒五七日，往来寒热，胸胁若满，默默不饮，心烦喜呕，或肋下痞硬，柴胡加牡蛎汤。

伤寒八九日，下之，胸满，烦，惊，小便下利，谵语，一身尽重，不可转侧，柴胡加龙骨牡蛎汤。

伤寒，胸满心烦者，柴胡陷胸汤。

肋下硬，加牡粉。往来寒热，胸胁满者，小柴胡加桂、白芍药。

肋下痛加青皮、川芎、木香。胸中痞气满闷，加枳、桔未效，加瓜蒌、黄连。渴，去半夏，加贝母、干葛，渴甚，加天花粉。

寸脉微浮，或沉伏，胸中痞硬，气上冲，咽喉不得息者，为胸中有寒，宜吐之，有痰实胸中者亦吐之，俱用瓜蒂散。

若胸胁不快，腹满闷塞，唇青，手足冷，脉沉细，少情绪或腹痛欲呕，此因生冷伤于太阴脾经，用理中汤去参、术，加砂仁、枳壳、木香。内寒甚者，加丁、附。兼有外感寒者，用五积散加减治之。

大抵心之上胸之分，枳壳泻之；心之下胃之分，枳实泻之。瓜蒌仁能泻肺，洗涤胸中痰垢之要药，故胸满烦者加之。外用生姜捣粗去汁炒热，凡阳证，不可炒，大热绢包，渐渐揉熨胸胁，或痰，或气，或满，或痛，或硬，或食，或寒，俱用此法，以辛散之，自然宽矣。若误服寒凉药过多，反成寒结胸，胀满不通，汤药不入者，又当用姜、附、丁、桂以温开。及中寒邪结胸胁间者，与此同治法。

懊 恼

懊恼者，郁闷不舒之貌。因表证误下，正气内虚，阳邪内陷，结于心胸间，重则为结胸也。邪在胸中宜吐，热结胃腑宜下。

凡伤寒汗吐下后，虚烦不眠，若剧者，必反覆^①颠倒，心中懊恼，用桂枝豉汤。若呕者加生姜。

发汗或下后，烦热，胸中窒者，桂枝豉汤。

伤寒五六日大下后，身热不去，心下结痛者，桂枝豉汤。

下后心烦，卧起不安，桂子厚朴汤。

伤寒，医以丸药下之，身热不去，微烦者，栀子干姜汤。

阳明病，无汗，小便不利，心中懊恼者，必发黄，治在发黄条下。

① 覆：同“复”。

阳明病，脉浮长，口燥咽干，腹满发喘，身热汗出，不恶寒，反恶热，身重，若下之，则胃中空虚，客气动膈，心中懊恼，舌上胎者，栀子豉汤。

又阳明下之，心中懊恼而烦，此胃中燥屎内实，不大便，宜小承气汤。若腹满大便初硬后溏者，不可下，栀子干姜汤。若病人平素有内寒，大便溏者，不用。

结 胸

伤寒因发汗，误服承气汤下，表间邪热乘虚入里，作结胸，未经下者，非结胸也。病人手足厥，脉乍紧，邪结胸中，心满而烦，饥不饮食，当吐之，是则病在胸中也。

表邪传至胸中未入乎腑，证虽满闷，尚在表，正属少阳部分，只消小柴胡加枳、桔，以治其闷。如未效，以小陷胸合小柴胡去半夏，一服如神。

懊恼，发热，烦渴，心下痛硬，大便秘，昏闷，名热结胸，少与大陷胸汤加黄连。

懊恼，满闷，身无热，口不渴者，名寒结胸，用枳实理中汤，重则三物白汤。

心下怔忡，头汗出，无大热，先有渴后闷痛，揉之有声洌洌^①，名水结胸，用半夏茯苓汤。

伤寒阳证吐衄血不尽，畜在上焦，胸腹胀满硬痛，身热漱水不呕，喜忘如狂，大便秘，小便利，名血结胸，用犀角地黄汤。

结胸证，烦躁悉具者死。

① 洌洌：据文义疑作“汨汨”。

结胸脉浮大，有表证，先用小柴胡汤，表已解，即下，若先下之则死。

阳明痛心下硬满，不可下，下之利不止者死。此邪气自表传里，全未为实，宜吐之。

凡结胸有兼发黄发斑，有兼发狂或呃忒者，最重，但脉微细沉小而手足冷者，皆难治也。

若脉沉紧、沉滑、沉实，或数大有力，乃可攻之。

一切结胸证，先理其气，用枳壳、桔梗以宽之外，用姜枳揉熨法，甚良。

大热大渴，不按自痛，手不可近，名大结胸，用大陷胸汤，入芒硝一二沸，去粗，入甘遂末，和匀温服，如人行十里，时大便以利为度，勿再服。不利，宜再服。

热甚，如大结胸，石硬而痛者，及结胸项强如柔痉，下之则和，用大陷胸。凡先将大黄、葶苈为细末，后入芒硝、杏仁，共研成膏，入甘遂末。人壮，用下。弱者，半夏研匀入白蜜，丸如弹子大，每服一丸，用水一钟，煎至六分，服，至一宿，大便乃利，如不利，再服一丸。服须连粗服之。小结胸按之方痛，心下硬，用小陷胸汤。发热，潮热，寒热，加三胡三钱；热甚，加黄芩；口干渴加天花粉、干葛，去半夏；干呕加陈皮；胸闷加枳壳、桔梗；心下痛加枳实、黄连；小便少加茯苓；有嗽加杏仁、五味；心中烦热，加山栀。

发热，微恶寒，肢节疼痛，微呕，心下支结满闷，并用加味柴胡桂枝汤。

伤寒五六日，或已发热而复下之后，胸胁满，微结，小便不利，渴而不呕，头汗出，或往来寒热，心烦者，此为未解也，用柴胡桂枝汤。心下痞硬加枳实。

发热，小结胸，脉弦数，口苦，心下硬痛，胸中满硬，或胁下满硬而发热者，或日晡潮热，或往来寒热，或耳聋目眩，或心烦呕，或痰热烦渴，并用柴胡枳桔汤。有痰加陈皮；心下满硬加枳实；渴加天花粉；烦热加黄连、山栀。

寒热结胸，心下满闷，按之痛者，及胃口生冷着寒者，用枳实理中汤；有寒甚，加熟附；生冷饮食，胃口着寒，加草果、丁香；有寒痰加半夏，仍用生姜二三两，捣粗擦胸中。寒食结胸并水结，用姜渣擦法，服三物白散。将二味为细末，入巴豆研匀，以白汤调下。壮人五分，弱人二分半，服下。病在膈上则吐，膈下则泻。如服之不吐利，以热稀粥一盏，饮之则吐利之。如未动，宜再服三分，助其药力。如吐利不止，进冷稀粥一盏止之。

痰实结胸，喘咳，胸胁满痛，作寒热，脉洪滑，心烦，口干者，用加味二陈汤。胸腹满加砂仁，去甘草。痰渴去半夏加知母、天花粉。嗽加五味。喘加桑皮、苏子。胁满痛加青皮、白芥子、木香。有热痰结，加柴、芩、竹沥，姜汁少许，去半夏。有寒痰结加干姜、姜汁，去黄连。风痰结，加南星、竹沥，姜汁少许。火痰加山栀、黄芩，去半夏、竹沥，姜汁少许，火痰即红痰，乃上焦火郁而发也。痰结症须用导痰，以鹅翎、桐油、皂荚末入喉中探吐，痰出为愈。设或咯吐不出，身热喘急，满闷，喉中漉漉有声，如水车响者，此名肺家独喘，难治也。

大抵伤寒阳毒热实，大结胸，药下虽通，其结胸硬痛不软，喘急，身热而燥渴，狂乱不安，取白颈活地龙四条，水洗净，入砂盆内，研如泥，加生姜汁二匙，蜜一匙，生薄荷捣汁二匙，如无，用熟薄荷，煎浓汁二匙亦可，再入片脑^①一分半，牛黄

① 片脑：药名，即龙脑冰片，为冰片药材之一种

一分，辰砂一分，研匀，更用井泉水小半盏调前汁，徐徐灌下，令尽，良久渐觉寒战，后稳眠，一顿饮时，外用姜粗揉法，当安睡有汗则愈。若服下一时不应，须再服，神效。

一切寒结、热结、水结、食结、痞结、血结、痰结、支结，大小结胸，痞气结者，俱用生姜捣烂如泥，去汁，取粗，炒熟，绢包，渐渐揉熨心胸胁下，其满痛豁然自愈。如姜渣冷，再入姜汁，再炒，再揉熨之，以愈为效。惟热结用冷姜渣揉之，不可炒热。

伤寒衄血，将解未尽，或热极及吐血不尽，满痛，医不知其证，遂用寒凉之剂止其衄血，留结心胸之分，故满痛而成血结胸也，用加味犀角地黄汤。此汤治阳证将解，衄血不尽或阳热已深，吐血不尽，衄在上焦为痰血结胸，手不可近，但漱水不欲咽，喜忘如狂，大便黑，小便自利是也。血未下，加桃仁、红花、枳实。

妇人热入血室，身凉，胸胁满如结胸状，谵语者，以小柴胡加生地、红花，再刺期门穴，随其实而泻之。

腹 满

腹满者，腹中胀满也。脾为中央之土，所以腹满多属太阴也。

腹满不减者，为里实，须下之。腹满时减者，为里虚，当温之。

太阳腹满，吐食不下，枳实理中汤。

腹胀满者，阴阳不和也，桔梗半夏汤。

表解而内不消，非大满极生寒热则痛不除，而未全入于腑，小柴胡汤和之。

若大满大实有烦躁，承气下之。

发汗不解，腹满痛者，急下之。

腹满痛者，此为实也。腹满不减者，亦为实也，当下之。

太阴腹满，时减复如故，此虚寒从下上也，宜理中汤加厚朴、木香。

若太阴证误下，因时腹满而痛，桂枝芍药汤。痛甚者，桂枝大黄汤。

阳明证，潮热谵语，燥渴喘满，不大便者，大柴胡汤。

大实大满者，用调胃承气汤。

哕而腹满，小便难者，小柴胡加茯苓。

三阳合病，腹满，身重难以转侧，谵语，口中不仁^①，小柴胡汤。有汗，白虎汤。凡太阴腹满，吐，食不下，枳实理中汤加丁香、厚朴、木香治之。

少阴六七日，不大便，腹胀满痛，急下之，大承气汤。

腹皮痛者，脾不胜水，水与气搏皮肉之间，腹满而鸣，漉漉有声，小半夏茯苓汤加桂。

下利，腹满，身疼痛，先温里以四逆汤，后攻表以桂枝汤。

汗后腹满，当温之，厚朴半夏生姜人参汤。

吐后腹满，内实，当下之，少与调胃承气汤。

下后腹满，卧起不安，当吐之，栀子豉汤加厚朴。

腹胀满者，阴阳不和也，宜桔梗半夏汤。

大抵阳热为邪，则腹满而咽干，阴寒为邪，则腹满而吐利，食不下也。一切腹满，以手按之而痛，或手按之不可按者，此

① 口中不仁：口舌麻木，感觉减退的症状。可见于中风或脾胃积滞等病。

为内实；若按之可揉而软者，皆为内虚也。

小 腹 满

小腹满者，脐下满也。若胸满，心下满，腹痛满皆为虚邪而非物，今小腹满则为有物而非气。若小便利者，则为畜血之形，小便不利者是乃溺涩之证，渗利之剂宜分两途。

太阳病不解，热结膀胱，其人如狂，小腹急满者，小便自利，用桃仁承气汤，下尽黑物则愈。

太阴身黄，小腹满，小便不利，亦与五苓散利之，清白为愈。

有阴虚寒证，小腹满痛者，又当茱萸四逆汤温之，甚者灸关元、气海穴。

有病人手足厥冷，不结胸，小腹满，按之则痛者，此冷结膀胱，宜四逆汤及灸关元穴。

凡病人素有痞气，连在脐旁痛引阴筋者，名脏结，死证也。

大抵以手按小腹硬满而痛者为实，不痛者为虚，此为良法也。

若心下至小腹硬满而痛者为内实也，大陷胸汤。

若表未解，小腹痛者，先解表后攻里也。

太阳病六七日，表证在，脉微沉，不结胸，发狂，小腹硬，小便自利，抵当丸。

阴阳易有一证小腹满，烧裯散。

腹 痛

腹中痛者，邪气入里与正气相搏，则为腹痛。阳邪传里痛者，其痛不常，当以辛温之剂和之。阴寒在里痛者，则痛无休

时，欲作利也，当以热剂温之。有燥屎，宿食而痛者，则须不大便，腹满而痛也；当以苦寒之剂下之。诸痛为实痛，随利减，此为里实。

凡太阳症因下早腹痛者，属太阴，桂枝加芍药汤。

凡中脘痛属脾土太阴证，脉沉迟，内寒者，理中汤加木香、砂仁

若下利清谷或欲绝者，四逆汤。

小腹痛属厥阴，茱萸四逆汤加当归、木香。

凡内实腹痛，并绕脐硬满刺痛，烦躁发作，有燥屎，宜下小承气汤。

若潮热不大便，从心下至小腹硬满而痛，手不可近者，用大陷胸汤。

如脉弦，腹痛，无寒热者，芍药甘草汤。

凡脉弦口苦，发热，腹中痛者，小柴胡去参加炒芍药。若寒热交作，腹痛，加肉桂、芍药。寒多去芩加桂，热多去桂倍加芩、连、柴胡。

凡少阴发热，手足冷，腹痛或咳，或悸，或小便不利，或泄泻后重，四逆散加附子，炒芍药、桂、萸。

若发热，脉洪，腹痛者，芍药黄芩汤。

伤寒四五日，腹中痛，若转气下趋小腹者，欲作利也，四逆汤主之。大抵腹痛有虚有实，若可按可揉而软者，为虚；若不可按、不可揉而硬者，为实；又有寒有热有血有食，当明辨之。

治法，先将凉水一盏与病人饮之，其痛若缓，身有热者，属热痛，当用凉药清之；清之不已而绕脐硬痛，烦热，谵语，大便实者，属燥屎，痛当用寒药下之。如食积痛，必噫气，恶

食，酸臭。如血痛处不移，或在胁下，或小腹必硬满，小便自利，大便黑，此皆痛随利减之法也。若饮水愈加作痛者，属寒痛，当用温药和之。和之不已而或四肢厥冷，腹痛吐泻者，急用热药投之。详脉来有力无力，乃为良法也。

咽 痛

咽喉不利，或痛，或呕，皆毒气上攻，有阴阳二毒，有少阴，有伏气^①，要在审察治之，不可一例作为风热治也。阳毒咽喉肿痛，乃热极也。阴毒咽喉不利，乃寒极也。治在本条。

少阴病二三日，咽痛者，用甘桔汤。

少阴发热下利，咽痛，胸满，心烦者，用猪肤甘桔汤。

下利清谷，里寒外热，脉微欲绝，面赤咽痛者，用通脉四逆汤。

伏气者，亦属少阴，古方谓之肾伤寒，因冬月伏寒在于肾经。头疼，腰痛，脉微弱，发则咽痛，后必下利，用蜜煮附子四逆汤，以温肾经则愈，不可用寒凉之药也。

少阴病咽中生疮，不能言语，声不出者，用苦酒汤。

发斑，吐血，咽痛，石膏三黄汤。

口生疮烂，黄连甘桔汤。

咽中塞闭者，乌梅汤。

大抵咽痛，黄连甘桔为主治也。

伤寒后发热，先厥不利，必自利。利止反汗出，咽中痛者，热气上行，其喉为痹，黄连甘桔汤。

① 伏气：病证名，又称伏气温病。成无己注：“冬时感寒，伏藏于经中，不即发者，谓之伏气。”后世认为，凡初起不见表证，而先见里热甚至血分热证者为伏气温病。

发热，无汗，必自利。若不止者，不便脓血，热气下行也。脓是陈积，血是新积，桃仁承气汤主之。

阳毒咽痛用犀角玄参汤。大便秘加大黄、芒硝。若班出加大青，以青黛代之亦可。热在上焦，脉洪数，咽痛，用凉膈散。

小便自利

小便自利者，为津液偏渗，大便必硬，宜大柴胡下之。

阳明白汗者，复发其汗，使津液内竭，屎虽硬，犹不可攻，须蜜导法。

太阳当发身黄^①，小便自利，则湿热内泄，不能发黄。惟血证则小腹急如狂，肾与膀胱俱虚不能约制水液，二者皆令小便自利也。

三阳合病，腹满身重，口中不仁，面垢，遗尿者，不可汗下，用白虎汤。

若寒邪中于下焦，阴气为栗，足膝逆冷，便溺妄出，用四逆汤治之，及灸关元穴，甚良法也。

太阳病，不便而自利者，人饮水多，心下必悸，茯苓桂枝甘草汤。

太阳自汗，四肢拘急，心烦，微恶寒，脚挛急，不便数，误服桂枝汤，得之便厥，与甘草干姜汤、芍药甘草汤。

少阴小便自利，或色白为虚寒，四逆汤、真武汤去茯苓。既吐且利，小便复，而大汗出，下利清谷，内寒外热，脉微软者，四逆汤。

① 太阳当发身黄：《伤寒六书·伤寒明理续论》卷之六作“太阴当发身黄”；《伤寒全生集·辨伤寒小便自利例》作“太阴发热身黄”。

如太阳病，下焦有汗，小腹满，小承气汤。

不利而反利者，畜血也，桃仁承气汤。

小便数

小便数者，频欲去而不多也。肾与膀胱虚而挟热，热则小水通，涩则大便难，故涩淋而数起也。若自汗而小便数者，虽有表证，不可行桂枝，为亡阳走津液也。

太阳自汗，四肢拘急，心烦，微恶寒，脚挛急，小便数，误服桂枝汤，得之便厥者，与甘草干姜汤加芍药。

太阳病汗吐下后，小便数，大便硬，谵语者，有燥屎也，小承气下之。

阳明自汗，小便数，脉浮数，胃不和，谵语者，调胃承气汤。

太阳阳明，小便数而大便秘者，名脾约，用脾约丸。

趺阳脉浮而涩，浮则胃气强，涩则小便数，浮涩相搏，大便则难，其为脾约，用脾约麻仁丸。

有肾虚阴少，小便烦数，清心莲子饮，加黄柏、知母、麦冬治之。

小便难少

阴虚则小便难。阴虚者，阳必凑之，因膀胱受热，故小便赤涩而不能流利也。又云虽不大便六七日，小便少者，但初硬后溏不定，或硬，攻之。或溏，须小便多，屎定硬，方可攻之，乃胃中水谷不分，虽通而不多也。

阳明中风，脉浮紧，身黄，鼻干，气短，腹满，潮热而哕，心胁痛，小便难，小柴胡加茯苓。

小便难，大便不通者，用调胃承气汤下之。

太阳病，小便难者，以饮水多，必心下悸，茯苓桂枝白术甘草汤。

小便少者，必苦里结也，猪苓汤主之。

太阳证渴不止，恶风，四肢拘急难伸，小便难者，桂枝加附汤。

小便不利

小便不利，膀胱主分津液，热畜于内，故小便不利也。甚则小腹满痛，小便不通也。大抵有所不利者，行之。若引饮过多，下焦畜热或中热^①发黄，水饮停滞，皆以利小便为先。惟汗后，亡津液则以利小便为戒。设或小便不利，见头汗者，乃为阳脱，关格之病也。

太阳经发热，脉浮，无汗，烦渴，小便不利，五苓散。若自汗多，不可用也。

引饮过多，小便不利，下焦畜热，脉浮，五苓散。脉沉，猪苓汤。

太阳身黄，脉沉结，小腹满，小便不利者，为无血，茵陈五苓散。甚者，茵陈汤。

阳明病，发潮热，汗多，小便固少，不可利，恐胃汁干也。若利之必喘渴而死。脉洪大，舌干，口燥，饮水不止者，人参白虎汤。

大便乍易乍难，小便不利而热者，此有燥屎也，调胃承气汤下之。

① 中热：指胸中烦热的症状。

头汗出，旺热，渴饮水浆，小便不利及阳明无汗，心中懊恼，小便不利，此二者必发黄，茵陈汤加木通、滑石，去大黄大便不通，加大黄下之。

少阳证发热，口渴咽干，或呕，或心下悸，胸胁满，小便不利，脉弦数者，小柴胡去芩加茯苓。口渴加竹叶、麦冬、天花粉，去半夏。

太阴腹满自利，若小便不利，无热，脉沉者，理中合五苓散加木香、厚朴分利，其小便利，大便止也。

少阴四五日，小便不利，四肢沉重，大便自利者，真武汤。若四肢逆冷，或咳，或悸，小便不利，或泻利下重者，四逆散加熟附。

厥阴寒闭，厥冷，脉伏，囊缩入腹，小便不利，四逆汤加通草、茯苓、茱萸，当归，再灸关元、丹田、气海，兼熨法，甚良。

凡风温，风温小便不利者，详见本条。

阴虚火动，小便赤涩不利者，四苓散加木通、滑石、黄柏、生地、知母。若内热盛，大便不通，小便赤涩不利者，八正散。若不渴，小便不利者，热在血分也，四苓散加黄柏、知母、生地、当归、木通、芍药。夫膀胱为津液之府，气化而能出也。若有汗多者，津液外泄，小便固少不可利，恐重伤津液也。

待汗止，小便自行矣，凡小便自利，不可妄利，恐引热入膀胱，则变畜血证也。

热在气分，渴而小便不利，此上焦有热、肺气不清，宜清肺饮。

肺家燥渴，小便不通，此热亦在气分，用黄芩汤。

热在气血之分，实热大便不通者，用八正散。

虚热在气血之分，小便不利或频数，用清心莲子饮。

热在血分不渴，膀胱有热，气不旋化，或过服热药，小便不利，用滋阴化气汤。

阴虚小便不利，热在下焦不清，脐腹满闷，用滋肾丸。

虚热小便数，用滋阴益气汤。

汗下后，亡竭津液，胃中干燥，人参白虎汤加竹叶石膏。若小便利，必自愈，不必药行之，又恐耗伤津液而为竭。

表不解，心下有水气，小腹满，小便不利者，小青龙汤去麻黄，加茯苓、茵陈、木通。热为心下痛，胸胁怔忡不利者，小柴胡加茯苓、山梔。

少阴小便不利，四逆散加茯苓、木通。

阳明多汗者，老幼不可利小便，阴虚阳必凑，有热也，主小便难而发黄，万金木通散。

太阳病汗下，小便数，大便难者，小承气汤。

伤寒自汗，脉浮，小便数，胃不和，谵语，便实，渴者，调胃承气汤。尿血症，玄明、柴胡加山梔、滑石、木通。

少阴四五日，腹满痛，小便不利，便脓血者，桃仁承气汤。

风湿自汗，身肿不利者，阴气也，甘草附子汤主之。

一切小便不利，先将麝香、半夏填患人脐中，上用葱白、田螺各捣烂成饼，封于脐上，用布带缚住良久，下用皂荚烧烟熏入阴中，其水窞自通，妇人亦用皂荚煎汤辟洗便处亦通。

遗 尿

遗尿者，小便自出而不知也。

三阳合病，身重，谵语，遗尿者，用人参白虎汤。

大抵热盛，神昏，遗尿者可治。

若阴证下寒，逆冷，遗尿，脉沉者，多难治，宜四逆汤加益志仁主之。

厥阴囊缩，逆冷，脉沉，遗尿者，宜四物加茱萸汤，阳不回者，死。

伤寒汗下之后，热不解，阴虚火动而遗尿者，用人参三白汤加黄柏、知母、麦冬、五味。归、地主之。

若狂言直视，遗尿者，是肾绝也。膀胱不利为癃，不约为遗溺。又水泉不止者，膀胱不藏也。肾与膀胱表里俱虚，则膀胱之气不约，故遗尿也。溲便遗尿，肺金虚，当补肺也。大抵肺虚肾虚，热盛遗尿者，皆可治。惟肾绝遗尿不可治也。

三阳合病，腹满，身重，口中不仁而加遗尿，并不可汗下，少与白虎汤。

邪中下焦，阴气为栗，足膝冷逆，便溺妄出，四逆汤。

大便自利

伤寒下利，表邪传里，虚，胁热则自利，又有不应下而便攻之，内虚胁热亦为下利，要当别其阴阳下。阳下利皆身热，太阳满，下利，手足温；少阴厥，下利，身凉，无热，此大概也矣。

自利清谷，不渴，小便色白，微寒厥冷，恶风寒，凡此皆阴；渴欲饮，溺色如常，泄下黄赤，发热后重，凡此皆阳。盖因风邪入胃，木来侮^①土，故令暴下，或温，或攻，或固下焦，或利小便，随病施治，但不宜发汗耳。邪气内攻，复泄其津液，胃气转虚，必成胀满。

① 侮：原作“悔”，据《伤寒六书·伤寒明理续论》卷之六改

若夫下利，谵语而目直视；下利厥逆，躁不得眠；下利，发热而自汗；下利厥逆无脉，灸之不温而脉不出；下利，日数十行，其脉反实，皆为不治之证，五夺^①之最急者也。太阳误下早，利逆^②不止，脉促，表里未除，喘汗，葛根^③芩连汤。

太阳阳明合病，必自利，脉浮长，葛根汤。

太阳少阳合病，必自利，脉浮弦，黄芩汤。

太阳症未除而数下，遂胁热利，心下痞硬，表里未解，人参桂枝汤。

阳明下利，心烦不眠，小便不利，猪苓汤。下利，脉滑数，有宿食也，小承气。下利更烦，心下满，按之软，虚也，栀子豉汤。

凡内虚胃热，烦渴，泻利，脉弱，七味参苏散。

发热，参胡三白汤去芩，加连。

凡胁热下利赤黄垢腻，脐下必热，黄芩汤。

胁热下利不止，三黄熟艾汤，已上皆阳症下利。

阳明少阳合病，必自利，脉弦长滑，有宿滞，小承气汤。

凡下利烦热，渴，小便不利，五苓散。

内热心烦，加连。

腹痛加芍。

下利热甚，能饮水，下重，白头翁汤。

下利谵语，有燥屎，小承气。

凡湿热，水泻注下，小便不利，口渴，五苓加滑、通、车。

① 五夺：指气血津液严重耗损，元气不支，禁用泻法的5种情况。《灵枢·五禁》：“形肉已夺，是一夺也；大夺血之后，是二夺也；大汗出之后，是三夺也；大泄之后，是四夺也；新产及大血之后，是五夺也。此皆不可泻。”

② 逆：《伤寒全生集·辨伤寒自利例》作“遂”，义胜。

③ 根：原脱，据《伤寒全生集·辨伤寒自利例》补。

内有燥屎傍流，屎水结实在内，非寒利。凡下利纯清水，心下硬痛，口燥渴，脉沉实有力，大承气汤。

热毒入胃，下利赤黄垢腻，黄芩汤。

太阴下利不渴，脉沉，理中汤。

寒甚，脉细加附子

若腹满，小便不利，五苓合理中。若呕加藿香、半夏、生姜。

湿多泻不止，倍加苍白术。如腹胀加厚朴，如腹痛加芍药、肉桂、木香温之。少阴自利，渴，小便白，下虚有寒，附子汤。凡泻利下重，四逆，脉沉加附。伤寒四五日，腹痛，小便不利，四肢重痛，下利，此有水，真武汤。凡下利脉微，白通汤。若厥逆，干呕，烦躁，无脉，白通加胆汁汤。后脉暴出死，微续生。若下利咽痛，胸满，心烦，猪肤汤。凡下利清谷，里寒外热，手足冷，脉微欲绝，面赤，咽痛，通脉四逆。凡下利恶寒，蜷卧，手足温可治。逆冷，无脉不治。若下利止，头眩时时自冒者，死。吐利，手足冷，烦躁欲死，茱萸汤主之。

厥阴伤寒，先厥冷发热，下利，必自止，再厥必复利。凡厥逆而利，当不能食，反能食，名除中，脉不出死。大汗出热不去，内拘急，四肢疼，又下利厥，茱萸四逆汤。大汗出，大下利，厥冷，四逆汤。

下利微热，渴，脉弱自愈。下利脉数，微热，汗出，自愈，紧，未解。凡下利，脉沉弦，下重也。大者，为未止；弱者，为欲愈。虽发热不死，脉沉迟，面少赤，身微热，下清谷，必郁冒^①，汗出而解也。

① 郁冒：病证名。指昏冒神志不清的病证。

若微厥，面带阳，利不止，附子汤。

凡下利，脉数，渴自愈，设不愈，必便清脓血，有热故也。

凡下利，脉绝手足冷，脉还至，温，生；不至，不温，死。

伤寒六七日不利，便无热而利，汗出不止，死，有阴无阳故也。

凡发热，手足冷，七日内下利为难治。

伤寒下后，续得清谷，下利，里寒外热，身疼，救里四逆汤。便清自利，急急救表，桂枝汤。

尺脉弦，肠鸣泻利，腹痛，此冷，小建中汤。寒毒下利，面戴阳，下虚，四逆汤。胃寒，下鸭溏^①白，脐下冷，腹胀满，小便清，四逆汤。寒毒入胃，下清黑鸭溏，理中加附。凡伤寒伤水作利，脉浮，表未除，小青龙去麻黄加天花粉。小便不利，大便受水作利，五苓散。凡伤寒上二部脉^②平，心下硬而利，肠胃有积，大承气。下利脉大，虚也，强下^③之故。若脉来浮，当归四逆汤。下利瘥，期年复发，病根不尽，下之。

阳明少阳合病，下利头疼，胸满干呕，往来寒热，脉长大弦为负，死。不弦，顺，为下之。下利，嗽呕，不眠，猪苓汤。凡伤寒利清谷，即米谷不化，此胃虚内寒，口不渴，身不热，盖不变而下，四逆温之。

大便不利

大便不利者，谓大便不通，皆因发汗利小便，耗其津液所致。腹中为干燥而转，属阳明里证多矣。有阳经邪热传入正阳

① 鸭溏：病证名。大便如水，清白如鸭屎状。

② 上二部脉：指寸脉和关脉。

③ 下：原脱，据《伤寒全生集·辨伤寒自利例》补。

明胃腑，大便不通者；有邪热传入少阴经，大便不通者；有传入厥阴，大便不通者，俱当急下之，三承气选用，大便通而热愈矣。有不当下者，至于脉虚浮，恶寒，舌上白胎，或呕，此犹带表邪未解，便不可攻其呕者。因邪全未入腑，虽有阳明证亦不可攻也。小便清者，知邪不在里，仍在表也，亦不可攻。若不转屎气者，内无燥屎也，俱不可攻，但初硬后溏耳。脉浮数，大便不通，燥渴能食者，此为实热也，名曰阳结。若日中不明者，得下即解也，宜大柴胡下之，甚者用小承气汤。

脉沉迟，不渴，不能食，身体重，大便反硬不通者，此为虚寒，名曰阴结，用四物麻仁汤加熟附。

若呕，用金液丹，外用蜜导法。

若趺阳脉浮而涩，小便数而大便难者，名曰脾约，宜麻仁丸。

大阳证，曾经汗吐下后，微烦，小便数，大便硬，用蜜导法。若再下之，必清谷，腹满。

阳明自汗过多，或已经发汗，小便自利，大便不通者，此为津液内竭，不可攻之，宜蜜导法。

若元气实，宜承气下之。

凡伤寒阳证，大便五六日不通，头疼，身热，燥渴者，又当攻之，用大柴胡，甚者用大承气汤。此因大便燥结不通，热邪之气上攻于头而痛也。

惊 惕

惊惕者，心中动悸，惕然而惊也。太阳病加之温针必惊惕也。

伤寒八九日，下，胸满烦惊，小便不利，谵语，一身尽痛，

用柴胡龙骨牡蛎汤主之。

少阴证，再无所闻^①，目赤胸满，不可吐下。若吐下则生惊惕也。

伤寒脉结代，心动悸者，用炙甘草汤。

阳明被火，发热汗出，不恶寒，如温针，必惊惕而烦躁不眠也。

太阳脉浮，宜以汗解。妄以火迫，必惊，起卧不安，宜桂枝去芍药，加蜀漆牡蛎龙骨救逆汤主之。

大抵伤寒汗吐下之后，虚极之人或因事惊恐，遂生惊惕，宜养心血安神之剂。

动 气

动气者，即气痛也。脏气不调，筑筑然跳动随所生形，见于腑之左右上下也，其人必先有痞气，而后感于伤寒。医人不知患痞积在内，妄施汗下之法，致动其气，故曰动气。凡治，不可轻举也。若治伤寒，须问病人脐之上下左右有动气否，但言有此症以手按其处，牢而若痛，筑筑动气者，是也。虽有表里证，切不可汗下。

动气在左，不可汗下。若汗之，则头眩，汗不止，筋惕肉润，先防风白术牡蛎汤；汗止，小建中汤。若下之，腹内拘急不止，动气更剧，身虽热，反欲拳^②，先宜甘草干姜汤，后与小建中汤。

动气在右，不可汗下。若汗之必衄，烦渴饮水则吐，先宜

① 再无所闻：《伤寒全生集·辨伤寒惊惕例》作“耳无所闻”，义胜。

② 拳：通“蜷”。《庄子·人间世》：“擎跂曲拳，人臣之礼也。”

五苓散，后与竹叶石膏汤，若下之，津液枯竭，咽燥鼻干，头眩心悸，宜人参白虎汤加川芎。

动气在上，不可汗。汗之则气上冲心，宜李根汤。若下之，则掌握热烦，身热，汗自出，欲得水自濯^①也，宜竹叶汤。

动气在下，不可汗下。若汗之则无汗，心中大烦，骨节苦痛，目运，恶寒，食则反吐，先宜大橘皮汤，后与小建中汤。若下之，则腹满，下利清谷，心痞，头眩，与甘草泻心汤。

可见伤寒看外证为当，不待脉，方知须要问症无错。

又有肾脏之气内虚，水结不散，气与相持，即发奔豚，走痛冲突如奔豚之状，皆不可汗下，宜理中汤。缘白术，肾恶燥，故去之；桂能泄奔豚，故加之，独不言当脐有动气者，是以不言而喻也。左、右、上、下尚不宜汗，何况中州乎？

短 气

短气者，鼻气出入，短少不相接续也。

表证不解，汗出不彻，其人面色缘缘正赤，烦躁不安，其身不知痛处，短气者，宜发汗则愈。

心腹坚满，自汗多短气者，邪在表为虚，宜用桂枝汤，实表则愈。

阳明内实，不大便，潮热，自汗，烦渴，谵语，心腹坚满，短气者，邪在里为实，宜用大柴胡下之，重者用调胃承气汤。

阴证脉沉细，手足厥冷，恶寒，面如刀刮，口鼻之气难以布息，短气者，宜人参四逆汤温之。

因汗吐下后，元气虚弱，脉微细，气不能相接，短少者，

① 濯：洗涤。

宜人参养荣汤，气急加沉香。

干呕短气痛引胁下，汗出不恶寒，此表解里未和也，宜十枣汤。

烦躁，心中懊恼，短气者，栀子豉汤。

风湿相搏，一身尽痛，汗出，小便难，恶风，不欲去衣被，短气者，甘草附子汤。

食少，饮多，水停心下，满闷，短气者，茯苓甘草汤，小便难，五苓散主之。

嘔 附噫气

嘔者，气忤也。忤者，敌也，即干呕之甚，其声浊恶而长。但呕声短小。呕轻嘔重，皆有声而无物出也。病深者，其声嘔。

人本虚，攻其热则嘔，或因汗下太过，胃中虚寒，亦嘔，或恣饮水，水寒相搏而嘔。此胃中虚寒故也，理中汤，甚则加丁、附。

有热气郁塞，上下不通，嘔者轻，则和解疏利之，甚则温散之。

嘔兼腹满，当看何部不利。小便不利，五苓散加青皮、木通。大便不利，大承气汤。人虚脉弱者，大柴胡、小承气或蜜导法。

若口苦，脉弦数，烦热，嘔者，宜用小柴胡汤加竹茹、陈皮和之。渴加知母、黄连、山栀。

嘔兼手足冷者，小橘皮汤加姜、附。

嘔兼烦者，橘皮竹茹汤。

嘔兼有痰热在胃口者，加味竹茹汤。

嘔不止者，干姜橘皮汤加半夏、附子。

温病有热，暴饮冷水作嘔，茅根干葛汤。

温病胃寒变嘔，茅根橘皮汤。

凡病后，胃虚冷，脉沉迟而嘔者，理中汤加丁、附。

又有初病阴寒入胃，无热不渴，便作虚嘔，或有清水而嘔不止，脉沉迟者，用香附理中汤加藿叶、陈皮、半夏、姜汁。

真阴症初起，无热便恶寒，厥冷，倦卧，脉沉细，作嘔者，用四逆汤加丁香、陈皮、茱萸、半夏温之。

有生冷饮食，停在胃口，作嘔不止者，用藿香等安胃汤加丁香、砂仁、香附，甚则加附、桂、姜汁。

阴虚火动嘔者，宜用四物汤加柏皮、知母、山梔、黄连，佐以姜汁、竹沥。

噫气者，胸中气不交通也。寒气客胃，厥逆上行^①，复出于胃，故噫气也，治宜理中汤加陈皮、香附、丁香、半夏温之。

伤寒，汗下后不解，心下痞，噫气者，用旋覆代赭汤主之。内有热加黄连，外有热加柴胡；噫气不除加砂仁；胃寒、痰热呕嘔，用加味竹茹汤；心下满加枳实；胸腹满加枳壳、桔梗；胁满加青皮；外有热加柴胡；有痰嗽加五味、杏仁。

胃虚，呕嘔不止，用六君子汤。有痰加半夏，内有寒加干姜，外有热加姜汁、黄连，并用水姜煎之，温服。

战栗

战栗形同，非一途也，合而言之，战栗亦二也，折而分之，有内外之别。战者，身战握也；栗者，心也。战栗者，逆顺之殊。胃无谷气，脾涩不通，口不能言，战而栗者，即此验之。

① 上行：原作“从上下”，据《伤寒全生集·辨伤寒嘔例噫气》改。

振与战，振轻而战重也，战与栗，战外而栗内也。战栗者，阴阳之争也。

邪气外与正气争战而愈也，邪气内与正气争而为栗者重也邪气胜正气弱，故成栗战也。

伤寒六七日，欲解之时，必发战而汗出解也。战则正气胜，故得汗而解，栗则不战而但心战，头摇鼓额¹，遂成寒逆者有之。此阴气内胜，正气虚极，不能胜邪，宜姜附四逆汤。

凡战主外，其人森然寒耸则身振摇。栗主内，则心战也。

《经》云：寒之伤人，使人毫毛毕直，头额战栗而无汗者，此表寒而战栗也，当发汗。

若正气不能胜邪，虽战无汗为难治。或半日，或至夜有汗者，亦为解也。凡小柴胡汤服之，此不为逆。服汤良久，必蒸蒸而振，发寒热，汗出而解也。若不发战而心栗者，此阴中为邪，必内栗也。

凡正气怯弱，寒邪在内，必为栗。

又有伤寒厥阴逆，至第六七日，脉得微缓浮，为有脾胃脉也。故知脾气全不受克，邪无所容。荣卫将复，水升火降，寒热作而大汗解矣。

¹ 鼓额：《伤寒全生集·辨伤寒战栗例》作“鼓颌”。

卷之五

呃 逆

呃逆者，俗谓呃忒是也。才发声于咽喉则遽止，轧轧然连续数声，其声短促不长。呃逆有因胃中实热失下，有胃中痰饮，有寒凉药过多，有胃中虚冷，其气皆从胃中起至胸嗌间，而为呃忒矣。

胃热失下，大便不通，承气汤。

便软者泻心汤。

潮热，小柴胡汤。

胃虚有热者，橘皮竹茹汤。

有痰饮者，橘皮半夏生姜汤加茯苓、枳实、陈皮、桔梗。

有胃冷者，橘皮干姜汤。

若过服寒凉药，多胃寒，呃忒者，丁附理中汤加茱萸、木香、姜汁主之。

凡其气脐下直冲于胸嗌间呃忒者，此阴证呃忒也。其病不在胃，因下虚内有伏阴，或误服寒药，遂至冷极于下，迫其相火上冲，率集于胸中为呃忒，亦欲尽也。病人烦躁，自觉甚热，他人以手按其肌肤则冷，此为无根失守之火散乱为热，非实热也，乃水极似火，阴证似阳也。若不识此，误用凉药，下咽则死，当用羌活附子汤加官桂、人参、木香、陈皮、半夏、砂仁急温其下，真阳回，阴火降，呃忒乃止也。

阴证及因胃寒呃忒不止者，外用乳香硫黄散嗅法，内用丁香柿蒂散服之则止。再灸期门、中脘、气海、关元，此良法也。但手足温暖，脉重者为有生矣。

口苦，脉弦，发热呃忒，或潮热呃忒，用泻心汤；心下痞加枳实、黄连；渴加天花粉、知母；烦加姜汁、黄连；伏痰饮呃忒，用橘皮半夏生姜汤加茯苓、枳实、桔梗、砂仁；心烦加姜炒黄连；阴证寒极，呕逆呃忒用羌活附子汤，甚者加茱萸、官桂、砂仁、人参、陈皮；寒气逆上加沉香；腹中痛加良姜、磨木香、姜汁。温服之。

胃寒呃逆及服寒凉药过多，伤胃呃忒者^①，用丁附理中汤，甚者加良姜；冷气逆上，加沉香、磨木香、姜汁。温服。

胃中虚寒呃逆，用橘皮干姜汤；寒重不止者，用前丁附理中汤甚良；治阴寒口寒^②，呃忒不止者，用乳香硫黄散劫之，将散为细末，用好酒一^③钟煎数沸，乘热气病人鼻嗅之，外用捣生姜擦胸前。

阴证呃逆及胸中虚寒呃逆不止，用丁香柿蒂汤各为细末，用热姜汤调下，未止宜再服。灸期门穴法，以妇人之乳头向下尽处骨间动脉是穴，男女乳小者，以手一指为率，陷中动脉是穴，男左女右三五壮。

干 呕

干呕者，有声无物出也。大抵热在胃脘，与谷气相并，热气上冲，心下痞结则有此证。

太阳汗出干呕，桂枝汤主之；少阴下利干呕，姜附汤主之；厥阴吐涎沫干呕，吴茱萸汤主之；又水气二症，伤寒表不解，心下有水气，身热，干呕，微喘或自利，小青龙汤；不发热，

① 伤胃呃忒者：原作“伤呃胃忒者”，据文义改。

② 阴寒口寒：《伤寒全生集·辨伤寒呃逆例》作“阴证及因胃寒”。

③ 一：底本不清，据《伤寒全生集·辨伤寒呃逆例》补。

不恶寒，胁痛咳利干呕者，十枣汤；膈上有寒饮干呕属少阴，四逆汤；胃热烦渴干呕者，小柴胡加姜炒黄连、山栀、陈皮；口苦身热，脉弦数，干呕者属少阳也，小柴胡加减治之。呕家有热有寒，有停饮，有胃脘为脓者，当明辨者。

呕而发热，小柴胡汤和之。

其呕不止，心下急，郁微烦，大柴胡汤下之，是邪热而呕也。

呕家呕脓不须治，脓尽而愈。虽有多般，大抵伤寒表邪欲传里，气逆上则为逆也，是以半表半里多^①多呕也。

干呕，脉弦，小便自利，四逆者，死也。

下止，干呕而烦厥也，逆无脉，白通加猪胆汁汤。

干呕自利，黄芩半夏生姜汤。

呕 吐

呕者，声物俱有而旋出。吐者，无声有物而顿出，有声无物为干呕。大抵表邪传里，里气上逆则为呕吐，而水谷不下也。有胃热，脉紧数，口中有苦，渴；有胃寒，脉弦迟，逆冷，不食，小便利谓之；有水气，先渴后呕，膈满怔忡；有脓血，喉中腥，奔逆上冲，不须治之，当脓尽自愈。此四者不可不辨，及有里热而呕吐者，亦有之。《经》曰：呕多有阳明证，不可攻之，为其气逆，尚未收^②，为实也。设或有呕而弱，小便复利，身微热而见厥者，难治，以其虚多实少也。

太阳中风，阳浮阴弱，自汗恶风寒，发热，口渴，干呕，

① 多：据文义当衍。

② 尚未收：《伤寒全生集·辨伤寒呕吐例》作“尚未收敛”。

桂枝汤。

伤寒表不解，心下有水气，干呕发热而咳，小青龙汤。太阳少阳合病，自利而呕，黄芩半夏生姜汤。太阳阳明合病，当自利，若不利，但呕，葛根加半夏汤。

伤寒胞中热，胃中有邪气，腹痛气逆有呕吐者，黄连汤。太阳病发热汗出，心下烦郁痞硬，下利呕吐，大柴胡汤。

三阳发热而呕逆，用小柴胡汤

呕而渴者，猪苓汤、五苓汤。

先呕后渴，此为欲解，急与水解之；先渴后吐，此为水停心下，赤茯苓散。

少阴病欲吐不吐，但欲寐，五六日自利，水气，或咳，或悸，身痛自利，真武汤去附子加生姜。膈上寒饮，干呕吐涎沫，四逆汤。若吐利，手足厥冷，烦躁甚者，吴茱萸汤。食谷欲吐者，属阳明也，上同。得汤反剧者，属上焦，似嘔，似呕，似喘，心中愤愤者，大橘皮汤。汗下后，关脉迟缓而吐为胃寒，理中汤。病瘥后，虚烦呕吐，竹叶石膏汤加生姜汁。虽六经汗出，或食入即吐，干姜黄芩黄连人参汤。

汗后水气不入口者，半夏茯苓汤。

陶曰：三阳诸呕，皆宜小柴胡汤加生姜汁；水气加茯苓；寒者加干姜。孙真人云：生姜呕家之圣药也

凡治呕吐不止，用炒粳米一撮，入各药中同煎后，加生姜自然汁，传送随竹管，重捺内关，其呕吐止，此为良法，佳。胃实呕吐不可用炒粳米，恐反助其邪气。凡热药凉服，寒药热服，中和之剂，温而服之。

中寒呕吐，胸腹满闷，或头痛，发热增寒，用加减藿香正气散。头痛加川芎、白芷；腹痛加炒芍药、木香、砂仁；口干

加干葛、石膏；腹满加枳壳、桔梗；心下满加枳实、青皮；宿食不化加草果、山楂、香附；酒食不化加砂仁；呕吐不止加姜汁；头疼加细辛；表有热加柴胡、干葛；表有寒加桂枝。

厥阴吐涎沫及食谷欲呕者，用吴茱萸汤；寒甚加附子、丁香；呕不止加半夏、姜汁；太阴呕吐腹疼用理中汤；胃寒甚者，加丁香、附桂、磨木香、姜汁，温服；若积冷腹满疼加陈、青皮，名治中汤

胸中有热，胃中有邪气，腹中痛欲呕吐，用黄连汤加木香。

心中下有水，呕吐啰者，用茯苓半夏汤。

胃虚有痰，有热，呕吐，烦，啰，用橘皮竹茹汤；心烦加姜炒芩、连、山梔；心下痞加枳实；表热口渴加小柴胡干葛

胃虚呕吐不止，用人参养胃汤，加白术、干姜、砂仁，去苍术。

呕吐涎沫及吐利逆冷，烦躁脉沉，用茱萸四逆汤；胃虚寒加丁香、人参、白术、陈皮，去萸即四逆汤也。

阳明壮热目痛，鼻干呕吐，及太阳阳明合病，下利呕吐，又得阳反剧，属上焦呕吐，用干葛半夏生姜汤。

似啰，似喘，似呕，心下愤无奈者，用大橘皮汤。

吐 血

吐血者，口中出血也。诸阳受热，当汗失汗，使热毒气入，深积蓄于脏，故吐瘀血，轻则犀角地黄汤加茅根，重则桃仁承气汤。大下后，尺脉沉迟，咽痛喉不利，吐瘀血，虚烦者，麻黄升麻黄芩汤主之。凡见眼闭目红，神昏语短，眩冒，迷，烦躁，嗽水，惊狂谵语，鼻衄血，吐红，皆冷。足寒四肢厥冷，胸腹急痛，大便黑色，小便频数，皆瘀血证也。不必悉具，但

见二便作血证主张，初得此症急宜治之。

大下后，寸脉浮沉迟，尺脉不至，咽喉不利，唾脓血者，麻黄升麻汤。此有二证，一阳毒，二少阴，阳毒升麻汤，少阴甘桔汤加半夏、生姜。

血热者，黄连阿胶汤、地榆散、柏皮汤、三黄泻心汤。脉浮发热，反灸之，必咽噪^①吐血，救逆汤。咽喉闭塞，不可发汗，发汗则吐血气绝，手足厥冷，蜷卧不能自温，当归四逆汤。

有畜血，上焦漱水不咽者，属犀角地黄汤。

若吐鲜红血不止，躁渴者，黄连解毒汤加丹皮、磨京墨，吞下四生丸。

若血结满硬而痛，燥渴者，桃仁承气汤下尽黑物，则愈矣。

衄 血

衄者，鼻中出血也。衄者，杂病责热在里，伤寒责热在表，衄血故为欲解。若衄不止，而头面汗出，其身无汗及发汗不至足，此又为恶证，当明辨之。

太阳经血及服桂枝汤后衄，此为欲解也，犀角地黄汤。衄不止，茅花汤加芩、连、墨，劫法止之。无汗而衄，脉浮紧，再与麻黄汤。发汗而衄，脉浮缓，再与桂枝汤。不因下自利衄者，麻黄升麻汤。

脉浮大数，发热下利，鼻衄干呕者，黄芩芍药汤。

衄而烦渴，欲饮水，水入即吐，先服五苓散，次服竹叶石膏汤。

① 噪：据上下文，疑为“燥”。

少阴病但厥，无汗强发之，必动血，或从口鼻出，或从目^①出，名上厥下竭^②为难治，当归四逆汤，仍灸太溪、三阴穴、涌泉，一法用黑锡丹。

陶曰：诸家说不同，所以后人不能措手。一云无汗而衄麻黄汤，有汗而衄桂枝汤。仲景衄家不可发汗为忌，二者之间何可适后，但衄身凉者，可与犀角地黄汤，此凉内血也，则禁发汗。衄而不多，身热无汗，脉必当浮紧，仍与麻黄汤。

身热脉浮缓而汗，与麻黄汤，不可不拘禁忌，以此言之，宜更在血之多少上用药为当耳。

鼻衄烦渴，饮水则吐，五苓散，后以竹叶石膏汤。

鼻衄纷然滴成流者，不须服药，少刻自解。当与水解者，点滴不成流，邪犹在经，还须发散，用药无疑。《经》曰：夺血者无汗，夺汗者无血，俗人以衄为红汗，非也。若得衄而解者，邪之轻也；得衄不解者，邪之重也。

太阳病口干鼻燥，脉浮紧，必衄血，黄芩汤。

伤寒八九日不解，表证仍在，其人发烦，目瞑，剧者必衄血乃解。若不解，阳气重故也，宜汗之。衄家不可大发汗，汗之必额上陷，脉浮紧，直视不能眴^③，不得眠，用芍药地黄汤，

阳明漱水不欲咽，必衄，犀角地黄汤。

阳明口干舌燥，脉浮数者，必衄，犀角地黄汤加干葛

脉来轻，轻在皮肤之间，尺中浮，日睛晕黄必衄；脉浮数，口干鼻燥者，必衄，并用犀角地黄汤。

伤寒表证衄血将解，不可用凉水及凉药，止住必成畜血。

① 自：据《伤寒全生集·辨伤寒衄血例》当作“目”

② 上厥下竭：原作“下厥土竭”，据《伤寒全生集·辨伤寒衄血例》改

③ 眴（shùn 顺）：同“眩”，眨眼。

结胸难治，用犀角地黄汤加当归、红花；甚者加桃仁、大黄，下尽黑物为愈。

人虚衄血不止者，三黄补血汤加茅花、京墨，及劫法甚良。一切诸失血证，脉沉小，身凉者，生；脉大，身热者，死。吐后，脉微者，则治；吐衄后大热，脉反躁急者，死。凡血得热则行，得冷则凝。

若衄而头汗出，或身有汗不至足者，为难治也。

鼻衄不止，外用劫法，用水纸搭在鼻冲，随用山梔炒黑色，牡蛎、龙骨、京墨、百草霜火煅共为细末，加血余烧灰，各等分，仍用茅花，水湿蘸药，入鼻中即止。如^①无茅花，将纸捻缸水湿，蘸药入鼻中，甚良也。

畜 血

畜血者，瘀血畜结于内也。表证当汗不汗，瘀热在里，初为畜血，此为瘀血，用桃仁承气汤，轻则犀角地黄汤主之。

大抵看伤寒，必察病人心下两胁，以手按之则硬痛者，便当问其小便何如。若小便不利，乃水与气。若小便自利者，乃畜血也。

大阳病八九日，里证常在，脉微沉，不能向日，其人如狂，血自下者，愈。若不愈，小腹急痛者，用桃仁承气汤下之。

畜血有表证者，先用桂枝汤解外邪，后下尽瘀血为愈。

大阳病六七日，脉微沉，反不结胸，其人发狂者，为热在下焦，小腹当硬满，小便自利者，下血乃愈。

太阳病身黄，脉沉结，小腹硬，小便不利者，为无畜血也，

① 如：原作“乃”，据《伤寒全生集·辨伤寒衄血例》改。

小便自利者为有畜血也。

伤寒有热小腹满硬，小便不利，今反利者，为有血也，当下血为愈。

阳明病其人喜忘者，必有畜血，宜下。

屎虽硬，大便反易，其色黑，宜下血则愈。喜忘好忘，有所见而如狂矣。

若畜在上焦，胸中手不可近而痛，犀角地黄汤；中脘手不可近，桃仁承气汤；脐下小腹手不可近，抵当汤。

若伤寒畜血，医多不识。若能识者，唾手取效矣。

便 脓 血

冲脉为血之海，即血室也。男女均有此血气，而均有此冲脉。得热血必妄行，在男子则下血谵语，其邪热由阳明而传；在妇人则寒热似疟，邪乃随经而入。皆为热入血室，逼血下行，则胁热而利也。挟血之脉，乍濡乍数，或沉或伏，血热交并，则脉洪盛。大抵脉多在左手，见之^①。又有阴寒为病，下利脓血者，乃下焦虚寒，肠胃不固，清浊不分，而下利脓血也。一为胁热，一为阴寒，大抵下血十分中有八九分属热，一二分属寒也，不可一例取之。

阳证内热下鲜红之血，阴证内热下紫血成块，盛如猪肝状。阳证脉数，若数有力为实热，用苦寒之药；若数无力为虚热，不可用苦寒之药，须补血药少佐一二味寒药可也。若阴证脉迟，若迟有力为有神可治，迟而无力为无神难治也。凡下利脓血，

① 大抵脉多在左手见之：《伤寒全生集·辨伤寒便脓血例》作“大抵男多于左手，女多于右手见之”。

身热脉大为难治，身凉脉小为易治。凡下血，脉洪大，急硬不和者死，脉虽大而和者，可治也。

太阳之病不解，热结膀胱，其人如狂而血自下者，用桂枝汤，若瘀血用桃仁承气汤。

阳明下血谵语，胸胁满如结胸状，夜则见鬼，此为热入血室，小柴胡加生地、丹皮、当归；血不止加黄连、地榆；有瘀血加红花、桃仁。

少阴下利脓血，用桃花汤。

腹满或痛，身热下利脓血，或如鱼脑，或如烂肉汁，或如豆汁者，此湿气毒气入胃，并用桃花汤、黄连阿胶汤选用。

下利，无表里证，脉数不解，消谷易饥，几日不大便，此有瘀血，轻则小柴胡加桃仁、大黄，重则用桃仁承气。

下焦有血，如狂或善忘，小腹满硬，小便白利，大便黑，或身自黄，桃仁承气汤下之也。

下血及便脓血用黄连汤；下血不止，加乌梅、升麻、地榆、椿树白皮；去血过多不久，止，宜与四物汤合用。

下血脓血用四物阿胶汤，如热加软柴胡；口干渴加干葛；脉弱加人参；胃热加白术；血不止加青皮；脓血加真阿胶。磨墨温服。

下血便脓血，里急后重腹中痛，昼夜烦并不止，宜大黄汤；治脉数无力，血虚下虚，用三黄补血汤；人弱加人参；渴加乌梅、干葛；脓血加阿胶黄连；胃风汤治下血人虚者；脓多加阿胶；血多加地榆、乌梅、炒蒲黄；血甚不止加乌梅、椿皮、京墨；有热加柴胡。

阴症下利脓血用当归附子汤。

阴症下血紫黑如豚肝，用桂附六合汤。凡厥阴伤寒，先发

厥后热不退者，必便脓血也。脉数有力从阳症治，脉沉无力从阴症治。凡阴症，内寒下血必用干姜炒半黑，用之如神效也。

谵 语

邪气胜则实，发谵语；精气夺则虚，发郑声。伤寒胃中热盛，上乘于心，而为热入胃，则神乱昏迷，妄见而言。轻则睡中言，重者不睡亦语，有谵语者，有浊语者，有语言不休者，有言乱者，此数者足见其热之轻重也。大抵热入于胃，水涸尿燥，则为谵语。又有被火劫者，有正阳者，各各不同，但脉短者死，脉自和则愈。或喘满气逆而上奔，自利，气脱而下夺，皆为逆也。

谵语脉洪大，大便闭，小便赤，手足温，与调胃承气汤。

胃实谵语，身热汗多，大便硬，或潮热，承气汤。发汗多，妄阳谵语，身自和不可下，无大热，柴胡桂枝汤。

下利谵语为有燥屎，脉不微细，小承气汤。利不止者为不治矣。

三阳合病，谵语，脉滑实，身重难以转侧，口中不仁，面垢遗尿，不可汗下，白虎汤。

伤寒大热，干呕，呻吟错语，不得眠，犀角解毒汤。

得病无热，但狂言，烦不安，精采不与人相当，五苓散二钱调以新汲水，揉吐之则愈。一法用猪苓汤。

瘀血谵语狂言，漱水，大便黑色，小便多，身黄肠满，此为当汗不汗，畜血在里。轻者犀角地黄汤，甚者桃仁承气汤、抵当汤。热入血室，昼静夜谵如见鬼状，小柴胡汤。

阳明经病，其人喜妄者，必有畜血，抵当丸。

若亡阳并风温、湿温，吐下多而谵语，为虚也，宜小柴胡

加龙骨、牡蛎以救其神。

诸谵语脉浮大者生，沉小四逆者死也。

阳证谵语妄言，身当有热，脉当洪大，而反手足逆冷，脉沉细而微者，不过一日，死矣。

阳病内实者，其人日晡发潮热，谵语，大便秘实，手足乍冷乍温，面赤烦渴，手心腋下濺濺汗出，其脉沉实或滑数，扬手掷足，揭去衣被，大渴谵语者，但当大柴胡下之。

若转屎气者，急用承气汤下之。凡潮热谵语未可下者，且与小柴胡减半下枳实。

若渴欲饮水，口干舌燥者，人参白虎汤。

若表里大热，烦渴，谵语，脉洪数者，以小柴胡合白虎主之。

若胃实大便结者，调胃承气汤主之。

腹满谵语者，以手按之，病人腹中硬痛，或喘满燥渴，手不可近者，此有燥屎内实，宜小承气汤下之。

腹满按之软者或时满减者，为里虚不可下也，宜理中汤治之。

下利谵语者，脉若滑数，有宿食也，用承气下。

表虚里实谵语者，伤寒四五日，喘满为邪在里，反发其汗，津液越出，大便难，谵语者，此表虚里实也，宜调胃承气汤下之。若未可下者，人参白虎汤主之。

热入血室谵语者，在男子因邪热传入阳明，病则失血谵语，此为热入血室，小柴胡加生地、丹皮、当归主之。

得病无热，但狂言烦躁不安，精采不与人相当，此太阳本病，邪结膀胱，其人如狂，与五苓散利之，加辰砂末。

大热入胃谵语者，太阳病一二日，烦躁，以火熨烘其背，

而大汗出，此大热入胃，胃中水，渴，烦躁至十余日，振栗，自下利者，此为难解，故其汗从腰以下不得出，欲小便，不得而反呕，又欲失溲，足下恶风，大便硬，小便当数而反不数，及多大便，其头卓然而痛，其人足下必热，此谷气下流故也，此症最难治。

十三日不解，过经谵语者，以有热也，当下之，宜从缓治，调胃承气汤。元弱者大柴胡汤，虚甚用蜜导法。

惊惕谵语者，伤寒八九日下之，胸当烦惊，小便不利，一身尽痛，不可转侧，柴胡加龙骨牡蛎粉汤。

火劫谵语者，因伤寒不得汗，以火劫取汗，因发谵语，用小柴胡汤加龙骨牡蛎粉汤。错语者，乃语意差错而胡说也。若自知觉，劫之轻也；如自不知觉，此邪热甚而正气衰也。

若错语呻吟，干呕不得眠，黄连解毒汤。

或发热，或日晡潮热，往来寒热，口苦胸满，错语者，小柴胡加黄连主之，不得眠加山栀。

脉洪数，潮热烦渴，心烦，错语者，人参白虎汤。

凡脉弱人虚，精神不足，错语者，竹叶石膏汤。

虚甚错语，柴胡三白汤加黄连、麦冬、五味主之。

独语者，伤寒十余日，日晡潮热，发热结，独语如见鬼状，若剧者，发则不识人，循衣摸床而不安，微喘直视，脉弦小便利者生，脉涩不利者死。

狂言者，谓邪热盛，发狂叫喊而言也，或弃衣而走，登高而歌，此阳明内实也，宜大承气汤下之。备详发狂条下。

伤寒痰结胸中难去，亦有烦躁乱语而言也，开在痰症类伤寒条下。

郑 声

郑声者，如郑卫之音^①转不正也。因虚郑声重语也，与谵语混而难辨。郑声喉中郑重而不接续，言其正气虚而不能全，故更转而不正矣，若以身热，脉数，烦渴，便难，多言者为郑声。大抵郑声因汗下后，或自利正气内将脱，或手足并冷，脉沉细无力，口鼻气息短少，语言轻微，无力接续，出入之气且促，或短气难以布息者，皆是元气将脱，是郑声也。若昏沉上气喘促，或发呃不止，不知人事者，死也。

如气息不促，手足颇温，其脉沉细者，急以白虎汤加人参、五味、麦冬助其元气也，或浓煎独参汤，徐徐呷之，亦良法也。

其脉微细，大小便自利，手足冷，用白通汤。

瘖症不言

瘖症不言者，若少阴病，咽中生疮不能言语者，以鸡子苦酒汤^②。

若狐惑，上唇青疮声哑者，在本条瘖病，口禁不能言，治在本条。

热病瘖症不言，三四日不得汗出者，死。

热甚大伤肺金不能言者，宜清肺降火则愈。

风热壅盛，咳嗽声哑者，以消风热、降痰火则愈。

① 郑卫之音：春秋战国时郑卫两国的民间音乐。因不同于孔子提倡的雅乐，曾被儒家斥为“乱世之音”，后为淫靡之乐的代称。

② 鸡子苦酒汤：《伤寒全生集·辨伤寒瘖症不言例》作“鸡子黄苦酒汤”。

又有失于发散，风邪伏于肺中者，当以发散为主也。

喘

发喘者，有邪在表，有邪在里，有水气在表里。在表心腹濡而不坚，外证无汗，法当汗之；在里心腹胀满，外证有汗，法当下之。其水气者心下怔忡，是以有小青龙汤。

太阳病无汗而喘，麻黄汤。

阳明病，汗出而不恶寒，短气，腹满，潮热而喘，小承气汤。

太阳阳明合病，喘，胸满不可下，宜麻黄汤。

误下，太阳利不止，脉促不止，喘，有汗，葛根黄连黄芩汤。

若汗出而喘，无大热者，麻黄杏仁甘草石膏汤。

水气喘咳乃太阳汗后，饮水多而水停心下，小青龙汤去麻黄加杏仁，小腹满去麻黄加茯苓。

阴病喘促反阴丹。

阳明病内实不大便，潮热，腹坚满，身汗，燥渴而喘者，大柴胡加厚朴、杏仁主之，甚者用承气汤下之。

凡阴证厥逆，脉沉细，气短促喘而无汗者可治，宜四逆汤加五味、杏仁主之。冷汗自出如油，或汗出发润，或额汗出如珠不流，喘而不休者，皆死证也。

虚人脉伏，若手足逆冷喘者，五味汤主之。

暴感风寒，脉浮紧，无汗喘者，苏陈九宝汤主之。

热盛有痰，脉弦数，喘者不可汗下，用小柴胡、知贝母、瓜蒌、桔梗、陈皮和之。

或直视谵语，或日上视，或日斜视，汗出喘满者，俱不治也。

发 班

发班为热伤血，血热不散，里寒表虚，热气乘虚出于皮肤间为班也。轻则如疹子，重则如锦文。或本属阳，误投热药，或当汗不汗，当下不下，下后未解，皆能致此症也。慎不可发汗，重开腠理，更加班烂也。班之方萌，与蚊迹相类。发班当见于胸腹，蚊迹亦见于手足。阳脉洪大，病人昏愤，先红后赤者，班也；脉不洪大，病人白静，先红后黄者，蚊也。其或大便自利，拂郁短气，燥屎不通，黑班如果实靨者，不治。凡汗下后不解，足冷耳聋，烦闷咳呕，便是发班之候也。伤寒发班者，盖因汗下失当，热毒蕴于胸中乃发班也。红赤为胃热，紫不赤为热甚，紫黑为胃烂。故赤班五死五生，黑班十死一生。大抵鲜红起发稀朗者吉，虽大亦不妨，但忌覆，如如针头稠密，成片紫黑者难治，杂黑班烂者死也。凡班既出，须得脉洪数有力，身温足温，易治；若脉沉小，足冷，元气虚弱者，难医。

凡班欲出未出之际，且与升麻汤，先透其毒，脉虚加人参，食少而大便不实加白术，班见已出不宜再发也。班不可汗，班烂不宜下，如脉洪数，热盛烦渴者，人参化班汤。若消班毒，犀角玄参汤及大青四物汤。

如热毒内盛，心烦不眠，错语呻吟者，黄连解毒汤加玄参、升麻、大青。

热盛烦渴，喘咳者，解毒合化班汤。若班势稍退，内实不大便，谵语潮热者，大柴胡加芒硝，甚者用调胃承气汤。

解胃热胃烂之毒，必用黄连、大青、犀角、玄参、升麻、石膏、知母、黄芩、山栀、黄柏之类。

时气发班，人盛者则憎^①寒壮热，身体拘急，或咳逆喘嗽，或胸中烦闷燥热，起卧不安，或头疼鼻干，呻吟不得眠，此班候也。一切班来势急者，发热一二日便出；班来势缓者，发热四五日而出也。

凡治例必察病人元气虚实，脉来有力无力为主。若脉微弱元虚者，以柴胡三白汤。次察班欲出未透者，以升麻葛根汤。

如胃弱以四君子合升麻、葛根，名升君汤。如班不透，加红花。

班疹初出有表证，憎寒壮热，头疼骨疼，拘急胸满者，加味羌活散加红花。

班出稠密，或咽痛不利者，犀角消毒饮，玄参升麻汤。

班出脉数潮热不解者，小柴胡随症加减。

班出呕逆者，用解毒汤加陈皮、生姜、梔子。

发班喘嗽不止，小柴胡加贝母、瓜蒌、知麻、石膏。

发班咽痛，用黄连解毒汤加连翘、牛蒡^②、黑玄参、升麻、桔梗、甘草。

班出毒盛，黄连解毒汤加玄参、大青、犀角、石膏、知母，宜忌避香臭。

凡班已出未出之时，便不可急投寒凉之药并寒冷等物，恐伤胃寒，先作呕吐。又不宜汗下。若脉弱者，必先因有房事。要在审问明白，如有夹食^③者，必先助其元气为要也。湿毒^④发班，即时气也。

① 憎：原作“增”，据《伤寒全生集·辨伤寒发班例》改。

② 蒡：原作“榜”，据《伤寒全生集·辨伤寒发班例》改。

③ 夹食：《伤寒全生集·辨伤寒发班例》作“夹寒”。

④ 湿毒：《伤寒全生集·辨伤寒发班例》作“温毒”。

湿毒发班用玄参升麻汤、犀角大青汤、人参化班汤、青黛一物汤、黄连解毒汤、小柴胡汤选用。

温热二证发班者，治与伤寒同法。阳毒发班，则狂言下利咽痛，如锦文，用阳毒升麻汤、犀角玄参汤、黄连解毒汤、人参化班汤选用。暑月先伤暑，次食寒凉之物，并以凉处，内外皆寒，逼其暑火浮游于外发班。寒热间作，有班三五点，鼻中微血出，两手脉沉涩，皮肤按之殊无大热，此内伤寒班也，用调中汤数服即愈。夹暑用香薷、扁豆^①。

阴症发班者，亦出胸背手足，但稀少，红淡色也。此人元气素虚，先因欲事内损肾经，或误服凉药大过，遂成阴证，伏寒于下，逼其无根失守之火聚于胸中，上极薰肺，传于皮肤而发班点，但如蚊蚋蚤虱咬痕，大红点，以调中汤温胃，加以茴香、炒芍药。寒热，脉微者，大建中汤，则其阳回，阴火自降，其病乃愈。

凡见班不可专以班治，须察其脉之浮沉，病之虚实，则为善治班也。

发班脉弱用升麻葛根汤，加人参、红花。

班疹初出，增寒壮热，头疼体痛，胸满不利，用加味羌活散。班盛加黄连，加味小柴胡汤治发班，往来寒热，或潮热口苦，干呕渴，耳聋胁满，寒热胸满心烦喘嗽，并宜加味小柴胡汤。渴者去半夏，加天花粉；咽痛加桔梗、荆芥；呕加陈皮、生姜，去甘草；班毒加犀角、大青；胸中烦满不利，加瓜蒌、枳壳；痰火上喘加瓜蒌、桑皮、知母；喘渴脉数大加石膏；胸胁满痛加枳壳、桔梗；心下痞硬加枳实、黄连；发班瘾疹，咽喉肿

^① 扁豆：底本不清，据《伤寒全生集·辨伤寒发班例》补。

痛，毒气壅盛者，用消毒犀角饮；班盛加大青；内热加芩、连；伤寒壮热，疼痛，内外皆热，发班谵语发狂，用梔子仁汤。

阴症发狂，身冷无脉，班黑昏沉，用通脉四逆汤，入童便、猪胆汁，如烦躁冷服。

热毒发班，咽痛声音不出，心烦不眠，用苦酒鸡子汤，作四次汗出乃愈。伤寒黑班七八日，因服凉药过多，遂遍身手足厥冷，惟心头温暖，乃伏火也。其六脉沉细，昏沉不知人事，不能言，状如尸，遂用人参三白汤加熟附、干姜服下。一时班色渐红，手足渐温暖，然后苏醒，复有余热不除，此伏火缓作，以黄连解毒汤，加竹叶、石膏调服。

一切发班疹，先将红纸捻油灯照看。

发 黄

发黄者，当汗不汗而生黄，当利小便不利亦生黄。主于胸中水谷不消，湿热奄蒸生黄。脾土应于饥^①肉，治须泄热去湿。

设或寸口无脉，鼻出冷气，形如烟熏，摇头直视，环口黧黑，举汗发黄是皆真脏绝也。

伤寒瘀血在里身必发黄，麻黄连翘赤小豆汤。

太阳中温发黄，身热头痛，汗出，日黄，寒湿在里，五苓散、梔子蘘皮汤。

湿家之病一身尽痛，发热，脉色似黑黄，小便不利，五苓散。小便自利，术附汤。身烦痛，麻黄汤加苍术。一身尽疼所以为阴术附汤，宜详味。脉浮身重，汗出恶风，防风黄芪汤。

阳明伤风发黄，易饥短气，腹满，鼻干咽燥，必腹痛，小便

① 饥：为讹文，据文义当作“肌”。

难，潮热^①，咳嗽，头眩，嗜卧，脉弦浮，大小柴胡汤加茯苓。

血症发黄如狂，小便多，大便黑，犀角地黄汤、桃仁承气汤、抵当汤。

阳明病，脉迟，食难用饱，饱则微烦，头必痛，小便赤难，此欲作谷疸，虽下之，腹满如鼓，谷疸汤、五苓散，加茵陈。

黄瘧^②脉浮滑紧数，头面汗出，渴饮水浆，小便不利，茵陈蒿汤调五苓散。

头汗出齐颈而还，渴饮水浆，畜血也，必发黄，茵陈汤。

小便不利，四肢沉重，似疟不饮为阴黄，茵陈五苓散。

初发黄，以瓜蒂散末口擒水搐鼻中，黄水出去可黄退^③，而头痛者亦与头眩者同。

黄贯五心者，不可治也。

寒热发黄者，病人身疼发热而黄，头疼鼻塞而烦，其脉大，自能饮食，腹中和，无病。病在头中，寒湿用瓜蒂散搐鼻中，取黄水出则愈，或用神术汤加麻黄、茵陈，微汗之。

痞气发黄，病人心下满硬，按之不痛者是也，宜半夏泻心汤加茵陈、枳实。小便不利，宜茵陈五苓散加山梔，盖痞消则黄自退也。

结胸发黄，病人心胸满硬，按之痛或手不可近，大陷胸汤加茵陈盖结去则黄自退也。

因伤寒发黄者，其人脾胃素虚，或食寒凉生冷之物，或寒食结搏停滞发黄，或呕吐，或腹满，或腹痛，或自利小便短少者，宜调中汤加茵陈，或理中汤加枳实、茵陈、青皮、陈皮、

① 热：原脱，据《伤寒六书·伤寒明理续论》卷之六补。

② 瘧：同“疸”。

③ 退：据文义疑脱。

草果。逆冷脉沉，加附子温之而愈也。

阴证发黄者，其人两手脉沉细迟，肢体逆冷，肉上粟起，或气促呕闷，舌上白胎滑，遍身发黄，或时烦躁面赤，或时欲投泥水中，或欲坐井中者，此阴黄也。轻用理中汤加茵陈，重用四逆汤加茵陈。凡治阴黄，须用热汤温之，或以汤盛盆中，将病人坐于上，以布蘸热搭其黄上，乃愈。

脉沉，渴欲饮水者，必发黄。阳明病无汗，小便不利，心中懊恼者，必发黄。又被火劫额上微汗出，小便不利，心中懊恼者，必发黄。大抵身热烦渴无汗，小便不利者，必发黄也。

发 狂

伤寒发狂最为恶候，其例多般，要在明辨治之。伤寒发狂登高而歌，此伤寒热毒入胸，并入于心，始得少卧不安，妄语悲叹，甚则登高而歌，弃衣踰垣^①上屋^②，骂詈叫喊^③不避亲疏，大渴欲饮，一切发狂奔走势不可遏者，须用止狂法，方可察是阳狂、是阴躁，然后用药。

若病初起头疼，发热恶寒，体痛表证皆除已后，热邪伤里，大渴饮水，目赤唇焦，舌干齿燥，狂妄不宁，脉来洪数有力，大便实者，急宜大承气汤。如热势轻，未可大下者，宜加减三黄石膏汤。

但见舌卷囊缩，难治，间有可生，亦宜急下，不可缓也。

阴证囊缩者，大不侔^④矣。若发狂直视，便溺白遗，汗后

① 垣：原作“恒”。据文义改。

② 屋：底本不清，据《伤寒全生集·辨伤寒发狂例》补。

③ 喊：原作“嗽”，据《伤寒全生集·辨伤寒发狂例》改。

④ 侔（móu 谋）：相等，相齐。

大热，脉燥疾，狂言不能食者，死也。阳明经病，欲作汗而狂者，病人欲食，小便反不利，大便自调，骨节痛，翕然如有热状，奄然发狂，濇然汗出而解。

若气与汗共并，故发狂，脉紧者，则汗出而愈也。

若畜血发狂者，伤寒六七日或八九日，其人发狂，脉沉数，乃热在下焦，小腹硬满痛，或身黄小水自利，有畜血也，宜桃仁承气汤，下尽黑物则愈。

热轻者，喜忘如狂，脉微，身黄，唇痿，舌青，口燥，或但嗽水不欲咽者，又无寒热，小便自利，大便黑色，此血证谛也。轻用犀角地黄汤，甚者桃仁承气汤。

太阳不解，热结膀胱，其人如狂，血自下者愈。若外不解，与桂枝汤。外已解，内不消，但小腹急结或硬满痛，小水自利，大便黑，亦畜血证也，桃仁承气汤。此三者虽如狂，未至于狂也。

惊狂者，伤寒脉浮无汗，医以火逼取汗，必惊狂，卧起不安，宜桂枝救逆汤调辰砂末。

温病发狂者，冬月伏寒于内，至春因瘟气发也。表证在者，芎苏散合羌活冲和汤，加柴、葛。

若半表半里者小柴胡汤；若脉大，胸满，多痰，发狂者，小柴胡加枳、桔、瓜蒌、山梔、升麻吐之；若脉浮数，壮热不得汗出者，宜六神通解散汗之；若表里俱实热盛者，宜用三黄石膏汤主之；若邪热伤里，燥渴谵妄，大便秘实者，当用大承气汤。

热病发狂者，乃冬月伏寒在内，至夏因炎暑发也，其热势比瘟病尤盛。若发表用神术汤加芎苏；若发狂无汗脉数大者，六神通解散；热甚者，三黄石膏汤主之；里热燥渴，谵妄大便实，脉洪实者，大承气下之。

一切热病发狂，切不可掩闭床帐，务用揭开放入爽气良久，随用铜镜按在心胸间，热势稍退即除。

若伤寒温热病，热势大盛发狂燥不止者，将硝半斤研细，用水一盆，用青布方圆一尺许，三五块浸于硝水中，微觉半干，搭在病人胸膛^①并后心上，频易冷者，搭之，如得睡，汗乃愈。如热极盛，此结不能解，当用解结汤，服后作寒战，汗出乃愈。

若热极盛发狂，舌出不收者，用麻黄汤洗净，将冰片、牛黄、麝香研末，点之即收，此为良法。时行发狂者，与此同治法。

大抵伤寒温热病及时行发狂者，若得汗出者生，不得汗出者死，若脉小逆冷难治。

阳毒发狂者，问其人素有积热于内，因伤寒又失汗下，乃热蕴为病，六脉洪大而数，其证舌卷，目赤，唇焦，鼻如烟煤状；或面赤咽痛狂言，下利赤黄，大渴欲死；或发斑黄，头面胸背伏如锦文；或如豌豆之类而发狂者。七日内可治，七日外则难治也。宜阳毒升麻汤，甚者三黄石膏汤，因有发斑咽痛故曰毒也。

阳厥发狂者，因阳暴折郁而多怒，病名阳厥，治以铁落饮^②者，以金制木之法也。取铁性沉重之义最坠，热开结俗以平肝降火之剂。若兼痰火内盛狂者，宜入竹沥、姜汁，加芩、连降之，调辰砂末。

又有阴症发躁如发狂状，实非狂也，其病初起无头疼，不烦躁闷，阴极发躁欲坐于泥水井中者，或欲阴凉处坐，躁乱不

① 膛：原作“堂”。据文义改。

② 铁落饮：原作“铁落领”，据《伤寒全生集·辨伤寒发狂例》改。

安者，皆如狂也。但手足逆冷，脉沉细，虽烦渴不能饮水者是也，用霹雳散温之，宜冷服。甚则身微热，面赤戴阳，足冷，烦躁不安，脉数大无力，乃里寒下虚，此虚阳伏阴而躁，宜人参四逆汤冷服。

但见厥冷下利，烦躁不眠，脉不出者，难治。医不识阴症似阳^①，又不详阴脉。虚阳上隔而躁，见其面赤身热，误作阳狂实热，反与凉药，反成大害。用凉水半盏试之，入口即吐出不纳者，盖水性寒，故知阴极躁也，须详有力无力，此为定法。

阳证似阴

阳证似阴是火极似水，为伤寒热甚，失于汗下，阳气郁伏于内，反见寒凉之证在外，故其身凉，手足逆冷，乍温，状若阴证。大抵唇焦舌燥，能饮水浆，大便闭硬，小便赤涩，设有稀粪水利出，此内有燥粪结聚，乃膀胱之物，非冷利也。再审有屁极臭者是也。其脉虽沉，切之必滑数有力。或时燥热不欲衣被，或扬手掷足，或谵语有力。此阳证也，轻则用四逆散合小柴胡。

渴用白虎合解毒汤。

潮热大便实用大柴胡汤。

重则燥实坚痞满全具者，用大承气汤下之。

故《经》云：所谓身寒厥冷，其脉滑数，按之鼓击于指下者，非寒也，此阳盛拒阴也，阳证似阴，先将井水探饮三大盏稍安，方可自在不烦躁，方用大承气汤，其症立愈。

① 阳：原作“易”，据《伤寒全生集·辨伤寒发狂例》改

阴证似阳

阴证似阳是水极似火，为伤寒传变，或误服寒凉攻热太速，其人素本肾虚寒，遂变阴证冷极于内，逼浮阳之火发见于外，故病人面赤烦躁，身有微热，渴欲饮水复不能饮，大便阴结¹不通或自利，小水淡黄，或呕逆，或气促，或郑声，或咽痛，状似阳证，所以面赤烦渴便结，认作阳证，妄投凉剂，下咽即死，可不谨哉！

切其脉若沉细迟微，以通脉四逆汤倍²加参附以接真阳之气。

设或差误，遂至阴盛阳衰，虽此参附亦不能救此，与阴盛格阳例同。《内经》谓：身热脉数，按之不鼓击于指下者，此为阴盛格阳，非热也。

又云：面赤目赤，引饮，脉来七八至，按之则散者，此无根之脉，用人参四逆汤治之。

太阴腹痛，或呕吐食不下，或腹中痞满，或自利不渴，脉沉迟无力，用理中汤加肉桂、陈皮。

寒极脉微厥冷，或脉伏绝加熟附子。

呕吐加姜汁、丁香、半夏，去甘草，盖甘能发呕，故去也。

吐蛔者，加乌梅、花椒，去甘草；若呃逆加良姜、丁香、沉香、柿蒂、姜汁。若脐³下筑筑然动气者，此肾气发动，即奔豚也，须去白术加肉桂；若腹胀加厚朴；心悸或小便少加

¹ 阴结：病证名。指胃肠阴寒固结，或精血亏虚，大肠干燥所致的便秘。

² 倍：原作“陪”，据《伤寒全生集·辨伤寒阴证似阳例》改，下同。

³ 脐：原作“剂”，据《伤寒全生集·辨伤寒阴证似阳例》改，下同。

茯苓。

泻多不止，加炒苍白术、肉果、诃^①子；甚，不止，加升麻少许，粟壳炒，陈壁土炒用。

泻多，小便不利，合五苓散，名理苓汤。

内虚腹痛合小建中汤。

内实腹痛加木香、砂仁，名香砂理中汤。

心痞满或寒食结胸不散，加枳实，名枳实理中汤；中脘寒食痞加青皮、陈皮，名治中汤。

内寒腹痛甚加茱萸、乳、沉、丁、木香，用诸药汤不止者，加大黄利之。此痛随利减之法，故《经》云：痛则不通，通则不痛也。

少阴始得病，无头疼便发热面赤，脉沉足冷者，此盖先因欲事而后伤寒，名曰夹阴伤寒。肾家真气内弱，所以脉沉足冷，因虚阳上升，所以面赤，用附子以温少阴肾经，而助真阳之气，佐以麻黄发散表间寒邪，加以细辛引入少阴，部分用麻黄附子细辛汤，取微汗为度。

若病轻去细辛，加甘草以缓之，名麻黄附子细辛汤。

少阴手足厥冷，身体疼痛，脉沉者；又二三日，口中和，背恶寒者；又治脉微细，但欲寐者；又蜷卧恶寒者，欲寐者；又肾虚引水自救，小便色白者，并用附子汤。

少阴二三日不已，至四五日，腹痛，小便不利，四肢沉重，疼痛下利者，为有水也。其人或咳，或呕，或小便白利者，即前附子汤去参，名真武汤。若咳者，加五味、细辛、甘草；若小便利，去茯苓；下利去芍药，加干姜；若呕去附子，加生姜、

① 诃：原作“呵”，据文义改

半夏、陈皮；脉虚细复加人参；若汗下吐后，虚而肉润筋惕，身振欲僻地者加参、芪、归

少阴四肢逆冷，或咳悸，或小便不利，腹中痛，或泄利下重，用四逆散。此四味乃平安之剂，如何可治四逆之逆，盖此四逆为阳邪传变厥阴经故也。此解阳经之邪，非治阴寒。若咳加五味、干姜

下利，心下悸，加桂枝；小便不利，加茯苓；腹疼，脉沉，足冷，加熟附；呕加生姜汁。

少阴病初起无头疼，无身热，便寒厥冷，脉沉或伏，战栗蜷卧，或呕吐，泄利，腹痛，此名直中阴经真寒证。又夹阴中寒，面色青，脉沉，厥冷，囊缩舌卷，下清利谷，里寒外热者，身痛，脉沉，厥冷，脉微欲绝者，或腹痛干呕，或咽痛下利，与其少阴烦躁，下利不止，脉不出者，并用四逆汤，又名通脉四逆汤。虚人，加参、术。泻多，加炒白术、苍术、茯苓，甚不止加肉果、诃子、栗壳、升麻炒东壁土、熟艾、木通、灯心二十茎，取土气以加葱九茎。呕吐不止，加姜汁、半夏、陈皮。胃气寒，呕不止，加丁香。咽喉痛不利，加桔梗。大腹痛，加肉桂枝姜。小腹绞痛，加茱萸、青皮、藿香。腹痛甚不止，加木香、乳香、没药、砂仁、熟艾、玄胡。口食寒物，身受寒气，加砂仁、草果、藿叶。恶寒战栗，加麻黄、桂枝。骨体疼痛甚，加桂枝、羌活、苍术。胃寒发呃，加丁香、柿蒂、茴香、良姜，为末，姜汤调服，或入前汤调服立止。脉不出加猪胆汁，合生脉散，脉渐渐续出者，生；不出者，死；暴出者，亦死；手足不温暖者，亦死。口吐涎沫，加盐炒茱萸，名茱萸四逆。有寒痰，加半夏、夏^①姜汁、

① 夏：据《伤寒全生集·辨伤寒阴证似阳例》，当衍。

陈皮。误服寒凉药过多，胸腹胀满，关格不通，呕逆不止，汤药不受欲死者，^①加丁香、沉香、木香、苏子、槟榔、枳实、陈皮，姜汁传送，去甘草。

六脉沉伏或绝，手足指甲唇青，舌卷囊缩，绝汗^①出，目直视者，必死无医。凡尼姑、女冠^②、寡妇、室女与其有夫妻妾不同治。阴患寒证者，倍加附子不必疑，乃阴多阳少故也。孕妇患寒症，当用熟附，必加黄连，兼制佐用桂者，桂虽动胎炒用无害，将沉坠之。又有阴极发躁渴者，不可用凉剂。若误用之，使渴甚躁急，死之必矣。专主热剂冷饮，其躁渴自止，躁极加辰砂末调服。

水姜煎，入麝香少许，冷服^③免吐，如受药，不转出为效，吐出难治。

阴极发烦躁，乃阴证似阳，身热面赤烦躁，不能饮水，脉沉细或伏绝，用霹雳散加人参、甘草、白术、干姜、细茶一撮煎，入蜜二匙，麝少许，调服用，顿冷服下，须臾汗出，得睡躁止乃愈。如不得睡，无汗，复加烦躁不安，身热下利不止，脉不出者，死。烦躁欲坐泥水井中者，阴盛故也，加辰砂、远志、茯神。面赤者，下虚故也，加葱白九茎。身热者，里寒故也，加桂枝。泻不止，加炒白术、人参。呕吐不止，加姜汁、半夏、陈皮、丁香。腹痛，加茱萸、木香；甚，不止，加乳香、没药。虚寒气逆上，加沉香、苏子；有痰，加半夏、橘红；无脉，加猪胆汁一匙调服。阴盛隔阳者，但不能饮水者是也，引

① 绝汗：病证名。又名脱汗。指病情危重，汗出如珠如油，黏腻不流。

② 女冠：女道士，又称女黄冠。

③ 少许冷服：原作“少汗冷脉”，据《伤寒全生集·辨伤寒阴证似阳例》改。

饮者非也。

少阴下利脉微者，用白通猪胆汁汤，入童便，猪胆汁煎三沸，利不止，厥逆，无脉，干呕，烦躁欲饮水者，服此汤脉暴出者死，微续者生。

阴证似阳如饮酒者，先将好酒试之，不饮，用生姜汁探饮，自在不烦躁，一大碗服下，稍得安，方用附子理中汤，立愈。两手撮空，弃衣而走，登高而歌，口不渴，此证虚阳上升，急用附子理中汤立愈，须以酒探饮或姜汁探饮，如安静方可下之。

少阴口干舌燥，腹中痛，大便清粪硬，急用承气汤下，立愈。先以井水探饮，即安方可下之。

厥阴手足厥冷，脉沉细，或小腹绞痛，或呕逆，囊缩脉伏绝，用当归四逆汤。寒甚加熟附，脉不出加人参。

若阴寒极冷，唇青舌卷，用吴茱萸加附子，再用灸法甚良。

胸中冷逆

凡手足冷，脉乍紧者，此邪结在胸中也，故心中满而烦，饥不能食者，此病在胸中，宜吐之，用瓜蒂散主治。

除中

伤寒脉迟厥深下利，当不能食，若反能食者，名曰除中，死也。

冷结

凡人手足厥冷，脉沉细，无结胸，但小腹胀满，按之痛者，此冷结膀胱，须灸关元穴也，宜服茱萸当归四逆汤，磨木香温

服，外用揉熨法。若身热脉数有力者，此是热结膀胱，宜用加减滋阴汤。

脉浮发热渴如狂，此太阳热邪结在膀胱，宜服五苓散利之。若小便自利，大便黑，小腹硬满痛如狂者，此有畜血，宜桃仁承气汤加青皮，下尽黑物。

脏 结

脏结者，脏气闭结，不复流布也。其外证如结胸状，但饮食如故，时时下利为异耳。其寸脉浮，关尺沉细紧，阴筋引脐腹俱痛，病人胁下有痞气，连在脐旁，痛引小腹阴筋者，此名冷脏结者，死。脏结无阳证，不往来寒热，其人反静，舌上胎滑，不可攻也，宜灸关元，仍与茱萸四逆汤温之，寒甚加附子。

蛔 厥

蛔厥者，手足冷而吐蛔。厥阴病人素有寒，妄发其汗或汗后身热，又复汗之，致胃中虚冷，饥不欲食，食即吐蛔，蛔入膈，故其乍静乍烦者，须臾复止，得食呕烦，蛔闻食即出。

蛔厥先用理中丸，次用乌梅丸。若误下之利不止，用四逆汤。

轻者吐小虫，重者吐长虫。

舌干口燥，常欲冷水不欲咽，蛔上烦躁昏乱欲死，两手脉沉迟，足冷至膝，甚者，连蛔并屎俱出，大便不行^①，此症虽出多端，可救治也，加味理中安蛔汤主之。

又有胃中空虚，虫无所安，反食其真脏之血，病人心胸胁

① 大便不行：《伤寒全生集·辨伤寒蛔厥例》作“或大便秘而不行”。

下有痛阵，必撮眉呻吟，或时下血如豕肝色，或如湿毒脓状，或鲜血下利急迫，或昏沉不省人事者，一切吐蛔虽身大热，不可与凉剂安之，必死，俱用理中安蛔汤加减治之。待蛔定却，以小柴胡退热。上半月虫头向上易治，下半月虫头向下难治。先以肉汁或糖蜜引虫头向上，然后用药。中病又有厥阴病消渴，气上冲心，饥不能食，食即吐蛔。既曰：胃寒复有消渴之证，盖热在上焦，而中下焦但寒而无热，此实言也。若大便实，用理中汤加大黄主之。吐蚘未止，加黄连、苦楝树皮、细辛，治蛔不可用甘草。

狐 惑

狐惑，湿匿虫皆是虫症。伤寒失于汗下，不解多日传变，因腹中有热，食入无多，肠胃空虚；三虫求食而食人五脏。其候四肢沉重，恶闻食气，默默欲卧，目不能闭，舌白齿晦^①，面目间赤白黑色，变易无常。一食下部为狐，而下唇有疮，其咽干；虫食其脏为惑，上唇有疮，其声哑，治匿通用桃仁承气汤、黄连犀角汤、雄黄锐散。无阳者金液丹，此则备用而已，越人望之尚畏也。

四 逆 言其微且渐也

手足不温谓之四逆，邪在表则手足热，邪在表里之间则手足温，邪传少阴有逆冷之证，与厥逆又相远也。

虽然自热以至温，由温乃至厥，是传经之邪，四逆散主之。若得病手足便逆而不温者，四逆汤温之，则为阴经而阳气

① 晦：原作“悔”，据《伤寒全生集·辨伤寒狐惑例》改。

不足也。

其或吐利烦躁，厥逆蜷卧，此为少阴又为不治之证矣。

少阴病四逆，其人或悸或咳，或小便不利，或腹中痛滞，或泄利后重，并四逆汤。

初病以来厥冷，四逆汤。

手足厥冷，大便秘，小便赤，或大便黑色，脉沉而滑，此为阳症似阴，白虎汤。甚者，大承气汤。

二厥乃相似，阳厥之极则类阳，今人多作阴证治之，死者迷踵。仲景云：厥深热亦深者，正谓此也。

厥 逆 言其深之甚也

厥逆者，谓手足冷也。后厥者，乃热伏于内也。先厥而热者，乃阴退而得阳复也。若始病便厥者，是则阳不足而阴有余也。其或恶寒蜷而烦躁，下利不止，皆为恶候，故曰逆也。

此言厥之有二，初言厥深热亦深也，亢则害，成乃制，热之极深大抵似水，反嫌寒化者也，不可妄作阴证治之。次言阴阳相争而厥，阳气胜退阴邪，复全有之。夫厥作热消也，谓阴证见阴脉者生，是也，未言真受阴之邪也。当依前法推。明热伏于内者，其脉沉滑而数，狂言发渴，露手揭衣，烦躁不眠，或大便秘，病虽似阴诸症，别之实知阳也。初病便厥者，其脉沉迟而弱，醒醒而静，恶寒引衣，或利清谷也。

先发热而厥，扬手掷足，烦躁饮水，畏热头汗，大便秘，小便赤，怫郁昏愤，当下失下，血气不通，所谓热深厥亦深者，大柴胡汤、小承气汤。

初病便厥，足挛恶风，引衣自盖，不渴，大小便自利，默默而醒，醒者四逆汤。

伤寒厥而悸者，宜先治其水，茯苓桂甘汤，后治厥，四逆汤。

吐痢，厥逆，烦躁者，欲死也，吴茱萸汤、当归四逆汤，仍灸大溪穴。

伤寒自热，而热至温，由温而至厥，乃传经之邪，四逆散得病手足便厥而不温者，四逆汤温之，此为阴证也。

少阴病，其人或咳，或悸，或小便不利，或腹痛，或泄利下重，并用四逆汤。

手足厥冷，大便秘，小便赤，或大便黑色，脉沉而滑，此为阳证似阴，白虎汤。甚者，大承气汤。

气 逆

气自腹中时时上冲则逆也，盖因太阳病下之，表邪乘虚传里，里不受则气逆上行，而乘在表也，当复汗之。

厥阴发热作客，热气上冲心，此热在里而气上也，若病后虚羸少气，气逆欲吐者，又动气发汗热气上冲者，此则正气虚而吐逆也，当依法调治之。脉沉紧者，不可汗。

太阳病下后，其气上冲者，可与桂枝汤。不止冲者，如桂枝证，头不痛，项不强，寸脉浮微，不可与之。

胸中痞硬，气上冲咽喉，不得息，此为胸中寒，瓜蒂散吐之。

脉若微者，不可吐，吐下后，心下逆满，气上冲胸，起则头眩，脉沉紧，发汗则动经，身为振摇者，茯苓桂枝白术甘草汤。

动气发汗，气上冲者，李根汤。

病后虚羸少气，气逆欲吐者，竹叶石膏汤。

怫郁

怫郁者，阳气蒸越，形于头面体肤之间，聚赤而不散也。其证则有二，大便硬，气短者，实也；汗下后，哕者，虚也。太阳病发汗不彻，并于阳明，续自微汗出，面赤色者，阳气怫郁于表，面色缘缘正赤，其人烦躁不知痛处，用葛根汤解肌。

若太阳病发汗不彻，脉浮紧，面赤者，表未解也，用麻黄汤汗之。

面赤身痒者，小汗不出故也，用桂麻各半汤。

病人大便乍难乍易，小便利有微热，怫郁不得卧，此有燥屎作实，用调胃承气汤。

吐汗下之后虚极，胃中虚冷，外气怫郁，假色于面，乃内寒也，宜用理中汤，手足冷加附子。

吐下之后虚热，或又复汗之，其人怫郁，复与之水，因而得哕，此胃寒也，用桂枝人参汤加茯苓。

汗吐下之后得哕，怫郁者内虚也，用人参四逆汤。

伤寒被火劫，汗出不解，邪热与火交攻，发怫郁者，蒸于肌肤，身目俱黄，用茵陈汤。

阳明内寒热盛，脉洪大，面色赤，烦渴，舌燥饮水，用人参白虎汤。

潮热自汗，谵语烦渴，大便实者，用大柴胡汤加芒硝少许。

下利清谷里寒外热，或身痛脉微欲绝，面赤或咽痛，用通脉四逆汤加葱白。

有下利，脉沉迟，面少赤，身有微热，下利清谷，郁冒汗出而解，病人必微厥，其面戴阳，下虚故也。

大抵阴证怫郁并下，虚人怫郁者，赤而不光盛也。若阳病

表不解，并内实热甚者，赤而光盛也。要在审其虚实寒热，不可见其面色赤，概作热治也。

郁冒 不仁

郁冒者，郁为郁结，气不舒畅，冒为昏冒，神不清爽，谓之昏迷者是也。此因表里俱虚，因多出汗故也，若因虚极乘寒所致也。不仁者谓不柔和，痛痒不知，针火不知，即不仁也。此寒气乘虚所中，用四逆汤加人参、归、桂枝、芍^①、芪、天麻主之。

太阳病，下早不愈，仍复发汗，以致表里俱虚，其人致冒，冒家汗自出而愈，乃表和也。若不得汗而不解者，用人参三白汤加芍、归、天麻。下虚，脉微足冷，加熟附温经固本。

少阴下利止，头眩时时自冒者，死，此肾绝也。

凡头目眩晕非郁冒也，盖眩晕为轻，郁冒为重。

新^②产妇人有三病，一者病瘕，二者病郁，三者大便难，皆血气也，用加味四物汤主之。

又恶露未尽，上冲郁冒，此血运昏迷，亦宜四物汤加红花、桃仁、干姜、桂，推陈致新治之。

奔 豚^③

奔豚者，如江豚之状，气从小腹上冲而痛也。

凡欲作奔豚者，其气在脐下筑然而动也，宜理中汤去白术加肉桂主之，痛甚加茱萸。

① 芍：原作“弓”，据《伤寒全生集·辨伤寒郁冒例》改。

② 新：原作“斯”，据《伤寒全生集·辨伤寒郁冒例》改。

③ 奔豚：病名。多因肾脏阴寒之气上逆或肝经气火冲逆所致。

凡烧针令其汗出者，针处被寒，核起而赤者，必发奔豚也，宜灸其核上各一壮，与桂枝加桂汤。

若痛甚手足厥冷者，宜当归四逆汤加肉桂、吴茱萸主之。惟桂大能泄奔豚，茯苓能伐肾邪，故加之，术能燥翳闭气，故去之，药中不可不慎也。

肉瞤筋惕

阳气者精则养神，柔则养筋，发汗过多，津液涸少，阳气偏虚，筋肉失其所养，故筋脉惕惕跳动，肌肉瞤瞤蠕动，非温经助阳何可治之也。

太阳病，发汗出不解，仍发汗，头身瞤动振振欲擗地，用真武汤合人参养荣汤，倍用归、芪。

若不因汗过多，其人筋脉跳动者，此人禀素血少，邪热传于六脉之中，火动惕也，用加味人参养荣汤。

如人发汗过多，或虚人取汗，或伤风白汗，妄用麻黄青龙汤，便有厥逆、筋惕肉瞤之症，并用真武汤。瘦人去芍药，有热去附子。

伤寒应汗，腹中有动气者，汗之则肉瞤筋惕，或头眩，汗不止，其症最逆，急用防风白术牡蛎汤，次用小建中汤，乃可十全一二。

若汗吐下后，心下满，气上冲胸，起则头眩，脉沉紧，身振摇者，用茯苓桂枝白术甘草汤，久则成痿。心下满去甘草，加枳、桔。

伤寒不曾发汗，七八日，筋脉动惕，潮热甚，其肉不瞤，大便秘，小便赤，以手按脐下硬痛，此有燥屎，大柴胡汤下之。

伤寒十余日，曾三次发汗过多，遂变肉瞤身振摇，筋脉惕

者，用人参养荣汤。

汗后虚烦不得眠，筋惕肉瞤内有热，以加味温胆汤。

伤寒口唇下颌颤动者，有虚有实，此热在手足阳明二经之分，用茯苓桂枝白术甘草汤。脉虚者，用人参三白汤加麦冬、五味先生其脉，次用竹叶石膏汤主之。若舌燥烦渴，能饮水者，人参白虎汤主之。

大抵此症不解，昏沉逆冷者，多不能救也。

肉 苛

肉苛者，虽着衣絮犹尚苛也。伤寒发汗过多，亡其血者，乃变此证，盖荣虚而卫实，则血气不得和通，非肉失所养，故顽痹不仁、痛痒不知也，用羌活冲和汤加桂枝、当归、木香主之。

百 合

百合者，又非寒又非热，欲食不食，欲坐不坐，欲^①行不行，服药即吐，小便赤，如见鬼，谓之百合病，但因病中失调养，余证在阴则攻阳，反下之；在阳则攻阴，反汗之，此为逆，各不得解，故成百合病，用小柴胡汤加百合、知母以和之。以青竹重按关脉上，试之不吐，药中加姜汁少许，粳米炒食，盐一撮，以调胃气，煎之，此治法也。

若恶寒呕者，病在上焦，二十三日愈。

若腹满微喘，大便坚，三四日一行，微溲者，病在中焦，六十三日愈。

① 欲：原脱，据《伤寒全生集·辨伤寒百合例》补。

若小便淋沥难者，病在下焦，三十三日愈。

若溺时头觉痛，六十日愈。

如头不觉痛，渐渐恶寒者，四十日愈。

若溺时觉快然，而但有头眩者，二十日愈，并宜百合汤，主治百合病也。

百合病已，经发汗后更发者，用百合知母汤。

百合病已经下后更发者，用百合代赭汤。

百合病已经吐后更发者，用百合鸡子汤。

瘈 瘕

瘈者，筋脉急而缩；瘕者，筋脉缓而伸。一伸一缩，手足牵引抽掇而已，大抵与婴孩发搐相类，谓之瘈瘕也，此症多属于风。

不因汗^①所生者^②，当平肝木降心火，佐以和血之剂，用羌、防、荆、连、柴、芍、归、地、川芎、天麻、参类。

若兼痰者，必加南星、半夏、竹沥、姜汁，如风邪急搐须兼全蝎、僵蚕。

若曾经汗下之后，多日传变得此症者，为病极，因虚极生风，用小续命汤加减。

凡伤寒汗出露风，则汗不流通，遂变筋脉挛急，手足搐掇，用牛蒡根散主之。

风温被火劫，发微黄色，剧如惊痫，时发瘈瘕者，宜用葳蕤汤主之。

① 汗：此后《伤寒全生集·辨伤寒瘈瘕例》有“下”字。

② 者：原文为“者者”，据《伤寒全生集·辨伤寒瘈瘕例》改。

瘈瘲戴眼反折^①，眼反上即见白，汗出如珠不流，此太阳终也。

又有四肢𦵏𦵏动而不止，似瘈瘲，而无力抽搐者，此为肝绝。

汗下后，虚，变生此证者，多死。若用小续命汤，有汗去麻黄，恶寒去黄芩，要得通变治之。

病瘈未深，若用去风涤热之剂，亦有可生者，若灸或发汗者，必然死也。

目 直 视

直视者，即目睛也，目睛圆圆正直，视而不转动也。凡直视摇头者，心绝，狂言，目反直视者，肾绝。直视喘满者，下利者，皆死。直视谵语不止者，死；目斜视者，死。若其目正圆，直视口禁，或脚弓背反张者，瘕病也，多难治。若戴眼反折者，此为上视，绝汗如珠不流者，此膀胱绝也。

或目中不了了，目睛不和，无表证，大便难，身体微热者，此非直视也，乃内实也，急当承气下之。直视为不治，目睛不了了为可治也哉。

循衣摸床

循衣摸床者死，两手撮空者死，向壁卧，逆冷，循衣摸缝^②者死。凡循衣摸床，直视谵语，脉弦者生，脉涩者死。小便利者可治，不利者不可治。谓津液枯竭也，太抵阴阳二气俱

① 戴眼反折：指目睛不转而上视，乃病情危重见症。

② 缝：《伤寒全生集·辨伤寒循衣摸床例》作“床”。

绝，则妄言撮空也。

若大便秘结，撮空，谵语，燥渴者，此为实热，宜承气汤下之。

若因汗下虚而大便自利，谵语，撮空，逆冷，脉小者难治，用升麻汤^①劫之。

泻不止，加猪苓、木通、肉果；身不热，口不渴，^②泄利，脉沉足冷者，加姜、附、炒术、升麻少许。若身不热^③，口燥渴者加柴、芩、知母。

若吐下不解，不大便五六日已上，至十余日已，日晡潮热，不恶寒，独语如见鬼状，剧者则不识人，循衣摸床，惕而不安，微喘直视，脉微者，但发热，谵语，大承气汤。若一服而利，则止后者^④脉弦者生，涩者死。

舌卷囊缩

凡舌卷囊缩者，难治也。若阴阳易，病邪入腹，舌吐者死，且囊缩有阳症有阴症。其阳症囊缩者，因热极而缩；阴症囊缩者，因寒极而缩；妇人亦有囊缩可辨，但其乳头缩者，即是也。

凡阳症囊缩舌卷者，急用大承气汤下之。

阴症囊缩舌卷者，急用四逆汤加茱，更汤温之，先灸关元、气海、丹田，及蒸熨法甚效。

① 升麻汤：《伤寒全生集·辨伤寒循衣摸床例》作“升阳汤”。

② 身不热口不渴：底本不清，据《伤寒全生集·辨伤寒循衣摸床例》补。

③ 若身不热：底本不清，据《伤寒全生集·辨伤寒循衣摸床例》补。

④ 者：据文义疑衍

手足挛搐

伤寒发汗出间，因而露风，则汗不流通，风邪乘虚袭于经络，故手足挛搐不能屈伸而筋脉拘急也，用牛蒡散治之。

瘥后发肿

伤寒方愈后，浮肿者，此水气也，用牡蛎泽泻散主之。

胃虚实^①少五苓散加苍术、陈皮、木香、砂仁；胃不虚者，以商陆一味煮粥食之，亦妙。

伤寒大病瘥后足肿者，不妨但节饮食，戒酒色，胃气强，肿自消。

瘥后喜唾

伤寒方愈后，口中和喜唾不止者，此胃中有寒，宜理中汤温之。

瘥后口干喜唾或咽痛，人参竹沥汤加乌梅、黄连、知母、天花粉。

咽痛者，用山豆根磨水噙之，复用甘桔汤加芩、连、山梔、连翘、薄荷。

瘥后遗毒

伤寒汗下不彻，余邪结在耳后一寸二三分，或两耳下俱硬肿者，名曰遗毒，宜速消散缓之，如成脓以连翘败毒散治之。项肿痛加威仙，大便实加大黄、穿山甲。

① 实：疑为“食”之讹文。

发肿有脓不消，或已破未破者，但用内托消毒散加皂荚、升麻、金银花、甘草。

瘥后发碗头^①疮

碗头疮者，亦因汗下后余毒不尽，瘥后故发碗头疮也。只以黄连、甘草、归尾、红花、防风、苦参、荆芥、连翘、羌活、白芷煎服，外用芒硝、赤小豆、青黛为末，以鸡子清和猪胆汁调敷疮上最效，勿动，待其脱落。

伤后瘥后，小便涩而有血者^②，名曰内外疮，皆有靨，不出脓者，死，亦是余热毒也，用黄连解毒汤加生地、归、翘、木通、滑石、牛膝、篇蓄、琥珀、甘草梢。

瘥后劳复

病新瘥后，血气未平复，余热未尽。若负重涉远，虽梳头沐浴，劳动再发，为劳后血气尚虚，但当安卧静以养血气。设或早劳碌，使热邪遂还於^③经络，复发热脉浮者，以汗解之。

脉沉者以下之，若不应，汗下者以参胡三白汤，加调理泔然汗出而解，或寒战汗出而解。

若虚烦不眠，用参胡温胆汤加枣仁、远志。

气虚烦呕，竹叶石膏汤；燥渴去半夏、知母，倍多天花粉。

虚热不止者，千金麦冬汤。

身热食少无力者，参胡温胆汤。

① 碗头疮：《伤寒全生集·辨伤寒瘥后发豌豆疮例》作“豌豆疮”。

② 涩而有血者：底本不清，据《伤寒全生集·辨伤寒瘥后发豌豆疮例》补。

③ 於(yú于)：同“于”。

无热下虚有寒者，人参养荣汤加熟附。

阴虚火动，补中益气汤加黄柏、知母。

瘥后食复

新瘥后多食，复发热者，为食复。伤寒病后，只宜先进稀糜饮，次进薄粥，又宜少少与之，诸般肉食不可食之。

瘥后病已解，但日暮微烦者，此食谷早或多食故也，宜消谷则愈。

食后复发热，大便难，燥渴谵语，关脉实者，用枳实栀子汤加大黄下之。热不解，大便如常者，参胡三白汤加减治之。心下痞满加枳实、黄连、桔梗；有痰呕加橘红、半夏；米食不化加神曲、麦芽；肉食不化加草果、山楂。

瘥后女劳复

伤寒男子病新瘥，早犯女色，病复发者，名曰女劳复。

其候头重不举，目中生花，腰背痛，小腹里急绞痛，或增寒发热，或时阴火上冲，头面烘热，心胸烦闷者，竹皮烧裯^①散豶鼠粪。有热加柴胡，调赤衣散。

人虚弱者，用参胡三白汤调赤衣散。

小腹急痛，脉沉足冷，用当归四逆汤，加熟附、茱萸，送下赤衣散。

若见外缩入腹，脉见离经者，死也。

① 裯 (kūn 昆)：原作“棍”，据《伤寒全生集·辨伤寒瘥后女劳复例》改

瘥后阴阳易

阴阳易者，其邪毒之气交相易换也。男子病新瘥，妇人与之交为病者，阳易；妇人病瘥，男子与之交为病者，名曰阴易。

其候身重气短，百节解散，头重不举，目中生花，热上冲胸，增寒壮热，阴火上冲，头面火热。在男子则阴肿，小腹绞痛；在妇人则里急，连腰胯内痛。病甚重者，手足冷挛拳，男子外缩入腹，妇人痛引阴中，皆难治也。若见舌吐出者，死，宜用竹叶烧裯散加人参、当归、知母。若外肿痛，倍加竹青、黄连、滑石、生地、鼠粪、韭根、甘草、青皮、木通，有黏汗出而阴头肿为效。有热加柴胡，阴火上冲加黄柏、知母。

若伤肾经虚损真阳，有寒无热，脉虚足冷者，以人参四逆汤调下烧裯散。

若伤肝经，以当归四逆汤加茱萸、熟附，下烧裯散用，分寒热而治。伤寒大病之后，切忌房事。瘥后因交接淫欲，无病人反得病者，此为阴阳易也。若瘥后交接淫欲，病人自病而复发者，谓之女劳复。

阴易，热气上冲，胸中烦闷，手足挛拳搐搦如风状，用瓜蒌萎竹茹汤。

妇人病未平复有犯房事，小腹急痛连腰膝痛，四肢不仁，无热者，当归白术散。

阴阳易不瘥，大便不通，心神昏乱，惊惕不安，用妙香丸。

劳复发热，气喘，烦，四肢怠堕，补中益气汤。阴火动或梦中失精，或虚弱烦盛，或自汗不足，加黄柏、知母、五味、麦冬。有宿食痞满者，去人参、升麻、黄芪，加枳实、黄连、

桔梗、砂仁。烦躁不眠，加远志、山梔、酸枣仁、茯神，脉弱人虚，倍用人参。自汗盗汗，倍用黄芪、升麻，食少胃弱，倍白术。热多倍用软柴胡。

瘥后虚弱

伤寒瘥后虚弱无力者，为汗下过多，病人元气虚弱，调养失宜，须渐渐进食，守静不可太急，治伤寒虽无补法，若果病人元气虚惫，或劳力所伤，不得不补，此合宜则用也，宜补中益气汤。

瘥后虚热，盗汗不止属阴虚，用当归六黄汤。

阳虚自汗无热恶寒，无力下虚用加味黄芪建中汤。瘥后心神恍惚不宁，夜卧烦躁不安，或乱梦虚惊不眠，因汗下过多，心血亏少，用朱砂安神丸加远志、酸枣仁、茯神；有痰加橘红；烦躁加山梔。

炼蜜为丸，朱砂为衣，点上金箔，灯心汤送下。

病瘥后胃弱食少，胸膈满闷不宽，用加味枳术丸；气不舒畅加木香；心下痞满加姜汁、炒黄连、木香；有痰加橘红；胃中虚寒加干姜、桂枝少许。

瘥后昏沉

伤寒瘥后昏沉者，或半月以来或十余日，渐觉昏沉终不醒，又有寒热错语，失神如见鬼状，或呻吟者，或寒热似疟，或朝暮潮热烦赤者，为先发汗不尽，余热在心包络间，医作风魅治之，非也，当以知母麻黄汤，取微汗则愈。

若胃脘有虚烦呕，竹叶石膏汤加姜汁少许。

无热脉沉细，喜唾^①不已者，脾土有寒也，少与理中汤。

目昏微烦者，因强食、早食，谷不消化，宜消谷则愈。

若用知母、麻黄取汗者，但虑病后血气两虚，岂可再大汗之。若人元气壮盛，脉来有力者，乃可行之。

脉虚人弱者，只用十味温胆汤。

有寒热、潮热、日晡发热者，参胡温胆汤加芩、连主之。要在脉证详辨，不可执说也。

瘥后饮酒复剧

酒能发散温经者，其味苦辛，大热有毒，且寒月惟酒不冰可知。

缘伤寒病热未解而饮酒者，则病增剧转加热盛，脉弦数者，用小柴胡合解毒汤，加乌梅、干葛、砂仁。

脉洪大者，用人参白虎汤合黄连解毒汤，加干葛、乌梅、砂仁主之。

妇人伤寒症

凡妇人伤寒治法，皆与男子相同，惟经水适断适来，热入血室与夫胎产则不同治。

妇人热入血室

妇人中风发寒热，经水适来而得之，七八日^②热退、脉迟、

① 唾：原作“睡”，据《伤寒全生集·辨伤寒瘥后昏沉例》改。

② 适来而得之七八日：底本不清，据《伤寒全生集·辨妇人热入血室例》补。

身凉，胸膈满如结胸状，谵语者，此为热入血室^①，当刺期门，随其热而泻之，当以小柴胡加生地、丹皮、归尾^②、枳壳、香附、干姜，少用红花、黄芩。伤寒发热恶寒，经水适来^③，昼则明了^④，夜则谵语，如见鬼状，此为热入血室，不可汗吐下，必待自愈，宜小柴胡加生地、牡皮。

妇人中风七八日，续得寒热，发作有时，经水适断者，此为热入血室，其血必结，故使如疟状，当用小柴胡加生地、丹皮。

妇人阳明经病，下血谵语，此为热入血室，用小柴胡加生地。

男子阳明经病，下血谵语者，亦是热入血室，轻用犀角地黄汤，重用桃仁承气汤下之。男女俱有此血气，亦俱有此冲脉，不特妇女有之。

妊娠伤寒

妊娠伤寒，须要安胎为主，兼伤寒药为当，不可独用发表攻里之剂，恐伤胎气。

若有表证宜汗者，用羌活冲和汤加柴胡、当归、芍药、苏叶、葱白，即四物冲和汤汗之。

有气满喘急加香附、砂仁，去生地，外用护胎法

若里实热证，大便不通，燥渴者，当用大黄转药，不必疑

① 者此为热入血室：底本不清，据《伤寒全生集·辨妇人热入血室例》补。

② 丹皮归尾：底本不清，据《伤寒全生集·辨妇人热入血室例》补

③ 来：原脱，据《伤寒全生集·辨妇人热入血室例》补。

④ 了：原脱，据《伤寒全生集·辨妇人热入血室例》补

矣，须酒制用。有病，病当之，无病胃伤之。

妊妇设患真寒证，脉伏厥冷，用姜、桂、附子，不必疑也。附、姜、桂虽热，炒制无害，必加黄连、甘草，无制沉香坠之。

产后伤寒

产后伤寒不可轻易汗下，恐产时伤力，其发热有去血过多，恶露不尽，有三日蒸乳^①发热，或早起劳动，或饮停滞，俱有发热恶^②寒状，类伤寒，不可使用发表攻里之剂。

实因产后大血空虚，若汗之必郁冒，筋惕肉瞤，昏迷不省，或入风，手足搐搦不定，或大便秘结难通。

若下之则利不止，亦变肉瞤筋惕、郁冒、昏迷、厥逆等证，为害非小。

凡有伤力发热，或早起劳动发热，或去血过多发热，脉必虚大无力，内无痛者，此热非有余之热也，乃阴虚不足生热，用四物去芍药，必加参、术、茯苓，淡渗其热。

如大热不止，必加煨干姜，神效。干姜辛热，能引血药入血分生新血，引气药入气分补气。

产后恶露不尽，亦有发热恶寒，必胁肋胀满，连大小腹有块作痛，产后腹痛，血也。腹满非是邪，是瘀血也，宜用四物汤加灵脂、丹皮、桃仁、红花、玄胡、香附、青皮、干姜、肉桂、酒水各一钟，黑豆一撮，后磨木香入童便、姜汁温服，取下瘀血为效。后以四物汤加参、术、干姜、茯苓、陈皮，少佐童便、炒香附调理。

① 蒸乳：病名。多因乳汁壅滞不通，或产后无子饮乳所致。症见两乳肿硬疼痛，恶寒发热等

② 热恶：底本不清，据《伤寒全生集·辨产后伤寒例》补。

产后饮食停滞发热，必有噫气作酸恶闻食臭，胸膈饱闷，右关脉紧，一般发热、恶寒、头疼，必用治中汤加山楂、神曲、砂仁、炒黄连、川芎、当归佐之。

若产后蒸乳发热恶寒者，必乳间胀硬疼痛，令产妇揉，乳汁通其热自除，不药而愈矣。

大抵胎产数证俱有发热、恶寒、头疼，实非伤寒也。若误治杀人必矣。瘥后虽有寒热、骨痛及口眼歪斜、手足搐搦者，血虚所致，不可作中风寒证治之乃是。

若果产后不谨，虚中入风者，当以四物汤加防风、荆芥、白芷、人参、香附、乌梅、僵蚕、干姜。

产后血虚昏运不醒者，用四物汤加参、术、干姜、香附、茯苓。

有瘀血冲上昏运不省，又当如前恶露不尽方内治之，吞下益母丸最效。

产后不谨，感冒，伤寒，发热，恶寒，头疼，骨疼，脉浮紧，表证宜汗者，用四物汤加羌活、苍术、白术、干姜、苏叶、栀子，少佐用葱白头，水煎取微汗。自汗，去苍术、苏叶、加白术；热甚加软苗柴胡、干姜，少许黄芩佐之，炒用。

热邪传里，口燥渴，大便不通，脉沉实或热甚谵语，宜下之，轻则蜜导法，重则用四物加柴胡、炒黄芩、枳壳、熟大黄彻下，就用四物汤加干姜少许，参、术大用，以温补其血气。

若热邪传至半表半里，证寒热，呕，口苦，脉洪数者，四物汤合小柴胡主之。

若产后妄用汗下吐法太过，遂变郁冒昏迷，肉瞤筋惕者，必用四物汤合四君子汤加减治之。茯苓、干姜乃为主药，不可少也，胎前宜养血安胎，产后须大补气血，虽有杂症以末治之。

卷之六

秘用三十六方就用槌法在内

升阳发表汤 治冬时正伤寒，头疼，发热，恶寒，项脊强重，脉浮紧，无汗，是足太阳经表证，以头如斧劈^①，身如火炙者为用。

麻黄 桂枝 甘草 升麻 杏仁 川芎 防风 羌活 白芷

发热，无汗，恶寒而喘，因表未解依本方去升麻，服之发热、微恶寒而赤身痒者，以其不得小汗出故也，去白芷、升麻、杏仁，加柴胡服之。

上水二钟，姜三片，葱白二茎，入豉一撮，煎之热服，取汗出病即止，不可多服。

疏邪实表汤 治冬时正伤寒，头痛，发热，恶风，鼻塞，项脊强重，脉浮缓，有汗者，太阳表证也。

桂枝 芍药 甘草 防风 川芎 羌活 白术

汗不止者加黄芪，如漏风^②亡阳^③汗不止者，治方在后。饮酒人不服桂枝汤，服之吐脓血，以其甘辛故也，饮酒人不喜甘。

上水二钟，姜一大片，枣二枚，入胶饴一匙，温服。

羌活冲和汤 恶寒脊强之症，脉浮紧，无汗，是寒邪入足太阳表症。此方以代桂枝麻黄青龙各半等汤之神药也，无人知

① 头如斧劈：原作“豆如斧劈”，据《伤寒六书·杀车槌法》卷之三改。

② 漏风：病名。又名酒风，因酒后感受风邪所致

③ 亡：原脱，据文义补。

此奇妙耳。

羌活 防风 苍术 黄芩 生地 白芷 细辛 甘草
川芎

夏月加石膏、知母。有汗去苍术，加白术；再不止去细辛，加黄芪；如再不止，以柴胡加桂枝、芍药一钱，有神，名神术汤。胸中满闷去生地，加枳壳。不作汗，本方加苏叶，汗后不解，喘而恶寒热者，加豆豉一撮，脚气症亦有头疼、身热、恶寒，但起于脚膝重痛，此方亦治。

上水二钟，姜三片，葱白二茎。

柴胡解肌汤 治阳明身热，鼻干不眠，微恶寒，头痛，眼眶痛，脉微洪，此阳明经病，宜解肌。其正阳阳明腑病，别有方治。

干葛 桂枝 甘草 黄芩 芍药 柴胡 白芷 羌活

有汗而渴者，治方开在如神白虎汤条下。

上水二钟，姜三片，石膏末一撮，煎之热服。

柴胡双解饮 治少阳经耳聋，胁痛，寒热，呕而口苦，脉来弦数，属半表半里。此经有三禁，不可汗、下、利也，止宜小柴胡汤和解加减治之。

柴胡 黄芩 半夏 甘草 人参 茯苓 芍药

渴者加知母、天花粉。疼盛者加瓜蒌仁、苦梗、枳实 呕者入姜汁。寒热似疟者加桂。热多者柴胡倍多，寒多者桂枝倍多。胁痛加青皮。胸中满闷加枳实、桔梗、陈皮。如未效，以本方加枳实、黄连、瓜蒌仁、桔梗，去茯苓、甘草。豁然，其妙如神，世俗者所未知其妙也。如入腑症半表半里，少阳与阳明合病，本方去茯苓，加干葛如拾芥。妇人热入血室，加当归，男子热入血室加生地。坏症加鳖甲。如无耳聋，胁痛止，则身

热大便实，大渴谵语，加大黄。伤寒瘥后发热，本方和之，脉浮者加苍术、苏叶；脉沉者，加大黄、枳实。心中虚烦者，加竹茹。腹痛者，去茯苓，加炒白芍。心下悸者，加猪苓。若嗽者，去人参，加五味。

上水二钟，姜三片，枣二枚，煎之。临服加百合，再煎一沸温服。

桂枝大黄汤 治太阳经腹满痛，咽干而渴，手足温，脉沉实，此为太阳传经热症。

桂枝 大黄 甘草 枳实 厚朴 芍药

喘满不恶寒，腹坠满，或自汗潮热，加芒硝。

上水二钟，姜三片，煎之。临服槟榔加水磨二匙入，温服。

茵陈将军汤 治太阴腹满身目黄，小便短赤或不利，燥渴谵语，脉沉有力，此属湿热发黄。若形如火煤，摇头直视，出汗不流，环口黧黑者不治。

大黄 茵陈 山梔 黄连 枳实 甘草梢

上用滚水煎之，入滑石末二钱，再煎一二沸，热服，以利为度。

五苓加味散 治小便不利或短赤，烦渴或饮水过多，下焦湿热结滞发黄，或热结膀胱，小腹滞满，水结□□，脉来沉数，以利小便为先。惟汗后亡阳，津液枯竭，与阳明汗多者，则以利小便为戒。

猪苓 泽泻 白术 桂枝 灯心 茯苓 甘草 滑石 山梔 瞿麦

头汗齐颈而还者，必发黄，加茵陈。渴而小便不利加天花粉。

上水二钟，姜三片，煎之。临服入盐四匙温服，以利为度。

六一顺气汤 治伤寒邪热入足少阴厥阴二经里症，无头疼，无恶寒，反怕热，口燥，咽干，谵语，心腹坚满；或绕脐硬痛，反厥阴烦渴；或四肢乍冷乍温，烦满，舌卷，囊缩。又治邪热入阳明腑症，无头疼，无恶寒，反怕热，揭去衣被，扬手掷足，大渴谵语，或发斑黄狂乱，与夫大结胸，潮热自汗喘满，小水短赤，大便不通等证。此三经脉俱见沉实有力是也。

大黄 枳实 黄芩 厚朴 柴胡 芒硝 甘草

夫结胸手不可近，痛甚者去甘草，加甘遂、瓜蒌。口燥咽干渴而谵语，依本方急下以救肾家将绝之水，属少阴。当心下硬实而痛及绕脐硬痛，渴而谵语者，属少阴有燥粪也，依本方。若手足乍冷乍温为传经阳厥，因热极反兼水化，故有此象。与夫烦满囊缩厥阴者，俱依本方。潮热自汗谵语，扬手掷足，发狂斑黄，大渴，属正阳明，依本方。热病目不明，肾水已竭，不能照物危甚者，权且急下，依本方。其目中不了了者，即目不明，谓邪热以炙肾水，有燥粪而大便难也，故当急下，依本方。伤寒热邪传入于里，无非若苦寒之药下之，不下之其邪从何而去？今医人不分病有深浅、病在何所，一概用大承气汤下之，非徒无益而又害之也。吾故曰：传来非一治之，则殊病有三焦俱伤者，则痞满燥实坚全具证，宜用厚朴苦温以去痞，枳实苦寒^①以泄满，芒硝咸寒以润燥软坚，大黄苦寒以泄实去热，中病即愈。邪在中焦则有燥热坚三症，故用调胃承气汤，以甘草和中，芒硝润燥，大黄泄实，不用枳壳、厚朴，恐伤上焦虚无氤氲之气，调胃之名自此立矣。若上焦受伤则痞而实，宜用小承气，枳实、厚朴之能除痞，大黄之泄实，去芒硝则不伤下

① 寒：原作“黄”，据《伤寒六书·伤寒琐言》卷之一改。

焦血分之真阴，谓不伐其根本也。若大柴胡无芒硝加芍药者，以其表证尚未除，里证又急，不得不下，只得以此汤通表里而缓治之。优有老弱及血气尚虚之人及瘥后复有下症者，不宜用此，恐太峻也。

上用滚水二大钟，姜一片，煎之。临服入铁锈水二匙，热服，取铁性沉埋之义最坠热开结有神圣功化。若非吾之子孙焉，肯漏泄玄机也，毋怠毋忽毋怠毋忽。

如神白虎汤 治身热渴而有汗不解，或经汗过渴不解者，脉来微洪，此属阳明经证。无渴不可服此药为大忌。

石膏 知母 糯米 甘草 山梔 人参 门冬 五味
花粉

心烦者加竹茹、竹叶；小便短者，加滑石；背恶寒渴者，加茯苓去山梔；头微痛，眼眶痛者，加干葛去山梔；呕者，加姜汁、半夏。

上水二钟，姜一片，煎之，临服入乌梅捣汁一匙服。

三黄石膏汤 治热邪传里极甚，为阳毒发斑，黄如涂采，眼珠如火，六脉洪数，烦渴欲死，表里皆热，欲发其汗，病热不退，又复下之，大便遂频，小便短赤或不利，五心烦热，两目如火，鼻干，面赤，齿黄，大渴，过经谵语，不知人事，已成坏证者；亦有错治温症而成此症者又八九日，已经汗下后，脉洪数，身体壮热，拘急沉重，欲治其内，又表未解，欲解其表，则里证又急，赧赧^①不能措手待毙而已。殊不知热在三焦，闭塞经络，津液荣卫不通，遂成此症耳。兼成发于躁渴，大便实者，又当于三黄巨胜汤内攻之，此为万全之功也。

① 赧赧（zǐū 滋居）：犹豫之意。

三黄巨胜汤 治阳毒狂乱妄言，登高而歌，弃衣而走，目赤，脉大有力，发斑黄，大渴，大便燥实，舌卷囊缩者。难治。此因毒入脏实，三黄石高汤去麻黄、豆豉，加大黄、芒硝、枳实，即三黄巨胜汤也。

石膏 黄芩 黄连 黄柏 甘草 山梔 大黄 硝 枳实

三黄石高汤即三黄巨胜汤去芒硝、大黄，加麻黄、豆豉是也。槌法加辰砂末，调服三黄巨胜汤，槌法加黑豆捣汁一匙，煎沸温服。

上水二钟，姜一片，枣三枚，煎之，热服。

冲和灵宝散 治两感伤寒，头疼身热恶寒，舌干口燥，以阳先受病者，先以此汤导之。如阴先受病者，当先以六一顺气攻里下之。如里先下利不止，身体痛者，又当以回阳急救汤先投里温之，后攻其表，当服疏邪实表汤，神验秘法也。举世无人识此，古云两感虽为死证，复有可救之理。为其治有先后，发表攻里不同，误用药以致害耳。

羌活 防风 川芎 生地 细辛 黄芩 柴胡 知母 干葛 石膏

冬月去黄芩、石膏，加麻黄。

上水二钟，姜三片，枣二枚，煎之。临服再加薄荷十片，煎一沸热服。中病即止，不可多服。

桃仁承气汤 治伤寒邪热传里，热畜膀胱，其人如狂，小水自利，小腹硬痛满，大便黑色或发黄，谵语，燥渴，□饮，脉沉有力，为畜血。此汤下尽黑物即愈，未服药而血自下为欲愈，即欲散也。

桃仁 大黄 枳实 芒硝 甘草 柴胡 青皮 芍药 当归。

上水二钟，姜三片，枣二枚，煎之。临服再入苏木一钱，二沸热服。

芩连汤 治鼻衄成流不止者或热毒入深，吐血不止者，并可治之。若见耳目口鼻并出血者，此为上厥下竭则不治也。

黄芩 黄连 犀角 生地 茅根 甘草 当归 人参 桔梗 山梔

吐血者去桔梗，加真阿胶。鼻血者，外用水纸搭于鼻冲上，复用炒黑山梔研末吹鼻中即愈。

上水二钟，姜三片，枣二枚，煎之。临服，入捣韭汁，墨京磨一匙，调之温服。

消斑青黛饮 治邪热传里，里热表虚，血热不散，遂成此症。若见汗下不解，足冷，耳聋，烦满，呕便，是发斑之候，轻则如麻子，重则如锦纹。或本因属阳，设投热药或当汗不汗，当下不下，或汗下未解，皆能致此。慎不可汗，重令开泄更增斑斓也。而斑与蚊迹似而异，发斑必见于胸腹，蚊迹只见于手足。阳脉洪大，病人昏愤，先红后赤者，斑也。脉不洪大，病人自静，先红后黄者，蚊迹也。或大便自利，或短气燥屎不通，黑斑如木实赭者，虚扁不能施其功也。

青黛 犀角 石膏 知母 玄参 连翘 人参 生地 甘草 如大便实者加大黄

上水二钟，姜一片，枣三枚，煎之。临服入苦酒一匙，温服。

生地黄连汤 治烦躁渴，欲饮水，水入不下者，属瘀血在上焦，则邪热入里也

犀角 当归 生地 黄连 苦参 红花 枳壳 桔梗 赤芍

上水二钟，姜一片，煎之。临服，入生藕汁二匙，如无韭汁亦可。

柴胡百合汤 治伤寒差^①后昏沉发热，渴而谵语失神，及百合、劳复、食复等症。

柴胡 人参 黄芩 百合 知母 茯苓 甘草 芍药 鳖甲

差后表症者宜微汗，加羌活、苍术、川芎，去茯苓。差后里症者，宜当下，去茯苓、知母，加大黄。心烦者，加竹茹。渴，加天花粉。呕者，加半夏、姜汁，水停心下，加猪苓。心中满闷，去人参、甘草、茯苓，加枳壳。错语呻吟，加黄连、犀角。腹如雷鸣，加煨生姜五片。

上水二钟，姜三片，枣三枚，煎之。临服，入生地捣汁一匙，温服。有煨姜者去生姜。

理中加味饮 治伤寒自受其寒，症有中阴经是也。初得病无热无头痛，止有腹痛，怕寒厥冷，或不利，呕吐，不渴，脉来沉迟无力等症。其或真寒毒之气入深重者，但在回阳急救。

干姜 白术 人参 甘草 肉桂 陈皮

腹满濡，自利不渴属太阴，去肉桂，加桂枝、芍药。甚者，加热附子一大片。呕吐，入半夏、生姜汁。腹痛甚者，加白芍。或下利身痛者，或传经热证下后疼痛者，轻则用理中汤，重则回阳救急汤治之。其或阴症，本汤加大黄微利之。

上水二钟，姜三片，煎之。临服加木香磨一匙入姜汁，温服。

回阳救急汤 治阴经直中真寒证。一得病无热怕寒，四肢厥冷，战栗，腹痛，呕吐，下利清谷，沉重，不渴，蜷卧，或手指、甲唇青，或吐涎沫，舌卷囊缩，脉来沉迟无力，六脉全无，此阴

① 差：同“瘥”。

毒入脏深矣。用前劫法并用此药依前，不省人事者，不治。

附子 干姜 人参 白术 甘草 肉桂 陈皮

呕吐者，入姜汁炒半夏。腹痛甚，炒芍药、木香、磨姜汁入饮。利不止，加炒东壁土、升麻少许。口吐涎沫，加盐炒茱萸。无脉者，加猪胆汁少许，加五味。战栗者，加附子少许，麻黄为臣。小腹绞痛加青皮，亦用茱萸。

上水二钟，姜汁半盏，枣二枚，煎之。临服入泥浆澄清水一匙，温服。

回阳反本汤 治阴盛或阴极发躁微渴，面赤，欲于泥水井中坐卧者，脉沉迟无力或脉伏者，亦有之，不可服凉药。俗医不识，见躁便呼为热症，而用寒凉之药，死者不得复生矣，深可惜哉！服热而躁不止者，宜再服药之，躁自定矣。若用寒药使渴愈盛而躁愈甚，纵有神丹不能为效矣。

附子制 干姜 人参 肉桂 门冬 五味 甘草 茯苓 童便

无脉者，猪胆汁一匙。面赤者，入葱七茎。呕者，入姜汁炒半夏。

上水一钟，姜三片，煎之。临服，入蜜二匙，顿服之。

温经益元汤 治汗下后头眩，振振欲倒地，及肉瞤筋惕，或大汗后卫虚亡阳，汗漏不止，脉来无力。

临服入杏仁数粒，再煎一沸，热服。

安神益志汤 治伤寒虚烦心惊微热，四肢无力体倦者，又治六七日，别无刑克症候，昏沉不知人事，六脉俱静者，无脉欲出汗者，功用不可尽述，此神效汤也。

柴胡 人参 门冬 知母 五味 竹茹 茯苓 远志 当归 生地 甘草

上水二钟，姜三片，枣二枚，煎之。临服加姜汁炒黄连、甘草，再煎一沸，热服。

桂苓汤 治伤寒初得病，无热狂言，烦躁不安，精采不与人相当，庸医见此症便呼为发狂而误用下，死者多矣。殊不知此因邪热结膀胱，名曰如狂症。

猪苓 桂枝 知母 泽泻 黄柏 滑石 甘草梢

上水二钟，姜三片，灯心二十茎煎之，温服。

逍遥散 治伤寒差后发大热，昏沉错语失神，小腹绞痛，头不能举，足不能移，眼中生花，百节解散，热气冲胸。男子则阴肿入小腹攻刺，妇人则里急腰胯重引腹内痛。庸医不识便呼为阴阳易，误人死者多矣。殊不知病新瘥，血气未平，劳复动邪，热复还于经络，此不因易而自病复发者，故谓女劳复。因交接纵欲而无病人反得病，大热沉重欲死者，此谓阴阳易，因邪热之毒易于人，如换易之易也。额黑身黄者，此病最难治。吾见舌出数寸而死者，其手足挛拳，养生君子大病之后，惟房事切不可也。如劳复通用逍遥治之。

知母 人参 竹青 茯苓 甘草 黄连 滑石 生地 猢猻鼠粪两头尖者十四枚

上水二钟，姜三片，枣二枚，煎之。临服，入烧裈裆末调服，阴头肿即愈矣。

黄龙汤 治伤寒下利纯清水，心下硬痛而渴，谵语怕热者。庸医不识，见利便呼为漏底伤寒，而用热剂涩之，就如抱薪救火，误人多矣。殊不知此因邪热传于里，肠胃燥粪结实，此利因饮汤药而利，非内寒而利也，宜急下名热结。利，须问病人有粪否，纯清水乎。

上用滚水二钟煎之，临服加铁锈水二匙调之，温服。

调荣养胃汤 治有患头疼，身热，恶寒，头体痛，脚腿酸疼，微渴自汗，脉浮无力。庸医不识，因见头疼身热实。

黄芩 白术 桂枝 黄连

上水二钟，姜一片，煎之。临服，入姜汁少许。

泻心导赤饮 治伤寒心下不疼，腹中不满，大便如常，身无寒热，渐变神昏不语，或睡中独语一二句，目赤神焦，将水与之则咽；不与，则不思，形如醉人，医者不识，便呼为死证，遂以针火误人，死者多矣。殊不知热邪传入少阴心经也，因心火上而逼肺，所以神昏，故名曰越经症。

山梔 黄芩 门冬 滑石 甘草 人参 犀角 知母 茯神 灯心二十茎 黄连姜汁炒

上水二钟，姜一片，枣二枚，临服，入生地汁二匙。

复元汤 有患伤寒无头疼，无恶寒，身微热，面赤，微渴，目无精光，口出无伦语，脉数无力，俗医不识，便为热症，而用寒药死者多矣。殊不知汗下太过，下元虚弱，无根虚火泛上，名曰戴阳症。

熟附 黄连 甘草 人参 五味 知母 芍药 门冬 童便

上水二钟，姜三片，枣二枚，煎之。临服，入葱白二茎，捣汁调之温服。

三字汤名一百一十七道

解肌汤

干葛 桂枝 甘草 黄芩 芍药 柴胡 白芷 羌活

上八味，水、姜、葱白煎服。

理中汤

干姜 白术 陈皮 人参 甘草 肉桂

上六味，水煎服。

附子散

附子君 桂心 白术 川芎 独活臣

上五味，水、姜煎服。

漏芦汤

漏芦 黄芩君 升麻 大黄 黑玄参 牛蒡子 连翘臣 甘草
草 蓝药 桔梗佐

上十味，水煎服。

清震汤

赤芍药 荷叶君 干葛 苍术臣 升麻 甘草佐

上六味，水煎服。

绿云散

青黛一匕 硼砂五分 寒水石一钱 山梔根一钱 紫车前一钱
玄明粉一钱 硝石一钱 冰片一钱

上八味，以细竹管吹喉中，入至病处。

葳蕤汤

葳蕤君 石膏 葛根 杏仁 川芎 麻黄臣 羌活 白薇
青木香

上九味，水、姜煎服。

防己汤

黄芪 白术 防己 防风 甘草

上五味，水、姜、大青煎服。

香薷饮

香薷 扁豆君 厚朴 甘草臣

上四味，水、姜煎服，加灯心。

二陈汤

茯苓_君 半夏 陈皮_臣 甘草_佐

上四味，水、姜煎服。

导痰汤

茯苓 枳壳_君 半夏 陈皮 南星_臣 甘草_佐

上六味，水、姜煎服。

控涎丹

甘遂 紫苑 大戟 芫花 大黄

上四味，加皂荚、轻粉，各为细末，糊为丸，如桐子大，
每服五七丸，淡姜汤吞下以去痰积。

芎苏散

川芎 枳壳 桔梗 陈皮 半夏 苏叶 柴胡 干葛 茯
苓 甘草

上十味，水、姜、葱白煎之，热服取汗。

参苏散

人参 苏叶 枳壳 桔梗 茯苓 陈皮 前胡 半夏 干
葛 木香 甘草

上十一味，水、姜煎服。

李根汤

半夏 当归 茯苓 桂枝 芍药 黄芩 甘草 李根_{白皮}

上八味，水、姜煎，温服。

四生丸

生荷叶 生侧柏 生地黄 生艾

上四味，捣烂如鸡子大一团，水二钟煎服。

姜附汤

干姜 附子 甘草 半夏

上四味，热服，寒甚加丁、附。

泻心汤

黄连_君 黄芩_臣 半夏 干姜 人参 甘草_佐

上六味，水、姜煎八分服。

八桂散

白术 肉果_君 人参 茯苓 附子 诃子 干姜_臣 甘草

上八味，水、灯心煎服。

阿胶汤

黄连_君 山梔 黄柏 阿胶_臣

上四味，水煎服。

调中汤

苍术 羌活 藿叶_君 砂仁 芍药 陈皮 枳壳 川芎

白芷_臣 甘草 桔梗 半夏 麻黄_佐

上十三味，水、姜煎服。

茵陈汤

茵陈_君 梔子_臣 大黄_佐

上三味，水、灯心煎服。

龙胆汤

草龙胆_君 生犀角 茵陈_臣 升麻_佐

上四味，水、灯心煎服。

得效方 治发黄，身目悉黄如金色，小便如浓煮柏汁，诸药不效。

茵陈 黄连 山梔 黄芩 黄柏 柴胡 甘草 龙胆 升麻 木通 滑石

上十一味，水、灯心煎服。大便实加大黄，目睛黄倍加龙胆草，虚弱人加入参。

升麻汤

升麻 山梔君 当归 鳖甲臣 雄黄 川椒 甘草佐

上七味，水煎温服。如人行五里，再服取汗。盖汗出则毒出也。此汤治伤寒传变不解，变成阳毒身重，腰背痛，烦闷燥渴不安，狂言乱走，目赤唇焦，鼻黑如见鬼状，血下利而脉洪数，面赤，班如锦文^①，咽喉痛，吐脓血，六日可治，七日则不可治也。

夺命丹

釜底墨一两 灶突墨^②一两 梁上倒挂尘一两 牛黄一钱五分
大黄 麻黄 小麦各一两 加辰砂二分 黄连一两五钱 雄黄三钱
珍珠末一钱五分 寒水石一两 黄芩一两

上十三味各为细末，蜜炼为丸如弹子大，以新汲水一盏研一丸于水中合化，尽服之。若病人渴欲饮水者，用与之多饮为妙，不欲饮水者亦宜。强与之，须更当发寒汗，出乃解。若服下一时许不作汗，须再服一钟，汗出止。

五味汤

人参君 麦冬 杏仁 陈皮臣 五味 生姜佐 枣二大个

上七味，水、姜煎，磨沉香温服。

清肺饮

茯苓 瞿麦 篇蓄 滑石君 琥珀 木通 泽泻 薄荷臣
白术 通草佐

① 锦文：原作“类文”，据《伤寒全生集·辨伤寒发狂例》改。

② 灶突墨：原作“灶突黑”，据《伤寒全生集·辨伤寒发狂例》改。

上十味，水、灯心煎服。

八正散

车前 瞿麦 甘草 山梔_君 大黄 木通 篇蓄_臣 滑石_佐

上八味，水、灯心煎服。

滋肾丸

知母二两 黄柏一两五分

上二味酒浸晒干为末，入肉桂末二钱，滴水为丸，每服一百九，白汤送下。

四逆散

柴胡_君 芍药 枳实_臣 甘草_佐

上四味，姜煎服。

甘桔汤

甘草 桔梗

上二味，水煎服。

吹喉散

青黛 山豆根 芒硝 片脑 硼砂 胆矾 牛黄

上七味各为细末，先服甘桔汤，漱过，将前末药吹出喉中最效。如痰涎壅塞者，以鹅翎蘸桐油、皂荚末探吐为效，次吹入前末药，再以针刺患处并少商穴，血出即宽。

桃仁汤

桃仁 槐子 艾条

上三味，水煎服。

雄黄散

雄黄 青松子 苦参 黄连 桃仁

上五味各为细末，生艾捣汁和丸小指大，绵裹纳入下部肛门内，治虫食脏，再用雄黄、艾叶烧烟熏之。

百合汤

用百合七个劈破，以泉水浸一宿，取出，另研，水二钟，煎至一钟。另捣生地黄汁一钟，和入一处，再煎至一钟，去渣温服。

升阳汤

人参 当归 麦冬 五味 白术 甘草

上六味，入金首饰煎服。

牛蒡散

牛蒡子 麻黄 南星 牛膝

上四味，用剉碎于石器内，入好酒同研细，另用火烧地坑赤色，以药放在坑内，再用炭灰烧令黑色，取出为末，每服一钱，好酒送下，水、姜煎服。

竹皮汤

用刮青竹皮半升煎服，随证加减，调下烧裯散。

妙香丸

辰砂三分 冰片三分 膩粉三分 麝香三分 牛黄三分 金箔五片 巴豆霜一分

上七味为末，另研黄蜡三钱，蜜一匙，同炼匀，和药为丸，每药一两作三十丸，米汤送下。弱者三丸，壮者五丸，大便通即止。

千金方

梔子仁 石膏 鼠粪

上三味，水煎服

通圣散

防风 连翘 山梔 薄荷 荆芥 石膏 白术 甘草 滑石 桔梗 黄芩 大黄 芍药 麻黄 朴硝 川芎 当归

上七味每服一两，水二钟，姜三片，葱白三根，煎至一钟服。

泻心汤

大黄 黄连 黄芩各一两

上三味，白沸汤缓服。

十神汤

陈皮去白，一钱 麻黄去节，三钱 川芎二钱，五钱 香附子三钱 苏叶二钱 白芷三钱 升麻三钱 赤芍药三钱 干葛 甘草各二钱

上十味，生姜五片。

香苏散 春月探病宜用此方。

苏叶四钱 香附五钱，炒 陈皮去白，五钱 甘草二钱

上四味，水、姜、枣煎服。

对金饮

厚朴去皮，姜汁炒 苍术米泔浸一宿 甘草炙，二两 陈皮去白，炒，八两，黄色为度

上四味，水、姜、枣煎服。有瘟疫时气伤寒，头疼加抚弓，葱白三茎。五劳七伤有热加黄芩、柴胡。手足酸疼，加乌药、槟榔。痰嗽发瘧，加□果、乌梅。冷热气痛，加茴香、木香。水气肿满加桑皮、木通。妇人赤白带，加黄芪、当归。酒伤脾胃，加丁香、砂仁。食伤加良姜、白豆蔻。四时泄泻加肉豆蔻、诃子。风痰加荆芥、北细辛。腿膝冷痛加牛膝、乳香。腿痹加菟丝子、羌活。浑身拘急有热，加地骨皮、麦门冬。白痢加吴茱萸，赤痢加黄连去甘草。头疼加蒿本、白芷。有气者加茴香。气块加三棱、莪术。头疼加吴茱萸、水姜。妇人腹痛加香附子、乌药。眼热加大黄、荆芥。冷泪加木贼、夏枯草。腹腰痛加杜仲、大茴香。

玄武汤

白术 芍药各一两 白茯苓七钱 甘草三钱

上四味，生姜五片。头疼加川芎、细辛。

桂枝汤

桂枝三两，去皮，味辛热 芍药三两，味苦酸，微寒 甘草三两，炙，味甘平 生姜三两，味辛温 大枣十二枚，味甘平

上五味咀，水七升，微火煮至三升，去滓，温服。须之，以粥一升助药，温覆一时许，遍身热微似有汗者益佳，不可令如水流漓，病必不除。若一服汗出病瘥，停后服。若不汗，更服。又不汗，再服。若一日夜汗不出，更作一服，忌生冷、肉面、五辛、酒酪、臭恶物。

四逆汤

甘草三两，炙 干姜一两半，味辛热 附子一枚，去皮脐，八片，味辛大热

上三味咀，水三升，煮一升二合，去滓，温服。强人可大附一枚、干姜三两。

葛根汤

葛根四两 麻黄三两 芍药 甘草各二两 生姜三两 大枣十二个

上六味咀，水一斗，煮麻黄、葛根，减二升，去沫，内^①诸药，煮取三升，去滓，温服一升。覆取微微白汗，不须啜粥，如桂枝将息禁忌。

麻黄汤

麻黄三两 桂枝二两 甘草一两 杏仁七十个，泡，去皮尖

① 内：音义同“纳”。

上四味咀，水九升，用麻黄，减二升，去上沫，内诸药，煮取二升半，去滓，温服八合，覆取微汗，不须啜粥，余如桂枝汤将息。

抵挡汤

水蛭二十个 蛭虫二十五个 桃仁二十五个 大黄三两

上四味杵，分为四丸，水一升煮一丸，取七合，服之。晬时①当下血，不下再服。

文蛤散

文蛤五两

上一味为散，沸汤和一钱，顿服。

十枣汤

芫花煮 甘遂 大戟 大枣十枚，擘

上等分为末，各另研，水一升半，先煮大枣十二枚肥者，取八合去滓，内药末 强人服一钱匕，羸者服半钱匕 温服之，平旦②服，若下少病不除者，明日更服，加半钱得快利，下后，糜粥养

瓜蒂散

瓜蒂一分，熬黄 赤小豆一分

上各为末已，合治之，取一钱匕，以香豉一合，用热汤七合，煮做稀糜，去滓，取汁和散，温顿服之。不吐者，少少加，得快吐乃止。诸甘虚家，不可服瓜蒂散。

黄芩汤

黄芩三两 芍药 甘草各二两 大枣十二个，擘

① 晬（zuì 最）时：一昼夜。

② 平旦：指寅时。

上以水一斗，煮取三升，去滓，温服一升，旦再，夜一服。
若呕，加半夏半升，生姜六两。

黄连汤

黄连 干姜 桂枝 甘草各三两 人参二两 半夏半升 大枣十二个

上以水一斗，煮取六升，去滓，温服一升，日三服，夜二服。

猪苓汤

猪苓 茯苓 阿胶 滑石 泽泻各一两

上以水四升，先煮四味，取二升，去滓，内阿胶烊消，温服七合，日三服。

麻仁丸

麻子仁二升 芍药半斤 大黄一斤 厚朴一尺 杏仁一斤，熬研脂

上为末，炼蜜为丸如桐子大，每服十丸，日三服，渐加，以利为度。

桃花汤

赤石脂一斤，半合用，半筛末用 干姜一两 粳米一升

上以水七升，煮米令熟，去滓，温服七合，内石脂末方寸匕。以三服愈，余^①勿用。

猪肤汤

猪肤一斤

上以水一斗，煮五升去滓，加白蜜一升，白粉五合，熬香相得，温分六服。

① 余：原作“除”，据《伤寒论·辨少阴病脉证并治》改。

甘草汤

甘草二两

上以水三升，煮取一升半，去滓，温服七合，日二服。

桔梗汤

桔梗一两 甘草二两

上以水二升，煮取一升，去滓，分温再服。

苦酒汤

苦酒 半夏十四枚 鸡子一个，去黄，内上，着鸡子壳中

上内夏著苦酒中，以鸡子壳置刀环中，安火上三沸，去滓，少少含咽之。不差，更作三服。

半夏散

半夏 桂枝 甘草炙，各等分

上各捣筛合治，白饮和服方寸匙，日三服。若不能散，以水一升煎七沸，内散方寸能更煎三沸，下火令小冷，少少咽之。

白通汤

葱白四茎 干姜一两半 附子一个，生用，去皮尖，作八片

上以水三升，煮取一升，去滓，分温再服。

真武汤

茯苓 芍药 生姜各三两 白术二两 附子一枚

上以水八升，煮三升，去滓，温服七合，日三服。咳加五味子半升，细辛、干姜各一两。小便利去茯苓，下利去芍药加干姜二两。呕加生姜去附子，足前成半斤。少阴下利清谷，里寒外热，手足厥逆，脉微欲绝，身反不恶寒，其人面赤色，或腹痛，或干呕，或咽痛，或利止脉不出者，通脉四逆汤主之。

乌梅丸

乌梅三百个 人参 附子 桂枝 黄柏 细辛各一两 黄连

一斤 当归 蜀椒去汗，各四两 干姜十两

上各捣筛为末，以苦酒渍乌梅一宿，去核，蒸五升米饮下，以饭熟捣如泥，和药相得内，用中杵二千下，丸如桐子大。先食服十丸，日三服，至二十丸。禁生冷、臭食、滑物。

理中丸

人参 白术 干姜 甘草炙，各三两

双解散

石膏 干葛 防风 羌活 陈皮 白芷 甘草

上各等分，水煎服。如自汗多加黄芪。

承气汤

大黄 芒硝 枳实 黄芩 桔梗 杏仁

上加铁锈水、白水各半，滚过三沸，入药煎，加酒大黄、芒硝，取下黑物水为度。

一救散

枳实 大黄 芒硝 麝香 皂荚

上用滚水入黄末煎服。

凉膈散

连翘 山栀 大黄 黄芩 薄荷叶各一两或七钱 朴硝 竹叶三十片 甘草一两七钱

上咀每服一两，水二盏，煎一盏去滓，入生蜜少许，不计时服，温热服之，以通利为。

白虎汤

知母一两五钱 石膏四两 甘草一两 粳米一斗

上咀每服一两，水一钟半入粳米，先煎半热入诸药，再煎数沸，温服。甚者加人参亦宜，服取效。

解毒汤

黄连 黄柏 黄芩 山梔各等分

上咀每服五钱，水一钟半，煎至一钟，温热服。

天水散

桂□ 滑石六两 甘草炙，一两

上为细末，每服半钱，姜汁、蜜汤任意服。发表加豆豉、葱根煎汤调服。

白术散

白术 人参 白茯苓各三钱 木香二钱半 藿香五钱 葛根甘草各一两

上为末，白汤调下。烦渴加滑石二两，甚加姜汁服。

附子汤

附子一枚，生用 人参 白术 茯苓 芍药各一两

上用水二钟，煎一钟，去滓服，再煎二次。

正阳散

附子 吴茱萸 良姜 甘草各等分

上用泥浆水入蜜一匙，煎三次服。

回阳汤

羌活 全蝎 升麻根 甘松各二分 草乌头 水蛭各三分
大椒 三奈子 萆拔 枯矾各五分 柴胡 川乌各七分 炒黄盐
破故纸 蒜各二钱 虻虫三个，炒，去翅足用

上为极细末，蜜丸如弹子大，内阴户中，日易之，觉暖为效。不瘥，再丸治之。

返阴丹

羌活 柴胡 枯矾 甘松 升麻各二分 川乌梅 大椒 三
奈子各五分 蒜七分 破故纸与蒜同煮，焙干，八分 全蝎三个 麝

香少许

上为细末，蜜丸如弹子大，绵裹纳阴户中，日易之。

春泽汤

泽泻 猪苓 茯苓 白术 桂心 人参 柴胡 麦门冬

上八味，水、灯心煎服。

术附汤

白术 附子 甘草

上三味，水、姜煎服。

续命汤

八珍汤 即四物汤四君子汤。

羌活汤

羌活 前胡 石膏 白茯苓 枳壳 黄芩 甘菊花 防风

细辛 甘草 蔓荆子 麻黄

上十二味，水、姜、鸡苏煎服。

三气散

藿香 白术 厚朴 陈皮 茯苓 半夏 紫苏 桔梗 白

芷 香薷 黄连 白扁豆 大腹皮 甘草

上十四味，水、姜、葱根煎服。

赤衣散 即烧裈散，妇人裤裆烧灰服。

羌活散

解毒散

败毒散

五积散

白芷三两 陈皮去皮六两 川芎 桔梗去芦，十二两 甘草炙

茯苓去皮，各二两 枳壳炒，六两 当归去芦 芍药各三两 麻黄根

三两 半夏洗，二两 肉桂去皮 干姜四两 炮苍术米泔浸洗，去皮，

二十四两 厚朴去皮，姜制，四两

每服四钱，水一盞半，姜三片，葱三根，煎七分。

二香汤 即藿香正气散加香薷扁豆。

柴苓汤 即小柴胡合四苓散。

理苓汤 即理中合五苓散。

藿苓汤 即藿香正气合五苓散。

治中汤

人参去芦 甘草炙 干姜炮 白术 青皮去白 陈皮去白，各一两

服二钱，水一盞，煎七分，空心服，吐不已，加半夏，等分。

神术汤 即羌活冲和汤^①加石膏、知母。

冲和汤 即九味羌活汤。有汗用白术，无汗用苍术。

三物汤

麻黄君 杏仁臣 甘草佐

上三味，水、姜煎服。

四物汤

芎、归、芍、地黄四味。

柴苓汤

柴胡、黄芩二味。

茅花汤 即此一味。

茅根汤 即此一味。

酸枣汤

酸枣四升 麦门冬一升 甘草炙，二两 知母一两 茯苓去皮

川芎 干姜三两，炮

① 冲和：底本不清，据《伤寒六书·杀车槌法》卷之三补。

水二钟，煎七分服。

姜附汤

干姜一两 附子生，去皮脐，细切，一枚

服三钱，水盏半，煎七分。

即济汤 即参胡温胆汤加熟附子。

大黄汤

大黄二两

上用好酒二盏，浸半日，煎至一盏，去大黄，将酒分二服。如未止，用服以利为度。复服芍药汤和之，痢止，用服黄芩芍药汤，以彻其毒也。

五虎汤

升君汤 即四君子汤合升麻葛根汤。

化气汤

沉香 胡椒各一两 缩砂 桂心各去皮 木香各二两 甘草炙 陈皮去白，炒 丁皮各四两

为末服二钱。生姜紫苏汤调下，女子淡姜汤。

四字汤名三十道

瓜蒌根汤

瓜蒌根君 石膏 人参 防风 干葛 知母臣 甘草佐

上七味，水、姜煎服。

小续命汤

麻黄 人参 黄芩 芍药 甘草 川芎 杏仁 防己 官桂各一两 防风 附子各半两

上十一味，每服五钱，水一钟半，姜五片，煎一钟，食前稍热服。

金沸草散

荆芥 前胡 旋覆花 芍药 甘草 麻黄 半夏

上七味，水、姜煎服。胸满加枳实，有热加柴、芩，头痛
疼加川芎。

大橘皮汤

陈皮 人参 甘草

上三味，水、姜煎温服。

小橘皮汤

陈皮 生姜 半夏 茯苓 厚朴

上五味，水、姜煎服。甚者加干姜。

六君子汤

人参 白术 茯苓 甘草 砂仁 陈皮

上六味，水、姜煎服。寒加干姜，外有热加姜汁黄连。

大陷胸汤

大黄 芒硝 甘遂

上三味，用水二钟，煎至八分，芒硝一二沸，去渣，入甘
遂末和匀，温服。如人行十里时，大便以利为度，勿再服，不
利再宜服之。

大陷胸丸

大黄三钱 葶苈二钱 芒硝二钱五分 杏仁二钱

上四味，先将大黄、葶苈为细末，后入芒硝、杏仁，共研
成膏，入甘遂末。人壮用一分，弱者用半分，研匀，入白蜜丸
如弹子大，每服一丸，用水一钟，煎至六分服，至一宿大便乃
利，如不利再服一丸，服须连渣服之，不去渣也。

小陷胸汤

黄连君 瓜蒌实臣 生姜 半夏佐

上四味，水、姜煎服。

三物白散

桔梗二钱 贝母一钱五分 巴豆一钱另研

上将二味为细末，入巴豆，研匀，以白汤调下。壮人五分，弱人二分半，服下，病在膈上则吐，膈下则泻。如服之不吐利，以热稀粥一盞饮之则吐利之。如未动，宜再服三分助其药力。如吐利不止，进冷稀粥一盞止之。

梔子仁汤

山梔 柴胡君 黄芩 芍药 石膏 知母臣 升麻 杏仁 甘草 豆豉佐

上十味，水煎服。

大建中汤

当归 白术君 芍药 门冬 黄芪 茯苓 人参 川芎 附子 熟地 茯苓臣 半夏 肉桂 甘草佐

上十四味，水、姜煎服。

酸枣仁汤

枣仁 茯神君 人参 石膏 知母臣 桂心 甘草佐

上七味，水、姜、枣煎服。

猥鼠粪汤

韭白根一握 鼠粪两头尖者十四粒

上二味，用水二钟煎服，不可热服，随证加减 有黏汗为效。阴阳易、女劳复皆可调烧裨散。

大青龙汤

麻黄六两去节 桂枝 甘草各二两 杏仁四十个 生姜三两，切 大枣十二个，擘 石膏如鸡子大，碎

上七味咀，水九升煮麻黄减二升，去上沫内诸药煮三升，

服三升，取微汗。汗多者以温粉扑之。一服汗停，后服汗多亡阳遂虚，恶风，烦躁，不得眠也。

小青龙汤

麻黄三两 芍药 干姜 细辛 桂枝 甘草各三两 五味子 半夏各半斤

上八味咀，水一斗煮麻黄减二升，去沫内诸药，煎三升，去滓温服一升。

五苓散方

猪苓 茯苓 白术十八铢 泽泻二两六铢 肉桂半两

上五味为末，以饮和服方寸匕，一服，多饮温暖水，汗出愈。

梔子豉汤

梔子十四枚 香豉四枚合绵裹

上二味，以水四升，先煮梔子，得二升半，入豉，煮取一升半，去滓，分二服，温进一服。得吐者，止后服。

小柴胡汤

柴胡 半夏各半斤 人参 黄芩 甘草 生姜各三两 大枣十二个

上七味，水一斗二升，煮六升，去滓，再煎三升，温服一升，日三服。

小建中汤

芍药六两 胶饴一升 桂枝 甘草 生姜各三两 大枣十二

上六味，水七升，煮三升，去滓，入胶饴，更上微大火消解。温服一升，日三服。呕家不可用建中汤，以甜故也。

大柴胡汤

柴胡 半夏各半斤 芍药 黄芩各三两 枳实四枚，切片 大黄 生姜各五两 大枣十二枚，擘

上七味，水七升，煮取二升半，去滓，大黄更上火微沸，下火先食，温服，日三服。当微利。

炙甘草汤 一名复脉汤

甘草四两，炙 生姜三两 人参二两 桂枝三两 生地八斤
阿胶二两 麦门冬 麻子仁各半斤 大枣十二个

上以清酒七升，先煮八味，取一升，去滓，内胶烔销尽，温，日三服。

大承气汤

芒硝三合 大黄四两 厚朴半斤 枳实五两

上以水一斗，先煮二物，取五升，去滓，内大黄，煮取二升，去滓，内硝，更上火微煮一两沸，分温服。得下，余勿服。

小承气汤

大黄四两 厚朴二两 枳实一两

上以水四升，煮取一升二合，去滓，分温二服。初服当更衣，不尔者，尽饮之。若更衣者，勿服之。

茵陈蒿汤

茵陈蒿六两 栀子十三枚 大黄二两

上以水一斗，先煮茵陈蒿，减六分，内二味，煮三升，去滓，分温三服。小便当利，尿如皂角汁状，色正赤，一宿复减，黄从小便去也。

吴茱萸汤

吴茱萸一斤 人参三两 生姜六两 大枣十三枚

上以水七升，煮二升，去滓，温服七合，日三服。

白头翁汤

白头翁二两 黄连 黄柏 秦皮各三两

上以水二升，煮二升，去滓温服一升，不愈，再服。

五味子汤

五味子 人参 麦门冬 杏仁 橘皮

上五味，水、姜、红枣煎服。

四君子汤

人参 茯苓 白术 甘草

上四味，水、姜、枣煎服。

五字汤名一百九十四道

疏邪实表汤

桂枝 芍药 甘草 防风 川芎 羌活 白术

上七味，水煎服。汗不止加黄芪。

栝楼桂枝汤

瓜蒌根_君 甘草 芍药_臣 桂枝 生姜_佐

上五味，大枣、水煎服。

桂心白术散

桂心 白术_君 附子 川芎_臣 甘草_佐

上五味，水、姜、枣煎服。

当归防风散

当归 防风_君 川芎 生地 白芍药 人参_臣 羌活_佐

上七味，水、姜煎服。

梔子升麻汤

茵陈 柴胡_君 山梔 黄芩 大黄_臣 升麻 龙胆_佐

上七味，人弱大便实，去大黄，加木通、猪苓。

葛根黄芩汤

葛根_君 黄芩 黄连_臣 甘草_佐

上四味，水、姜煎服。

附子防风汤

附子_君 白术、 防风 干姜 柴胡 茯苓 桂心_臣 甘草
五味_佐

上九味，水、姜煎服。

八物白术汤

白术_君 苍术 桂心 羌活_臣 五味 麻黄 良姜_佐

上七味，水、姜煎服。

普济消毒饮

柴胡 黄连 黄芩 玄参_君 桔梗 连翘 鼠粘子 白芷
马勃 僵蚕_臣 甘草 升麻_佐 板蓝根如无，用大青或青黛

上十三味，水煎，服后就卧，使药气上行。

荆防败毒散

荆芥 防风_君 独活 前胡 柴胡 川芎 枳壳 桔梗
薄荷 牛蒡子_臣 羌活 人参 茯苓 甘草_佐

上十四味，水煎服。

通圣消毒散

荆芥 防风_君 连翘 牛蒡子 川芎 当归 薄荷 黄芩
山梔 大黄 麻黄_臣 甘草 芍药 滑石 石膏 桔梗 芒硝

上十七味，水煎服。

清凉救苦散

芙蓉_二 桑叶 白蔹 白及 紫车前 大黄 黄连 黄柏
白芷 雄黄 芒硝 赤小豆

上十二味，各等分为末，用蜜水调。肿频扫之。

葛根龙胆汤

葛根 龙胆_君 石膏 升麻 桂枝 芍药 葳蕤 大青_臣
甘草_佐

上九味，水、姜煎服

知母葛根汤

干葛_君 知母 石膏 羌活 人参 防风 杏仁 川芎
薤白_臣 甘草 升麻 南星 木香_佐

上十三味，水、姜煎服。

十味香薷饮

香薷_君 人参 陈皮 白术 茯苓 黄芪 厚朴 扁豆

上七味，水、姜煎，入姜汁服之。

人参养胃汤

人参 茯苓 半夏 厚朴 陈皮 苍术 藿香 甘草
草果

上九味，水、姜煎之，姜汁和服。

茱萸四逆汤

茱萸 附子 干姜 甘草

上四味，水、姜煎，入姜汁服，去萸即四逆也。

旋覆代赭汤

旋覆花 代赭石 人参 半夏 甘草 生姜

上六味，水、姜煎服。内有热加黄连，外有热加柴胡，噫气不除加砂仁。

加味竹茹汤

陈皮 半夏 茯苓 甘草 竹茹 黄连 干葛 黄芩

上八味，水、姜煎服 心下满加枳实，胸满加枳、桔，胁满加青皮，外有热加柴胡。

羌活附子汤

羌活 附子_君 茴香 丁香_臣 干姜_佐

上五味，水、姜煎服，磨木香、姜汁温服之。

丁附理中汤

丁香_君 附子、干姜 人参 白术_臣 甘草_佐

上六味，水、姜煎，磨木香、姜汁温服。

橘皮干姜汤

橘皮 干姜

上二味，水煎服。

乳香硫黄散

乳香 硫黄 艾各二钱

上三味，为细末，好酒一钟，煎数沸，乘热气，病人鼻嗅之，外用捣生姜擦胸最效。

丁香柿蒂汤

丁香 柿蒂各一钱五分 茴香 干姜 良姜各一钱 陈皮等分

上六味，各为细末，用热姜汤调下，未止，宜再服。

柴胡桂枝汤

柴胡 黄芩 桂枝 干姜 瓜蒌仁 牡粉 甘草

上七味，水、姜煎服。

柴胡枳桔汤

柴胡 瓜蒌仁_君 黄芩 半夏 枳壳 桔梗_臣 甘草

上七味，水、姜煎服。

枳实理中汤

枳实 干姜 人参 白术_臣 甘草_佐

上五味，水、姜煎服。仍用生姜二两捣，渣擦胸中为要。

木香和中汤

砂仁_君 陈皮 白术 枳实 青皮_臣 半夏 甘草 木香_佐

上八味，水煎服。

防风芍药汤

防风 芍药

上二味，水煎服。

人参白术散

人参君 白术 茯苓 葛根 藿叶臣 木香 炙甘草佐

上七味，水、姜、枣煎服。

三黄熟艾汤

黄柏君 黄芩 黄连臣 熟艾 猪苓 泽泻 芍药佐

上七味，水、灯心、乌梅煎服。

四物阿胶汤

当归 黄连君 芍药 地黄 地榆 阿胶 川芎臣 甘草

乌梅佐

上九味，水煎，磨墨温服。

黄连鸡子汤

黄连君 芍药臣 阿胶佐

上三味，水煎服。

黄连胃风汤

黄连 当归君 人参 白术 茯苓 川芎 芍药臣 木香

官桂 粟米佐

上十味，水煎服。

加减芍药汤

芍药 当归君 地黄 黄连 阿胶 地榆 黄芩臣 川芎

木香 甘草

上十味，水煎服。

当归附子汤

当归君 川芎 熟地 芍药臣 附子君 阿胶 地榆 甘草

石脂 干姜 乌梅

上十一味，水、姜煎，磨墨调服。

桂附六合汤

官桂_君 川芎 当归 芍药 熟地 附子_臣

上六味，水、姜煎服。

升麻葛根汤

升麻_君 干葛 芍药_臣 甘草_佐

上四味，水煎服。

加味羌活散

羌活 柴胡_君 独活 前胡 枳壳 桔梗 人参 茯苓

川芎 芍药_臣 升麻 甘草_佐

上十二味，水、姜煎服。

消毒犀角饮

犀角 荆芥 薄荷_君 防风 牛蒡子_臣 甘草 桔梗

上七味，水煎服。

大青升麻汤

大青 升麻 山梔 黄连

上四味，水煎服。

犀角玄参汤

犀角_君 升麻 香附 黄芩 人参_臣 玄参 甘草_佐

上七味，水煎，加大青服。

玄参升麻汤

玄参_君 升麻_臣 甘草_佐

上三味，水煎服。

通脉四逆汤

干姜 附子 人参 甘草

上四味，水、姜煎，入童便、猪胆汁服，如烦躁冷服。

人参化斑汤

石膏君 人参 知母臣 甘草佐 粳米

上五味，水煎服，加竹叶，斑盛加大青。

苦酒鸡子汤

猪胆半酒盏 米醋一盏 鸡子黄一个

上三味，同煎至八分，作四次服，汗出乃愈。

茵陈犀角汤

茵陈 山梔 黄连君 龙胆草 黄柏 木通臣 升麻 犀

角佐

上八味，共捣为细末，每服二钱，真牛乳一钟，水一钟煎服。

茵陈五苓散

茵陈君 白术 茯苓 猪苓 泽泻臣 官桂佐

上六味，水煎服。

茵陈四逆汤

附子 茵陈君 干姜臣

上三味，水煎服。虚弱加人参。

茵陈茱萸汤

茱萸 茵陈君 当归 人参 干姜臣 木通 附子佐

上七味，水、灯心煎服。

茵陈理中汤

茵陈君 白术臣 干姜 人参佐

上四味，水、姜煎服。

阳毒升麻汤

桔梗君 犀角 升麻 射干臣 甘草佐

上五味，水煎服。

升麻六物汤

大青 梔子_君 升麻 杏仁_臣 黄芩 葱白_佐

上六味，水煎服。

加味升麻汤

黄芩 大青 石膏_君 苍术 麦冬 麻黄_臣 升麻_佐 淡竹

叶_□

上八味，水煎，温服取汁。

三黄石膏汤

黄连 石膏_君 黄芩 黄柏 山梔 知母 麻黄 豆豉_臣

甘草 升麻_佐

上十味，水、姜一片，加葱白煎服，取汗出愈。心烦加神砂。

人参杏仁汤

按此即小青龙汤加人参、杏仁也。

麻黄石膏汤

麻黄 石膏_君 杏仁_臣 甘草_佐

上四味，水、姜煎服。

加减五味汤

人参_君 麦冬 桑皮 五味 紫苏 桔梗 橘红_臣 杏仁_佐

上八味，水、姜煎，磨沉香服下。

苏陈九宝汤

麻黄 薄荷_君 桑皮 杏仁 苏叶 茯苓 陈皮_臣 甘草

官桂 生姜 乌梅_{半个佐}

上十一味，水加葱煎服。

加减泻白散

桑皮 黄芩_君 知母 橘红 桔梗 地骨皮 瓜蒌 苏子_臣

贝母 甘草_佐

上十味，水煎服。

桂苓甘草汤

茯苓_君 桂枝_臣 甘草_佐

上三味，煎服。

清心莲子饮

人参_君 黄芩 车前 麦冬 石莲肉 赤茯苓 地骨_臣 黄
芪 甘草_{稍佐}

上九味，水、灯心煎服。

滋阴化气汤

黄柏_君 知母 木通 生地_臣 甘草_{稍佐}

上五味，水、灯心煎服。

滋阴益气汤

人参 当归_君 黄芪 白术 陈皮 知母 黄柏 生地_臣
升麻 软柴胡 甘草 车前 麦冬_佐

上十三味，水、灯心煎服。

四物麻仁汤

当归_君 川芎 芍药 熟地 麻仁 附子干姜、肉桂煎服

当归润燥汤

当归_君 芍药 川芎 桃仁 熟地 麻仁_臣 淮生_佐

上七味，水煎服。

麻仁脾约丸

厚朴_{五钱} 麻仁_{一两} 枳实_{一两} 杏仁_{五钱}

上四味，炼蜜为丸，白汤送下，每服五十丸。

加味四逆汤

附子_君 干姜 人参_臣 甘草_佐

上四味，水煎服。

理中安蛔汤

干姜_君 人参_〃 白术 茯苓_臣 乌梅 花椒_佐

上六味，水、姜煎服。治蛔不可用甘草甜物，盖蛔得甘则动于上，得酸则静，见苦则安，得辛辣则头伏于下。如合丸用乌梅浸烂蒸热，捣如泥，入前末药，再捣如泥。每服十丸，米汤吞下。

加减滋阴汤

当归 生地 黄柏 知母 木通 猪苓 滑石 青皮 琥
珀 木香 甘草梢 山梔 篇蓄

上十三味，水、灯心煎服。

人参养荣汤

人参 当归_君 黄芪 白术 橘红 茯苓 川芎 地黄
麦冬_臣 五味 甘草 桂枝_佐

上十二味，水煎服。

梔子乌梅汤

梔子 黄芩 柴胡 甘草 乌梅 人参 麦冬 竹叶

上八味，水、姜、枣煎服。

加味温胆汤

半夏 竹茹 陈皮 枳实 甘草 枣仁 人参 茯神

上八味，水、姜、枣煎服。

黄连犀角汤

黄连 犀角 乌梅 木香

上四味，水煎服。

百合知母汤

百合_{七个}

制法如前：将知母二两，水二钟煎至一钟，温服。

百合代赭汤

百合七个

制法如前：水二钟，煎滑石二两，代赭一两，煎至一钟，和前百合汁，温服。

百合鸡子汤

百合七个

制法如前：水二钟，煎一钟如前，取汁入鸡子黄一枚，搅匀温服。

人参竹叶汤

人参 竹叶 麦冬 甘草 软柴胡 黄芩

上六味，水、姜、枣煎服。

参胡三白汤

人参 白茯苓 白术 白芍 柴胡

上五味，水、姜、枣煎服。

参胡温胆汤

人参 茯苓 柴胡 橘红 枳实 半夏 甘草

上七味，水、姜、枣煎服。

牡蛎泽泻散

牡蛎 泽泻 蜀漆 商陆 葶苈 海藻 瓜蒌根

上七味，水、姜、灯心煎服。胃虚者以五苓散加苍术、陈皮、木香、砂仁。若不虚者以商陆一味，煮粥食之亦妙。

内托消毒散

黄芪 白芷 连翘 羌活 川芎 赤芍 防风 桔梗 柴胡 归尾

上十味，加皂荚、升麻、金银花、甘草，煎服。

千金麦冬汤

麦冬 甘草、 竹叶 粳米 人参 黄芪 当归 柴胡
知母

上九味，水、姜、枣煎服。

瓜蒌竹茹汤

瓜蒌根 青竹茹

加減水煎，调烧裨散在内服。

当归白术散

当归 白术 附子 桂枝 炙甘草 白芍药 黄芪 人参
上八味，水、姜、枣煎服，调烧裨散在内。

千金赤衣散

用以室女月经布近阴处，剪一方烧灰调药服下，或白汤
送下。

补中益气汤

人参 白术 归身 陈皮 黄芪 白芍 甘草 升麻 软
柴胡

上九味，水、姜、枣煎服。

当归六黄汤

当归 黄柏 黄芩 黄连 黄芪 生地 熟地

上七味，水、姜、枣煎服。

加味补阴丸

熟地 生地 麦冬 五味 当归 白芍 川芎 白术 黄
芪 黄柏 知母 山药 砂仁 茯神

上十四味，炼蜜为丸，盐汤送下。冬月加干姜；梦遗加牡
蛎、蛤粉、锁阳；腰腿骨酸无力加虎骨、龟板、杜仲。

朱砂安神丸

朱砂 黄连 甘草 当归 生地

上五味，炼蜜为丸，朱砂为衣，点上金箔，灯心汤送下。
加人参、远志、酸枣仁、茯神。夜卧口干燥加麦冬、知母。有痰加橘红、半夏。口烦躁加山栀。

加味枳术丸

枳实 白术 神曲 麦芽 陈皮 山楂

上六味，各为细末，荷叶包饭煨熟，和为丸如桐子大。每服五十丸，白汤送下或姜汤送下亦可。

知母麻黄汤

知母 麻黄 桂枝 甘草 芍药 黄芩

上六味，水姜煎服。

生料五积散

枳壳 麻黄去节 白芍药各四钱 当归 半夏各一钱 官桂
川芎 白芷 厚朴 干姜 桔梗 苍术 茯苓 陈皮各五钱 甘草二钱

上十五味，生姜七片，水酒各一半，温服。

干姜甘草汤

甘草四两 干姜二两，切

上二味，咀，水三升，煮取一升半，去滓温服。

芍药甘草汤

白芍药四两 甘草四两，炙

上二味，煎法同。

调胃承气汤

大黄四两 芒硝半升 甘草二两，炙

上三味，水三升，煮一升，去滓，内芒硝微煮。令沸，少

少温服。

干姜附子汤

干姜一两 附子一个，生用
上二味，水煮去滓，顿服。

桂枝甘草汤

桂枝四两 甘草三两炙
上二味，水煮去滓，顿服。

茯苓四逆汤

茯苓六两 人参一两 附子一个，生，破八片 甘草一两 干姜一两半

上五味，水五升，煮二升，去滓，温服七合，日三服。

茯苓甘草汤

茯苓 桂各二两 生姜三两 甘草二两
上四味，水四升，煮二升，温服三次。

梔子厚朴汤

梔子十四枚 厚朴四两 枳实四两
上三味，水三升半，煮一升半，去滓，分二服温。一服得吐，止。

梔子干姜汤

梔子十四枚 干姜二两
上二味，水三升半，煮一升半，去滓，分二服温进。一服得吐，止。

半夏泻心汤

半夏半斤 人参 黄芩 干姜 甘草各三两 黄连一两 大枣十二枚
上七味，水煮服。

桂枝人参汤

桂枝四两 白术 人参 干姜 甘草各三两

上以水九升，先煮四味，取五升，内桔梗，取三升，温服。

桂枝附子汤

桂枝四两 附子三枚，破八片 生姜三两 甘草二两 枣十二个

上以水六升，煮三升，去滓，温服，日三服。

甘草附子汤

甘草 白术各一两 附子二枚 桂枝四两

上以水六升，煮三升，去滓，温服一升，日三服。初服，得微汗则解，能食，汗出。复烦，服五合。恐一升多者，宜服六七合。

梔子柏皮汤

梔子十五 甘草一两 黄柏二两

上以水四升，煮一升半，去滓，分温再服。

黄连阿胶汤

黄连四两 阿胶二两 芍药二两 黄芩一两 鸡子黄二个

上以水五升，煮三物，取二升，去滓，内胶烊尽，少冷，内鸡子黄，搅令相得，温服七合，日三服。

当归四逆汤

当归 桂枝 芍药 细辛各三两 大枣二十五个 通草 甘草各一两

上以水八升，煮三升，去滓，温服一升，日三服。

麻黄升麻汤

麻黄二两半 升麻一两一分 当归一两二分 知母 黄芩 葳蕤各十八铢 石膏 白术 干姜 芍药 天门冬 桂枝 茯苓 甘草各六铢

上先煮麻黄，减三分后，下诸药，煮取三升，日三服。

桂枝加枝汤

本方内加桂枝二两，共五两煎服同。

生姜泻心汤

生姜四两 人参 黄芩 甘草各三两 黄连 干姜各一两 半夏半升，洗 大枣十二枚，擘

上以水一斗，煮六升，去滓，再煎三升，温服一升，日三升。

附子泻心汤

附子一枚，煮汁 大黄一两 黄连 黄芩各一两

上以沸汤二升清之，须臾绞去滓，内附子汁，温分作三服。

甘草泻心汤

甘草四两 黄芩 干姜各三两 半夏半升 黄连一两

上以大枣六个，水一斗，煮六升，去滓，再煎三升，每服一升。

越婢不二饮

桂枝 赤芍药 白皮 甘草

上各等分，腹满硕者加大黄生末，滚水煎服，取利为度。

霹雳四逆汤

大黄 芒硝 枳实 槟榔 甘遂

上用滚泉煎服。

加减五苓散

猪苓 泽泻 滑石一两 茯苓 白术半两 木通 桂 甘草
五钱

上为细末，每服五钱，生姜汁、蜜少许，白水煎汤调下。

大黄泻心汤

大黄 黄芩 黄连各等分 半夏曲三钱

上水煎去滓，通口服。若有宿食，加半夏曲三钱，煎服

葛根解肌汤

葛根二钱 黄芩 芍药各一钱 麻黄四钱 桂枝 甘草各五钱

上水、枣煎服，如不解，重发汗。

升麻葛根汤

升麻 葛根 芍药 甘草各二钱

上水煎服，加柴胡、人参、白茯苓各一钱尤可。

阴毒甘草汤

甘草 升麻 当归 桂枝各一钱 蜀椒 雄黄各一钱五分 鳖

甲炙，三钱

上水煎，去滓，温服。如人行五里，更进一服，温覆取汗，毒当随汗出，愈。未汗再服。

十味芎苏散

川芎 紫苏 桔梗 柴胡 茯苓 半夏 枳壳 陈皮 干葛 甘草

上十味，水、姜、枣煎服。

十味温胆汤

半夏 枳实 橘红 白茯苓 酸枣 远志 五味 地黄 人参 甘草

上十味，水、姜、枣煎服。

梔子豆豉汤

肥梔子 香豉

上二味，水煎服。

藿香安胃散

藿香 半夏、厚朴 苍术 陈皮 甘草

上六味，水、姜煎服。

木香枳术丸

枳实 白术 木香

上三味，为末服。

橘皮枳术丸

橘红 枳实 白术

上三味，为末服。

人参竹沥汤

猪肤甘桔汤

茵陈五苓汤

五味羌活汤

当归导濡汤

龙骨牡蛎汤

葛根半夏汤 即葛根汤加半夏、生姜。

解肌桂枝汤

苍术白虎汤

柴葛解肌汤 即小柴胡汤加干葛、芍药。

柴胡建中汤 即小柴胡去苓加芍药、桂枝。

柴胡连枳汤 即小柴胡汤加黄连、枳实。

柴胡养阴汤 即小柴胡汤去半夏加门冬、五味、知母、王柏。

柴胡陷胸汤 即小柴胡去参加瓜蒌、枳、桔、黄连。

柴胡解毒汤 即小柴胡汤加黄柏、栀子、辰砂末。

加减玄武汤

滋阴清热汤 即小柴胡加牡蛎、知母、黄柏。

黄连一物汤

桂枝六合汤

桂枝救逆汤

枳桔理中汤 即理中汤加木香、砂仁。

桂枝柴胡汤

桂枝术附汤

桂枝冲和汤

竹叶烧辉汤

温热生脉汤 即小柴胡去参加门冬、五味

加减冲和汤

附子四逆汤

柴胡桂姜汤

柴胡四两 桂枝去皮 黄芩各一两半 瓜蒌根二两 甘草炙
牡蛎炮，碎，炒 干姜炮，各一两

服五分，水一盞半，煎服。

麻桂各半汤

桂枝一钱 麻黄去根节 芍药 生姜 甘草炙，各五钱 杏仁
十二个

服五钱水盞半，煎八分。

白术甘草汤

生脉四逆汤

四物冲和汤

参胡石膏汤 即小柴胡合白虎汤。

青黛一物汤

加减二陈汤

人参败毒散

黄芩 柴胡^{去节} 甘草^炙 桔梗 人参^{去芦} 羌活^{去苗} 芎
蓉 茯苓^{去皮} 枳壳^{面炒} 前胡^{去苗} 独活^{去苗}，各等分钱 同煎服。

茵陈四苓散

冲和羌活散

香砂平胃散

香附平胃散

十味苦苏散

正气和解散 即藿香正气散加柴胡干葛。

加减五积散

六神通解散

香连枳术丸

温中枳术丸

六字汤名一十八道

麻黄加独防汤

麻黄^君 桂枝 杏仁 独活 防风^臣 甘草^臣
上六味，水、姜煎服。

小柴胡姜桂汤

柴胡 桂枝 干姜 黄芩 天花粉 牡蛎 甘
上七味，水、姜煎服，加木通。

藿香姜安胃汤

藿香 半夏 陈皮 白术 甘草 茯苓 干姜
上七味，水、姜煎服。吐加姜汁，寒加附桂。

加味小柴胡汤

软柴胡^君 人参 黄芩^臣 半夏^炙 甘草^佐

上五味，水、姜煎温服。

加味酸枣仁汤

枣仁 茯神 当归君 知母 麦冬 川芎 甘草 干姜佐
上姜、枣煎，调辰砂末服。

又加味温胆汤

温胆汤去枳实，加黄连、生地、软柴胡、当归身、川芎、白芍。

上味水、姜、乌梅煎，调辰砂末服。

枳实栀子豉汤

枳实 山栀仁 豆豉

上三味，水煎服。

双解加解毒汤

防风 当归 芍药 大黄 麻黄 连翘 芒硝各半两 石膏
黄芩 桔梗各一两 滑石四两 甘草二两 荆芥 白术各四两 山
栀四两 薄荷半两

上姜、枣、水煎服。

不换金正气散

苍术米泔浸 陈皮去白，各五钱 藿香二钱 半夏泡，三 厚朴
姜制，四钱 甘草二钱

上六味，姜五片，葱一根，煎服。

葛根加半夏汤

葛根四两 麻黄泡，去节 生姜各三两 芍药 甘草各二两
桂枝 枣十二个 半夏泡一次

上水煎服，取微汗。

白虎加人参汤

本方加人参三两，煎法同。

梔子甘草豉汤

本方加生姜两^①，煎法同。

桂枝加芍药汤

本方加芍药共六两，煎法同。

白虎合解毒汤

四逆加茱萸汤

小柴胡加减汤

小柴胡枳实汤

解大黄芒硝汤

七字汤名三十一道

小柴胡加防风汤

柴胡_君 人参 黄芩 防风_臣 甘草 半夏_佐

上六味，水、姜煎服。

加减藿香正气散

藿香 厚朴 陈皮 甘草 半夏 白术 茯苓 紫苏

干姜

上九味，水、姜煎服。

又加味小柴胡汤

黄连 黄柏 乌梅 细辛 楝树皮 花椒 干姜

上味水、姜煎服，治吐蛔，身热不退。

橘皮半夏生姜汤

陈皮 半夏 生姜

上三味，水、姜煎，和姜汁服。

① 两：此前疑脱剂量

加味柴胡桂枝汤

柴胡 黄连_君 黄芩 人参 桂枝 枳实_臣 半夏 甘草
水、姜煎服。

加味犀角地黄汤

犀角 生地_君 牡丹皮 赤芍_臣 大黄_佐
上水煎，温服。

葛根黄芩黄连汤

干葛 黄连_君 黄芩_臣 甘草_佐
上水煎服。

加味三黄石膏汤

黄连 黄芩 黄柏 山梔 石膏 知母 升麻 芍药 玄
参 甘草 粳米
上水煎服。

茱萸当归四逆汤

附子_君 干姜 当归 茱萸 青皮_臣 甘草梢 通草_佐 肉
桂少许，引达下焦
上水、姜、灯心煎，磨木香温服，外用揉法。

加味人参养荣汤

人参 白术 茯苓 甘草 川芎 当归 生地 五味 麦
冬 肉桂 黄芪 芍药
上水、姜、枣煎服。

加味黄芪建中汤

黄芪 白芍 官桂 当归 饴糖 人参 白术 牡蛎 大
枣 麻黄根
上水、姜煎服。

桂枝二越婢一汤

桂枝 芍药 麻黄 甘草各十八铢 生姜一两三铢 大枣十四个 石膏二十四铢，绵裹

上水先煎麻黄一二沸，去沫，入诸药煎，去滓温服。

芍药甘草附子汤

芍药 甘草各三钱 附子一枚，炮

上三味，水煎，温服，疑非仲景意。

柴胡桂枝干姜汤

柴胡半斤 瓜蒌根四两 桂枝 黄芩各三两 干姜 牡蛎各二两 甘草一两八分

上水煎，温服，日三服。初服微烦，再服汗出便愈。

大黄黄连泻心汤

大黄二两 黄连一两

上水煮麻沸汤二升，渍之，须臾绞去滓，分温再服。

赤石脂禹余粮汤

赤石脂一斤 禹余粮一斤，碎

上水煎二服。

旋覆花代赭石汤

旋覆花三两 人参二两 生姜五两 代赭石一两 半夏半斤 大枣十二枚 甘草四两

上水煎，去滓，再煎，温服，日三服，夜一服。

麻黄附子甘草汤

麻黄二两 甘草二两 附子一个

上水煎取麻黄一二沸，去上沫，入诸药，去滓服。

麻黄附子细辛汤

麻黄 细辛各三两 附子一个，破八片

上水先煎麻黄去去沫，入诸药，去滓服。

白通加猪胆汁方

葱白四茎 干姜两半 附子一枚，生用，作八片 人尿五合 猪胆汁一合

上以水煎，去滓，入猪胆汁、人尿，和合相得，分温再服。若无猪胆亦可用。

小柴胡加芒硝汤

本方加芒硝六两，煎，不解更服。

桂枝芍药人参汤

防风白术牡蛎汤

小柴胡合二陈汤

加味理中安蛔汤

蜜黄附子四逆汤

知母柴胡清热汤

小柴胡合解毒汤

大黄黄连黄芩汤

小柴胡人参陷胸汤

八字汤名四道

桂枝加川芎防风汤

桂枝君 川芎 防风 白芍臣 甘草佐

上水、姜煎服。

柴胡加龙骨牡蛎汤

柴胡四两 龙骨 牡蛎 人参 牡丹 茯苓 桂枝各两半
半夏二合 大黄二两 生姜二两 大枣六枚

上水八升煎四升，入大黄，切如棋子，更煎一二沸，去滓，

温服□升。

黄芩加半夏生姜汤

本方内加半夏半升，生姜一两煎法同。

双毒解散加解毒汤

防风 川芎 当归 芍药 大黄 麻黄 连翘 芒硝各五钱
石膏 黄芩 桔梗 滑石 甘草各二两 荆芥 栀子 白术各五钱
上每服一两，姜三片，水二中煎一中，通口服一方，加桂枝二两。

九字汤名一十四道

桂枝茯苓白术甘草汤 即此四味水煎服。

麻黄杏仁甘草石膏汤

麻黄四两 杏仁十五个 甘草二两 石膏半斤，碎绵裹
上先煎麻黄，去沫，入诸药，煎服。

茯苓桂枝甘草大枣汤

茯苓半斤 桂枝四两 甘草二两 大枣十五个

上以甘澜先煎茯苓，后入诸药煎服。作甘澜水法：取水二斗置大盆内，以杓扬之，上有珠子五六千颗相逐取用，又名扬泛水。

茯苓桂枝白术甘草汤

茯苓四两 桂枝三两 白术 甘草各二两
上水煎温服。

桂枝甘草龙骨牡蛎汤

桂枝一两 甘草 牡蛎熬 龙骨各二两
上为末，水煎去滓，温服八分，日三服。

麻黄连翘赤小豆方汤

麻黄二两 赤小豆一升 连翘二两，连翘根也 杏仁四十个 大

枣十二个 生梓白皮一斗 苦生姜 甘草各二两

上以潦水，先煎麻黄，再沸入药，分温三服，半日服尽，

干姜黄连黄芩人参汤

上等分，水煎，去滓，分温再服

四逆加吴茱萸生姜汤

本方内加吴茱萸二升，生姜半斤。

煎法同。

加减消风十全大补汤

白术 茯苓 当归 麦门冬各二两 人参 川芎 黄芪 豆蔻 官桂 陈皮 枳壳 厚朴 木香 地骨皮 甘草各一两 牛黄 乌梅各一钱

上为细末，面糊丸如桐子大，每服五十丸，好酒或盐汤下

蜀漆牡蛎龙骨救逆汤

小柴胡加桂枝芍药汤

柴胡桂枝麻黄各半汤

甘草附子汤合五苓散

藿香正气散合养胃汤

十字汤名二道

桂枝加芍药防风防己汤

桂枝君 防风 防己臣 白芍佐

上水、姜煎服。

桂枝去桂加茯苓白术汤

本方去桂，加茯苓、白术各三两。

上煎服，小便利则愈。

十一字汤名二道

厚朴生姜甘草半夏人参汤

厚朴 生姜 半夏各半斤 人参一两 甘草二两

上水煎温服。

桂枝新加芍药生姜人参汤

本方加芍药、生姜各一两，人参三两，上煎法同。

十三字汤名一道

桂枝去芍药加蜀漆龙骨牡蛎救逆汤

桂枝 蜀漆洗，去腥 生姜各三两 龙骨四两 牡蛎七两，熬
甘草二两 大枣十二枚，擘

上为末，水一斗二升煮蜀漆，减二升，入诸药，取三升，服。

校注后记

一、关于书名

原书书名《新刊伤寒撮要》和《伤寒撮要》混用，本书书名定名为《伤寒撮要》的依据如下：①根据上下文对校的原则：原书中卷一目录、卷二目录、卷四目录和卷一之卷首均为《新刊伤寒撮要》；原书中封面、序一、序二，各卷卷尾结束语，卷一目录、卷二目录、卷四目录之结尾语均为《伤寒撮要》。②根据中医古籍考证：丹波元胤著《中国医籍考》有“（缪氏存济《伤寒撮要》）医藏目录四卷（今本作六卷）存”的记载。③根据中医人物考证，如：李经纬著《中医人物词典》：“缪存济，明医家。字慕松。苏郡长洲（今江苏苏州）人。缪侍御公让之长孙。少攻举子业，游学姚江（今浙江东部），后多疾，就叔习医，遍阅古今诸科方略，遂通其术，尤精于伤寒。审知伤寒为百病之最，自仲景而下，著述代不乏人，乃采前人已试之成法，参以己意，撰成《伤寒撮要》六卷（1567）。”④根据现代文献考证：《江苏医著（二）》（吴考槃，南京中医学院学报，1982，4：57—60）：“缪存济，字慕松，明，常州人。著《伤寒撮要》六卷、《识病捷法》十卷，徐行序为‘医宗之捷径，用药之法案’。”据以上4点，本书书名定名为《伤寒撮要》。

二、关于版本

《伤寒撮要》国内现存版本为明代隆庆元年汪滋初刻本，

分藏于首都图书馆、浙江图书馆和中国中医科学院图书馆。该书有序，无跋，半叶 10 行，行 23 字，小字双行字同，白口，左右双边，单黑鱼尾间单白鱼尾，半框 18.8 厘米 × 12.2 厘米，佚名圈点、批校。

本次整理以明隆庆一年丁卯（1576）新安汪滋刻本为底本，以《伤寒全生集》之明崇祯十三年（1640）庚辰娄东蔡懋德刻本、《伤寒全生集》之明步月楼刻本、《伤寒论》之明万历二十七年赵开美校刻仲景全书本为他校本。

总 书 目

医 经

内经博议
内经精要
医经津渡
灵枢提要
素问提要
素灵微蕴
难经直解
内经评文灵枢
内经评文素问
内经素问校证
灵素节要浅注
素问灵枢类纂约注
清儒《内经》校记五种
勿听子俗解八十一难经
黄帝内经素问详注直讲全集

基础理论

运气商
运气易览
医学寻源
医学阶梯
病机纂要
脏腑性鉴
校注病机赋
松菊堂医学溯源

脏腑证治图说人镜经
内经运气病释医学辨正
藏腑图书症治要言合璧
淑景堂改订注释寒热温平药性赋

伤寒金匱

伤寒考
伤寒大白
伤寒分经
伤寒正宗
伤寒寻源
伤寒折衷
伤寒经注
伤寒指归
伤寒指掌
伤寒点精
伤寒选录
伤寒绪论
伤寒源流
伤寒撮要
伤寒纘论
医宗承启
伤寒正医录
伤寒全生集
伤寒论证辨
伤寒论纲目

伤寒论直解
伤寒论类方
伤寒论特解
伤寒论集注（徐赤）
伤寒论集注（熊寿诚）
伤寒微旨论
伤寒溯源集
伤寒启蒙集稿
伤寒尚论辨似
伤寒兼证析义
张卿子伤寒论
金匱要略正义
金匱要略直解
高注金匱要略
伤寒论大方图解
伤寒论辨证广注
伤寒活人指掌图
张仲景金匱要略
伤寒六书纂要辨疑
伤寒六经辨证治法
伤寒类书活人总括
订正仲景伤寒论释义
伤寒活人指掌补注辨疑

诊 法

脉微
玉函经
外诊法
舌鉴辨正
医学辑要

脉义简摩
脉诀汇辨
脉学辑要
脉经直指
脉理正义
脉理存真
脉理宗经
脉镜须知
察病指南
四诊脉鉴大全
删注脉诀规正
图注脉诀辨真
脉诀刊误集解
重订诊家直诀
人元脉影归指图说
脉诀指掌病式图说
脉学注释汇参证治
紫虚崔真人脉诀秘旨

针灸推拿

针灸全生
针灸逢源
备急灸法
神灸经纶
推拿广意
传悟灵济录
小儿推拿秘诀
太乙神针心法
针灸素难要旨
杨敬斋针灸全书

本草

药征

药鉴

药镜

本草汇

本草便

法古录

食品集

上医本草

山居本草

长沙药解

本经经释

本经疏证

本草分经

本草正义

本草汇笺

本草汇纂

本草发明

本草发挥

本草约言

本草求原

本草明览

本草详节

本草洞诠

本草真诠

本草通玄

本草集要

本草辑要

本草纂要

识病捷法

药征续编

药性提要

药性纂要

药品化义

药理近考

炮炙全书

食物本草

见心斋药录

分类草药性

本经序疏要

本经续疏证

本草经解要

分部本草妙用

本草二十四品

本草经疏辑要

本草乘雅半偈

生草药性备要

芷园臆草题药

明刻食鉴本草

类经证治本草

神农本草经赞

艺林汇考饮食篇

本草纲目易知录

汤液本草经雅正

神农本草经会通

神农本草经校注

分类主治药性主治

新刊药性要略大全

鼎刻京板太医院校正分类青囊药性赋

方 书

医便

卫生编

袖珍方

内外验方

仁术便览

古方汇精

圣济总录

众妙仙方

李氏医鉴

医方丛话

医方约说

医方便览

乾坤生意

悬袖便方

救急易方

程氏释方

集古良方

摄生总论

辨症良方

卫生家宝方

寿世简便集

医方大成论

医方考绳愆

鸡峰普济方

饲鹤亭集方

临证经验方

思济堂方书

济世碎金方

揣摩有得集

亟斋急应奇方

乾坤生意秘韞

简易普济良方

名方类证医书大全

南北经验医方大成

新刊京本活人心法

临证综合

医级

医悟

丹台玉案

玉机辨症

古今医诗

本草权度

弄丸心法

医林绳墨

医学碎金

医学粹精

医宗备要

医宗宝镜

医宗撮精

医经小学

医垒元戎

医家四要

证治要义

松厓医径

济众新编

扁鹊心书

素仙简要
慎斋遗书
丹溪心法附余
方氏脉症正宗
世医通变要法
医林绳墨大全
医林纂要探源
普济内外全书
医方一盘珠全集
医林口谱六法秘书

温病

伤暑论
温证指归
瘟疫发源
医寄伏阴论
温热论笺正
温热病指南集
瘟疫条辨摘要

内科

医镜
内科摘录
证因通考
解围元藪
燥气总论
医法征验录
医略十三篇
琅嬛青囊要
医林类证集要

林氏活人录汇编
罗太无口授三法
芷园素社痰疟论疏

女科

广生编
仁寿镜
树蕙编
女科指掌
女科撮要
广嗣全诀
广嗣要语
广嗣须知
宁坤秘籍
孕育玄机
妇科玉尺
妇科百辨
妇科良方
妇科备考
妇科宝案
妇科指归
求嗣指源
茅氏女科
坤元是保
坤中之要
祈嗣真詮
种子心法
济阴近编
济阴宝筏
秘传女科

秘珍济阴
女科万金方
彤园妇人科
女科百效全书
叶氏女科证治
妇科秘兰全书
宋氏女科撮要
节斋公胎产医案
秘传内府经验女科

儿 科

婴儿论
幼科折衷
幼科指归
全幼心鉴
保婴全方
保婴撮要
活幼口议
活幼心书
小儿病源方论
幻科百效全书
幼科医学指南
活幼心法大全
补要袖珍小儿方论

外 科

大河外科
外科真诠
枕藏外科
外科明隐集

外科集验方
外证医案汇编
外科百效全书
外科活人定本
外科秘授著要
疮疡经验全书
外科心法真验指掌
片石居疡科治法辑要

伤 科

正骨范
伤科方书
接骨全书
跌打大全
全身骨图考正

眼 科

目经大成
目科捷径
眼科启明
眼科要旨
眼科阐微
眼科集成
眼科纂要
银海指南
明目神验方
银海精微补
医理折衷目科
证治准绳眼科
鸿飞集论眼科

眼科开光易简秘本
眼科正宗原机启微

咽喉口齿

咽喉论
咽喉秘集
喉科心法
喉科杓指
喉科枕秘
喉科秘钥
咽喉经验秘传

养 生

易筋经
山居四要
寿世新编
厚生训纂
修龄要指
香奁润色
养生四要
养生类纂
神仙服饵
尊生要旨
黄庭内景五脏六腑补泻图

医案医话医论

纪恩录
胃气论
北行日记
李翁医记
两都医案

医案梦记
医源经旨
沈氏医案
易氏医按
高氏医案
温氏医案
鲁峰医案
赖氏脉案
瞻山医案
旧德堂医案
医论三十篇
医学穷源集
吴门治验录
沈芊绿医案
诊余举隅录
得心集医案
程原仲医案
心太平轩医案
东皋草堂医案
冰壑老人医案
芷园臆草存案
陆氏三世医验
罗谦甫治验案
周慎斋医案稿
临证医案笔记
丁授堂先生医案
张梦庐先生医案
养性轩临证医案
养新堂医论读本

祝茹穹先生医印
谦益斋外科医案
太医局诸科程文格
古今医家经论汇编
莲斋医意立斋案疏

医史

医学读书志
医学读书附志

综合

元汇医镜
平法寓言
寿芝医略
寿身小补
杏苑生春
医林正印
医法青篇
医学五则
医学汇函
医学集成

医学辩害
医经允中
医钞类编
证治合参
宝命真詮
活人心法
家藏蒙筌
心印绀珠经
雪潭居医约
嵩厓尊生书
医书汇参辑成
罗氏会约医镜
罗浩医书二种
景岳全书发挥
新刊医学集成
胡文焕医书三种
铁如意轩医书四种
脉药联珠药性食物考
汉阳叶舟丛刻医集二种



责任编辑 高 欣
封面设计 古 骥


内容提要

《伤寒撮要》，明代缪存济著。全书共分六卷，卷一总论，简要阐述全书大意宏旨。卷二至卷六序贯相连。卷一述伤寒识病；卷二列伤寒六经病证治、变证治法及禁忌；卷三论正伤寒、相类伤寒、伤寒变病及治疗；卷四、卷五仍为伤寒变病及治疗；卷六列伤寒用方49首。本次整理以明隆庆一年（1576）新安汪滋刻本为底本。



上架建议 中医古籍

ISBN 978-7-5132-2158-0



9 787513 221580 >

定价：58.00元

读中医药书，走健康之路

扫一扫 关注中国中医药出版社系列微信



服务号
(zgzyyccbs)



中医出版
(zhongyichuban)



养生正道
(yszhengdao)



悦读中医
(ydzhongyi)